

R. P.

2
285

ANTONII RVVIO RODENSIS,

DOCTORIS THEOLOGI SO-
CIETATIS IESV, SACRÆ THEOLOGIÆ
Professoris,

COMMENTARII

IN LIBROS ARISTOTELIS, STAGIRITÆ DE COELO
& Mundo: una cum dubiis & quaestionibus in
Schola agitari solitis.

NUNC PRIMUM IN GERMANIA EDITI.
PERMISSV SUPERIORVM.



COLONIÆ AGRIPPINÆ,
Apud Ioannem Crithium sub signo Galli.

ANNO M. D. CXVII.

ANTON

RVVIO RODEN

DOCTOR IS THE

COFFEE

IN THE



ANTON

A publication of the

ANTON



ILLVSTRISSIMO D.

D. L V D O V I C O DE VELASCO,

SANCTI IACOBI EQVITI, SALINARVM
Marchioni, & Regij Indiarum Senatus Præfidi dignissimo.



Apientes illi quibus olim è Lycæo in superum domos scandere cura & studium fuit, cum viderent cælestes orbes ipsa magnitudine pene immensos, certis semper, & perpetuis itineribus circumuehi, hominem finxere, qui cum in cælorum medio supinus decumberet, caputque in Polo Antartico, pedes in Arctico haberet, dextera tamen vniuersam illam machinam rata & iugi vertigine circumuolueret. En illustrissime Princeps, si antea vitæ tuæ res præclare gestas, si magistratus eximios, si maiorum nobilitatem nulli secundam expendamus, germanum planè & verum tui ipsius symbolum: cum enim genus regium ab illustrissima Comitum stabuli, apud nostrates familia deducas, supra terræ filios non modicum in cælum assurgis, proanitæque nobilitatem ipsis astris vix terminas: hanc per tot rerum discrimina, per casus varios excelsiorem efficis, dum Salmanticensem Academiam studijs tuis illustras, dum Germaniam, Angliam, Belgium, & Italiam, primis tuæ militiæ rudimentis nobilitas, dum clarissima apud magnum Hetururiæ ducem legatione fungeris, dum Mexicanas prouincias victricibus armis in pacem redigis: sed post tanta virtutum tuarum præludia dignè non potes recipere publicæ molem, & vagos terreni huius cæli orbes in communem vtilitatem moueres. Hinc factum vt prudensissimus Hispaniarum Rex Philippus Secundus

duſ te vtrique polo præfecerit, dum modo nouæ Hiſpaniæ Proregeſ, modo Peruanæ Prouinciæ conſtituit: ſic polos Arcticum, & Antarcticum complexus, in morem illius peripatetici hominis vtrumque polum gladio rexiſti, prudentia moderatus eſ: ſic ipſe immotus, & pene decumbens vaſtas illas regiones æquali, & iuſtiſſimo motu ad nutum Regis tui, ad populorum ſalutem mouiſti. Nec hiſ tantis terminis virtus tua circumſcripta eſt, ſed tertio maximus Rex noſter Philippus Tertius te eiufdem nouæ Hiſpaniæ Proregē creauit quod tibi iure veluti hæreditario debebatur: præfuit enim eidem nouæ Hiſpaniæ genitor tuus, nullis non ſapientiæ bellicque laudibus inſignis D. Aloyſius de Velasco, & rebus eam præclariffimis domi bellicq; geſtis illuſtrauit, cuius merita cum tu nouo quodam auctario compleres quodammodo, & perficeres, ne tantæ virtuti deeſſet, te munificus Rex, Salinarum Marchionatus titulum multis tuarum virtutum titulis adiunxit, & Regio Indiarum Cōſilio Præſidem designauit, vt quas pedibus regiones obieras, & armis defenderas, nunc conſilij tui æquamine, directione, imperio tuearis, ſic vtrumque polum mouens, ſic omnibus ſalutem recto cœleſtis prudentiæ motu inuehens, veri illius peripatetici, ſed ficti hominis effigiem nobis expreſſiſti.

Sed quorſum hæc ad noſtri Philoſophici libri dedicationem? planè nulli aliena videri debent, ſi librum hunc, poſthumam Patris Antonij Rubij prolem eſſe conſideret: ille enim à primo tui Mexicani regiminis exordio, tibi ſemper à conſilio, ſemper in delicijs: nec annorum progreſſu mutuus iſte inter vtrumque amor conſe-
nuit, ſed vegetiori ætate adoleuit indies, dum tantum virum Indicis rebus gerundis Prorex admiſceſ, dum ſacriſe eiſ concionibus frue-
riſ, cum mira ſacram Theologiam docentiſe eruditione paſceriſ, & magni Pompeij æmulus noſtri Philoſophi Aulam præſes ingrederiſ, ſic cum florentiſſima illa Mexicana Academia emerito patri poſt diuturnos in re litteralia expenſos labores, poſt ſuſceptam felici-
bus auſpicijs in numeram & ſapientiſſimam ſobolem rudem donare, & Doctōriſ gradum gratis impertiri voluit. Tu coram, nouo præſentij tuæ honore eiſ honores cumulaſti, tu ſolitos amici in Theologica palæſtra congreſſus præſidio tuo fouiſti, ſuſpexiſti, v-
neratus eſ: haud ignota loquor, ſed quæ ipſi (met oculis vidi, ſuſ-
pexi

pexi & miratus sum.) Quem vero tunc Mexicana illa Academia patrem agnouit, nunc Complutensis, quæ illum genuit, aluitque feliciter, in iuniorum fratrum magistrum adsciscit, & quàm nutritrix prouida tenero alumno doctrinam infuderat, ad posterum utilitatem à sene nouo foenore auctam vendicat, & totius Philosophiæ præceptorem alumni suis proponit. Quodque magis mirere; cum ex præscripto supremi Senatus primum interpretata esset huius auctoris librum, posteriores sua sponte tum ob perceptum emolumentum, tum spe maioris vsuræ, exultans suscepit, hausit, arripuit, vt sic saniori veræ Philosophiæ lacte adolescentes, sensim solidam doctrinam imbibant, & ad sacratiora Theologiæ adyta aptiores se præparent. Amici igitur demortui rediuuam sobolem vix ab ipsius funeribus raptam, debito humanitatis tuæ præsidio foue, & vix spiranti animum, succum, sanguinem infunde; sic enim fiet, vt & iuuenturi Complutensi Magistrum, & Philosophis Doctorem, & tuo Antonio Rubio honorem solum restituas, nouisque Societatem nostram, imo tot titulis tuâ, beneficiis deuincias, cui semper in confesso erit, licet à te possit nouis affici muneribus, non tamen nouum inde ad gratitudinem cumulum accessurum, celsitudini enim tuæ, & maximam debet & innumera, quæ nulla temporum iniuria, nulla posteritas, à præsentis, à futuræ Societatis memoria delebit.

Franciscus de Figueroa.

* 3

INDEX

I N D E X T R A C T A T I V V M E T Q V A E S T I O .
num, qua in his libris Aristotelis de Calo & Mundo
continentur.

Quaestiones praeniales & primi libri.



Quod nam sit huius operis subiectum	pagina. 1
Totius operis diuissio, & primi libri.	3. & 4
Cap. 1. Quaestio vnica: An mundus perfectus sit.	5
Quaest. 1. An diuisio motus in rectum, circularem & mixtum, ab Aristotele tradita sit adequata.	9
Quaest. 2. An motus circularis quo mouetur calum sit naturalis, vel prater naturam.	10
Appendix dubium: An quies calorum post diem iudicij futura sit naturalis, aut violenta	13
Quaest. 3. An caleste corpus a sua sede exiitum, vel pars eius ab eo diuisa moueretur naturaliter ad illam, vel naturaliter quiesceret.	15
Quaest. 4. An calum sit diuersae naturae a corporibus sublunariis.	19
Quaest. 5. An calum sit compositum ex materia & forma.	21
Quaest. 6. An materia calorum sit eiusdem speciei, cum materia sublunarium corporum, vel diuersa.	24
Quaest. 7. An materia caelestis sit perfectior sublunari.	27
Quaest. 8. An materia calorum sint diuersae speciei inter se, vel solo numero distinguantur.	30
Quaest. 9. An quantitas calorum & corporum sublunarium sint eiusdem, vel diuersae speciei.	32
Cap. 2. Quaest. 1. An caelestia corpora sint ex propria natura ingenerabilia & incorruptibilia.	35
Quaest. 2. An aliquando noua aliqua stella, vel mutatio, alia in calo apparuerit, & quomodo id contigerit.	39
Quaest. 3. An in fine calo vera raritas, & densitas eiusdem rationis cum sublunariis.	42
Appendix dubium. An calum possit sua natura alterari.	44
Cap. 3. Quaest. vnica. An probauerit Aristoteles efficaciter, quod motui circulari nihil sit contrarium.	46
Tractatus de mundo seu vniuerso, & his quae ad ipsum pertinent.	52
Quaest. 1. An sit vnus mundus vel plures, ibid.	
Quaest. 2. An per potentiam Dei absolutam possibiles sint plures mundi speciei, aut numero distincti.	54
Quaest. 3. An Deus possit efficere alios atque alios mundos in infinitum perfectiores.	57
Quaest. 4. An sit Deo possibile hunc mundum perfectiorem reddere.	60
Cap. 5. Quaest. vnica. An mundus solo generali concursu Dei perpetuo durare possit. An maiori indigeat ad perpetuitatem.	66
Tractatus de terminis potentiarum & qualitarum.	69
Quaest. 1. An potentiae actiue terminis magnitudinis & paruitatis desinantur quo ad intentionem suorum effectuum.	70

Dubium. An necessarium sit corpus naturale ad suum centrum naturaliter motum velocius semper moueri, quo magis ad ipsum appropinquat.	73
Quest. 2. An potentia actiuis concedendus sit terminus intrinsecus quoad extensionem suam effectuum.	76
Quest. 3. An potentia actiue, quoad resistantiam terminentur, & quibusnam modis.	81
Quest. 4. An potentia passiuæ postulent terminos magnitudinis, & paruitatis quantum ad intensionem suorum effectuum.	85
Dubium. An potentia passiuæ, obedientialis aliquid addat supra naturalem.	89.
Quest. 1. An qualitates secundum propriam rationem postulent terminos intensionis & extensionis.	91
Dubium. An potentia obedientialis animæ ad recipiendam gratiam & dona supernaturalia sit infinita.	102
<i>Quæstiones secundi libri.</i>	
Cap. 1. Quest. 1. An celestia corpora sint animata.	106
Quest. 2. An celestia corpora dignitate præstent cunctis rebus sublunariis.	113
Cap. 2. Quest. vnica. An sex positionum differentia conueniant cælo ab intrinseco, an so- lum per ordinem ad animalia.	119
Cap. 3. De celestium corporum influxu in inferiorem mundum.	125
Qu. 1. An celestia corpora verum, & realem influxum habeant circa effectus in inferiori mundo editos.	ibid.
Qu. 2. An celestia corpora influant in inferiorem mundum per solam lucem, vel etiam per aliam virtutem.	127
Qu. 3. An motus circularis cæli sit ratio agendi in inferiorem mundum, vel solū conditio.	131
Qu. 4. An cessante motu celesti, cessare debeant motus omnes, actionesq; inferiorū corporū.	135
Tractatus 2. de effectibus celestis influxus.	141
Qu. 1. An celestia corpora suo influxu producant metalla, & cætera corpora vitæ expertia, quæ non habent aliam causam particularem ac sufficientem.	ibid.
Qu. 2. An cælum sit causa imperfectorum animalium, quæ generantur ex putri materia.	146
Qu. 3. An animalia ex putri materia sint eiusdem speciei sum animalibus eiusdem nominis, ex semine productis.	151
Qu. 4. An celestia corpora aliquem influxum habeant circa futuros euentus casuales, ex concursu naturalium causarum euenientes.	155
Qu. 6. An, & quoniam modo celestia corpora in intellectum, & voluntatem nostram influant.	159
Qu. 6. Possint ne Astrologi ex siderum obseruatione futura certo præcognoscere, ac prænu- ciare.	162
Tractatus de figura, numero ordine & motibus corporum celestium.	171
Qu. 1. An celeste corpus spherica seu rotunda figura præditum sit.	ibid.
Qu. 2. De numero celestium spherarum.	175
Qu. 3. Quidnam sit de cælo Empyreo sentiendum.	182
Qu. 4. An quo situ eleuatiore sunt corpora celestia, eo sint natura perfectiora.	187
Quæst.	

Qu. 5. An quodlibet celeste corpus sub primo mobili contentum duplici motu moveatur. 192
Qu. 6. An Planeta seu errantes stella sint partes continue componētes orbes quibus insident,
& ad motum eorum moveantur. 196

Qu. 7. An omnes celestes orbes sint inter se contigui, nullo alio corpore interiacente. 202

Qu. 8. An celestia corpora moveantur à propria forma substantiali, vel ab intelligentia. 208

Qu. 9. An quilibet orbi celestis à propria intelligentia moveatur. 212

Qu. 10. Qua facultate celestes orbes ab intelligentiis moveantur. 219

Qu. 11. Quomodo sphaera celestes ab intelligentiis rotentur. 225

Cap. 7. Qu. 1A. n. astrorum natura sint eiusdem rationis cum suis orbibus, & inter se. 230

Qu. 2. Vtrum calor à luce, vel motu ortum ducas. 234

Cap. 8. Qu. 1. An sint elementa, quot, & qualia. 253

Qu. 2. An terra in medio mundi sita sit, habeatq; idem centrum magnitudinis, & gravitatis cum ipso. 258

Qu. 3. an terra sit altior mari depresso. 262

Qu. 4. Vtrum terra in medio mundi quiescat, vel aliquo modo moveatur. 268

Ex libro 4.

Qu. 1. De natura gravitatis, & leuitatis simplicium corporum. 274

Qu. 2. Quomodo elementis facultas motrix conueniat, & an in naturalibus sedibus grauentur, vel leuentur. 277

APPROBATIO.

PER legi hos sapientissimi Patris ac Doctoris Antonij Rubio à Societate IESU, Commentarios in lib. Aristot. de Caelo & Mundo, ex supremi Senatus præscripto: in quibus nihil offendi orthodoxæ fidei, aut bonis moribus aduersum: quin opus esse putavi dignum tanto viro, & incepto labori apprimè germanum in discurrendi subtilitate, inueniendi foelicitate, virgendi viuacitate, & styli tandem maiestate: opus sane non Philosophis tantum, sed Theologis etiam in doctrina D. Thomæ versatis per quam utile. Et ut aliis hucusque operibus Complutensis Academix, quin, & vbique gentium inuenturam enutrit bono lacte doctrinæ, hoc demum labore vegetam reddet ad vltiores quasque disciplinas, quocirca præsentis Commentarios iudico typis, & cedro dignissimos. Dat. Compluti 6. Idus Aprilis,

Anno Domini 1615.

Doctor Tribaldos.

IN LIBROS ARISTOTELIS DE COELO

PROOEMIUM.



PVS hoc Aristotelicum de cœlo & mûdo, quod nostris cômmentationibus illustrandû suscipimus; partem quandam esse totius naturalis Philosophiæ; perspicuum est, & in reliquis nostris Philosophiæ libris ostensum. Etenim cum naturalis eadem Philosophia in explicanda natura entis mobilis vniuersalissimi versetur, & librl'isti partem eiusdem entis mobilis explicandam sibi assumant, iure optimo partem eiusdem scientiæ appellantur; non quidem primam, quia prima consideratio entis mobilis ea esse debuit, quæ circa primum, quod de eo occurrit considerandum versatur, & id quidem certum est, non esse peculiare aliquod ens mobile, sed vniuersalem rationem principiorum, ex quibus constat, & cuius notitiam tradidere physicorum libri, & propterea primam Philosophiæ partem, vocari debuerunt; sed post illam primam opus hoc secundum tenet locum, vt ex pro-

rii subiecti, propriæ ve materia (circa quâ versatur) expositione constabit.

Quodnam sit huius operis subiectum.

Questio intelligitur de subiecto ad-
æquato comprehendente omnia,
quæ tractantur in scientiâ, à quo certum
est speciem sumere; non de principali,
quod semper est præcipua pars eius, ve
constat in omnibus scientijs: maximam
verò rationem dubitandi præbuit mul-
titudo, atque diuersitas rerum, de quibus
differetur in his libris: nam in primo
mundus, seu vniuersum, & proprietates
eius considerantur; in secundo solum
cæleste corpus, in tertio, & quarto ele-
menta. Hæc igitur diuersitas rerum in
diuersas quoque sententias abire coegit
antiquos Aristotelis interpretes. Nam
Iamblicus, & Syrianus cum eo, quorum
meminit diuus Thomas in præmio hu-
ius operis tenent, corpus cæleste esse
subiectum eius. Quod probant ex in-
scriptione: nam apud Græcos inscribitur
de cœlo; sed inscriptio continet ma-
teriam

teriam totius operis; ergo corpus cæleste habet rationem completæ. sed adæquatæ materiæ, & subiecti totius operis. Secundo, quia subiectum; scientiæ illud dūtaxat esse potest, quod per se consideratur. Sed in his libris solum consideratur per se corpus cæleste, de cæteris vero corporibus quasi per accidens agitur, nempe ut sub eo contentis, vel ad cognitionem illius conducentibus, seu influxū eius participantibus; ergo solum cæleste corpus erit subiectum huius operis.

Hæc tamen sententia improbabilis visa est D. Thomæ, & merito, quia non consuevit Aristoteles, nec ullus scientiæ auctor maiorem partem scientiæ assignare rebus, non per se, sed per accidens solum ab eo consideratis. Sed constat Aristotelem partem secundam libri, atque etiam tertium, & quartum integros folios elementis assignasse: ergo absurdum est dicere, quod non per se, sed per accidens ab eo considerentur, & solum cæleste corpus per se, præterea ab omnibus rectionibus reicitur.

Secunda sententia est, quæ asserit, non solum cæleste corpus, sed elementa considerari per se: & cum hæc omnia sint simplicia corpora, distincta à corporibus mixtis, subiectum adæquatum huius operis esse corpus simplex, sub quo comprehenduntur quatuor elementa, & cælum. Itaque subiectum huius operis iuxta hanc opinionem est corpus simplex, ut mobile ad ubi. Hæc est opinio Simplicij in proœmio huius operis, quam sequuntur ibidem Conimb. & alij. Probant ex progressu huius operis: nam in 1. & 2. lib. eius agit Aristoteles de cælo, & in 3. & 4. de elementis: mixta vero sub ratione non seorsum considerari oportuit, sed ad eandem considerationem simpliciorum reducere, quia ad eodem situs elementorum pertinent, & iuxta na-

turam elementi in eis prædominantis mouentur; ut quæ terrestria sunt ad sitū terræ, quæ aerea, ad sitū aeris. Vnde sequitur sola simplicia corpora in quantum ad proprios situs mobilia sūt, per se considerari. Deinde ratione, quia euidenter est, consideratione corporis simplicis in quantum mobile est ad ubi, per se pertinere ad naturalem philosophiā, & non est minus euidentius quod in nulla alia parte, præter istā, hoc modo consideretur: ergo euidenter erit ad hanc per se pertinere, & ex consequenti esse subiectum adæquatum eius. Secundo, quia si totū vniuersū, dicatur esse subiectū, ut plures opinantur, (ait Simplicius) sequeretur in his libris agere debere Arist. de oībus partibus vniuersi, vsque ad animantia, & plantas, alioqui non poterit naturam eiusdem vniuersi explicare: cū completa cognitio totius dependeat ex cognitione omnium partium. Sed constat, non de omnibus partibus vniuersi agere, sed solum de quinque corporibus simplicibus, videlicet, elementis, & cælo, ergo non vniuersum, sed corpus simplex subiectum erit.

Tertia opinio est Alex. quem sequitur D. Thom. in proœmio huius operis, asserentis, mundum seu vniuersum ut est compositum quoddam ex quinque corporibus simplicibus, tanquam ex partibus, videlicet cælo, & elementis, esse subiectū huius operis adæquatū, ipsa vero elementa considerari præcise, ut partes: & videtur nobis probabilior, & magis ad mentem Aristot. Probatur verumque quia subiectum est cuius proprietates considerantur in scientiā: sed in hoc opere considerat Arist. proprietates mūdij; seu vniuersi; ergo hoc erit subiectum. Probatur minor ex text. 4. huius libri, ubi promittit se acturum de natura vniuersi, & disputaturum, an sit finitum, vel

infi-

in finitum, & ex text. 77. ubi ostendit esse unum, & eodem text. 4. esse perfectum, & in fine eiusdem primi libri, atque etiam in 2. probat esse ingenerabile, incorruptibile, atque æternum, & tandem cap. 2. text. 5. eiusdem libri asserit, se acturum de corporibus simplicibus, in quantum partes sunt, ex quibus vniuersum componitur; ergo hoc per se primo considerat, tanquam primarium, & adæquatam obiectū, corpora vero simplicia præcise, vt sunt partes eius.

Argumentum primæ opinionis difficultate caret, nam maior planè falsa est, quod inscriptio operis, vel scientiæ, continere debeat omne illud, quod per se consideratur ab ea, vel quod à tota materia accipitur: sed sæpe ab vna aliqua parte principaliori accipi solet: & ita accipitur inscriptio huius operis à cælo, tanquam à principaliori parte vniuersi per se primo, & adæquatè considerari. Ad 2. neganda est minor, quod de solo cælesti corpore differatur, per se in his libris, de reliquis vero corporibus per accidens: nā primaria, ac præcipua consideratio circa totū vniuersū versatur, & per se etia considerantur elementa tanquam partes eius.

Ad primum vero opinionis secundæ respondeo ex progressu Aristot. in his libris solum haberi posse quod consideret per se corpora simplicia, non tamè propter se, sed propter vniuersū, ad quod constituetur dum per se ordinantur; hoc est ergo per se, primo, & adæquatè consideratum, corpora vero simplicia, tanquam partes eius: partium autem rationē habet, ratione situs, quem in vniuerso eis natura tribuit, & ad quem mouentur; quare idem est considerari, vt mobilia ad proprium vbi, vel locum: ac considerari, vt ad proprium vbi, vel locū: ac considerari, tanquam partes vniuersi, quod sub eadem ratione constituere patet.

Secundo vero argumentū solū probat, quod simplicia corpora in quantum mobilia ad vbi per se considerentur in hoc opere, quia hoc modo sumpta, partes sūt vniuersi, primo, & adæquatè considerati, ex quo nō habetur, quod obiectū eius sint, sed solū quod sint obiecti partes. Ad 2. neganda est consequētia, quod agere debeat Arist. in hoc opere de omnibus corporibus mixtis, vique ad partes: quia sola simplicia corpora sunt partes per se primo constituentes vniuersū, in quantum ordinantur secundū situm in eo, mixta verò, quasi secundariæ partes ceteri possūt quas primariæ comprehendūt, quia eis præbent sitū in vniuerso; cū constet ad situm prædominantis elementi pertinere, & ad locum eius moueri naturaliter.

Ex his colligitur 1. opus hoc proximè post libros Phys. collocandum esse, quia vniuersum de quo agit, omnia ferme de quibus differūt ceteræ partes continet. Quare statim post vniuersalia principia omnium naturalium corporum explicari debuit. Secundo intelligitur dignitas eius, nā præter animā, & animata corpora (simplicibus absque dubio digniora) primum locum tenet inter partes philosophiæ; cū digniora sint corpora, ex quibus vniuersum componitur, præsertim cælestia, vt per se est manifestum. Intelligitur 3. quāta nobis proueniat utilitas ex opere hoc, vel certe ex potuita, seu cognitione vniuersi: nam cognitio, cum primis horum corporum (præsertim cælestium, vt pote nobilissimorum) cognitio quoque effectuum in his omnibus inferioribus ex influxu eorum prouenientium rationali creaturæ dignissima est, valdeque utilis ad Dei notitiā consequendam, propriasque dirigendas operationes.

Totius operis diuisio.

Diuisio huius operis trimēbris est, nā licet quatuor libris fuerit ab Aristotele

tele ordinatum, atque distinctum, tri-
antum in eis docet; in primo quidem na-
turam vniuersi, & partes, quibus cõponi-
tur, in vniuersali explicans, atque etiam
proprietates in particulari. In secundo
præcipuam eius partem, nempe coeleste
corpus, variisq; motus, atque virtu-
tes, & influentias. In tertio, & quarto a-
git de elementis, & eorum motibus.

Diuisio primi libri.

Primum tandem librum in tres alias
partes sic possumus distribuere; vt in
prima ostendat Aristoteles vniuersum
perfectum esse quinque corporibus con-
stitutum; nam præter quatuor consueta
elementa, quæ suis rectis moribus
sursum, ac deorsum mouentur, quin-
tum aliud ponendum esse probat alterius
naturæ, cui non motus rectus, sed circula-
ris naturaliter conueniat. In secundo
ostendit mundum, & numero, & magni-
tudine finitum esse, ita vt neque vllū cor-
pus actū infinitum compleatur, neque
plures sint mundi, sed vnus duntaxat: &
tandem ingenerabilem, & incorruptibilem,
neque initium durationis habuisse,
finem aliquando habiturum.

CAP. VI. I.

Textu Aristotelis.

*Scientia de natura ferè plurimavideatur cir-
ca corpora, & magnitudines, &c.*

Brevis expositio Text.

Intentum Aristotelis in hoc capite pri-
mo, est ostendere, vniuersum esse per-
fectum. Diuiditur autem in duas partes:
in priori quædam præsupponit, & pro-
bat, ex quibus in posteriori concludit in-

tentum. Primum suppositum vniuersali-
simum est, videlicet naturalem philoso-
phiâ maxima ex parte versari circa cor-
pora, & magnitudines, & eorū proprieta-
tes: corpora scilicet prædicamenti substanti-
æ, & magnitudines prædicamenti quan-
titaris, quia philosophia naturalis versatur
circa naturam, vel ens naturale: sed
corpora, & magnitudines sunt entia na-
turalia, aut secundum naturam; ergo ver-
satur circa hæc. Vnde etiam sequitur ad
eamdem philosophiam pertinere, quod
de vniuerso prober perfectum esse, cū sit
corpus naturale, atq; ex naturalibus cor-
poribus compositum.

Cætera, quæ præsupponit, particularia
sunt, & tria: Primum est definitio conti-
nui, quod sit diuisibile in semper diuisi-
bilia, quæ definitio materialis vocatur,
quia per eam explicatur continuum se-
cundum partes integrantes, quæ sūt qua-
si materia eius; illa vero, quam assigna-
uit Aristoteles ipse 3. lib. Physicorum:
nempe continuum est, cuius partes copu-
lantur ad vnum terminum commune,
formalis dicitur; quia modi vniõis,
quibus vniuntur partes, & vocantur
indiuisibilia earum, quasi forma sunt ei-
usdem continui, vt talis, cum continui-
tatem eius constituant. Secundum præ-
suppositum est quod corpus sit omni-
quaque seu omni ex parte diuisibile, hoc
est diuisibile secundum omnem dimensio-
nem, quod sic probat: linea est diuisibi-
lis secundum vnā dimensionem lon-
gitudinis: superficies secundum duas,
longitudinis, & latitudinis: corpus se-
cundum tres longitudinis, latitudinis, &
profunditatis: sed præter has dimensio-
nes nec datur alia, nec probabilis est,
quod fufius probat Arist. ergo corpus est
diuisibile secundū omnem dimensionē, &
ideo omni ex parte diuisibile.

Ex his probat iam intentum nempe
vniuers-

vniversū esse perfectū quid in sua specie, & ordine. Primo quidem ex eo, quod est corpus, quia corpus est perfectum quid, cum completatur omnem dimensionem, sed vniversum est corpus, immo ex quinque corporibus compositum: ergo est quid perfectum. Secundo, nam corpus, quod nec est pars alterius, nec ab eo continetur, aut circumscribitur, perfectum quid est, cū careat imperfectione partis, & limitatione circumscribentis: quod enim ab alio circumscribitur, quasi limitari ab eo censetur, sed vniversum continet omnia corpora, & à nullo cōtinetur, vt per se patet, ergo perfectum quid est in sua specie, & ordine rei corporeæ.

QVAESTIO VNICA.

An mundus perfectus sit, vt decernit Ari. Stoteles.

EX tribus præferri (omissis alijs) ostendi potest, esse mundū nō perfectū, vt contendit Aristoteles. Primo ex diffinitione perfecti, ab omnibus admitta, videlicet perfectū est, cui nihil deest; ex ijs saltem, quæ suæ naturæ conuenire apta sunt, eique debita; sed mundo defunt plura, quæ suæ naturæ conuenire apta sunt, ergo imperfectum quid esse censebitur. Minorem probō, quia mūdus est vniversum quoddam, ad cuius vniversalem rationem pertinent in primis omnes gradus essendi, atque etiam species omnes possibiles, atque indiuidua, in quibus iisdem gradus essendi subsistere apti sunt: sed constat, pluribus carere speciebus, atque indiuiduis sub eisdem gradibus essendi comprehensis, quæ a Deo fieri possunt: nam sub quolibet gradu essendi naturaliter potest Deus plures condere, vt sub gradu essendi incorruptibilem cor-

porum, plures cælos, atque specie diuersos, & pariter sub reliquis: ergo multa defunt huic mundo ei conuenire apta, & propterea perfectum esse non potest. Cui adiungi potest proprietas illa mali ab omnibus admitta, videlicet ex quocunque defectu confluere: sed mundus plures defectus habet vt monstra, & peccata, ergo malum erit simpliciter, & ex consequenti imperfectum. Nec soluit argumentum vulgaris responsio, quod ex his defectibus consurgit mira quædam varietas, maiorem perfectionem eidem mundo conferens, quam sine his haberet. Nam contra hoc est, longe perfectior fortis mundus sine his, vt constaret, si in primo statu innocentie duraret homo, & abessent peccata, quibus non solum deordinatur homo à suo fine, sed etiam suum modo reliquæ creaturæ, nam malus vsus earum quādam deformitatem eis conferre, notum est. Secundo, quia mundus ex vna parte caret perfectioribus modis essendi creaturarum, nam spiritualia, vt Angeli extra mundum esse censentur, cum sub gradu essendi corporeo nō comprehendantur. Vnde super humanas mentes eos vocat D. Dionysius s. cap. de cælesti hierarchia, quasi extra mundi ordinē consistentes, sed modi essendi censentur quasi partes essentielles eius; ergo aliquo ex eis carens mundus non erit perfectus. Ex alia verò parte multa habet superflua, qualia sunt mixta omnia, quibus carebit post diem iudicii, & sine quibus non erit minus; sed magis perfectus: nam quod perfectiorem statum tunc habiturus sit, docent sancti Patres, & ex sacra pagina id colligunt. Ex tertio tandem probatur, quia rationes Aristotelis quibus probauit vniversum esse perfectum, nullius momenti sunt: ergo fundamento carebit id affirmare. Probatur antecedens: nam ratio prior eius est, quia corpus est perfectum

fectum quid, cum sit diuissibile secundum omnem dimensionem, nempe longitudinem, latitudinem, & profunditatem: ergo vniuersum ex corporibus constitutum perfectum quid erit. Sed quam friuola sit hæc ratio, constat: nam si hoc sufficeret ad perfectionem, etiam foret perfectum, quamuis confusum, & sine ordine haberet eadem corpora, quæ nunc habet, quia corpus esset, & ex corporibus constitutum. Ratio etiam posterior inefficax est, quod vniuersum sit perfectum, quia à nullo continetur, nam locus non continetur ab alio, & est quid imperfectum.

His tamē non obstantibus dicendum est, vniuersum esse perfectum, non quidem absolute, quia nulla creatura potest hoc modo esse perfecta, sicut nec potest carere imperfectiōibus, in ratione ipsa creaturæ necessario inclusis, sed in suo genere, & gradu, eo videlicet modo, quo creatura perfecta esse potest, si habeat quiddam naturæ suæ debitum, atque conueniens est.

Quod probatur 1. ex verbis sacræ paginæ Gen. 1. ubi postquam Deus vniuersum condidit, quasi actu quodam reflexo (nostro modo intelligendi) opus suum respiciens approbavit illis verbis: *Vidit Deus cuncta, quæ fecerat, & erant valde bona*: quasi dixerit consummatum, atque in suo ordine perfectum esse. Probatur etiam ratione, quia illud est perfectum in suo genere, & ordine, cui nihil perfectionis suæ naturæ debetur, atque congruentis deest: ut homo vel Angelus perfecti dicuntur, si nihil debitum, aut congruens naturæ humanæ, aut Angelicæ eis deest. Sed vniuerso nihil deest naturæ eius debitum: ergo in suo ordine perfectum censetur. Minorē probō, quia perfectio essentialis totius confurgit ex perfectione partium essentialium, debito modo ordinarum, & perfectio substantialis, seu integralis ex partibus integrantes, quas eadem natura

postulat; ab essentia vero sic perfecta emanant proprietates, aut passionēs eisdem naturæ debitas, & suo modo accidentia, spectantia ad ornatum: sed hæc omnia habet vniuersum, ergo perfectum censeri debet. Probo iterum minorem, quia partes essentielles vniuersi sunt omnes modi essendi per genera, & species distributi, & in earum indiuiduis subsistentes. Quos vniuersum continere manifestum est, cum non sint alij modi essendi excoGITABILES, præter eos, ex quibus prædicamentum substantiæ, & nouum accidentium coalescunt, sub quibus genera omnia, species, & indiuidua continentur, & consequenter eorum proprietates, & accidentia, ut modi essendi corporeæ substantiæ, & spiritualis corporum simplicium, atque mixtorum, viuientium & vitæ expertium, modi item essendi naturæ sensitiuæ, atque insensibilis, & tandem modus essendi naturæ rationalis, cum proprietatibus, & accidentibus omnium. Ex quibus nouem prædicamenta accidentiū constituuntur, & hæc sunt quasi partes materiales vniuersi: formā vero censetur esse debita ordinatio horum omnium, quam non est minus notum habere inter sese: nam hos omnes gradus essentialiter subordinatos esse constat, genera etiam, atque species, per quæ dispersi sunt, & singulis speciebus subordinatur indiuidua à quibus participantur, & in quibus subsistunt. Proprietates verò, & accidentia eiusdem generibus, speciebus, & indiuiduis, à quibus emanant, atque dependent; & sustentantur; negari ergo non potest, vniuersum habere quiddam perfectionis essentialis, substantialis, & accidentalis, materialis, & formalis, postulat naturam eius, & ex consequenti, quod sit in suo ordine, & gradu perfectum, ut Aristot. cap. præsentis docet, & tenet cum eo communis consensus SS.

Patrum,

Patrum, Scholasticorum, atq; Phylolo-
porum.

Ad primum argumentum neganda est minor, quod vniversum careat speciebus, & indiuiduis, quæ potest Deus efficere: nam licet ei plura ex his addere, non sunt tamen ei debita neque necessaria, quia ad finem cuius gratia illud condidit, & ad effectum, pro quibus præstandis conditum est, sufficiunt ei species, & indiuidua, quæ habet, per quem omnes gradus essendi sufficienter manifestantur. Ad aliud vero, quod de defectibus additur, fateamur eos habere, sed negamus, ita ab eis infici, ut imperfectius reddatur, ac foret, si eis careret: nam huiusmodi defectus duplices sunt, naturales, & liberi, & de naturalibus notum est, occasionaliter perficere vniversum, nam bona quæ sunt in vniverso, pulchriora ex eorum comparatione apparent, & ex vtriusque mira quadam varietas confurgit, quæ careret vniversum eis orbatum. De defectibus autem liberis non est minus manifestum, nam etsi vitia, & peccata in se, & per se mala sint, multis virtutibus exercendis occasione præbent, ut vindictarum iustitiarum, patientiarum, & misericordiarum Dei, quæ etiam magis vitiorum comparatione splendet. Et quamuis alijs bonis occasionem non præbuisent, id sufficeret profecto, quod iuxta Diui Thomæ, & aliorum sententiam, valde probabilem, bono quodam infinito careret mundus, nisi peccata adessent, nempe Christi incarnatione, per quam Deum nostrum verum hominem habemus, & veram vniversi partem, à qua plus decoris accipit, quam à cæteris omnibus speciebus, & indiuiduis. Vnde fit maiorem longe perfectionem habere post peccatum, quam habuisset, si status innocentiarum duraret: præterquam quod

hic sermo est de perfectione vniversi in esse naturali, non in esse morali. Ad secundum neganda est maior, quod mundus careat gradu essendi rerum spiritualium; nam licet Angeli non sint partes mundi elementaris, sed quibus medijs plura ad eum spectantia administrantur à Deo, sunt tamen partes vniversi, de quo præfens controuersia procedit ad plura se extendens, & omnes gradus essendi complectens. Ad aliud vero, quod de mixtis additur, negamus, quod superflua sint, immò in suo gradu essendi, & ad humanos vsus prostrati præfenti necessaria. In posteriori vero statu, videlicet post iudiciũ cessabit posterior hęc necessitas conditione hominis (cuius gratia facta sunt) variata, & sufficere gradum essendi eorum in specie humanita permanere.

Ad tertium respondeo vtrumque argumentum Aristotelis probabile tantum esse, & quasi congruentiam quandam; nam si corpus in suo ordine quantitativo perfectum quid est, quia continet omnes dimensiones, sic vniversum ex corporibus compositum, & omnia corpora, continens perfectum in suo genere erit, omnia verò continere intelligit ordinata, atque disposita, ut postulat natura eorum: quare non sequitur perfectum fore, etiam si confusa quadam ratione ea contineret. Ratio etiam posterior dno assumit, primum, quod omnia contineat vniversum, ordinata quidem, & à nullo contineatur. Ex quibus probabiliter sequitur esse perfectum, sed ratio à nobis adducta in eisdem argumentis Aristotelicis virtute contenta efficax est. Ratio posterior etiam vnum præsupponit, nempe quod vniversum omnia contineat iuxta eorum naturas ordinata, & aliud assumit, quod à nullo continetur.

vineantur, ex quibus satis probabiliter sequitur, quod perfectum sit.

C A P V T II.

TEXTVS ARIST.

*De his autem, quae secundum speciem
ipsius partes sunt, nunc di-
camus, &c.*

Brevis expositio Textus.

Ostenso in 1. cap. quod vniuersum sit perfectum, incipit in hoc 2. agere de partibus eius, & primo de coelo, tamquam de perfectiori, de quo primo ostendit, quod sit in rerum natura. Diuiditur autem in duas partes, in priori quaedam praeposit necessaria ad id probandum, in posteriori id probat quinque argumentis.

Primum praesuppositum est, corpora omnia motu locali, nam cum natura consent, quae principium motus localis est, necessario debent moueri tali motu. Secundo praesupponit motum localem in communi triplicem esse, nempe circularem; quomouetur corpus ab eodem in idem, hoc est, in eodem loco, vel spatio circumuoluitur, & rectum, quo mouetur ab uno in alterum locum, & isti quidem sunt motus simplices, sed tertius, quasi ex utroque mixtus, vel compositus est, ut motus papyri, aut alterius rei, quae hac, & illac mouetur, & non à determinato in determinatum locum. Probat verò motus simplicis in communi duos tantum esse, videlicet circularem, & rectum, aut spatia, seu magnitudines, per quas sunt motus, simplices duae tantum sunt, nempe circularis, & recta: sed in particulari sunt tres, quia rectus diuiditur in motum deorsum, & in motum sursum.

Quibus praesuppositis probat, quod

praeter quatuor elementa, ponendum sit quintum corpus simplex, quinq; argumentis. Primum est, ois motus simplex conuenit naturaliter alicui corpori simplici, sed circularis motus est simplex, & non conuenit elementis; ergo praeter quatuor elementa dari debet aliud corpus simplex, cui naturaliter conueniat. Secundum, motus circularis conuenit caelo naturaliter, seu violenter, si naturaliter ei conuenit, cum elementa habeant proprios motus naturales, sursum, vel deorsum, & unum corpus unum tantum motum habere possit, sequitur caelum elementum esse non posse: si violenter ei conuenit, & non est corpus distinctum ab elementis, cui libet elemento erit duplex contrarius, scilicet motus sursum, aut deorsum, & circularis, cum tamen unum plura contraria non habeat.

Tertium, nobilior motus, & natura prior caeteris, nobiliori corpori debet conuenire, sed motus circularis est nobilior, ac prior natura caeteris motibus, utpote per lineam perfectiorem factus: ergo priori, ac nobiliori corpori, quam elementis debet conuenire.

Quartum, motus circularis naturaliter non conuenit elementis, cum ex propria natura moueantur motu recto sursum, aut deorsum: ergo conuenit eis praeter naturam: sed motus conueniens alicui corpori praeter naturam, non potest non alteri naturalis conuenire: ergo praeter illa datur quintum corpus simplex, cui conueniat motus circularis.

Vltimum argumentum, euidentius est dari in rerum natura motum circularem & simplicem, vel ergo datur corpus, cui sit naturalis, vel non: non dari repugnat, quia cum motus circularis sit perfectissimus, alicui corpori naturaliter accommodari potest, & cum sit perpetuus, ut 8. libro physicorum probauit, non potest conue-

Conuenire alicui violentè, quia violentum non est perpetuum, ergo necesse est naturaliter conuenire alicui corpori, quod cum non possit esse aliquid ex elementis, necesse est quintum aliud corpus præter illa ponere, cui naturaliter conueniat, & quod longe perfectioris naturæ sit cæteris omnibus corporibus sublunaribus.

QVÆSTIO I.

*Ab diuisione motus in rectum, circulem,
& mixtum, ab Aristotele tra-
dita sit adæquata.*

Anotandum est, simplicitatem vel compositionem motus desumendam esse ex simplicitate linearis, seu spatij, aut contrapositione eiusdem, & ex simplicitate, aut contrapositione principij motui: linea verò simplex mathematicè sumpta, si recta sit, ita definienda est. *Quæ ab uno ad aliud punctum, quam breuissimè peruenit.* Circularis verò, *Cuius omnes partes ab aliquo uno puncto æquè distant.* Mixta autem erit, *quæ inter duo puncta non omnino breuissimè occurrunt.*

Potentia autem motina simplex ea est, quæ per se ad vnum tantum locum, seu vbi inclinatur: potentia mixta, seu composita quæ ad loca vel vbi diuersa tendit. Iuxta hæc igitur sic definiiri debet motus simplex: *Qui fit à simplici virtute, seu potentia motina Physica super magnitudinem seu spatium simplex.* Motus verò mixtus: *Qui fit à virtute motina mixta, seu composita, per spatium, vel magnitudinem, aut lineam compositam.*

Sensus igitur quæstionis talis est, an motus localis naturalis, vt distinguitur à motu progressiuo, & solum conuenit corporibus non viuentibus, rectè, & adæquate sit diuisus ab Arist. in tria illa

membra, nempe, rectum, circulem, & ex utroque mixtum. Et videtur, non esse bonam diuisionem, quia præter hos tres motus dantur alij non comprehensi sub eis, nec ad eos reducibiles: ergo non est adæquata, nec bona diuisio. Antecedens probatur ex tribus: nam si portio aliqua ignis, vel terræ proiciatur ab oriente in occidentem per lineam rectam, talis motus non erit rectus, quia nec est motus sursum, nec deorsum (In quos adæquatè diuiditur motus rectus ab Arist. hoc loco) cum nec sit à medio, seu à centro, nec ad mediū, nec centrum tendat. Præterea, si portio aeris moueatur à concavo Lunæ vsq; ad proprium locū, seu sphaeram per lineam rectam, talis motus, cum sit simplex, non est circularis, vt per se patet: sed neque rectus, cum nec sit à centro mundi, nec ad idem centrum tendat; ergo sub hac diuisione non comprehenditur. Et tandem, si formica moueretur in circulo iuxta centrū terræ, talis motus non esset mixtus, quia fieret equaliter circa mediū, sed nec simplex, cum esset corporis mixti; ergo nec potest comprehendī sub aliquo membro huius diuisionis.

His tamen non obstantibus, tenendum nobis est, diuisionē ab Arist. constitutam bonam esse, & adæquatam; ita sentiunt omnes eius interpretes, capite præsentis. Alexand. Simplicius, Themistius, Albert. Magnus, D. Thom. atque etiam D. Damasc. in sua physica capit. 6. Et probatur hac ratione: motus naturalis propriè sumptus, hoc est, immediatè, & per se procedens à natura mobili, nec ab intellectu, voluntate, aut appetitu dependens, quem Arist. diuisit, solum habet tria illa membra, nempe, rectum, circulem, & mixtum ex utroque: ergo rectè, & adæquatè in ea diuiditur. Probatur minor, quia non est excogitabilis particularis motus naturalis, qui non procedat ab aliqua virtute simplici, aut mixta, & qui non fiat per simplicē lineam,

lineam, aut mixtam, & qui non procedat à medio, vel in medium tendat, seu circa medium fiat, & ita qui non sit circularis, vel rectus, aut ex utroque mixtus, vel sub his membris comprehendatur. Quod probatur etiam ex solutione argumenti propositi: nam ad formam eius negandum est antecedens, quod sub motu naturali proprie sumpto (ut accipitur ab Aristotele) comprehendatur alia membra, præter illa tria: nam motus, quo moueretur portio ignis, vel terræ ab oriente in occidentem, non foret naturalis, nec à naturali virtute eorum procederet, sed purè ab extrinseco proiciente, & quidem libero, vel casuali, aut contingente, ut per se est manifestum, quare nec sub diuiso eiusdem diuisionis comprehendetur, & pariter dicendum foret de motu formicæ circa centrum, cum sit motus progressiuus ab appetitu, & cognitione sensitiua procedens, & ideo non naturalis proprie sumptus: motus denique particulæ aeris à concavo Lunæ ad propriam Sphæram vere est motus reclus, imo vere est motus sursum, quia ad locum, qui verè, ac secundum naturalem ordinem, ac dispositionem mundi sursum est, tendit per eum corpus, & quamuis à loco sursum proficiscatur, virtute dicitur, talis motus esse à centro mundi, eo ipso, quod tendit in locum centro oppositum, quia motus naturalis inter terminos formaliter, aut virtualiter oppositos versari debet: ac propterea, quilibet locus, à quo tendit mobile, in proprium, ac naturalem, habet rationem oppositi. An vero tales motus & oppositi, quibus corpus naturaliter tendit in locum proprium, medium quidem inter centrum, & concavum Lunæ sine formaliter ad medium, vel à medio, ita ut mobile per se tendat in locum extremum, ad quem perueniret naturali-

ter, nisi impediretur à corpore medio, vel certè in medio ipso sisteret, quamuis ibi nullum foret corpus impediens, inferius discutietur.

QVAESTIO II.

An motus circularis, quo mouetur cælum sit ei naturalis, vel præter naturam.

QVAESTIO procedit in communi de cælesti corpore, ac motu eius circulari, & non inquirimus, an ei conueniat violententer, quia neminem inquam dixisse reperio violentum ei esse: cum enim constet, cælum esse præcipuum corpus simplex, ex quo vniuersum componitur, satis est per se manifestum, supremum situm, què habet supra elementa esse ei naturalem, quod igitur in illo eodem situ circumuolatur, non potest esse violentum, quia nec illum deserit per motum, nec motus ipse eum non deserendo contra aliquam inclinationem naturalem, eiusdem corporis esse potest, nec proinde violentus, quia violentum est contra inclinationem naturalem: solum ergo querit titulus questionis, an sit ei naturalis, vel præter naturam.

Et prior sententia tenet motum circularè non esse naturalem cælo, sed præter naturam: ita Auicena 9. libro suæ Metaphysicæ capit. 2. Albertus Magnus 2. libro Physicorum titul. 1. capit. 2. Scotus in 2. distinct. 2. quæst. 6. & in 4. distinct. 48. quæst. 2. Richardus in 2. distinct. 14. quæst. 6. Durandus ibidem, quæst. 2. & cum eis recentiores nonnulli. Probat, quia non procedit ex naturali inclinatione cælo, nec

ex contraria, sed à causa extrinseca mouentet ergo. Secundo, quia natura semper operatur propter aliquem finem, vt 2. libro Physicorum capit. 8. docuit Aristoteles; ergo omnis motus naturalis, propter aliquem finem naturalem esse debet, ad cuius constitutionem ordinetur: sed nullus est finis naturalis, propter quem possit moueri cælum: ergo motus eius naturalis esse non potest. Probatur minor, quia si aliquis esset maxime locus aliquis, aut vbi sibi adquirendum per motum, sed constat, in nullum locum naturaliter inclinari, sed in illo, quem à principio dedit illi Deus, supra omnia corpora contentum esse, nec appetere modum aliquem se habendi in eo diuersum ab eo, quem habuit in primo statu suæ conditionis, quia omnes modi, omnesque dispositiones, quas habere potest, aut variare in eo, sunt eiusdem rationis, & propterea nullam appetit potius, quam aliam, ergo nec pro variatione earum potest naturaliter moueri. Immo, quod amplius est, nec locus ille, aut si eius supremus potest esse ei naturalis, quare nec naturale esse potest ei in eo circumuolui. Probatur antecedens, quia solum esse potest locus naturalis corpori, vt in eo conseruetur, sed cælum non pendet à loco in conseruari, cum sit sua natura incorruptibile, & ideo eodem modo in quocumque conseruetur loco; immo etiam si in loco non sit, vt de prima sphaera docuit Aristoteles 4. lib. Physicorum; ergo nullus locus potest esse ei naturalis. Præterea, quia si locus esset naturalis cælo; ergo naturaliter quiescit in eo, sicut terra, vel aqua in proprijs, quare quies erit ei naturalis, motus vero nullo modo. Probatur tandem, quia motus sua natura perpetuus opponitur quieti, ergo qui naturalis est talis motus, violenta erit

quies ex quo inferitur, cælum non nisi violentè quiescere posse, & cum sit certum motum eius, vsque ad diem iudicij, & non amplius duraturum, sequitur violentam ei fore quietem, quod patet esse impossibile, cum perpetuo duratura sit, & nihil violentum sit perpetuum, vt inferius docet Aristoteles. Immo ex alia parte, si naturalis sit ei motus, videtur necessario quietem quoque naturalem ei esse; quem admodum quia naturalis est terræ motus deorsum, naturalis est ei quies in centro, & vniuersaliter loquendo cuiusque naturalis est motus, naturalis videtur esse quies ei opposita: quare si cælum mouetur naturaliter, quiescet quoque naturaliter, quod patet esse falsum: cum constet per miraculum quieturum post diem iudicij.

Secunda opinio opposita est asserens, motum circulare naturalem esse corpori coelesti, quam sequuti sunt omnes ferè antiquiores Philosophi, Porphyrius, Auerroes, Philo, quos refert, ac sequitur Simplicius 2. libro Physicorum tex. 1. atque etiam D. Damascenus cap. 6. suæ philosophiæ, Plotinus li. 1. AEnéidos 2. cap. 8. D. Thomas 3. contra Gentes, capit. 22. & ibidem Ferrariensis 1. parte, & 12. quæstion. 6. artic. 5. ad secundum. Diu. Bonauentura in 2. distinct. 14. artic. 3. Capreolus in 2. distinct. 9. quæst. 1. artic. 3. Soncinas 12. metaphysicæ, quæst. 11. ad 2. Sorus 2. lib. Physicorum, quæstion. 1. & ibidem Toletus. Pererius libr. 7. suæ philosophiæ, cap. 7. & 10. Conimb. lib. 2. de cælo. capit. 2. quæstion. 3. artic. 2. Probatur ex illo principio Aristot. cap. præsentis, videlicet cuiusque corpori naturali conuenit aliquis motus naturalis, quia natura est principium motus, sed cælum est corpus naturale cum componatur ex materia, & forma quibus conuenit ratio naturæ: ergo necessesse

ei tribuere aliquem motum naturalem, nec habet alterum præter circularem: ergo hic erit ei naturalis. Probatur deinde ratione, quia perfectio propriæ naturæ cuiusque est naturalis, & in eam inclinatur naturaliter: sed motus circularis est propria & maxima perfectio cælestis corporis, cum se communicet per eum his inferioribus, & maximam perfectionem eis tribuat, quare necesse est, esse illi naturalem, & in eum inclinari naturaliter.

Nostra sententia duabus assertionibus explicatur: prior sit, considerato cælo, ut est particulare corpus ex tali materia, & forma compositum, non est illi naturalis motus, sed præter naturam eius ab agente extrinseco, ac libero illatus. Probatur, quia cum motus sit via in terminum, solum potest in eum inclinari corpus naturaliter, quia aliquem terminum per eum consequendum appetat: sed nullus datur terminus consequendus per motum, quæ cælum appetat naturaliter: ergo nec potest motum ipsum naturaliter appetere, aut in eum inclinari, & ex consequenti, nec erit ei naturalis. Minorem sic probō, non est excogitabilis alius terminus, acquirendus per motum circularem, nisi nouus aliquis modus præsentis in eodem situi, per quem alio modo se habeat cæli, in ordine ad spatium secundum diuersam situationem partium, quam prius habebat, sed talis modus præsentis est eiusdem prorsus rationis cum eo, quem prius habebat, nec aliquam nouam perfectionem ei affert diuersæ conditionis ab ea, quam habebat: ergo nec talem modum, nec talem motum, per quem acquiratur potest appetere, immo nec magis motum, quam quietem. Confirmatur, quia elementa, & alia corpora mixta, non appetunt moueri, nisi quando carent aliqua perfectione ad illam consequendam per motum: sed

corpus cæleste non indiget alio vbi, ut conseruetur, & perficiatur: ergo per se, & ratione sui non appetit moueri, nec in motum localem inclinatur, ergo, & c. & hoc probant argumenta prioris sententis, quæ in hoc sensu vera est.

Assertio posterior: si cælum consideretur, ut pars præcipua vniuersi cum hac varietate, ac vicissitudine generationum, & corruptionum, à Deo conditi, habens naturales virtutes, per quas influit in inferiora corpora, naturalis est ei motus, & in hoc sensu loquitur posterior sententia, quam veram esse censemus, & expressam ab Arist. capite præsentis: vbi ex motu circulari probasse vidimus, ponendum esse quintum corpus præter quatuor consuetæ elementa, cui naturalis sit motus circularis. Ita enim arguit, motus recti naturales sunt aliquibus corporibus, & ideo necesse est ponere corpora aliqua, quæ moueantur naturaliter sursum, & deorsum, quæ elementa vocamus: ergo circularis motus debet alicui corpori naturaliter conuenire; sed constat, non esse naturalem elementis, cum moueantur naturaliter sursum ac deorsum: ergo præter illa ponendum est quintum cui naturaliter conueniat, & hoc est cælum. Expressa est igitur sententia Aristotelis, quod motus circularis sit naturalis cælo, sed probatum est, non esse ei naturalem, considerato secundum rationem particularis corporis: ergo necessarium est, in doctrina Aristot. asserere, quod sit ei naturalis, ut corpori vniuersali, hoc est, ut parti vniuersi supremæ habenti naturales virtutes, atque vniuersales per quas vniuersalis est causa inferiorum effectuum. Quod etiam D. Thomas docet quæst. 5. de potentia, quæstiuicula 5. articulus 5. in 4. distinctione 48. articulus 2. & 3. contra gentes capite 23. affirmans, cælum

cœlum æqualiter se habere ad omnia vbi, vel ad omnes modos præsentia, quos acquirit per motum, & idem vnum habens non appetit naturaliter alterum, quia ex eius acquisitione non acquirit perfectionem alterius conditionis ab eo, quam habebat, nec pro eo acquirendo moueretur, nec motus, quem habet, naturalis est propter eum acquirendum, sed præcise, vt diuerso modo applicatum secundum diuersas partes ad hæc inferiora, diuersam virtutem, diuersosque effectus eis communicet, & præsertim speciei humanæ, cui communicat noua indiuidua, in quantum sua virtute disponit materiam pro introductione nouarum animarum, & generatione nouorum hominum simul concurrente cum particularibus causis generantibus, & hunc asserit esse finem intentum per motum cœlestis corporis, ex quo habet, quod sit ei naturalis.

Sed ratio probatur eadem assertio, quia pars quælibet naturalem habet inclinationem ad bonum totius, & longe maiorem, quo bonum totius maius, ac perfectius est bono cuiuslibet partis: sed cœlum est pars vniuersi, & præcipua, ac prima, ergo habet inclinationem naturalem ad bonum eius, quod in generatione, & conseruatione sublunarium corporum consistere notum est, nec minus notum, quod idem bonum magna ex parte deriuetur ex virtutibus, atque influentiis cœlestibus medio motu applicatis: ergo procedit idem motus ex naturali inclinatione cœlestis corporis ad idem bonum communicandum, quare naturalis erit cœlo, vt principio passiuo composito ex materia, & forma, cum sit medium à natura ordinatum pro consecutione naturalis finis.

Et ex his constat ad primum argumentum prioris sententia. Ad secundum ne-

ganda est minor, & quæ adducuntur ad illius probationem solum probant nostram primam conclusionem. Ad tertium negamus antecedens, & illius probationem, licet enim cœlo non sit naturalis locus aut præsentia ob illius conseruationem, quia incorruptibile est, sed tamē naturalis est præsentia super alia corpora & ratione propriæ dignitatis præ alii corporibus simplicibus, & propter eius influxum in sublunaria transiliendum.

APPENDIX DVBIUM.

An quies cœlorum post diem iudicii futura sit naturalis, aut violenta.

Circa quietem vero in eodem loco, vel vbi, quæ tangitur in eodem argumento, atque etiam in postremo, diuerso modo loquuntur recentiores Philosophi, nam quidam non esse cœlo naturalem asserunt ex mente Aristotelis, qui tenuit, Deum non liberè, sed ex necessitate applicare intelligentias ad mouenda cœlestia corpora, & idem non liberè, sed ex determinatione ad vnum ea perpetuo mouere; quo fit, non esse possibile à motu vnquam cessare, quod vt significaret lib. 9. Metaphysicæ c. 4. text. 17. dixit non esse pertimescendum, ne cœlestia corpora stent, quia non inest eis potentia contradictionis, hoc est, vt moueantur, & ita docent, tenuisse cum Aristotele omnes fermè Græcos interpretes 1. lib. Physicorum. Vt Themistium, Philopponum, Simplicium, & Alexandrum 2. lib. naturalium quaestionum, cap. 18. & ex Latinis nonnullos. Ipsi tamen recentiores putant, non esse ita sentiendum, sed potius quietem esse naturalem cœlo. Quod probant primò, quia cœlum sic mouetur naturaliter, vt non à principio effectiuo intrinseco, sed extrinseco moueatur: ergo

propria natura habet potentiam solum passivam ad motum, & indifferentiam quidem, ut moveri possit, & non moveri ab Angelo, quo fit, utrumque esse ei naturale, nempe moveri ab eo, & non moveri, aut moveri, & quiescere. Secundo, omnis quies in loco naturali naturalis est corpori, ut elementis quies in propriis locis, ergo cælo erit naturalis quies in loco supremo ei proprio, ac naturali.

Ego vero (quidquid sit de mente Aristotelis, circa modum, quo moventur cæli ab Angelis, de quo suo loco dicam) cum D. Thoma in 4. dist. 48, q. 1. artic. 1. & cum omnibus fere recentioribus assero, cælum nullum habere principium aditivum motus, sed passivum dumtaxat, ut docui i. libro Physicorum explicans definitionem naturæ, & ideo quietem non esse ei naturalem, sed præter naturam, quia solum ex propria natura, & dignitate primi, ac nobilissimi corporis postulat, supra cætera corpora esse, quod vero supra illa sit cum motu, aut sine illo, à causa extrinseca solum habet: ergo si solum habere considerationem particularis corporis naturam foret moveri, atque etiam à motu quiescere: ut vero habet aliam considerationem partis uniwersi cum mobilitate, ac vicissitudine conditi, & partis quidem uniwersalis, ac primæ, habentisque virtutes naturales, per quas multa bona potest conferre eidem uniuerso in eodem vicissitudinis statu existenti, quod non potest ea præstare nisi medio motu, postulat motum naturalem, quandiu idem uniuersum in eodem vicissitudinis, ac mutabilitatis statu perseverat: statu tamen variato, & eadem vicissitudine cessante, cessat quoque inclinatio naturalis ad motum, quia cessante fine, cessat necessitas medii, & iam cælum non est pars mundi variabilis, aut vicissitudinem habentis, & cū va-

rietur status mundi ab extrinseca causa, nempe diuina voluntate, ab eodem fit, ut quiescat cælum, & non à propria natura, & propterea quies non est naturalis, sed præter naturam.

Sed potest obiici aduersus hanc doctrinam hoc modo: inclinatio naturalis cæli ad motum provenit ex situ naturali ad bonum mundi, quod tanquam pars eius sua virtute potest ei communicare: sed natura cæli est eadem, siue mundus perseveret cum transmutabilitate, ac vicissitudine, cum quo conditus est, siue eam amittat: ergo eadem est inclinatio naturalis in eundem finem, & ex inclinatione ad finem provenit inclinatio ad medium, quod est motus: ergo eadem perseverat in eo inclinatio naturalis ad motum, contra quam erit quies, & consequenter violenta. Et vergeri potest hæc ratio, quia cessatio generationum non erit naturalis, sed libere facta à Deo: ergo non potest tollere naturalem inclinationem cæli ad motum, nec proinde efficere potest, quod non sit violenta quies. Respondeo, cælum secundum propriam naturam, & virtutes influendi naturales, naturam quoque habere inclinationem ad illas exercendas, si adsint corpora inferiora in statu transmutabilitatis, & variationis, & hanc inclinationem nunquam amittit: his vero deficientibus, statimque eorum, non potest eam naturaliter exercere, quare nulla sit ei violentia, si ad eam exercendam non moveatur, aut auxilium ad operandum non tribuatur, quare nec violenta erit quies, nec cessatio ab operationibus, quas habuit in statu transmutabilitatis inferiorum corporum. Et possumus exemplum sumere in igne, naturalem habente inclinationem ad agendum circa passum sibi approximatum, cui absque dubio violentia fiet si præsentem passum suspendatur

ei con-

ei concursus ad operandum, & tunc quies ab operando violēta erit, si vero nullum sit passū, circa quod possit operari, vel certe nō sit ei approximātū, nulla prorsus violenta fiet ei, si non conferatur auxilium ad operandum, nec dicitur ei violenta quies ab operando, etiam si eadem eius inclinatio ad operandum perseveret, pariter ergo dicendum est in nostro casu.

Ad primum argumentum oppositæ sententiæ distinguenda est posterior pars prioris consequentis, nam consideratum cælum, ut corpus particulare, verum est, indifferens esse ad verumq; nēpe, ut moueatur, & quiescat, sed neganda est posterior, quod verumque sit ei naturale, imō potius ex indifferentia ad verumque colligitur plane neutrum ei esse sic considerato naturale, quia quod naturale est respectu alicuius, non est indifferens, sed determinatum ad illud. Cæterum si consideretur, ut pars vniuersi cum transmutabilitate, & vicissitudine conditi, atque existentis, naturalis est ei motus, & violenta foret ei quies, si in tali statu rerum inferiorum siteret a motu, quod verovarioratio eodem statu sistat, violentum non est ei, sed præter naturam, ut expositū est.

Ad secundum vero distinguendum est antecedens, quod omnis quies in loco naturali, naturalis sit corpori: nam si corpus dependeat a loco in sua conseruatione, ita est, & propterea naturalis est quies sublunarium corporum in locis naturalibus: si vero corpus non dependeat in sua conseruatione a loco, ut constat de corpore cælesti, quod cum sit incorruptibile, & perfectissimum, non indiget loco ad propriam conseruationem, sed ubique conseruari potest, tali corpori non est naturalis quies, nam quod naturale sit ei supra omnia corpora esse, non est quidem naturale propter indigentiam, vel propter ipsum locum, sed meri-

to suæ dignitatis ei conuenit: eiusmodi autem conuenientia abstrahit a motu, & quiete, neutrum postulat, sed sufficienter completur, siue vno, vel alio modo supra illa sit. Ex quibus satis constat ad duo postrema argum. prioris opinionis quæstionis præcedentis.

QVAESTIO III.

An cæleste corpus a sua sede extrahitur, vel pars eius, ab eo diuisa moueretur naturaliter ad illam, vel naturaliter quiesceret.

CERTA res est, nec posse cæleste corpus a propria sede extrahi, nec partem eius ab eo abscindi, atque in loco inferiori collocari naturali aliqua virtute, sed nec diuina per potentiam ordinariam: nec est minus certum, verumque fieri posse per potentiam Dei absolutam, nam licet sit naturæ eius dissonum, nullam tamen implicationem contradictionis inuoluit: eadem vero ratio est de toto cælo, & parte eius, ut docuit Aristoteles cap. sequenti. text. 19. in fine, quia eadem, inquit, est natura vtriusque.

Conueniant omnes opinantes, quod cælum, aut pars eius sic existens non moueretur ad propriam sedem motu naturali a principio intrinseco actiui, sed ibidem permaneret immobilis, nisi ab extrinseco principio, nēpe Deo, moueretur, quod probari potest, quia cum repugnet a propria sede remoueri, non fuit ei concedenda aliqua virtus, per quam possit

propria natura habet potentiam solum passiuam ad motum, & indifferentem quidem, ut moueri possit, & non moueri ab Angelo, quo fit, utrumque esse ei naturale, nempe moueri ab eo, & non moueri, aut moueri, & quiescere. Secundo omnis quies in loco naturali naturalis est corpori, ut elementis quies in propriis locis, ergo cælo erit naturalis quies in loco supremo ei proprio, ac naturali.

Ego vero (quidquid sit de mente Aristotelis, circa modum, quo mouentur cæli ab Angelis, de quo suo loco dicam) cum D. Thoma in 4. dist. 48. q. 2. artic. 1. & cum omnibus fere recentioribus assero, cælum nullum habere principium actuum motus, sed passiuum dumtaxat, ut docui. libro Physicorum explicans definitionem naturæ, & ideo quietem non esse ei naturalem, sed præter naturam, quia solum ex propria natura, & dignitate primi, ac nobilissimi corporis postulat, supra cætera corpora esse, quod vero supra illa sit cum motu, aut sine illo, à causa extrinseca solum habet: ergo si solum habere considerationem particularis corporis præter naturam foret moueri, atque etiam à motu quiescere: ut vero habet aliam considerationem partis vniuersi cum mobilitate, ac vicissitudine conditi, & partis quidem vniuersalis, ac primæ, habentisque virtutes naturales, per quas multa bona potest conferre eidem vniuerso in eodem vicissitudinis statu existenti, quod non potest ea præstare nisi medio motu, postulat motum naturalem, quando idem vniuersum in eodem vicissitudinis, ac mutabilitatis statu perseverat: statu tamen variato, & eadem vicissitudine cessante, cessat quoque inclinatio naturalis ad motum, quia cessante fine, cessat necessitas medii, & iam cælum non est pars mundi variabilis, aut vicissitudinem habentis, & cū va-

rietur status mundi ab extrinseca causa, nempe diuina voluntate, ab eodem fit, ut quiescat cælum, & non à propria natura, & propterea quies non est naturalis, sed præter naturam.

Sed potest obici aduersus hanc doctrinam hoc modò: inclinatio naturalis cæli ad motum provenit ex situ naturali ad bonum mundi, quod tanquam pars eius sua virtute potest ei communicare: sed natura cæli est eadem, siue mundus perseveret cum transmutabilitate, ac vicissitudine, cum quo conditus est, siue eam amittat: ergo eadem est inclinatio naturalis in eundem finem, & ex inclinatione ad finem provenit inclinatio ad medium, quod est motus: ergo eadem perseverat in eo inclinatio naturalis ad motum, contra quam erit quies, & consequenter violenta. Et vrgeri potest hæc ratio, quia cessatio generationum non erit naturalis, sed libere facta à Deo: ergo non potest tollere naturalem inclinationem cæli ad motum, nec proinde efficere potest, quod non sit violenta quies. Respondeo, cælum secundum propriam naturam, & virtutes influendi naturales, naturam quoque habere inclinationem ad illas exercendas, si ad sine corpora inferiora in statu transmutabilitatis, & variationis, & hanc inclinationem nunquam amittit: his vero deficientibus, statique eorum, non potest eam naturaliter exercere, quare nulla sit ei violentia, si ad eam exercendam non moueatur, aut auxilium ad operandum non tribuatur, quare nec violenta erit quies, nec cessatio ab operationibus, quas habuit in statu transmutabilitatis inferiorum corporum. Et possumus exemplum sumere in igne, naturalem habente inclinationem ad agendum circa passum sibi approximatum, cui absque dubio violentia fiet si præsepe passu suspendatur

ei concursus ad operandum, & tunc quies ab operâdo violêta erit, si vero nullum sit passû, circa quod possit operari, vel certe nô sit ei approximâtû, nulla pro suis violenta fiet ei, si non conferatur auxilium ad operandum, nec diceretur ei violenta quies ab operando, etiam si eadem eius inclinatio ad operandum perseveret, pariter ergo dicendum est in nostro calu.

Ad primum argumentum oppositæ sententiæ distinguenda est posterior pars prioris consequentis, nam consideratum cælum, vt corpus particulare, verum est, indifferens esse ad vtrumq; nempe, vt moueatur, & quiescat, sed neganda est posterior, quod vtrumque sit ei naturale, imò potius ex indifferentia ad vtrumque colligitur plane neutrum ei esse sic considerato naturale, quia quod naturale est respectu alicuius, non est indifferens, sed determinatum ad illud. Cæterum si consideretur, vt pars vniuersi cum transmutabilitate, & vicissitudine conditi, atque existentis, naturalis est ei motus, & violenta foret ei quies, si in tali statu rerum inferiorum sisteret à motu, quod verò variatio eodem statu sistat, violentum non est ei, sed præter naturam, vt expositum est.

Ad secundum vero distinguendum est antecedens, quod omnis quies in loco naturali, naturalis sit corpori: nam si corpus dependeat à loco in sua conseruatione, ita est, & propterea naturalis est quies sublunarium corporum in locis naturalibus: si vero corpus non dependeat in sua conseruatione à loco, vt constat de corpore cælesti, quod cum sit incorruptibile, & perfectissimum, non indiget loco ad propriam conseruationem, sed vbique conseruari potest, tali corpori non est naturalis quies, nam quod naturale sit ei supra omnia corpora esse, non est quidem naturale propter indigentiam, vel propter ipsum locum, sed meri-

to suæ dignitatis ei conuenit: eiusmodi autem conuenientia abstrahit à motu, & quiete, neutrum postulat, sed sufficienter completur, siue vno, vel alio modo supra illa sit. Ex quibus satis constat ad duo postrema argum. prioris opinionis quæstionis præcedentis.

QVAESTIO III.

An cælesse corpus à sua sede extractum, vel pars eius, ab eo diuisa moueretur naturaliter ad illam, vel naturaliter quiesceret.

CERTA res est, nec posse cæleste corpus à propria sede extrahi, nec partem eius ab eo abscindi, atque in loco inferiori collocari naturali aliqua virtute, sed nec diuina per potentiam ordinariam: nec est minus certum, vtrumque fieri posse per potentiam Dei absolutam, nam licet sic naturæ eius dissonum, nullam tamen implicationem contradictionis inuoluit: eadem vero ratio est de toto cælo, & parte eius, ve docuit Aristoteles cap. sequenti. text. 19. in fine, quia eadem, inquit, est natura vtriusque.

Conueniunt omnes opinantes, quod cælum, aut pars eius sic existens non moueretur ad propriam sedem motu naturali à principio intrinseco actiuo, sed ibidem permaneret immobilis, nisi ab extrinseco principio, nêpe Deo, moueretur, quod probari potest, quia cum repugnet à propria sede remoneri, non fuit ei concedenda aliqua virtus, per quam possit

possit se restituere, frustra enim foret. Quæ est doctrina Aristotelis cap. i. huius libri. Quo præsupposito in duobus posita est difficultas questionis: vnum est, an quies in tali loco inferiori esset illi naturalis, vel violenta, aut præter naturam. Alterum, an si restitueretur in propriam sedem talis motus esset ei naturalis, vel violentus, aut præter naturam.

Et circa quietem sentiunt Patres Comimb. hic, nullam quietem fore violentam cælo, & ideo, nec in tali loco violenter quiesceret, quod etiam sentiunt recentiores illi, qui tenent non dari violentum, nisi illud, quod est contra impetum rei, hoc est contra actiuam inclinationem ad oppositū, vt videtur sentire Aristoteles a libi à nobis relatus: sed supponimus non dari in cælo actiuam inclinationem ad motum: ergo repugnat ullam quietem fore ei violentam, iuxta horum sententiam. Alij vero, qui ad rationem violenti putant sufficere, quod sit contra quamlibet inclinationem naturalem rei, actiuā, aut passiuā, seu formalem (quod & nos scripsimus 2. libro de anima) asserunt violentam esse quietem cælo, aut parti eius in inferioribus existenti. Probant, quia naturale est ei esse in superiori loco tota coniunctam: ergo separari à toto, aut loco eodem violentum est ei: cum sit contra inclinationem naturalem, saltem passiuam, ei motus, quo separatur, erit quoque violentus: sed quies illa est terminus eiusdem motus: ergo necessario dicendū est esse violentam: probatur consequentia, quia motus quicumque à suo loco naturali, & quies per eum acquisita, violenti sunt.

Circa motū vero totius cæli, aut parti eius in eodem loco inferiori existentes, tenent recentiores quidam, moueri posse ab Angelo ad supremū locū, in quo erat, motu naturali. Probant, quia cælo,

aut parti eius naturaliter debetur supremū vbi: ergo existens in loco inferiori naturaliter illud appetit: sed motus quo mouetur corpus in locū, quem appetit naturaliter, est naturalis: cum procedat ex inclinatione naturali in terminū: ergo talis motus naturalis foret non quidem à principio actiuo intrinseco, quod diximus non habere cælum, sed solum à principio passiuo intrinseco, & actiuo extrinseco, sicut mouetur in propria sede. Secundo, quia motus, quo à proprio loco naturali extraheretur, foret violentus: nam impossibile est aliquid separari à proprio loco naturali, nisi per violentiam: cū separatio sit contra naturalem inclinationem eius: ergo motus, quo rediret in eundem locū naturalem naturalis esse deberet: probatur consequentia, quia tales motus essent contrarii, & ideo si vnus esset violentus, alter deberet esse naturalis. Nostra sententia duplici assertionem explicanda, & probanda est.

Prior est, quietem cæli, aut partis eius in loco inferiori, non esse violentam, sed præternaturalem, quam sic probo. Quies est priuatio motus, & proprius terminus, in quem tendit: ergo eodem modo se habebit respectu eiusdem corporis, cui conueniūt, ita vt si violenta sit ei quies, ita etiam motus, atque ex opposito: sed talis quies est terminus motus, per quem cælum, vel pars eius in loco inferiori perueniunt, non ergo potest esse violenta, nisi violentus fuerit motus, quem terminat: sed talis motus non fuit violentus: ergo nec eadem quies violenta est: probatur minor, quia motus violentus debet esse oppositus motui naturali eiusdem corporis: sed talis motus, per quem cælum, vel pars eius in inferiorem locū peruenisset, non fuisset contrarius motui circulari eiusdem cæli in propria sede, quia motus rectus, & circularis non

sunt oppositi, sed quasi disparati : ergo quies per talem motum acquisita non potest esse violenta, sed erit præternaturalis, quia à causa extrinseca præter inclinationem corporis. Secundo, quia si aliqua ratione foret violenta quies illa, & motus similiter, per quem ad talem locum pervenit corpus, idem esset, quia per verumque extrahitur, vel extractum est à propria, & naturali sede, sed hoc non sufficit, ut violenta sit; ergo non est talis celsenda. Probatur minor, quia extrahi corpus à proprio loco non est ei violentum, nisi extrahatur per motum oppositum proprio, ac naturali, & tendat in locum oppositum, aut contrarium proprio, aut propriæ naturæ, vel certe contra propriam inclinationem naturalem detineatur in loco alio: sed nihil horum reperitur in casu præsentis quietis, ergo non potest celseri violenta: probatur minor, quia nec motus separationis (qui deorsum est) oppositum habet cum motu circulari, cæli, quantum diuersus sit ab eo, & quasi disparatus, sed nec locus inferior, in quo deriuatur, contrarius cælesti, aut naturæ eiusdem cæli, quia nec cælum, nec spatium eius contrarium habere potest, nec ratione dispositionum, aut qualitatum, nec ratione distantiarum, quia circulare spatium non potest per lineam rectam comparari alicui spatio inferiori, & ideo nec esse ei contrarium, vel oppositum, cum oppositio harum rerum secundum rectam lineam sumi debeat. Nec tandem violenta est talis quies, quia per eam priuatur corpus loco supremo sibi naturali, & ideo contra naturalem, inclinationem: nam esse suprema omnia corpora solum est naturale cælo propter congruentiam suæ naturæ perfectissimæ, non tamen ut acquirendum per motum vel retinendum per quietem, quare nec motus ad tale ubi, naturalis esse potest, nec etiam

quies in eo. Loquimur vero in questione hac de corpore cælesti, aut parte eius abscissa secundum se consideratis, & ut est particulare corpus: nam ut pars vniuersi in statu transmutabilitatis existentis, non potest quiescere, quin ei fiat violentia non ex eo, quod priuatur supremo ubi secundum se, sed quia extra illud non potest influxum habere in inferiora corpora, ad quem exercendum naturaliter inclinatur.

Affertio posterior: cælum, aut pars eius in loco inferiori existens nullum motum naturalem habere potest, etiam ab extrinseca intelligentia, neque violentum, sed quicumque motus eius præter naturam foret. Hæc conclusio colligitur ex doctrina Aristotelis capite tertio huius libri, ubi negat expresse, quod cælum, vel pars eius possit moveri sursum, vel deorsum, sed talis motus, si daretur, sursum foret; ergo impossibile esse sentit Aristoteles. Sed respondent recentiores, solum negare Aristotelem cælo, aut parti eius, motum naturalem sursum, ac deorsum à principio intrinseco actiuo, quia tale principium non potest esse nisi gravitas, aut leuitas, quibus carere affirmat corpora cælestia, sed non negat, quod possint moveri motu recto naturali à principio passiuo intrinseco, & actiuo extrinseco. Hæc tamen solutio omnino est insufficiens, & contra mentem, & verba Aristotelis, qui capite præsentis docuit, vni corpori vnam tantum lationem naturalem conuenire posse, & hanc respectu cæli esse circularem, quam ei docet conuenire à principio passiuo intrinseco, & extrinseco actiuo, nempe, intelligentia, ut ostendatur inferius; ergo censet, nullam lationem rectam naturalem ei posse esse etiam à principio passiuo.

Maneret ergo illa particula cæli immobilis prorsus in loco in quo per diuinam potentiam poneretur, quia elementa ita amant sua naturalia loca, vt nō intendant ab illis expellere aliud nisi quod forte acquisitionem ipsius naturalis loci impediat, sicut aqua infusa vāsi aerem expellit, vt locus inferior sibi vacet. Quod si elementum sit in sua regione non intendit expellere aliquod quod sibi admisceatur, si autem esset aliqua violenta ab extrinseco posset pars cæli huc illuc circumferri, v.g. si ad implendum vacuum oporteret, vt cæli pars ascenderet, & vtique, non tamen esset motus ille contra eius naturam, alias si motus sursū contra naturam esset motus deorsum, esset secundum naturam, quod falsum est. Præterea cum pars illa cæli neque gravitatem habeat neque leuitatem nulli motui positivè resisteret, sed omnis motus ei esset præter naturam, non contra naturam.

Quod si obijcias. Idem est motus totius, & partis, sed totum cælum mouetur circulariter: ergo pars illa cæli in loco inferiori posita, etiam moueretur circulariter.

Huic obiectioni facile respondetur, illam cæli particulam ab intrinseco non posse moveri circulariter, sicut neque totum cælum ab intrinseco mouetur, sed haberet aptitudinem, vt ab extrinseco talem motum reciperet magis quam alium, & ita posset facile circumferri circa terræ centrum. Motus enim circularis quia circa terræ centrum non fit non est simplex, sed compositus ex sursum, & deorsum.

Probatur deinde ratione, quia aut talis motus conueniret naturaliter cælo, secundum rationem particularis corporis, vel vt pars est vniuersi cum trāsmutabilitate existentis, non sub consideratio-

ne priori, sub qua probauimus (& concedunt aduersarij) nec motum circularem in propria sede esse illi naturalē, sed præter naturā: ergo erit multo minus naturalis ei motus rectus. Secūdo, quia nō est cōcessa à natura cælo quomodolibet cōsiderato; vlla inclinatio ad motum, per quem se restituat in propriam sedem, si ab ea extractum fuerit, nam cū repugnet naturaliter ab ea extrahi, vel extra eam fieri, frustra daretur ei talis inclinatio, quam exercere naturaliter nō posset: sed motus naturalis debet procedere ab inclinatione naturali mobilis: ergo repugnat talem motū fore naturalem cælo, sed præter naturam eius diceretur, & eisdem rationibus probatur violentum esse non posset cum constet, nulli inclinationi naturali esse oppositum.

Ad primum argumentum contrariæ sententiæ distinguendum est antecedēs, quod naturale sit cælo, aut parti eius supremæ vbi: nam si naturale accipiat pro congruente dignitate, ac nobilitate naturali eius, verum est, si vero ad conseruationem eius necessarium, vel vt cōsequendum per motum ex inclinatione aliqua naturali: sicut terræ est naturale centrum, erit falsum, vnde quies in alio loco non potest esse ei violenta, nec motus ad proprium vbi naturalis. Ad secundum negandum est antecedens, quod motus, per quem separaretur à propria sede foret violentus, & cum dicitur fore contra inclinationem naturalem eius, etiam negamus, quia talis motus esset rectus, cū procederet mobile per eum de loco ad locum. Motus autem rectus non est circulari oppositus, neque alicui inclinationi cœlestis corporis, quæ determinatur ad supremum vbi, & non ad motum, per quem illud consequatur, neque ad quietē in eo, cū sit priuatio motus, & ideo non possit habere inclinatio-

onem naturalem ad quietem, quod non habet illam ad motum, per quæ acquirenda est.

QVAESTIO IV.

An cælum sit diuersa natura à corporibus sublunariis.

EX motu circulari à posteriori probauit efficaciter Aristoteles cap. præsentis dari in natura rerum quintam quandam substantiam corpoream, cælum vocatum, præter quatuor consuecta elementa, & hanc sententiam primus inuexit in scholam Peripateticam, cuius patres, caputque ipse extitit, & ideo vulgo quasi in proverbium vocata est, quinta substantia Peripateticorum, & hoc pertinet ad quæstionem, an sit cælum. Quare ordine scientifico sequitur inquirendum, quidnam sit, ad quod pertinet proposita quæstio.

In qua fuit prior opinio Philosophorum Aristotele antiquorum, ferè omnium, qui existimant, cælum eiusdem naturæ esse cum elementis, aut cæteris corporibus sublunariis, ut Philo Iudæus retulit in libro de somniis, Plurarchus 2. libro de placitis philosophorum cap. 11. D. Theodoretus in libr. de materia, & mundo, & Picus Mirandulanus, lib. de examine vanitatum c. 12. Heracl. enim dicebat, esse de natura ignis, Empedocles, quasi crystallum, ex aere, & igne confectum. Thales, terreum quoddam corpus, & graue. Plato vero, & Diuus Augustinus retulit 8. libro de ciuitate Dei, capite. 11. quasi compactum esse voluit, ex elementorum floribus vel ut Proclus exponit, in libro, qui inscribitur:

Observationes eorum, in quibus Aristoteles contradicere Timæo Platonis, ex elementorum deliciis præsertim ignis, & terræ; & tandem plures ex sanctis Patribus Platoniam doctrinam sequuti, videntur cælum igneum fuisse, ut Ambrosius 1. lib. Exameron cap. 3. Augustinus 1. lib. de Genesi ad litteram cap. 4. & Theodoretus 9. lib. in Genesim. Fundamentum eorum videtur fuisse, quia accidentia oriuntur ex ipsamet natura substantiæ, ut eis ornetur ac perficiatur, eisdemque vtatur ad operandum. Sed cœlestia corpora constant accidentibus eiusdem naturæ & rationis, & sublunaria corpora: ergo sunt eiusdem naturæ substantialis cum eis: Antecedens probatur ex quantitate eorum, ex raritate, & densitate, ex diaphaneitate, aut transparentia: nam stellæ, quæ partes cæli sunt, densiores esse constat cæteris partibus eius, & propterea splendorem in se receptum in nos reuerberant ex calore, quem cinereum esse videmus, & diuersos alios colores tribuunt Astrologi planetis, Marti rubeum, & pariter cæteris, & vniuersaliter docere videntur, Planetas secundum frigus, & calorem vicissim se transmutare: vnde Iannam dicunt esse humidam, Saturnum frigidum, & siccum, Martem vero calidum. Præterea lumen videmus esse commune accidens cœlorum atque elementorum, & soliditatem, per quam tangi possunt communem quoque habent cum his corporibus tangibilibus, & ex consequenti mixtam substantiam ex elementis.

Secunda sententia asserit corpora cœlestia esse quintam substantiam, & naturam simplicem ab elementis, & mixtis diuersam, & eis perfectiorem. Hæc est expressa Aristotelis capite secundo, & tertio huius libri, quam receperunt philosophi omnes, atque Theologi, &

nobis tanquam vera tenenda est. Probat-
tur primum ratione Aristotelis capit. 3.
allata ex loco, & motu desumpta, nam
corporibus concessit natura locum, &
motum iuxta propriam conditionem,
& ided corporibus eiusdem naturæ
eundem locum, & motum, diuersæ vero
naturæ diuersos, vt gradibus locum, &
motum deorsum, leuibus sursum: sed
cælo concessit diuersum locum, &
motum ab elementis, ergo diuersam
naturam. Probatur minor, quia locum ei
concessit supra omnia elementa, mo-
tum vero circularem, qui valde diuersus
est à motibus rectis sursum, & deorsum
elementis concessit. Et speciali ratio-
ne de igne probauit idem Aristoteles,
quod cælum non sit de natura eius primo
libro Meteor. capite 3. quia cum tam
magna sit voracitas, atque acrimonia
ignis, & ex alia parte tanta sit magni-
tudo, & densitas cæli, & astrorum, absque
dubio operarentur ad longissimam di-
stantiam, & iam pridem totus hic inferi-
or mundus incendio deflagrasset. Proba-
tur tandem ex influentiis vniuersalibus
cæli, & astrorum circa omnia subluna-
ria corpora. Nam virtus influens, & o-
perandi tam varios, ac mirabiles effe-
ctus, & circa corpora tam diuersa specia-
lis est in cælo, & elementis non concessa:
sed talis virtus oritur ex natura eius,
sicut aliæ virtutes aliorum corporum:
ergo corpus virtutis adeo diuersæ, diuer-
sæ etiam naturæ censeri debet, & eisdem
argumentis probatur etheaciter, quod
cælum sit diuersæ naturæ ab omnibus
mixtis.

Ad fundamentum oppositæ sententiæ
distinguenda in primis sunt duo genera
accidentium, nam quædam sunt quasi v-
niuersalia, quibuslibet corporibus com-
munia, vt quantitas, densitas, raritas &
magna ex parte lumen, quo omnia fere
corpora aliquomodo capacia sunt, &

cum hæc sequantur vniuersalissimam
rationem corporum, non indicant diuer-
sam naturam eorum, nec ideo ex eis col-
ligi potest, nisi forte ex particulari modo
alicuius eorum, vt ex modo habendi lu-
cem, tanquam fontem eius colligimus,
solem diuersæ naturæ ab aliis corpori-
bus, eam ab eodem sole participantibus.
Alia sunt specialiora accidentia or-
ta à corporibus secundum specialio-
rem rationem, vt colores, qualitates tan-
gibiles, grauitas, leuitas, & alia, quæ vo-
cantur secundæ qualitates, quia ortum
habent ex concursu aut permixtione
primarum, de prioribus igitur concedi-
mus, communia esse cælo cum corpori-
bus sublunaribus: sed ex eis non colligi-
tur diuersa natura corpora, quibus
conueniunt, vt vidimus, habent tamen
alia cœlestia corpora, ex quibus colligi
potest diuersæ naturæ esse à corporibus
sublunaribus, vt probant argumenta,
quibus nostram, atque communem sen-
tentiam corroborauimus. De posteriori-
cus vero accidentibus negamus, quod
communia sint cœlis, elementis, aut
mixtis; non enim habent veros colores,
sed apparentes dumtaxat, circa quos
absque dubio fallitur visus noster eos
pro veris accipiens: nam lucem cœ-
lestem quæ propter multitudinem
materiæ, in qua recepta est, certo mo-
do attemperatur, iudicat esse colo-
rem cæruleum, vel alium similem, &
certa refractione lucis in nube appa-
rent nobis rubei, virides, aliique colores.
De qualitatibus vero tangibilibus, præ-
sertim adiuuis, quas Astrologi attribui-
unt Aristoteli, dicimus, non formaliter
in eis esse, sed eminenter, aut virtualiter,
in quantum speciali ratione eas produ-
cunt, in corporibus inferioribus.
Quod vero ad sanctos Patres attinet, in-
tatis bene exponit D. Bonaventura in
2. di-

2. distinct. 14. num. 6. asserens inter eos, & Peripateticos philosophos ponentes cū Aristotele quintum corpus diuersæ naturæ, ab elementis de solo nomine, aut modo loquendo discrimen esse: nam quia ignis nimis est lucidus, per quandam cū eo similitudinem, in modo elucendi, cælos igneos appellauit sancti: Re tamen vera, alterius esse naturæ ab igne, & cæteris elementis crediderunt, sicut sentit Peripatetica schola, quam sequimur.

QVÆSTIO V.

An cælum sit compositum ex materia, & forma.

QVamuis cælestia corpora sensu percipiamus, propter maximam tamen distantiam à nobis non est adeo explorata natura eorum, sicut aliorum corporum sublunarium, ideo non est usquequaque certum inter Philosophos, ac Theologos, an materiam habeant, ex qua simul, & forma sint composita, sicut cætera corpora. Et prima sententia habere negat materiam, sed formas quasdam esse velut subsistentes, atque completas in genere corporeæ substantiæ, quemadmodum Angeli sunt formæ subsistentes, & completæ in genere spirituali.

Primus auctor huius positionis videtur fuisse Auerroes in libro de substantia orbis cap. 2. & 1. libro de cælo ad textum 7. & 10. quem secuti sunt postea ex Theologis non pauci. Durandus in 2. distinct. 12. quæst. 2. num. 24. Gabriel ibidem, quæstione secunda, Aureolus apud Capreolum quæst. vnica, ad secundum quæst. Maior distinct. 14. quæst. 2. Bassalus quæst. prima artic. 4. Godfredus quodlibeto 2. quæst. 2. Antonius Andreas 8. libr. Metaphysicæ,

quæst. 4. Iandun. ibidem quæst. septima: Saxonia libro de cælo, quæst. 4. artic. 11. immo & D. Thomas in 2. distinct. 12. quæst. 1. artic. 1. ad 5. eam referens probare videtur. Scotus vero ad 14. eiusdem libri, qu. 1. in principio asserit, secundum Theologos dicendum esse, cælum compositum esse ex materia, & forma: secundum Aristotelem verò, denegandam esse cælo omnem materiam: & addit Auerroem melius in hac re, quam cæteros philosophos, mentem Aristotelis assequutum fuisse. Probatur hæc sententia primo egregijs testimonijs Aristotelis. Primum habetur 9. libro Metaphysicæ textu 17. vbi incorruptibilibus, & æternis denegat potentiam, non quidem accidentalem, ad qualitatem, vel vbi, aut motum, sed substantialem, quæ est materia, & reddit rationem huius, quia omnis potentia contradictionis est, hoc est, indifferenter ad esse, & non esse, & substantialis quidæ ad esse, & non esse substantiale, accidentalis vero ad esse accidentale: sed repugnat æternis, & incorruptibilibus non esse substantiale; ergo repugnat eis habere materiam, quæ est pars substantialis; & cum constet, cælum esse incorruptibile, & ex mente Aristotelis, æternum, sequitur apud ipsum non habere materiam, quod hisce verbis concludit. *Nihil igitur simpliciter incorruptibile simpliciter potest esse, secundum aliquid autem, nihil prohibet, ut quale, aut ubi aut ætate ergo omnis.*

Vnde libro 12. textu trigésimo probat, intelligentias materia carere, quia sunt sempiternæ, idem ergo de corpore cælesti. (apud ipsum æternum) sentiri necessarium est. Secundum testimonium reperio, in lib. de longitudo, & breuitate vitæ cap. 2. sic habens: Impossibile est habenti materiam non existere aliquid contrarium: sed cælum caret omnino

nobis tanquam vera tenenda est. Probatur primum ratione Aristotelis capit. 3. allata ex loco, & motu desumpta, nam corporibus concessit natura locum, & motum iuxta propriam conditionem, & ideo corporibus eiusdem naturæ eundem locum, & motum, diuersæ vero naturæ diuersos, vt gradibus locum, & motum deorsum, leuibus sursum: sed cælo concessit diuersum locum, & motum ab elementis, ergo diuersam naturam. Probatur minor, quia locum ei concessit supra omnia elementa, motum vero circularem, qui valde diuersus est à motibus rectis sursum, & deorsum elementis concessit. Et speciali ratione de igne probauit idem Aristoteles, quod cælum non sit de natura eius primo libro Metheor. capite 3. quia cum tam magna sit voracitas, atque acrimonia ignis, & ex alia parte tanta sit magnitudo, & densitas cæli, & astrorum, absque dubio operarentur ad longissimam distantiam, & iam pridem totus hic inferior mundus incendio deflagrasset. Probatur tandem ex influentiis vniuersalibus cæli, & astrorum circa omnia sublunaria corpora. Nam virtus influendi, & operandi tam varios, ac mirabiles effectus, & circa corpora tam diuersa specialis est in cælo, & elementis non concessa: sed talis virtus oritur ex natura eius, sicut aliæ virtutes aliorum corporum: ergo corpus virtutis adeo diuersæ, diuersæ etiam naturæ censeri debet, & eisdem argumentis probatur efficaciter, quod cælum sit diuersæ naturæ ab omnibus mixtis.

Ad fundamentum oppositæ sententiæ distinguenda in primis sunt duo genera accidentium, nam quædam sunt quasi vniuersalia, quibuslibet corporibus communia, vt quantitas, densitas, raritas & magna ex parte lumen, quo omnia fere corpora aliquomodo capacia sunt, &

cum hæc sequantur vniuersalissimam rationem corporum, non indicant diuersam naturam eorum, nec ideo ex eis colligi potest, nisi forte ex particulari modo alicuius eorum, vt ex modo habendi lucem, tanquam fontem eius colligimus, solem diuersæ naturæ ab aliis corporibus, eam ab eodem sole participantibus. Alia sunt specialiora accidentia orta à corporibus secundum specialiorum rationem, vt colores, qualitates tangibiles, grauitas, leuitas, & alia, quæ vocantur secundæ qualitates, quia ortum habent ex concursu aut permixtione primarum, de prioribus igitur concedimus, communia esse cælo cum corporibus sublunaribus: sed ex eis non colligitur diuersa natura corpora, quibus conueniunt, vt vidimus, habent tamen alia cœlestia corpora, ex quibus colligi potest diuersa naturæ esse à corporibus sublunaribus, vt probant argumenta, quibus nostram, atque communem sententiam corroborauimus. De posterioribus vero accidentibus negamus, quod communia sint cœlis, elementis, aut mixtis; non enim habent veros colores, sed apparentes dumtaxat, circa quos absque dubio fallitur visus noster eos pro veris accipiens: nam lucem cœlestem quæ propter multitudinem materiæ, in qua recepta est, certo modo attemperatur, iudicat esse colorem caruleum, vel alium similem, & certa refractione lucis in nube apparent nobis rubei, virides, alijque colores. De qualitatibus vero tangibilibus, præsertim adiuvis, quas Astrologi attribunt Aristoteli, dicimus, non formaliter in eis esse, sed eminenter, aut virtualiter, in quantum speciali ratione eas produciunt, in corporibus inferioribus. Quod vero ad sanctos Patres attinet, satis bene exponit D. Bonauentura in
z. di-

2. distinct. 14. num. 6. asserens inter eos, & Peripateticos philosophos ponentes cū Aristotele quintum corpus diversæ naturæ, ab elementis de solo nomine, aut modo loquendo discrimen esse: nam quia ignis nimis est lucidus, per quandam cū eo similitudinem, in modo elucendi, cœlos igneos appellarunt sancti: Re tamen vera, alterius esse naturæ ab igne, & cæteris elementis crediderunt, sicut sentit Peripatetica schola, quam sequimur.

QVAESTIO V.

An cælum sit compositum ex materia, & forma.

Quamuis cœlestia corpora sensu percipiamus, propter maximam tamen distantiam à nobis non est adeo explorata natura eorum, sicut aliorum corporum sublunarium, ideo non est usquequaque certum inter Philosophos, ac Theologos, an materiam habeant, ex qua simul, & forma sint composita, sicut cætera corpora. Et prima sententia habere negat materiam, sed formas quoddam esse velut subsistentes, atque completas in genere corporeæ substantiæ, quemadmodum Angeli sunt formæ subsistentes, & completæ in genere spirituali.

Primus auctor huius positionis videtur fuisse Auerroes in libro de substantia orbis cap. 2. & 1. libro de cœlo ad textum 7. & 10. quem secuti sunt postea ex Theologis non pauci. Durandus in 2. distinct. 12. quæst. 2. num. 24. Gabriel ibidem, quæstione secunda, Aureolus apud Capreolum quæst. vnica, ad secundum, Maior distinct. 14. quæst. 2. Bassalus quæst. prima artic. 4. Godfredus quodlibeto 2. quæst. 2. Antonius Andreas 8. libr. Metaphysicæ,

quæst. 4. Iundun. ibidem quæst. septima: Saxonia libro de cœlo, quæst. 4. artic. 1. immo & D. Thomas in 2. distinct. 12. quæst. 1. arti. 1. ad 1. eam referens probare videtur. Scotus vero ad 14. eiusdem libri, qu. 1. in principio asserit, secundum Theologos dicendum esse, cœlum compositum esse ex materia, & forma: secundum Aristotelem verò, denegandam esse cœlo omnem materiam: & addit Auerroem melius in hac re, quam cæteros philosophos, mentem Aristotelis assequutum fuisse. Probatur hæc sententia primo egregijs testimonijs Aristotelis. Primum habetur 9. libro Metaphysicæ. textu 17. ubi incorruptibilibus, & æternis denegat potentiam, non quidem accidentalem, ad qualitatem, vel ubi, aut motum, sed substantialem, quæ est materia, & reddit rationem huius, quia omnis potentia contradictionis est, hoc est, indifferentia ad esse, & nō esse, & substantialis quidē ad esse, & nō esse substantiale, accidentalis vero ad esse accidentale: sed repugnat æternis, & incorruptibilibus nō esse substantiale; ergo repugnat eis habere materiam, quæ est pars substantialis; & cum constet, cælum esse incorruptibile, & ex mente Aristotelis, æternum, sequitur apud ipsum non habere materiam, quod hisce verbis concludit. *Nihiligitur simpliciter incorruptibilem simpliciter potest esse, secundum aliquid autem, nihil prohibet, ut quale, aut ubi æternis ergo æternis.*

Vnde libro 12. textu trigésimo probat, intelligentias materia carere, quia sunt sempiternæ, idem ergo de corpore cœlesti. (apud ipsum æternum) sentiri necessarium est. Secundum testimonium reperio, in lib. de longitudine, & brevitate vitæ cap. 2. sic habens: Impossibile est habenti materiam non existere aliquid contrarium: sed cœlum caret omnino

contrario, docente, & probante eodem Aristot. 1. lib. de cœlo cap. 3. & 4. ergo apud ipsum materia caret. Probatur deinde ratione 1. quia gradus essendi pertinent ad essentiam vniuersi, vt supra statumussed in natura spiritali datur duplex gradus formæ completæ, vt angeli; incompletæ, vt animæ rationalis: ergo in natura corporea debetur duplex; alius, incompletus quidem, vt formæ, rerum sublunarium; completus vt cælestia corpora, quæ cum sint in tali genere perfectissima, non potest denegari eis ratio formæ completæ. Et vrgeri potest argumentum hoc modo: possibilis forma est completa in rebus corporeis, quia nulla poterit implicatio contradictionis designari, in eo quod detur, quandoquidem in genere spiritali detur; poterit ergo à Deo fieri, & eo ipso probatur efficaciter esse factam, alioqui careret tali gradu essendi (satis perfectio) vniuersum: probatur, quia ex transmutatione substantiali corporum inuestigarunt philosophi materiam, ergo solum in eis reperiri potest, quæ sunt transmutabilia substantialiter: sed constat, cœlum non esse hoc modo transmutabile, nam transmutatio secundum substantiam est generatio, & corruptio, à quibus alienum est corpus cœleste: ergo alienum quoque à materia erit: quia omnia, quæ in cœlo considerari possunt, saluantur sine materia, vt motus, diuersæque omnes influentiz, & modus omnis concurrendi cum inferioribus causis, ad suos effectus: ergo non est in eo ponenda, quia non debent multiplicari res sine necessitate, præsertim in hac parte: cum perfectius longè sit cœlum sine materia, quam cum illa. Probatur antecedit, quia virtutes influendi conueniunt cœlo, vt est in actu: eum conueniant ei, vt vniuersali agenti, non ergo ratione materiæ, quæ ideo nec

est necessaria ei, nec tribuenda. Ad hanc sententiam ex parte reducitur ea, quæ distinguit cœlos quantum ad materiam pertinet, asseritque de solo empyreo non habere materiam propter maiorem perfectionem, & simplicitatem eius, reliquis vero eam tribuit. Secunda opinio omnes cœlos ponit cōpositos ex materia, & format: quæ vniuersaliter docuerunt Plato, & ceteri Philosophi Aristotele antiquiores, vt testatur Diuus Thomas 1. part. quæst. 66. artic. 1. & docent omnes illi, qui tenent, materiam subiunarem eiusdem rationis esse cum cœlesti, vel diuersæ rationis, cum inter omnes cōueniat, cœlos habere materiam, vt videbimus quæst. sequ. Eandem sequuti sunt plures ex sanctis Patribus, vt Basilius, Chrysostomus, Augustinus, Ambrosius, & ceteri omnes, qui tenuerunt, prius tempore creatam fuisse à Deo materiam informem, hoc est, sine forma, quam perficeretur per aliquam formam, vel non prius tempore, sed simul fuisse creatam, & informatam; quos citat Diuus Thomas artic. 1. eiusdem quæstionis, loquebantur enim de materia tam sublunarium corporum, quam cœlorum, tanquam certum præsupponentes, cœlos habere materiam. In speciali Abempace, quem citat Albertus Magnus 1. lib. de cœlo titulo 1. cap. 3. Abencembron. in libro fontis vitæ, & Alexander libro primo naturalium quæstionum capite 10. Simplicius in libro de cœlo, commento 3. & 35. Diuus Thomas prima parte quæst. 66. artic. 1. & ibidem Caietanus, Diuus Bonaventura, Aegidius, Capreolus, & ceteri scholastici in distinct. 12. Heruzus, quodlibeto 4. quæst. 3. Soncinas 12. metaphysicæ, quæst. 7. Iauellus libro 1. quæst. 12. & omnes recentiores, ita vt opposita ab scholis prorsus sit relegata. Et in primis hæc sententia est expressa ab Aristotele 1.

lib. de cœlo, cap. 95. textu 95. his verbis: *Cælum autem est quidem eorum, quæ singularia sunt, & eorum, quæ ex materia.* Et lib. 8. cap. 2. textu. 3. (Sensibiles vero cunctæ substantiæ materiam habent, est autem substantia id ipsum, quod subijcitur, aliter quidem materia, aliter ratio: materiam autem dico, quæ eum non, quod quidam sit, potentia est quod quid) Constat vero, & ab aduersarijs præsupponitur tanquam euidens, quod cælum sit substantia sensibilis, & per visum sentiat ab omnibus, ergo euidens est apud Aristotelem, habere materiam. Et tandem lib. 2. de generatione, docet expresse, eadem esse principia secundum numerum, ex quibus sunt generabilia & ingenerabilia, ac sempiterna, quæ sunt cælestia corpora, quia principia vtriusque duo sunt, vnum tanquam materia, & alterum tanquam forma, hisce verbis: Sūt igitur, & numer. æqualia, & genere eadē, quæ & in sempiternis, & in primis: illud. n. vt materia est, hoc autem, vt forma.

Ratione verò (mea quidem sententia) non foret probanda, si vellent aduersarij his, quæ naturæ lumen intellectus ostendit, ex sola notitia terminorum acquiescere. Nam cum per se sit euidens, & ab eis admissum, cælum esse corpus, eandem prorsus euidenciam habet per se, quod sit materiale, quia corpus idem prorsus significat, quod materialis substantia, propterea apud me principiorum veritatem continet quod cælum habeat materiam, ita vt probatione non indigeat. Et hæc fortassis est causa, quod vix possit inueniri efficax ratio, ad eam probandam. Et à priori nulla, quia non possunt principia à priori demonstrari, & vniuersaliter loquendo, quia quo principia euidentiora sunt, eo possunt minus efficaciter ostendi, aut probari: sed probatur à posteriori. Primo, quia cælum ha-

bet duas alias compositiones, longe inferiores; atque imperfectiores, quam compositio ex materia, & forma; hæc igitur tanquam perfectior nō potest ei denegari, euidens est consequentia, quia propter solam imperfectionem ei denegatur, sed antecedens admittunt aduersarij, cōcedēdo cœlo quantitatem, & ideo partes integrantes substantiæ eius, ex quibus componitur, atque etiam compositionem ex subiecto, & accidentibus sensibilibus, vt ex substantia, & quantitate, luce, figura, raritate, ac densitate, de quibus specialiter ratione conuincitur, non esse nisi in materia, aut composito ex ea. Probatum tandem, quia sensus, & operationes eorum, non solum corporei sunt, sed materiales: ergo repugnat sentire, nisi materialia: sed euidenter experientia constat, cœlum esse sensibile ab eis, & sentiri actu: ergo euidens est, quod sit materiale, & verā materiam sensibilem habeat.

Ad primum testimonium Aristotelis responderetur ipsum negare cœlo potentiam substantialem, quæ non sit semper coniuncta cum suo actu, sed indifferens, quia æternum, & incorruptibile est, non vero potentiam, cum eodem actu substantiali semper coniunctam, quia hæc non obstat æternitati compositi, vt patet, ac proinde, nec intentio Aristotelis. In alio vero testimonio colligit eandem materiam, in intelligentijs non ex sola æternitate, sed quia sunt puri actus sine principio mouentes.

Secundum testimonium, absq; vlla expositione debet intelligi, quod habens materiam, aliquam contrarietatem habere debeat; sed minor neganda est, quod cælum careat omni contrarietate, nam licet actus, & passus careat, & omnia, quæ principium est corruptionis, sed aliquam habet ad corruptionem non disponentem vt rari, & densi, & secundum

Bonaventura in 2. distinct. 12. quæst. 1. Scotus distinct. 17. quæst. 5. secundum Theologos, Aegidius eadem distinct. & opusculo de materia cœli, Okam in 2. quæst. 22. Abulensis in caput. 1. Gen. fol. 27. Titelmanus libro 1. Philosophiæ, capite 12. Argentina tractatu de materia cœli, noster Molina 1. parte, tractatu de opere sex dierum, disputationes 5. & alij. Probatur primo, quia actus est, qui distinguit species, ut docet expresse Aristoteles 6. libro Metaphysicæ, textu 49. Sed tam sublunaris, quæ cœlestis materia, est pura potentia nullû actû includens: ergo non potest inter unam & alteram dari distinctio specifica, & certe si talis distinctio admittatur, verû esse non potest commune illud prologium, ab omnibus receptû: materiam esse infimum omnium entium, summè distans à Deo. Probatur ex alio principio Aristotelis 8. lib. Metaphysicæ textu 10. quod species omnes sunt inæqualis perfectionis, sicut numeri, ergo si duæ sunt species materiæ sublunaris, atque etiam cœlestis, inæqualis perfectionis erunt, & aliqua eorum perfectior altera, & ex consequenti non erit infimum ens, illa quæ ponatur perfectior, nec summè distabit à Deo, neque denique erit propè nihil, ut D. Aug. assernit 12. libro confes. c. 7. & 8. Secundo, quia si materia cœli debet poni distincta specie à sublunari, ideo erit, quia ex identitate specifica utriusque statim sequitur cœlum non esse incorruptibile, ut supponimus, sed hoc non sequitur: ergo non est necessaria talis distinctio, & consequenter non est admittenda. Probatur minor, quia ut cœlum sit incorruptibile, satis est, quod unio formæ cum materia sit naturalis: ex quo fit ut indissolubile sit compositum ex utraque, & ideo ex propria natura incorruptibile, sed hoc potest stare absque diversitate materiz, propter modû informationis for-

mæ, & carentia dispositionum contrariarum. Nam si forma talis sit, quod expleat capacitatem materiæ, nec postulet in ea pro sui informatione contrarias dispositiones, nec materia appetat aliam formam, nec poterit recipere ab ullo agenti dispositiones contrarias. Ex quibus omnibus plane inferunt, non repugnare, quod cœlum sit incorruptibile ex propria natura, quamvis materia eius sit ejusdem speciei cum sublunari.

Posterior sententia distinguit specie materiam non solum cœli Empyreï, sed omnium corporum cœlestium à sublunari. D. Thomas 1. parte, quæst. 66. articulo 2. & ibidem Caietanus, Alexander Avenensis 2. parte, quæst. 44. membro 2. Albertus Magnus in 4. distinct. 6. articulo 8. Richardus in 2. distinct. 12. quæstione 8. Hispalensis & Capreolus ibidem quæstione unica, articulo 1. Henricus quodlibeto 4. quæstione 16. Ferrariensis 3. libro contra gentes capite 20. Tabellus 8. libro Metaphysicæ, quæst. 13. Sonzinas libro 12. quæst. 9. Alexander libro 1. naturalium quæstionum, capite 15. Pater Fonseca 2. libro Metaphysicæ, capite 3. Pater Suarez tomo primo Metaphysicæ, disputatio 13. sectione. 11. Patres Conimbricenses 1. libro de cœlo, caput. 2. quæstione sexta, (quamvis oppositam quoque partem ut probabilem defendant.) Et tandem hanc sententiam tenuit Divus Dionysius 4. cap. de Divinis nominibus, quem citat pro ea Divus Thomas in 2. distinct. 15. quæst. 1. articulo 2. affirmans in hac re, sicut in alijs fere omnibus Philosophicis doctrinam Aristotelis sequurum fuisse. Et hæc est iam fere communis sententia, quam ut longe probabiliorem sequimur, & imprimis expressa est apud Arist. 12. lib. Metaphysicæ, text. 1. hisce verbis: *Cuncta vero quæcumque mutantur materiam habens sed diversam, nam & ipsorum*

sempiternorum, quæcumque non sunt generabilia, sed latrone mobilia, at tamen non generabilem, sed unde quo. Idem docet 8. libr. Metaphysicæ textu 12. Argumentum verò præcipuum huius sententiæ est, quia si materia cælorum, & sublanari essent eiusdē speciei, sequeretur corpora cælestia incorruptibilia esse, sicut sublanaria. Probatur consequentia, quia materia cœli esset capax aliarum formarum, nempe elementorū: nam ubi eadem est natura materia, eadē est capacitas recipiendi easdem formas, ut patet in materia quacumq; sublanari, & cū careat alijs formis, habebit priuationem earū: quare quantum est ex se eas appeteret. Sed constat, hanc priuationē & hunc appetitum aliarum formarū esse totam radicē corruptionis elementorū: ergo pari rōne essent corruptibilia corpora cœlestia. Cui argumento non fit satis varijs solutionibus. Non enim satis fit dicere, appetitum illius materiæ expleri per informationē formæ adeo perfectæ continentis alias eminenter; quia nec continet perfectiones aliarum formarū intensiue, nec extensiue, cum anima rationalis, & quælibet sensitiua perfectior sit forma cœli, ac proinde perfectius actu & materia. Et idem est de aliquibus formis cœlorum comparatione aliorum, & omnes absq; dubio perfectius actuarent extensiue: ergo.

Nec satisfacit, quod probabilius respondent alij, hanc incorruptibilitatem provenire ex speciali modo informandi formæ cœlorum, cum speciali, scilicet accommodatione, & specialibus dispositionibus nō habentibus contrarium, unde materia cœli non habet capacitatem proximam ad alias formas, sed solum remotam. Hoc, inquam, non sufficit, quia vel materia cœli respicit essentialiter formam inseparabili modo informantē, & cum talibus dispositionibus carētib;

contrario, & ex hoc sequitur distinctiō specifica materiæ cum ex se respiciat actum specie distinctum in ratione formali actus, vel materia ex se indifferens est, & accidentaliter determinatur per tales dispositiones ad formam inamissibiliter informatam: ergo potuit recipere alias dispositiones, & aliam formam, & cum semper maneat eadem natura materiæ, modo poterit illas recipere naturaliter, cum cuilibet potentiæ passiue naturali respondere possit, & debeat potentia actiua naturalis, quæ illam ad actū reducat; igitur cœlum erit corruptibile; ob hanc enim rationem indifferentiæ materia sublanariū est principium corruptionis.

Probatur secunda nostra sententia, quia si materiæ istæ sunt eiusdem speciei, sequitur corpora cœlestia esse generabilia, sicut sublanaria. Probatur consequentia, quia si sunt eiusdem speciei, ergo habent potentiam passiua essentialē eiusdem rationis. Ex quo efficaciter infero, easdem formas contineri in potentia veriusq; ut forma solis continebitur in potentia materiæ ignis, quia capax illius est, non minus quam propria materia, & cum eam non habeat, habebit priuationem, & appetitum eius: sed cuilibet potentiæ passiue naturali debet correspondere actiua naturalis actu existens, vel saltem naturaliter possibilis, à qua possit reduci in actum, vel frustra erit, possibile est ergo agens naturale, quo educi possit forma solis, quantum est ex se de potentia materiæ ignis, & ita erit tot secundū se generabilis ex materia ignis, quod patet esse falsum. Et si materia ignis habes capacitatem naturalem ad formam solis habebit etiam ad dispositiones illi, quod enim respicit finem, debet etiam eadem ratione respicere media ad illum naturaliter ordinata, alias frustra erit capacitas.

pacitas proxima, vel remota perpetuo impedita naturaliter.

Ad primum argumentum dico, actum distinguere vel id, quod se habet ad modum actus, & ideo licet materia non habeat in sua essentia aliquem actum physicum, cum sit pura potentia, nec actum metaphysicum perfectum, & completum, cum sit pars, habere tamen aliqualem actum, nempe, aliquem gradum, seu prädicatum perfectiuium, & determinatiuum rationis communis, & imperfectissimæ materiæ ad talem rationem, & speciem partialem imperfectam materiæ in ordine ad talem modum informandi formæ, cum hoc tamen semper manet materia imperfectissima aliorum omnium entium, licet in se habeat species inæqualis perfectionis. Ad secundum iam probauimus ex vnitatem specificam materiæ cæli, & sublunaris rectè in ferri, cælum esse corruptibile. Nec nobis contrariatur locus ex primo Genesim, ubi videtur indicari ex communi materia aquæ facta fuisse corpora cælestia: nam & si expositorum sensus varius sit, quem expédere à nostro instituto alienum est, tamen nihil, contra nostram sententiã inferri efficaciter potest, vt bene adnotat sanctus Thomas 1. p. qu. 68. art. 1. 2. & 3. qui etiam quæst. 66. art. 2. ad 1. probè docet, aliquos Patres scholæ Platonis addictos illius sententiã retulisse, & ideo in hac parte non potiri plusquam Platonica auctoritate.

QVAESTIO VII.

*An materia celestis sit perfectior
sublunari.*

Quia species iuxta Arist. sunt sicut numeri, de quibus constat, duos æquales dari nõ posse, ita repugnat dari duas species æqualis perfectionis, & propterea si materiæ species distinguuntur, necesse est, vnam esse perfectiorem altera, vtrã autem sit perfectior, hoc est, quod quærit titulus quæstionis.

Et quod materia sublunaris sit perfectior, videtur efficaciter probare hæc argumenta: Primum, quia perfectio essentialis potentie sumitur in ordine ad actum (vt 2. lib. de anima, tract. de potentijs animæ in communi scripsimus) sed sublunaris materia respicit nobiliorem actum, quam cœlestis, nempe, animam maxime rationalem, ergo erit nobilior. Secundum argumentum, quia actus adæquatus sumit suã perfectionem ex maiori extensione ad particulares actus, præsertim perfectiores, qui sufficiunt perfectione constituere ratione cõmunẽ adæquatã eius, vt ratio adæquata potetie visus ex eo solũ foret perfectior rationibus adæquatis aliorum sensuum, quia se extendit ad perfectissimam qualitatem, quæ est lux: sufficit ergo quod actus adæquatus sublunaris materiæ se extendat ad animã rationalem, & ceteras forma cœlesti perfectiores, vt perfectior censeatur actus adæquatus, quem respicit per se, actu adæquato cœlestis formæ, quẽ respicit per se materia cœlestis, & consequenter eadem ipsa materia sublunaris sit perfectior.

Tertium argumentum: quia si materia cœli esset perfectior, ex eo quod, licet forma in entitate sit minus perfecta, in modo tamen informandi inamissibiliter, subquo formaliter à materia respicitur, perfectior est, ex hoc sequeretur, quod si materia lapidis foret capax solius formæ lapidis, & materia sublunaris esset capax aliarum omnium, sicut est modo, nihilominus materia lapidis foret

D

perfe-

perfectior sublunari nunc existēti, quod pater esse absurdum. Sed probatur consequentia, quia materia lapidis in eo casu haberet perfectiorem modum in formādi, cum informaretur modo inseparabili, propriam tantum respicienti formam sicut materia cœli.

• Oppositam sententiam, quod materia cœlestis sit perfectior essentialiter sublunari, tenet Richard. in 2. distinct. 12. quæst. 2. & quodlibeto 3. quæst. 5. Duran. ead. distinct. 12. quæst. prima, in eamque videtur inelinare Scotus quæst. 2. in solutione argumen. quamvis dubius permaneat, Argentina in 1. distinct. 44. quæst. prima, articulo secundo, & Abulensis in ca. 22. Matthæi quæst. 222. & est communis in schola, & longe probabilior: nam in primis colligitur efficaciter ex doctrina Aristotelis 7. libro metaphysicæ cap. 6. textu 22. ubi expresse docet, materiam sublunarem esse principium corruptionis rerum his verbis: *Cuncta vero, quæ aut natura, aut arte sunt habent materiam: possibile est enim esse, & non esse, eorum unumquodque; hoc autem cuique materia.* Ex quibus ita arguo, corruptio rerum, cum tendat ad non esse, est maxima imperfectio earum: sed sublunaris materia est quasi principium, & fons eius; erga est imperfectissima, quā imperfectiorem, cum non habeat materia cœlestis, minus imperfecta erit. Præterea maxima illa imperfectio prouenit ei ex eo, quod habens vnā formam desiderat alias, quas non habet; unde sequitur esse eis priuatam, immo, vt docet Aristot. 1. lib. tex. 8. infinitis subditur priuationibus, quarū ratione turpis, & malefica vocatur, & malum, hoc est corruptionem rei, in qua est, machinari dicitur: quibus omnibus imperfectiōibus caret materia cœlestis, quia tantum formam habere potest, nec appetit a-

liam, immo nec capax eius est, ergo iuxta sententiam Aristotelis essentialiter est perfectior. Probatur deinde ratione. Primo, quia materia ex propria natura est potentia passiua: sed potentia passiua est imperfectissima (quam propterea Deo nullo modo tribuimus) ergo, quo materia fuerit magis passiua, erit imperfectior, tum quia indifferens est, ad recipiendum omnes formas, & æquæ potest viliissimam, ac nobilissimam recipere, immo & eas, quas semel habuit, potest quantum est ex se, iterum recipere: unde potentia passiua quasi infinitam, hoc est, receptiuam sine termino habet, cœlestis vero minimi habet de potentia passiua, cum vnus dūtaxat formæ capax sit, & semel tantum possit eam recipere: ergo longe minus imperfecta erit. Secundo, & efficacius probatur à priori, nam perfectio passiua materia sumitur in ordine ad actum: sed materia cœlestis recipit actum essentialiter, atq; formaliter perfectiorem, ergo essentialiter, ac positue est perfectior. Probatur minor, quia propria, & formalis ratio actus sumitur ex perfectiori modo actuandi potentiam: sed forma cœlestis perfectiori modo actuatur materiam, ergo est perfectior actus formaliter, quare materia eum respiciens erit perfectior potentia, & materia perfectior. Minorem probō, quia forma cœlestis actuatur materiam satiādo appetitum eius, & totam eius capacitatem complendo. Præterea actuatur vnice materia vnione indissolubili, & sua natura perpetua, sublunaris vero forma nec explet capacitatem materiæ, nec vnione indissolubili vtitur, sed naturaliter dissolubili, illa ergo erit longe perfectior.

Ad primum argumentū, concessa maiori, distinguenda est minor, quod marc-

ria sublunaris respiciat perfectiorem actum, vel formam, nam considerando naturam eius, atque essentialia prædicata, verum est, sed sub ratione præcisa ac formali actus, & formæ, quæ sumitur ex modo informandi, falsum: nam licet forma sublunaris perfectiorem naturam habeat, & perfectius esse tribuat materiæ, & composito, modum informandi habet imperfectissimum, nempe separabilem, non explendo capacitatem materiæ, cum tamen cœlestis forma, quamvis imperfectiorem naturam habeat, & imperfectius esse materiæ tribuat, perfectiori modo ei uniatur, nempe inseparabili, & satiendo appetitum eius, explendoque omnem eius capacitatem.

Ad secundum respondetur, ut actus adequatus formæ sublunaris perfectior sit, secundum esse, & quasi materialiter, sufficit, quod se extendat ad animam rationalem longe perfectiorem sub hac consideratione formæ cœlestis, non tamen sufficit, ut sit perfectior secundum modum informandi, quod est, esse perfectiorem sub formali, ac præcisa ratione formæ, sub qua non est verum, quod eam excedat anima rationalis, immo ab ea exceditur, ut probauimus.

Ad tertium argumentum, de materia lapidis capaci solius formæ lapidis, respondent recentiores quidam, non esse casum possibilem, quia cum forma lapidis corruptibilis sit, repugnat, quod sola respiciatur à materia, sed eo ipso, quod eam respiciat, cæteras omnes corruptibiles, ac sublunares respicere debet, cum conueniat cum eis eadem forma in modo informandi, sed licet hoc verum sit, non satisfaciunt argumento, quod non solum loquitur de materia lapidis, & forma eius, ut nunc se habent, sed si per possibile, vel impossibile talis materia respiceret talem formam solum, & non alteram, nec

eius capax foret, & forma eadem solam hanc materiam posset informare, & non alteram, tunc enim non foret eiusdem rationis cum cæteris materiis sublunari-bus, nec etiam forma cum cæteris formis. Quo supposito, respondeo in eo casu materiam lapidis fore eiusdem conditionis, & ordinis cum cælesti, atque etiam forma eius cum cælestibus formaliter, quia eodem modo inseparabili informaret, explendo capacitatem suæ materiæ, & se uniendo illi modo, ac modo indissolubili, & medijs dispositionibus contrario carentibus, atque constituendo lapidem naturaliter incorruptibilem: hæc enim omnia sequuntur per locum ab intrinseco ex casu sic propositio in argumento. Quod vero dicitur formam lapidis esse infimæ fortis secundum esse verum est, non secundum modum informandi perfectissimum, quem haberet, & ex quo sumitur formalis, ac præcisa ratio formæ ut forma est.

Si autem aliquis dubitet, an materia sublunaris non solum sit imperfectior cœlesti, sed imperfectissima omnium, quas potest Deus creare, ita nec per potentiam Dei absolutam creabilis sit alia inferior, aut imperfectior. Respondeo, valde probabile esse, quod non sit creabilis altera imperfectior, quia non videtur excogitabilis altera potentia magis passiva, cum possit recipere omnes formas corruptibiles: nam de incorruptilibus euidens est, nullam esse possibilem materiam, quæ possit vtriusque recipere, ita ut tam corruptibilium naturaliter sit capax, quia incorruptibiles sua natura inseparabiliter informant: quare vnam tantum earum respicit materia, ita ut plurium non sit capax, cum eo ipso quod capax plurium foret, non posset ab aliqua modo inseparabili informari, nec satiari potentia eius: sed constat eo esse

tem omnes materiae calorum essent eiusdem speciei, quælibet esset capax formæ alterius, nam ubi eadem est natura materiz eadem est capacitas: quælibet ergo esset capax non solum propriæ formæ, sed aliarum, & ideo non satiaretur appetitus eius ab una. Sed ratione efficaci probatur, non potest saluari incorruptibilitas calorum, si omnes materiae eorum sint eiusdem speciei: sed corpora cælestia sunt incorruptibilia, ut cōcedit opposita sententia: ergo erit falsa ponens materias calorum esse eiusdem speciei. Maiorem sic probo. Omnes istæ materiae sunt eiusdem speciei: ergo habet eapacitatē, & potentiam & appetitum eiusdem rationis: consequentia euidentius est, quia capacitas, potentia, & appetitus eadem ipsa materia sunt, sola ratione ab ea distincta, ut. Physicorum, tractatu de materia ostendimus: sed materia Lunæ capax est suæ formæ, ac dispositionū, quibus mediis eam informat: ergo eiusdem formæ, & earundem dispositionum capax erit materia Solis, & in eius potentia contineri necesse est, cum sit eiusdem rationis cum potentia formæ Lunæ: sed forma, quæ continetur in potentia naturali materiae, potest naturaliter educi ex ea; ergo poterit educi forma Lunæ de potentia materiae Solis, & ita poterit Sol ex materia Lunæ generari, & erit generabilis, & ex consequenti Luna ipsa corruptibilis. Et vrge argumentum hoc modo: in materia Solis est potentia passiva naturalis ad formam Lunæ, & dispositiones eius: ergo necesse est posse dari agens naturale, à quo possit per dispositiones convenientes tali formæ disponi & per educationem eiusdem formæ reduci in actum, quod non potest fieri sine corruptione compositi; probatur consequentia: cuiusque enim potentia passiva naturali correspondere potest

ac debet naturalis actiua, à qua possit reduci in actum, vel frustra erit talis potentia. Et si dicatur, talem potentiam passiuam esse remotam, nihil refert, quia etiam si remota sit, dicit ordinem ad agens naturale, à quo potest fieri proxima; nulla est enim potētia passiva naturalis remota quæ non possit fieri proxima ab agente naturali per dispositiones: nam eo ipso, quod non possit fieri proxima, esset frustra, cum non possit perducì ad actum. Secundo probatur, quia si in materia Solis est capacitas, & potētia naturalis ad formam Lunæ, & dispositionum eius; ergo sicut a principioeducta fuit de potentia eius forma Solis, possit educi naturaliter forma Lunæ; & induci dispositiones eius, ad quas etiam recipiendas habuit, & habet naturalem potentiam, & modo educi poterit naturaliter eadem forma, & eadem dispositiones, & si eadem forma educi potuit tunc, ac modo potest, impossibile est capacitatem eiusdem materiae satiata esse per formam, quam habet, cum potuerit habere aliam. Et vrge argumentum, quia potentia materiae, sublunaris habentis unam formam ad recipiendam aliam quamcūque, nondum tamen habentis dispositiones alterius, sed eius tantum, quam habet, est potentia, seu capacitas remota, ac radicalis; & tamen est principium sufficiens corruptionis compositi per illam: ergo quælibet materia cælestis, habens eandem capacitatem (licet radicalem, &que remotam) respectu cuiuscunque alterius formæ cælestis (ut concedit opposita sententia & conuincitur vi argumenti eam concedere) ergo erit principium corruptionis eiusdem cæli. Quare euidenter conuincitur contra eam per locum ab intrinseco omnia corpora cælestia habere principium radicale corruptionis, esseque corruptibilia ex suis principiis essentialia.

essentialibus, si materiæ sunt eiusdem speciei: falsum igitur reputandum hoc est.

Ad primum argum. respondetur cum distinctione minoris: omnes enim forme cælorum habent eundem modum inamissibiliter informandi genericum, per quem distinguuntur à sublunariis, non specificum, per quem inter se formaliter distinguuntur, ac proinde earum materiæ, vt ex dictis consistat.

Ad aliud respondetur, formas elementorum habere eundem modum specificum, amissibiliter informandi: formæ vero cælorum licet habeant eundem modum genericum, gaudere tamen diuerso modo specifico, in ordine ad quem materiæ diuersitatem specificam fortiuntur.

QVAESTIO .IX.

An quantitas cælorum, & corporum sublunarium sunt eiusdem speciei, vel diuersa.

Videbitur statim alicui, quæstionem hanc difficultate carere, præsertim cum non sit hucusque in schola agitata, nec proposita, nihilominus ex difficultate non carere: nam affirmatiuam partem videntur probare hæc argumenta. Primum quia quantitas est proprietas consequens corpoream substantiam, vel materiam primam, sed tam hæc, quam substantia corporea cælestis, & sublunaris distinguuntur specie; ergo quantitates vtriusque specie distingui debent. Secundo, ad rationem intrinsecam quantitatis spectat, esse receptiuam aliorum accidentium, sed hæc potentia receptiua, aut passiva diuersæ speciei est in vtraque

quantitate: ergo distinguuntur per diuersos actus, quos respiciunt: sed potentia passiva quantitatis cælestis ordinatur ad recipiendā accidentia, neque actiua, neque contraria: quantitas vero sublunarium corporum sua natura est receptiua qualitatum actiuarum, & conerariarum; ergo habent potentias passivas diuersæ speciei, & ideo specie distinguuntur. Et vrgo argumentum hoc modo: materia cælestis, & sublunaris eundem modum habent compositionis ex partibus sublunariis integrantibus, & nihilominus distinguuntur specie per diuersas capacitates, vel potentias passivas, quas habent ad recipiendas formas substantiales: pari ergo ratione licet quantitates istæ habeant eundem modum habendi partes extra partes: possunt differre specie per diuersas capacitates, vel potentias passivas recipiendi accidentia valde diuersa.

Communis tamen, & vera sententia est, quantitatem corpoream cælestium, & sublunarium esse eiusdem speciei atomarum: Soncinus 3. libro Metaphysicæ, quæst. 13. ad 4. Probatur primo, quia ratio essentialis, & propria cuiuslibet accidentis colligitur euidenter ex effectu formali; quæ tribuit subiecto; vt propria ratio caloris ex eo quod natus est constituere subiectum formaliter calidum: ergo essentialis, & propria ratio quantitatis intelligenda est ex effectu formali, quem nata est tribuere substantiæ: sed eundem effectum prorsus tribuit substantiæ quantitas cælestis, & sublunaris, ergo erunt eiusdem speciei. Probatur minor, quia formalis effectus quantitatis est, constituere partes substantiæ extensas extensione molis, aut quod idem est, constituere eas radicaliter impenetrabiles, quod constat eodem modo præstare vtramque quantitatem suæ substantiæ: ergo erunt eiusdem speciei,

speciei, nec distinguuntur, ratione potentiz passiuæ diuerſæ, per quam vnâ potest recipere qualitates actiuas, & contrarias, alia verò non : in quo decipitur plane prior sententia, quia secundum se accipiuntur quantitates istæ, vtrique potest eadem accidentia recipere, quod euidenter constaret, si Deus separaret vtramque à propria substantia, sicut separaret quantitatem panis in Eucharistia: tunc enim nulla posset ratio repugnantiz assignari, cum circa quantitatem cœli possit naturaliter agere ignis ei applicatus, & producere in ea calorem, sicut producit naturaliter in quantitate hostiæ consecrata: ergo quod non possit naturaliter recipere similia accidentia, dum est in proprio subiecto, non prouenit ex parte eius; sed substantiæ cœlestis, quæ non est eorum capax, vt mox ostendetur : quare ex parte potentiz passiuæ non potest sumi differentia specifica harum quantitatum. Et potest hoc exemplo valde similiter ostendi, quia quantitas sublunaris corporis potest naturaliter diuidi in partes integrantes, & actu diuiditur, quoties eodem modo diuiditur substantia, in qua est, & tamen quantitas corporis cœlestis dum in eo est, non potest diuidi naturaliter, quod non ex parte eius prouenire affirmant omnes, cum sit euidenter separatam per miraculum à suo corpore posse diuidi naturaliter, sicut diuidetur quantitas Eucharistiæ; sed ex incorruptibilitate substantiæ cœlestis, cui inhæret, & quæ diuidi naturaliter non potest : ergo ex eadem causa prouenit, quod non potest suscipere accidentia actiua, & contraria, & non ab essentia eius, quare non potest desumi argumentum ex hoc, ad probandam distinctionem specificam eius à quantitate sublunari. Secundo probatur quia communis est, & vera sententia in prædicamentis

305
et quantitatis, quod tres illæ species quantitatis continuæ, videlicet, linea, superficies, & corpus sint æromæ sub genere quantitatis continuæ, ac permanentis, quia nec dantur lineæ distinctæ specie, nec superficies, nec corpora trinx dimensionis, sed quantitas cœlestis, & sublunaris pertinent ad has species; ergo solo numero distinguuntur, specie verò nullo modo.

Ad primum oppositæ partis distinguenda est minor: quantitas enim non consequitur materiâ primam, aut corpoream specie, sed in genere, communi quidem materiæ cœlesti, ac sublunari, vel vtrique substantiæ, non eisdem, vt specie distinctis. Itaque quasi proprietates subalterna censetur, sicut sensibilitas respectu hominis, & equi non atoma, vt est risibilitas respectu hominis, vnde ex diuersitate materiæ, aut substantiæ, non inferatur diuersitas specifica quantitatis.

Ad secundum neganda est minor, iuxta doctrinam traditam, ex qua constat, potentiam passiuam vtriusque quantitatis esse eiusdem prorsus rationis, & eorundem accidentium per se receptiuam, licet quantitati cœlesti repugnet per accidens suscipere qualitates contrarias disponentes ad corruptionem, quia substantia cœli, cui inhæret quantitas incorruptibilis est, ex quo constat ad confirmationem.

CAPUT III.

TEXTVS ARIST.

Quoniam autem hæc quidem supponuntur, hæc autem ex dictis ostensa sunt, &c.

Brevis expositio Text.

Aristoteles in præsentī capit. intendit constituere discrimen inter cælum, & alia corpora, ex omnibus speciebus motuum, & mutationum, localis videlicet, generationis, corruptionis, alterationis, augmenti, & diminutionis. Diuiditur autem capit. hoc in duas partes, nam in priorī id ostendit rationibus in posteriori verò authoritatibus, & præter dicta in præcedentibus capitibus, vnum aliud asserit esse præsupponendum, videlicet, quid sit corpus graue, quid leue, quid grauiissimum, & quid leuissimum: quorum rationes ex professo affert 4. lib. huius operis: grane corpus esse asserit, quod natum est moueri ad medium mundi, hoc est ad centrum leue, quod natum est moueri à medio, seu à centro: grauiissimum, quod natum est esse sub omnibus, quæ ad medium, seu motu deorsum mouetur (vt terra) leuissimum, quod natum est esse supra omnia, quæ sursum mouentur: hoc est, immediate infra lunam. Hoc præsupposito probat, quod cælum non sit graue, aut leue, quia si haberet grauitatem, moueretur naturaliter ad medium, seu ad centrum motu recto, sicut elementa grauiā: sed talia motus naturalis est elementis, vt terra, & aqua: ergo cælum esset eiusdem naturæ cum elementis. Si vero cælo conuenit motus deorsum præter naturam, ergo motus sursum contrarius motui deorsum erit ei naturalis, & si motus sursum sit ei præter naturam, motus deorsum erit ei naturalis. Et ita sequitur, cælum esse de natura elementorum, quia cum procedat motus à natura mobilis, eiusdem naturæ debent esse illa corpora, quibus idem motus est naturalis. Ex dictis colligit, non solum integrum corpus cæleste carere grauitate, ac leuitate, sed & quamlibet partem eius: quia, eadem est

natura totius, & partis, quantum ad hoc, & ideo si pars aliqua cæli separaretur ab eo, non moueretur separata motu sursum, nec deorsum: quia motus isti solum possunt conuenire corpori graui, aut leui.

Probat deinde, cælum non esse generabile, aut corruptibile, sic: Generatio, & corruptio sunt ex contrariis, & inter contraria: sed cælo non conueniunt contrarij motus, vt inferius ostendet; ergo nec potest ei conuenire, quod generetur aut corrumpatur, vnde probat, non posse augeri aut diminui, quia quod augetur ex parte generatur, & quod minuitur ex parte corrumpitur, cum hæc non accidunt, nisi cum acquisitione, vel perditione alicuius partis substantiæ. Inde etiam inferre, repugnare cælo alterationem propriam, quia hæc, vt potè inter qualitates contrarias, disponit ad corruptionem.

In posteriori parte cap. autoritate probat, cælum esse ingenerabile, & diuersæ naturæ à corporibus alijs: illud quidè, quia apud omnes nationes etiam Barbaras, cælum sedes Dei vocatum est, ex eo quod omnes arbitrantur, æterno Deo, æternam quoque, & nunquam interituram deberi sedem. Cui accedit, quod Astronomi à principio, quo motum cæli, & astrorum cæperunt contemplari, nullam vnquam mutationem, vel minimam adnotarūt, aut in motu supremi orbis, aut aliorum sibi subditorum. Quod verò diuersæ naturæ sit cælum à sublunaribus tenuerunt antiqui Philosophi, qui propterea vocarunt cælestia corpora ætherea, nō quasi ignita, vt male interpretatus est Anaxagora, & post eum Tullius sibi de natur. Deo. sed quasi semper, ac perpetuo cu' rentia, tanquam sua natura perpetua.

Colligit tandem Aristoteles, præter hæc quinque simplicia corpora, nempe, ælū, & elementa, non dari aliud in natura rerum, quia nec datur alius motus simplex, præter circularem, & quatuor rectos: quare necesse est, perfectionem mundi in his quinque corporibus sic ordinatis consistere.

QVAESTIO I.

An caelestia corpora sint ex propria natura ingentribilia, & incorruptibilia.

Prima sententia fuit Platonis in Timæo, asserentis, cælos suam naturam corruptibiles esse, sed liberè Dei voluntate perpetuo conservandos: quare Deum sic eos alloquentem introducit: *Natura vestra est dissolubilis, voluntate autem mea indissolubilis: neuiquam tamen vos ulla mortis scia periment, quia mea voluntas maius, potentiusque vobis est vinculum ad perpetuitatem vestram, quam ad illud, quo fuistis, tunc cum gignebamini colligata, &c.* Platonem sequuti sunt omnes illi Philosophi à nobis citati, qui cælestia corpora eiusdem naturæ cum elementis esse crediderunt. Immo ex sanctis Partibus plures, atque grauissimī, Basiliius homilia 1. & 2. in Genesim, Ambrosius libro 1. Hexameron capite 6. Chrysostomus homilia 9. & 10. ad populum Antiochenum, Damascenus 2. libro Fidei, capite sexto. Iustinus Philosophus & Martyr oratione Parænetica ad Gentes, & in opusculo contra Aristotelem, immo ex sacris literis eam accepisse Platonem docet in parænen. ad Gentes, Licetus libro 4. cap. 16. Theodoretus su-

per 8. caput Epistolæ ad Romanos, Genad. de Ecclesiast. dogmat. capite septimo. Eucum. & Catherin. in 2. Epistola D. Petri, cap. 3. Eug. lib. 7. perennis Philosophiæ capite 49. Probatur primo ex sacra pagina, in qua insinuat, cælos aliquando corrumpendos: sed constat, Deum nihil prorsus ex propria natura incorruptibile destruere: ergo si destruendi sunt à Deo, sua sunt natura corruptibiles. Probatur maior ex illo Iob 14. Homo postquam dormierit, non resurget donec ateratur calum, & Psalmo 101. Opera manuum tuarum sunt calī, ipsi peribunt. Esaiæ 24. & 31. Tabesceat omnis militia calorum, & calī sicut fumus liquecent, & Lucæ 21. Calum & terra transibunt. Apocalypsis 21. Vidi calum novum, & terram novam: prius enim calum, & prior terra iam abiit. Et tandem 2. Petri 3. vbi celi, qui nunc sunt, dicuntur igni reseruati in diem iudicii: deinde additur: *Adveniet autem dies Domini, ut sur. in quo calī magno impetu transient, elementa vero calore solentur.* & post pauca: *Celi ardentes solentur, & elementa ignis ardore tabescent.* Quibus verbis exclusa videtur expositio eorum, qui cælorum nomine ærem intelligi hac in parte docent, nam cum calī distinguantur ab elementis, non potest locum habere talis expositio, quamvis aliis in locis admittatur. Et tandem D. Clemens libro secundo & tertio recognitionum, refert Petrum dixisse, *supremum cælum, quod sedes est beatorum, omnino immutatum perman surum; sydereum vero, quod discipimus, in consummatione sæculi dissolendum.* Probatur etiam ratione ex principio illo Aristotelis 8. libro Physicorum, capite decimo, textu 78. quod virtus finita non potest persistere in motu tempore infinito, cum proportio servari debeat inter virtutem mouentem, ac tempus, quod durat motus; sed constat, virtutem

cælestis corporis esse finitam; ergo repugnat durare in motu tempore infinito à parte post, & ex consequenti repugnabit durare tempore infinito in suo esse, à quo emanat motus: quare necesse est aliquando fore corruptendam. Quod potest vrgeri hoc modo, cælum non solum est finitæ virtutis, sed habentis contrarium: ergo erit corruptibile: probatur antecedens ex accidentibus eius, vt ex densitate, & raritate naturali, enumerata ab Aristotele libro de generatione, inter secundas qualitates, quæ naturaliter oriuntur ex permixtione primarum: necesse est igitur, has ponere in cælo, quæ cum sint propriè contrariæ, & actiua, mutuo possunt se expellere; quod non fiet sine corruptione subiecti.

Secundâ opinio tenet, corpora cælestia non posse naturaliter corrumpi, quia naturalis corruptio fieri debet ab agente naturali, per inductionem contrariam dispositionum in materia, quibus expellatur forma præexistens, & introducat alia, & ideo corruptantur compositum, & generetur aliud, aut etiam per diuisionem totius compositi in partes integrantes, in quibus non possit conseruari eius forma: sed neutro ex his modis potest corrumpi cælum, nec generari; quia forma cæli informat materiam omnino independentem à contrariis dispositionibus, vt à primis qualitatibus, quia neque his mediis introducta fuit à principio, neque ab eis conseruatur, sed à propriis contrariis carentibus: ergo non potest ab aliquo agente naturali per eandem inductionem corrumpi, sed nec per diuisionem in partes integrantes, quia nullum est sublunare agens, potens sua virtute cælum diuidere. Vnde fit, quod si aliquo ex his modis corrumperetur, non foret naturalis, sed supernaturalis.

corruptio, à Deo immediatè efficienda: nihilominus verum non est, corpora cælestia sua natura esse ingenerabilia, & incorruptibilia, quia naturale principium corruptionis habent, nempe, materiam ex se capacem contrariis dispositionibus: facta enim sunt à Deo in principio ex materia præexistente sub forma aquæ per generationem, & in die Iudicii innouanda sunt per aduentum nouæ formæ substantialis, sola antiqua materia aquæ in eis perueniente, & ideo substantialiter corrumpenda, vt plane significant testimonia sacra paginæ, in confirmationem primæ sententiæ relata. Ita sentiunt nonnulli de omnibus corporibus cælestibus, præter Empyræum, quos sequitur noster Molinæ part. tractatu de opere sex dierum, disputatio ne 2.3.5. & 10. addens, non repugnare doctrinæ Aristotelis, quia solum loquitur de generatione, & corruptione ab agente naturali faciendâ.

Communis tamen, & longe probabilior sententia affirmat, corpora cælestia ex principiis intrinsecis suæ naturæ ingenerabilia, atque incorruptibilia esse, ita vt non possint desinere per introductionem alterius formæ in materia eorum, etiam per potentiam Dei absolutam, sed solum per realem separationem miraculosam formæ à materia à Deo immediatè efficiendam, vel per annihilationem; & hæc nobis placet, quam tenet expresse Aristoteles; capit. 3. huius libri, vt vidimus, & libro 2. capit. 1. atque etiam in libro de mundo ad Alexandrum capit. 2. & cui euidenter est repugnare expositionem Patris Molinæ, cum expresse teneat his locis Aristotelis, id prouenire ex parte materiæ diuersæ rationis à materia sublunari, & prorsus incapaci alterius formæ ab ea, quam habet: quare ex principiis propriæ naturæ repugnare

nare censet. Ita sentit tota ferè Peripatetica Schola, & in primis D. Tho. lib. 1. de celo, lectione 6. lib. 2. lectione 1. & 2. lib. contra Gentes cap. 40. & 1. parte quest. 66. artic. 2. & quest. 75. art. 6. & ceteri Scholastici in 4. distinct. 44. D. Dionysius 4. ca. de diuinis nominibus, & tota iam Schola Philosophica. Quod absque dubio senserunt D. Augustinus 14. libro, de Ciuitate Dei, capit. 24. D. Hieronymus in illud Isaie 51. *Caeli sicuti fumus liquefcent*, & ad illa verba capit. 69. *Ece ego creo caelos novos*. Et D. Gregorius libro 17. Moralium, cap. 5. quibus locis docent, coelos duraturos in perpetuum, cum eadem substantia, & solum habituros mutationem circa aliqua accidentia, & propterea D. Paulum ad Corinthios 7. dixisse, *Præsertim figura huius mundi: nihil de substantia eorum locutus, utpote in perpetuum duratura*.

Sed ratione probatur prius, quia si celi ex principijs naturalibus fieri possunt per generationem, & desinere per corruptionem: ergo habent materiam natura sua transmutabilem per diuersas formas, ita ut habens vnā, recipiat alteram: immò omnes, ut euidenter probatur in materia sublunari, & præterea sua natura capacem quarumlibet dispositione earum, sed cuiuslibet potentie passiuæ naturali debet correspondere naturalis actiua, à qua possit reduci in actum; ergo potest talis potentia passiuæ reduci in actum ab agente naturali, & ab eodem disponi pro sua forma recipienda, atque introducenda naturaliter: quare sequitur esse naturaliter corruptibilis. Quod hoc modo vrgeri potest: si materia cœli Lunæ fuit naturaliter sub forma aquæ, & consequenter sub dispositionibus eius, ut affirmat secunda opinio, vel ex sua natura potuit esse, ut affirmat prima, sequitur euidenter, fuisse tunc naturaliter capace materię ignis, ac dispositionum eius, &

nunc esse, & cum natura eius eadem perseueret, sed elementum ignis contiguum est idem cœlo, eique proinde sufficienter approximatum, agente vero, & passo approximatis, sequitur necessitate naturæ actiue, passio, introductio dispositionum, & formæ substantialis, atque expulsio præexistentium: ergo absque dubio foret iam corruptum cœlum illud nimia adiuuitate ignis, si haberet naturale principium corruptionis. Quod vero Plato aiebat, sola volūtate diuina, à corruptione præseruari, sola etiam voluntate humana absque vilo rationis fundamento asseritur, immò contra ipsam rationem naturalem admittendo perpetuum quoddam miraculum sine necessitate. Nec minus frivola est solutio secundæ opinionis, quod forma cœli informet materiā aquæ (ex qua factum est) independentem à dispositionibus contrarijs primarū qualitatum, & ideo non possit eas recipere ab agente naturali; nam siue dependeat ab eis, vel non, certum est, ut præsupponit eadem sententia, tales dispositiones habuisse eandem materiā, dum fuit sub forma aquæ, & ideo non minus posse modo eas habere. Probatur euidenter consequentia, quia forma, quæuis illa sit, non tollit capacitatem naturalem materiæ, imò nec impedit actionem agentis naturalis potentis ei imprimere dispositiones sibi naturales, quas habuit naturaliter, ut euidenti inductione potest probari in quibuscunq; materijs. Ex quo efficaciter colligitur, non posse impedire dispositiones cœli, nec formam eius, quin ignis approximatus imprimat materiæ quondam aquæ, & ideo capaci caloris, & siccitatis, has qualitates, & consequenter propriam formam.

Secundo, quia Deus condidit immedie mundum, & præcipua corpora eius naturali modo, & ordine, hoc est, ut na-

tura eorum postulabat; ergo sicut singulis corporibus contulit formas naturales iuxta naturam speciei, in qua ea condere volebat, quia forma substantialis tribuit speciem, ita eisdem formis contulit dispositiones sibi naturaliter conuenientes, quibus medijs adaptaretur naturaliter materia ad receptionem formæ. Sed formæ cœlorum, & dispositiones, quas habent in materia carent contrarijs, vt probauit Aristoteles 1. lib. de celo, cap. 3. docetque experientia, & fatentur oppositæ sententiæ: ergo tales formæ, & tales dispositiones postulant naturaliter materiam incapacem formæ, & dispositionum habentium contrarias, alioquin non foret accommodata materia naturæ formæ, ac dispositionum, nec posset modo naturali componere cum ea compositum, sed talis debet esse, vt non sit capax contrariæ formæ, ac dispositionum, & ita constituit cum eis compositum ex suis naturalibus principijs indissolubile.

Testimonia scripturæ adducta in fauorem Platonis duo continent: vnum pertinens ad dissolutionem, aut corruptionem cœlorum; alterum ad immutationem eorum. Ad primum quidem non de cœlo pro supremis corporibus, sed pro ære accipiendum esse, docet D. Aug. 3. libro de Gen. ad literam, cap. 2. & 3. & in expositione psalmi. 101. in quo etiam sensu de cœlis iuxta eiusdem Sacre pagine consuetudinem, quæ Psalm. 103. *Volucres celi*: ait, hoc est aeris, & alibi sæpè, loquitur D. Petrus, vt verba antecedentia euidenter ostendunt. Postremum vero de cœlis posterioribus in fine mundi innouandis, aut immutandis, pro corporibus cœlestibus accipit D. Petrus, sicut cætera scripturæ testimonia: sed immutatione, aut innouationem, non de substantiali,

sed de accidentali intelligendam esse docent idem Aug. 14. lib. de Ciu. Dei, cap. 24. D. Hier. in illud Isa. 51. *Cali sicut funis liquefcent*, & ad illud c. 69. *Eccce ego creo celos novos*, & D. Gregor. 1. 17. Moralium, cap. 5. & sic exponendum, est testimonium Clementis. Eiusmodi autem accidentalis mutatio, quantum ad lucem erit. nam tunc maiori luce fulgebunt, mutabuntur etiam quantum ad motum, & modum influendi, & elementa igne purgabuntur à vaporum, & aliarum qualitatum permixtione, atque etiam ab immunditijs, quas ex malo vsu iniquorum hominum susceperunt, permanente quidem integra substantia, tam elementorum, quam cœlorum; quare nihil ex sacris literis probare potest incorruptibilitatem eorum ex suis principijs inherens, sed neque ex sanctis Patribus, qui oppositum videntur docuisse. Nam, vt docet D. Th. 1. part. qu. 66. art. 2. ex mente Platonis, cuius doctrinam sequuti sunt in hac parte, id protulerunt, nisi forte verbum incorruptibile desumpsit, vt significat omnimodam necessitatem essendi, & soli Deo conuenit. iuxta Paulum 1. ad Timotheum 6. *Qui solus habet immortalitatem*, in quo sensu nulla creatura incorruptibilis esse potest.

Ad argumentum respondeo, virtutem finitam in materia existentem, & quæ defatigatur in mouendo, non posse moueri tempore infinito, & de hac sola loquitur Arist. si vero spiritalis sit, vel prorsus incorruptibilis, bene potest, & ideo absque fine potest moueri cœlum ab Angelo, vel posset à principio intrinseco efficiente, si illud haberet, quantumlibet finitum, secundum virtutem intensiuam: non est enim necessaria proportio inter eiusmodi principia, & tempus durationis motus, vt attente consideranti facile constare potest.

QVAESTIO II.

*An aliquando noua aliqua stella, vel mutatio
alia in celo apparuerit, & quomo-
do id contigerit.*

Autores primæ opinionis relatq̃ sententia, quæst. 1. vt adstruant: cœlorum corruptibilitatem, obijcere nobis solent aliquas reales mutationes, in cœlo deprehensas, ex quibus inferri videtur, cœlum generari, & corrumpi, & ideo de illis ex instituto agendum est, in hac quæstione, vt præcedentis veritas magis eluceat. Et in primis anno nostræ salutis millesimo, quingentesimo septuagesimo secundo, omnibus Astrologis illius temporis consentientibus, immo & vniuersis hominibus spectantibus, apparuit in Cassiopea noua quædam stella, quæ post biennium euauit: interim tamē ingentem omnibus, qui rei nouitatem percipere, admiratio nem attulit; & ideo Astrologos ad sententiam de ea ferendam compulit. Quæ, vt ipsi notarunt, initio stellam Veneris magnitudine, & claritate vincere videbatur. Præterea post aliquot menses adeo decreuit, vt deinceps toto suæ existentia tempore non maior, quam aliud sydus tertiæ magnitudinis apparuerit, nec alio, quàm diurno motu simul cum primo mobili fieri videbatur.

In ferenda tamen de hac stella sententia distracti sunt huius temporis Astrologi (quorū hæ partes maximæ sunt) nonnulli existimarunt hoc iubar, non stellam, sed cometam fuisse infra Lunæ globum degentem: huiusmodi sunt Maurolicus Abbas Messanensis, Paulinus, Pridianus, P. Chrysoforus Clauus, Thadeus, & Agefius. Quorum fundamentum esse potest cœli incorruptibilitas, & ingenerabilitas, quæst. præcedenti stabilita, quæ stare nequit, si aliquid de nouo

productum in ipso cœlo admittamus. Horum tamen sententia admittenda non est: quia omnes qui in elementari mundo sub Lunæ globo videntur, possunt eodem modo, & sub eodem aspectu, omnibus vndeunque cernentibus apparere, nec in eodem loco ab omnibus notari, si cum stellis inerrantibus conferantur, vt ratum est apud Astronomos, & per se apparet manifestum, cum lineæ visuales per quas fit visio, ex diuersis, & fere oppositis partibus circumferentia ductæ nequeant idem medium seruare, ac proinde nec visiones per eas factæ, possint corpus inerruptum, præsertim maxime distans ab alio, quasi vltimo terminante, eiusmodi visiones sub eodem aspectu & positione cum illo pertingere. At omnes Astrologi stellam illam denuo ortam sub eodem aspectu, & distantia ad inerrantia astra ex diuersis mundi plagis conspexerunt. Ergo sequitur manifeste iubar illud non in elementari regione, sed in ætherea apparuisse. Præterea comete non eadem velocitate, quæ sydera circumferuntur, vt in omnibus alijs liquido constat; siquidem aer, in quo degunt (etiam si ad motum cœli rapi dicamus) non eadem celeritate circumuoluitur; vt omnibus compertum est; ratione enim fluidæ naturæ totum cœli rapientis impulsus non excipit. Igitur cum illud iubar eadem, quæ cœlum velocitate circumageretur, nõ cometa aeri infidēs, sed vera stella cœlo affixa, vel certe illic residens, censenda est.

Aliorum sententia fuit, stellam illam in regione ætherea apparuisse, non tamen fuisse de nouo productam, sed quæ prius ibi quasi occulto constiterit, & tum denuo nobis apparuerit: sed non eodem modo id explicant: quidam enim eorum existimarunt, illud astrum fuisse vnū e tridecim, quibus Cassiopeæ Sy-

us constat: quod eo tempore ob ingentem exhalationum copiam, interceptam, & nostrum aspectum interceptam, maius, & splendidius solito visum fuerit. Alij vero sibi persuasum habuerunt, stellam illam fuisse aliquam ex minimis octauæ orbis, quæ præ exiguitate alias non eadē sub nostrum aspectum; tunc autem plurimum exhalationum interuentu sese in conspectum dedit. Hæc sententia stabiliri potest argumentis, quibus nos priorem refellimus.

Verum enim vero horum auctori placitum nobis placere non potest, quippe quod veritatis scopum non attingit. Et in primis priorum via præcluditur ex eo, quod plerique Astronomi per orium rem attentè insipientes, se obseruasse testantur, alias tredecim stellas in Cassiopeæ, præter illud nouum astrum, quod excitandæ controuersie occasionem præbuit: quibus sane in hac resides est adhibendi: alias eadem facilitate omnibus possemus inficiari apparitionem illam nouæ stellæ, vt nos à difficultatum tricis expediremus. Deinde contra omnes possumus argumentari. Nequit intelligi naturaliter, quod tam insignis exhalationum copia inter stellam aliquam, & nostrum aspectum intercedat, quin etiâ interuicinum aliud Sydus, & eundem aspectum interiaceat: ac proinde si hæc expirationum terrestriū multitudo in causa fuisset, vt stella illa solito splendidiore, & maior apparuisset, effecisset quidem, vt propinquior alia lucidior, quàm antea, videretur, quod Astrologi omnes vno ore inficiantur. Præterea credibile non est, tam longo temporis tractu tantam exhalationum multitudinem in eodem situ, & positione, in illa stella perferuisse, & eadem celeritate continuo fuisse motam. Obest enim eadem exhalationis conditio, quæ luapte natura sensum euanesceat, & à quolibet

contrario absumentur, vel distrahitur, nec non inquit iero, & iniquabili motu, huc illuc fertur: ac denique etiam si tanto temporis spatio in eadem quantitate perseverasset, ac constanter, & æquabili motu sæper moueretur, nihil prodesset ad præsens institutum: quia illa exhalatio, seu exhalationum multitudo moueretur ad motum aeris, vel ignis, in quibus esset, vt per se patet: sed hæc elementa non eadē velocitate ciuntur, ac stellatum cælum, nec eadem proportionem, & commensurationem ad illum, nec huius extat aliquod fundamentum: ergo neque exhalatio illa, in illis residens, quæ proinde non posset esse causa constantis apparitionis diuersæ eiusdem stellæ. Tandem contra hanc sententiam etiam militat efficax argumentum primo loco factum contra priorem. Quia si propter exhalationem existentem in sublunari plaga alterantem medium potentie visus, stella illa diuerso modo apparuisset cum ex diuersis terræ partibus, diuersa media ad eandem stellam conspiciendam occurrant, non vndique stella illa noua, aut quasi innouata videretur, vt per se patet; quod contradicere omnibus Astrologis illius temporis. Nisi quis ex suo cerebro plures velit in medio confingere exhalationes, pro diuersitate locorum, ex quibus Astronomi nouam illam stellam obseruauerunt: verum hoc naturaliter est impossibile; & plane commentitium, ad eludendum argumentum: priorum tamen vim non effugit, nisi aliam fabricetur chimæram.

Tertia sententia est aliorum, qui conuicti argumentis à nobis factis contra duas præcedentes statuerunt, hoc iubar effulsisse in octaua Sphæra, non tamen fuisse veram stellam, sed cometam solis hactenus viribus productum per transmutationem coelestis orbis. Hi tamen Auctores

verè constituunt cælum corruptibile natura sua, contra Peripateticam Scholam, & ea, quæ in prima quaestione stabilita sunt, quibus refelli facile possunt, priuatum tamen, & breuiter refutandi sunt, quia nequit assignari in cælo causa naturalis eiusmodi effectus, etsi adstruatur, non poterit non naturaliter similes effectus frequentius habere, quos Astronomi expectari non sunt. Signum ergo est manifestum, talem causam fictitiam esse, ac proinde realem effectum in eam reduci non posse. Præterea ille cometa naturaliter genitus in octauo cælo, produceretur ex cæli materia, quæ tenuissima est, quod non videtur posse contingere, neque intelligi, nisi aliquæ partes cæli densarentur pro illius productione, aliæ rareficerent. At hoc nequit per naturam contingere, cum cælum non sit naturæ fluidæ, sed solidæ, & constitutus, vt alibi diximus, suffragante Iob: alias stellæ fixæ aliquando magis sibi appropinquarent, vt interdum à se recederent, & orbis inferiores non æquali celeritate à primo mouerentur, vt in elementis contingit, quæ cum plane falsa sint, falsa quoque censenda est prædicta sententia.

Hic igitur efficaciter confutatis sententiis, quarta, & vltima, quippe quæ verisimilior longè apparet, nobis amplectenda est: nempe nouam hanc stellam à Deo fuisse productam in octaua Sphæra, supernaturali virtute, à communi, & statuta lege libera. Hanc sententiam tradunt Patres Conimb. cum alijs in 1. libro de cælo, capit. 13. quæst. 1. artic. 4. Quæ sufficienter probata manet ex resurrectione præcedentium, illis namque explosis, nulla alia supersesse videtur, præter istâ. Præterea hoc modo rectè potuit ortum habere stella illa, & omnia, quæ apparuerunt optime constant: neque con-

tra est difficultas alicuius momenti. Superest ergo, vt hac ratione contigisse pleno ore fateamur. Quod vno è duobus modis intelligi potest: aut ita vt producta fuerit per creationem nouæ materiæ, ex qua educeretur forma, & simul penetraretur cum aliqua parte octauæ Sphæra, in qua apparuit: qua ratione integrè, & perfectè saluatur incorruptibilitas cæli, & omni moda incorruptio, etiam respectu absolutæ potentie Dei, quapropter hic modus videtur congruentior, & magis consonus naturæ cæli. Aliiter etiam potuit hoc euenire, videlicet si corrupta à Deo aliqua parte cæli formæ, in eius partiali subiecto, & materia, induceretur ab agenti supernaturali forma illius stellæ, quæ biennio transacto ab eodem agente corrumperetur, informata iterum materia, alia partiali forma, cum reliquis partibus formæ cæli integram constituerent, qui modus, vel alius similis, etsi minus consonet naturæ cæli, non tamen adeo dissonat, vt comparatione agentis supernaturalis aliquam contradictionem inuoluat. In hoc enim stat cælum esse per se incorruptibile natura sua, & comparatione cuiuslibet agentis naturalis. Nec mirum est, si difficultatis expediendæ gratia ad miraculum confugiamus. Cum enim effectus insolens, & præter cõsuetum eorum naturalium cursum euenit, in quod, nisi in primum efficiens à communi lege liberum illud reseruamus. Id quod non semel ab omnibus necessario admittendum est, & simili ratione philosophandum censeo in alia cœlesti apparitione, si vera fuit, quam ex libris Marc. Var. refert D. Augustinus 10. de Ciui. cap. 8. fertur enim stella Veneris semel mutasse magnitudinem, cursum, & figuram: id quod Rege Ogyge contigisse Mathematici non vulgaris auctoritatis

Itatis testantur, Adrastus Cycianus, & Dionysius Creapolites, id namque non in naturæ vim, causarumque naturalium cursum referendum est, sed in absolutâ primâ causâ potentia, quæ non sine causa licet frequentius nobis ignota, talia exhibet portentâ, vt ex sacris, literis didicimus. Legimus enim Iosue 10. Solem diuina virtute constitisse, vt Ielus Naue inchoatam victoriam ad perfectum vsque statum perduceret, Isaiæ 38. eundem Solem retrorsum cômisse ad lûgioris Regis Ezechia vitam denotandam, & Christo Domino moriente Solem fuisse obscuratum Euang. testatur historia. Hæc igitur ad diuinam, & absolutam Dei potia præter leges rebus creditis statutas operantem referenda esse, quis ambiget? Ex his tamen non licet colligere, orbium ecclestium naturam ex se esse corruptioni obnoxiam, contra quod supra stabilitum reliquimus.

QVAESTIO III.

An sint cælo vera raritas, & densitas eiusdem rationis cum sublunaribus.

Occasione alterius arg. quod r. addimus quæst. a. pro opinione Plat. de rarit. densita. exorta est q. 3. in qua duo quærentur: vnum est, an vera raritas, & densitas sint in cælo: alterum an sint eiusdem speciei, cum his quæ reperiuntur in corporibus sublunaribus, vt in aere, & aqua. Et circa primum sentiunt recentiores quidam, veram raritatem pro qualitate, quæ in corporibus sublunaribus reperitur, non esse in cælo, nec densitatem, sed quadam tantum ratione impro-

pria pro maiori multitudine partium, sub minori præsentia, vel pro minori multitudine sub præsentia maiori. Probant primo, quia raritas, si vera est, separat partes corporis inter sese, & quasi eas cõpellit ad maiorem locum se extendere, & densitas magis eas coniungens, quasi cogit, vt ad minorem locum, sed omnia hæc repugnant partibus cœli, quod cum sit sua propria natura incorruptibilis, non potest pati similes mutationes ex se tendentes ad corruptionem: ergo cœliam repugnat cælo vera raritas, & densitas.

Secundo vera raritas, & densitas sunt secundæ qualitates ortum habentes ex permixtione primarum, vt docet Aristoteles 2. libro de generatione, capit. 2. textu 8. Præterea sunt causæ grauitatis, & leuitatis, atque etiam molli tudinis, & duritie, vt docet 4. lib. Physicorum, capit. 9. textu 86. Sed corpus cœleste caret ptimis qualitatibus, atque etiam grauitate, & leuitate, duritie, ac molitudine, ergo carebit vera raritate, ac densitate.

Nihilominus posterior sententia lûgè probabilior ponit veram raritatem, & densitatem, in corpore ecclesti non minus, quam in sublunaribus. Ita Aegidius libro 2. Hexameron. capite 35. Patres Conimbricenses 1. lib. de generatione, c. 1. quæst. 17. artic. 1. ad finem, & plures alij, quod ratione probatur à priori, ex natura harum qualitatum. Effectus formalis veræ raritatis, & densitatis in corporibus sublunaribus reperiatur reperitur in cælo: ergo vera ipsa raritas, & densitas euidentis est consequentia ab effectu formali ad inhærentiam formæ. Sed probatur antecedens, quia effectus formalis raritatis est, partes corporis separare inter sese, & consequenter, & quasi secundario ad maiorem præsentiam localem eas extendere: sed vtrumque reperitur

in cœlo, ergo vera raritas, & densitas. Minorem probō, quia in Sole, Luna, & stellis videmus plus materiæ reperiri sub minoribus dimensionibus, quàm in partibus intermedijs cœli, sicut in modo tabulæ respectu aliarum partium, sed non potest reperiri plus materiæ sub minoribus dimensionibus, nisi reperiantur plures partes inter se coniunctæ; ut in corporibus sublunariis constat: ergo reperitur in cœlo formalis effectus raritatis, & densitatis, ac proinde vera ipsa raritas, & densitas.

¶ Circa secundum verò an raritas, & densitas cœli sint eiusdem, vel diuersæ speciei, cum raritate, & densitate corporum sublunarium: Non desunt, qui negent esse eiusdem speciei propter testimonia illa Aristotelis opposita in fauorem primæ opinionis: nam diuersas specifica effectuum procedentium ab una & altera causa, conuincit diuersitatem specificam earundem causarum; cum procedant per se ex virtutibus earum, sed raritas & densitas corporum sublunarium habent effectus per se in eis diuersæ speciei, nempe grauitatem, & leuitatem, ac duritiem, quos repugnat habere raritatem & densitatem cœlorum: ergo diuersæ sunt speciei. Quod etiam probari potest, ex diuersitate causarum per se, ex quibus procedit utraque: nam raritas, & densitas sublunaris procedit ex permixtione primarum qualitarum, ex qua non possunt procedere in cœlo, in quo nec sunt primæ qualitates; nec permixtio earum, sed ex alijs virtutibus, ac dispositionibus in materia requisitis, ad vniorem formæ valde diuersis, vel ex forma ipsa.

Oppositam sententiam merito tenent omnes citati pro posteriori opinione, de existentia veræ, ac propriæ raritatis,

& densitatis in cœlo. Probatur verò primum, ex vtriusque raritatis, ac densitatis effectu formali, hoc modo: Qualitates conferunt effectum formalem subiecto, cui inherent iuxta propriam naturam, & essentiam, ut calor facit subiectum formaliter calidum, & albedo formaliter album: ergo implicat contradictionem, conferre eundem effectum formalem illa, quæ sunt diuersæ speciei, vel diuersum, si sint eiusdem speciei. Sed raritas, & densitas cœlestis corporis, & sublunaris, conferunt subiectis effectum formalem eiusdem rationis: ergo repugnat esse diuersæ speciei: minorem probō, quia effectus formalis raritatis est separatio partium quantitatis inter sese; ita ut pauciores partes, & minor multitudo materiæ contineantur sub maioribus dimensionibus; & effectus formalis densitatis, coniunctio est partium inter sese; ita ut plures partes, maiorque multitudo materiæ contineatur sub minoribus dimensionibus, ut probauimus in libro de generatione, capitulo tractatu de rarefactione, quæst. 1. Sed tam raritas, & densitas cœlestis, quam sublunaris præstant hos effectus suis corporibus, quod non est minus manifestum in cœlo, quàm in quocunque corpore sublunari, ergo sunt eiusdem speciei. Addendum verò est, quod raritas, & densitas cœlestis, nec sunt prima, nec secunda qualitas, nec sequuntur omnino ex combinatione primarum. Quod facile probari potest, nam si in cœlo non sunt qualitates veræ contrariæ, & actiue, ut fere omnes admittunt, & probatur inferius, sequitur nec dari in eo permixtionem earum, & ideo nec raritatem nec densitatem, quæ sit qualitas prima, vel secunda: nam secunda qualitates dicuntur, quia ex prioribus oriuntur: prima, ex quibus consurgunt alie.

sed se habere, sicut se habet lux, de qua ostendimus 2. lib. de anima, cap. 7. nec esse primam, nec secundam qualitatem, nec diuisionem qualitatis in primam, & secundam esse adæquatam, sub quo proinde comprehendantur omnes.

Ad primum argumentum oppositæ sententiæ distinguenda est maior: nam si ita sint causæ productiue effectuum diuersorum, vt per se adæquate, ac ideo semper producant diuersos, & in quocunque subiecto: arguit quidem distinctionem specificam earum, si vero nec eos producant semper, nec semper eodem modo, sed iuxta capacitatem & dispositionem subiecti, solum arguit distinctionem accidentalem, vt patet in cæteris qualitatibus, & ideo certissima regula cognoscendi specificam distinctionem, ex solo effectu formali primario statuenda est, quem implicat contradictionem non tribuere cuiusque subiecto in quo inhaerent, & eodem modo semper, & cū raritas, ac densitas, nec semper, nec eodem modo producant illos effectus, sed secundum dispositionem subiecti, non potest ex illis colligi distinctio specifica cælestis à sublunari, etiam si in coelo eos non producant: sicut lux cœli non producit calorem in coelo, producit tamen in inferioribus, ob specialem eorum capacitatem, cum tamen ipsa sit eiusdem speciei.

Ad secundum negandum est, quod raritas, & densitas per se procedant ex permutatione, aut concursu primarum qualitarum, sed causam efficientem habere, accidentale est eis, atque etiam hoc vel illo modo, secundum hunc, vel illum gradum à talibus causis procedere, quod provenit ex tali dispositione subiectorum, & secundum diuersum modum eius va-

riatur processio, & modus procedendi: quare licet procedant in corporibus sublunaribus ex permutatione, aut concursu primarum qualitarum, & in coelo non ex hac, sed ex alia causa diuersa, nempe, ex dispositione, aut forma eius, non bene colligitur esse diuersæ speciei. Et possumus exemplū sumere in diaphaneitate, aut transparentia corporum, quæ in elementis procedit ex concursu duarum qualitarum primarum, in mixtis, ex permutatione quatuor, vt in crystallo, & in pupilla oculi, in coelo vero ex nulla causa harum, sed ex alio diuersa, & tamen in omnibus (absque dubio est) eiusdem speciei, & pari ratione in opacitate est manifestum. Aristoteles ergo in omnibus illis testimonijs loquitur de raritate, & densitate, quantum ad causam à qua procedit, & effectus, quos producit non in toto suo ambitu, sed solum de ea, quæ est in corporibus sublunaribus: quare non potest colligi ex eis, quod speciei distinguantur à raritate, ac densitate cœlesti, quamuis procedant à diuersis causis efficientibus, & diuersos effectus habeant; iuxta diuersam dispositionem corporum.

APPENDIX DVBIUM.

*An cælum possit sua natura ab-
terati.*

DVplicem alterationem in primis oportet distinguere, communem, & propriam: communis est illa, per quam producitur qualitas, ita, alterans subiectum, vt non disponat ad introductionem formæ contrariæ, & expulsionem propriæ; sed potius ipsum perficiat,

ut constat de lumine, quare illuminatio non est propria alteratio, sed communis. Alteratio propria illa, per quam produci-
tur qualitas, disponens subiectum, ad in-
troductionem formæ contrariæ, & ex-
pulsionem propriæ, ut calefactio, aut in-
frigidatio, per quas calor, aut frigus pro-
ducuntur, disponencia subiectum, ad ex-
pulsionem propriæ formæ, & ac introdu-
ctionem contrariæ. Et de altera improp-
ria coelestis res est, cælum ex propria natu-
ra esse alterabile, cum constet experien-
tia illuminari à Sole, & illi, qui tenent
cælum habere principium corruptionis;
quia constat materia aquæ, ex qua à prin-
cipio fuit factum, consequenter tenen-
tur faceri, quod possit sua natura susci-
pere qualitates, per quas disponatur materia
eius ad suscipiendas formas elementares,
vel saltem, quod talis alteratio non repugnet
naturæ eius, si adsit naturale agens ap-
proximatum, à quo alterari possit: cuius
ratio est manifesta, quia si habet materia
eius naturalem capacitatem ad formam
aquæ, & aliorum elementorum, necesse
est eandem habere ad dispositiones per
se ordinatas ad illam, quales sunt eadem
qualitates elementorum. Et hoc idem
tenentur concedere, qui tenent, materiã
cæli eiusdem rationis esse cum subluna-
ri, ut superius probauimus. Vel dicendũ
est, capacitatem, seu potentiam passivã
naturalem, quam necesse est habere ma-
teriam cæli ad sublunares formas, & cõ-
sequenter ad earum dispositiones, ocio-
sam, ac frustraneam esse, cum non pos-
sit ab aliquo agente naturali reduci ad a-
ctum.

Nihilominus dicendum nobis est, ma-
teriam cæli, cum sit diuersæ naturæ à sub-
lunari, incapacem esse omnium forma-
rum sublunarium, & consequenter re-
pugnare illi naturaliter suscipere quali-

tates contrarias earum, per propriam al-
terationem. Quod sic probetur. Qualitates in-
stæ contrariæ ex propria natura sunt dis-
positiones materiæ ad introductionem
formarum, à quibus emanant, ut calor
ignis est dispositio ignis per se ordinata
ad introductionem formæ ignis in mate-
ria, & expulsionem præexistentis in ea.
Præterea eadem qualitates, cum sint sua
natura actiue, sunt, etiam instrumenta
substantialium formarum, per quas alias
similes educunt de potentia subiecti, et
asque in eo produciunt, ut per eas expel-
lant formas oppositas: sed materia cæli
non est capax substantialium formarum
sublunariũ, sed ei repugnat: ergo repug-
nabunt etiã dispositiones per se ordinatæ
ad introductionem, & expulsionem præ-
existentium. Probatur consequentia, quia
cui repugnat finis, non potest non repug-
nare medium per se ordinatum ad illũ,
quare repugnabunt cælo quæcunque al-
terationes propriæ, quæ media sunt per
se ordinata ad easdem qualitates produ-
cendas, in cælis autem ipsis non sunt si-
miles qualitates actiue, & propriæ con-
trariæ, quare neque alterationes propriæ
ad eas producendas. Quare non po-
test vnum cælum alterari ab alio, neque
alterare aliud propria alteratione. An ve-
ro alteretur vnum cælum ab altero per
impulsũ, quem ab eo recipiat, ut mo-
ueatur, vel quodcunque cælum à sua in-
telligentia, à qua mouetur, per impulsũ
ab ea impressum, vel sine tali impulsu
mouetur ab ea, per immediatam appli-
cationem suæ virtutis, discutietur in se-
cundo libro: illa tamen alteratio, si da-
tur, non est propria, sed communis.

Ex dictis colligitur, in cælo non esse
grauitatem, neque leuitatem, nec minus co-
lores, odores, & sapores, ut communis
omnium sensus tenet: quia hæc omnes

secundæ qualitates ortum habent necessario ex quatuor primarum permixtione. Et ideo cum cæli primarum qualitatum capaces non sint, nec affici possunt secundis ex illis naturaliter ortis, quod de gravitate & leuitate in specie probat Aristoteles: hic quia corpus graue mouetur ad medium, & leue à medio, quorum neutrum cælo conuenit, vt constat & latius profequitur ipse.

C A P V T I V.

TEXTVS ARIST.

Quod autem non est circulari latiori contraria, alia latio, &c.

Breuis expositio Text.

Pre-supposuit Aristoteles capite precedenti, motum circularem non habere contrarium, & hoc intendit probare capite præsentis vnica ratione prolata satis, quam hoc modo placuit ad breuitatem simul, ac methodum contrahere. Si motui circulari foret contrarius alter motus, aut effectus rectus, aut circularis (nam ad hos reducuntur omnes motus locales) sed neuter horum est ei contrarius, ergo nullum contrarium habebit. Minorem probat primo de motu recto hoc modo: vnus motus rectus est contrarius alteri, vt motus sursum motui deorsum; si ergo idem motus rectus contrarius est circulari, habebit idem rectus duos motus contrarios: videlicet alium rectum, atque circularem, ideo vni essent duo contrarii, quod supposuit impossibile in præcedentibus. Probat deinde, quod circularis non habeat pro contrario alium circularem, quia quocūque ex quatuor modis huius motus considerentur, nunquam

proprie contrariantur, cum nunquam tendant in terminos ad quos proprie contrarios, quod facile constat, & fusius profequitur Aristoteles, & questione sequenti nos alius expendemus.

QVAESTIO VNICA.

An probauerit Aristoteles efficaciter, quod motui circulari nihil sit contrarium.

D. Thomas 1. lib. de cælo, lectione 8. inter exponendam literam huius capituli, tria, vel quatuor argumenta profert ad probandum infirmum, atque inefficacem esse hunc discursum Aristotelis, & ideo non bene probare, quod motus circularis cæli careat contrario: & primum est aduersus illud, quod tanquam principium videtur præsupponere, videlicet vni vnum tantum contrarium esse: quod tamen videtur falsum, quia eadem virtus liberalitatis habet duo vitia sibi contraria, nempe auaritiam, & prodigalitatem; hanc quidem per excessum, quia prodigus excedit in dando, nam vel plus tribuit, quam secundum rectam rationem tribuendum est, vel sine modo, quia ei tribuit, cui non est tribuendum, vel tali loco, aut tempore, quibus dandum non est. Auaritiam vero per defectum, quia auarus non tribuit vlllo modo. Secundo contra secundum dictum, quod scilicet, si diuersi motus facti per diuersos semicirculos constitutos super extrema eiusdem rectæ lineæ, modo opposito, hoc est, ab hoc puncto extremo ad aliud, & rursus ab hoc extremo ad primum, forent contrarii: sequeretur, eundem motum habere posse infinitos motus contrarios, quia ab vno puncto extremo rectæ lineæ ad aliud, infiniti possunt duci semi-

semicirculi. Cōtra hoc, igitur sic argui potest. Sicut inter duo extrema rectæ lineæ possunt duci infiniti semicirculi, sic etiam possunt duci infinitæ lineæ rectæ: ergo possunt fieri super eas infiniti motus recti. Sed ex his motibus, quidā posset figi sursum, & alii deorsum, ut si fierent quidam à puncto centri terræ ad punctū designatum in concavo Lunæ: alii verò deorsum ab hoc puncto ad centrum: esset igitur contrarii, & ideo quilibet motus sursum eorum haberet infinitos motus deorsum sibi contrarios, & quilibet motus deorsum infinitos alios motus sursum. Vel ergo hoc reputatur inconueniens, & ita probaretur eadem ratione, motum rectum non habere contrarium, sicut probatur de circulari: quod tamen constat esse falsum: vel non reputatur inconueniens, & ita non probabitur hoc argumentum, quod circularis contrarius careat, ut intendit Arist.

Aduersus tertium, quod Aristoteles præsupponit, motus scilicet contrarios fieri debere inter terminos, à quo, & ad quem maxime distantes, quia contraria sunt, quæ maxime distant, obicitur tertio, quia motus à medio, & motus ad medium, hoc est, motus à centro terræ ad concavum Lunæ, & motus à concavo Lunæ ad centrum terræ, sunt contrarii ex omnium sententia: & tamen non versantur inter terminos maxime distantes: nam maior distantia est inter polos mundi, cum distent per integrum diametrum eiusdem mundi, quam inter centrum terræ & concavum Lunæ, quæ solum distant per semidiametrum: ergo motus inter hæc extrema non sunt contrarii, cum non versentur inter maxime distantia, quod cum sit falsum, falsum quoque erit principium ab Aristotele præsuppositum, & ideo corrumpit argumentum super illud fundatum.

Ultimo intulit Aristoteles, quod si motus circularis facti per oppositam partem integri circuli, forent contrarii, mutuo se impeditent mobilia, & ideo vnum vel alterum, aut etiam utrūque esset frustra, quia motū nō pollet cōficere.

Contra hoc tamē potest opponi, quod idem sequatur inconinodum in motibus rectis contrariis sursum & deorsum per eandem lineam factis, & ideo mutuo se impediētibz: & tamen non tollit, quin motus contrarii sint: ergo nō probabitur tali arg. quod mot' circularis non sint contrarii, præsertim, cum ipsemet Aristoteles 8. lib. Physicorum cap. 3. textu 64. id docuerit, probaueritque tales motus circulares esse contrarios, quia mutuo se impediunt. & cap. 9. textu 72. motum factum per semicirculum ab vno puncto extremo rectæ lineæ ad aliud, non posse continuari cum motu facto ab extremo ad primum, quia sunt contrarii, & contraria non possunt continuari. Constat vero, duo hæc opposita esse his quæ docet capite præsentī, nempe motum circulearem nullum habere contrarium.

His tamen non obstantibus, ipsemet Diuus Thomas, & ceteri omnes interpretes huius capituli sequuntur sententiam Aristotelis, quod motus circularis non habet contrarium, & rationes quibus id probauit, recipiunt, quare non oportet multiplicare aliquas, sed sufficit, argumenta aduersus eas soluere, ex quorum solutionibus constabit, non parum efficacitatis habere. Pro solutione igitur primi (omnibus aliis solutionibus, quas ex aliorum, ac propria sententia afferūt patres Conimbritenses tanquam insufficientibus) adnotate oportet, contrarietate duplicē esse, idēquā, & inadēquatā: illa censetur adæquata, quæ est oppositio, quasi cōpleta, & integra, ita ut vnu oppo-

moueri possit quare in ordine ad motum naturalem illa est maxima, & cui non est comparabilis distantia inter polos, maxime quia maxima distantia requisita ad constituendos motus contrarios, desumi formaliter, hoc est, ex opposito modo forma attingendi terminum.

Ad vltimum respondeo diuersam esse rationem de motibus rectis, & circularibus: nam motus recti, sursum, & deorsum etiam si non fiant per eandem lineam, sed per diuersas, contrarii sunt, dummodo vnius à centro terræ ad concuum Lunæ fiat, & ex opposito alter, cum versentur inter contrarios terminos: ergo necessarium non est, vt mobilia se impendant, nec vt alterum eorum sit frustra. Motus vero circularis est ab eodem in idem punctum: quare vt duo motus circulares contrarii sint ab eodem in idem punctum eiusdem circuli inuerso ordine fieri debent, quod non est possibile; nisi fiat super eandem lineam, & vtrunque corpus per eam motum idem prorsus percurrat spatum: ex quo euidenter colligitur, se impedire, & vnum eorum, vel vtrumque frustra esse, vt inculit Aristoteles, cuius argumentum efficax est.

Ad testimonia Arist. adducta in eodem argumento dicendum est, diuerso modo sumere contrarietatem motuum in eis locis, ac sumpsit capite præsentis, ibi enim improprie pro quacunque repugnantia, hic vero, pro contrarietate propria, iuxta leges contrarietatis motus à se latas, lib. physicorum, quo pacto verum est à se efficaciter probantem, quod motus circularis nullum contrarium habeat, sed iuxta primam acceptionem impropriam contrarium habere potest. Bene tandem adnotauit D. Thomas circa eandem vltimam rationem, ex ea colligi, quod senserit plane Arist. corpora celestia facta esse à Deo, quod ex tota

eius doctrina vix forte colligi posset. Quod vero colligatur, ostendit, quia si motus circulares duorum corporum celestium forent contrarii, mutuo se impedirent, & ideo vnum eorum, vel vtrumque frustra foret; quod ait Aristot. esse falsum; quia Deus, & natura nihil frustra faciunt, eiusmodi autem consequentia in corporibus celestibus frustra esset, nisi supponeret, corpora celestia facta esse à Deo, vt consideranti facile patebit.

CAPVT V.

TEXTVS ARIST.

Sed quoniam manifestum est de his, & de reliquis considerandum est, & primum, verum sit quoddam corpus infinitum.

Breuis expositio textus.

Incipit iam Aristoteles agere de perfectione vniuersi, & ad eam cognoscendam inquit, an aliquod ex quinque corporibus infinitum sit, vt ex hac parte constet, an infinitus sit mundus; & in hoc capite aliquibus prælibatis, docet, non dari corpus infinitum magnitudine, quod circulariter moueatur, quia si corpus tale esset infinitum, lineæ ductæ à centro eius ad circumferentias, infinitum distarent, quia quo magis protrahuntur, magis distant, ergo non posset vna ad seculum alterius provenire, hoc autem est necessarium; vt corpus circulariter moueatur, nequit igitur dari infinitum corpus, & idem conuincitur, si ponamus lineam ductam à centro in infinitum, & aliam secantem corpus infinitum per centrum vsque ad circumferentias illa enim necessario per motum attinget partes alterius, quæ secant totum corpus, & tamen poni-

mus elandere infinitum spatium. Præterea si cælum esset infinitæ magnitudinis, non posset moveri spatio viginti quatuor horarû, contra experientiam, quia si linea ducatur à cætro cæli, & alia infinita ponatur iuxta cælum quiescens, linea illa recta spatio finito transiret successiue aliam, & spatium infinitum, quod est absurdum, & eandem vim habent argumenta, à quocunq; puncto corporis infiniti ducatur linea, si ibi non est assignabile centrum. Vterius, cælum infinitum non posset tempore finito circulariter transire corpora finita sub se contenta: nec potest non corpus claudi extremis, quia figura importat extrema, & inseparabilis est à quantitate: ergo nequit esse infinitum. Deniq; cælum infinitum infinito moueretur tempore, cum infinitum deberet spatium transire, quod experimento pugnat: nequit ergo cælum, aut aliud corpus circulariter motum esse infinitum.

CAPVT VI.

Textus Aristotelis.

Sed adhuc neque quod ad medium, neque quod à medio fertur infinitum erit, &c.

Breuis expositio textus.

Intendit Aristoteles, non posse dari elementum actu infinitum, & probat duplici ratione, quia corpora, quorum loca finita sunt, finita etiam erunt, ut patet: sed loca elementorum sunt finita, quod de terra, & igne probatur, quia vt pote contraria maxime distant sub eodem genere, sed maxima distantia est determinata, nempe, ultra quam non est maior, & quando vnum contrarium est finitum, similiter & aliud: At locus terræ finitus est, cum illum possit corpus per motum attingere, nec potest ultra procedere, nisi eum deserendo, ut patet:

de aere vero, & aqua facilius, nam quidquid extremis clauditur, finitum est, sed media elementa, & eorum loca clauduntur extremis, ergo sunt finita: nam si infinita forent, nullum corpus moueri posset ab vno extremo elemento ad aliud, quia oportet eadem media pertransire, & hoc patet esse impossibile, quia infinitum non est pertransibile.

Secundo, si aliquod elementum foret infinitum secundum magnitudinem, sequeretur, fore etiam infinitum secundum virtutem moriuam, & ideo habere grauitatem, aut leuitatem actu infinitam, cum eadem sit proportio magnitudinis, & grauitatis, vel leuitatis, siquid addita parte magnitudinis, additur pars grauitatis aut leuitatis, & ex opposito aliqua inferuntur absurda. Sed impossibile est grauitas, aut leuitas actu finita: ergo impossibile quoque erit, dari elementum magnitudine infinitum. Minor probatur, quia quo maior est grauitas, vel leuitas, velocior est motus, hac ergo crescente in infinitum, similiter crescet velocitas, ac proinde fiet motus in tempore, seu instanti, quod implicat.

CAPVT VII.

TEXTVS ARIST.

Necesse itaque, corpus omne aut infinitum esse, aut finitum.

Breuis expositio textus.

Tribus diuisionibus præsuppositis corporis, in infinitum, & in finem partium, in heterogeneas, & harum infinitas & infinitas quasi continuato sermone prosequitur Aristoteles idemmet intentum

intentum præcedentis capituli, nempe probare, quod non datur in mundo corpus aliquod magnitudine infinitum. Diuiditur vero capitulum in duas partes, in prima probatur non dari corpus actu infinitum dissimilare, nec similitudine partium ex motu localitatem secunda probatur ex actione, & passione, & aliis argumentis dialecticis, & in fine refutat opinionem quandam antiquorum. Primo probatur, quia si partes illius corporis heterogeneæ essent infinitæ, cum debeatur cuilibet proprius motus, distinctus, essent infiniti speciei motus: si vero essent finitæ aliquæ earum, vel omnes deberent esse infinitæ magnitudinis, ac proinde infinitæ gravitatis, quod supra probatum est absurdum: præterea occuparet infinitum locum, imo nullum reliquis spatiis relinquerent: si vero partes essent eiusdem rationis, corpus infinitum esset infinitæ gravitatis, vel leuitatis, ut supra intulit, & non posset moveri.

Secundo probatur, quia corpus infinitum non potest mouere aliud corpus finitum, vel infinitum finito, aut infinito tempore, neque ab eorum aliquo moveri: verique enim manifesta inferuntur absurda ex dictis, siue moueatur motu recto, siue circulari, & cum quidquid moueretur ab alio moueatur, deberet poni aliud corpus infinitæ virtutis ad mouendum illud, quod fufius refellit Aristoteles, & ex eisdem, & aliis absurdis refutat opinionem Democriti, & Leucippi, ponentium corpus infinitum constatum ex infinitis atomis indiuisibilibus, medio vacuo.

CAPVT VIII.

Textus Aristotelis.

Num autem, neque plures esse calos, possibile est, dicamus, &c.

Verius exposito Text.

Incendit Aristoteles hoc capite probare, non esse plures mundos, quia si plures darentur, quilibet haberet suum coelum, suam terram, cæteraque elementa distincta à coelo, terra, & elementis alterius, ergo terra alterius mundi moueretur ad centrum terræ huius, vel ergo moueretur naturaliter, aut violenter, non naturaliter, alioqui in proprio loco quiesceret violenter, quod patet esse falsum: sed neque moueretur violenter, alioqui motus à centro huius terræ ad proprium foret ei naturalis, quod patet etiam falsum, quia impossibile est, corpori graui naturalem esse motum à centro: sed terra illa foret grauis, ergo non posset naturaliter moueri à centro. Confirmatur quia motus huius, & alterius mundi eiusdem essent speciei, ergo motus sursum ab eodem centro & deorsum ad idem centrum fierent: quod in eo euentu stare non posset. Præterea corpora ytriusque mundi eandem haberent inclinationem, & virtutem motiuam. Ergo ad eundem locum naturaliter mouerentur, & extra illum essent violenta.

In fine capituli refutat Aristoteles opinionem aliquorum asserentium, corpora naturalia non habere ullum motum naturalem, sed ab extrinseco: quia quæ ab extrinseco per violentiam mouentur, quo maioris sunt magnitudinis, eo tardius mouentur, sed oppositum constat in grauius: ergo. Præterea nullum corpus mouetur violenter ad locum, à quo violenter extrahitur, sed grauius, & leuius extrahuntur.

trahuntur violentèr à loco infimo, & supero: ergo ad ea non violèter, sed naturaliter mouentur. Confirmatur, quia hoc motu velocius mouentur in fine, quam in principio, cuius oppositum violentis accidit. Quæ maior velocitas prouenit, inquit Arist. ex augmento grauitatis, & leuitatis, quod non de grauitate naturali, sed de acquisita, nempe impulsu intelligendum est. Tandem probat Aristot. vnitatem mundi ex vnitatem primi motoris, & ex locis determinatis, in quibus sunt corpora hunc mundum constituentia.

est esse corpus, vnde nec dari potest vacuum, cum hoc sit locus non repletus corpore, sed aptus repleri. Tandem, ibi nequit dari tēpus: quia est numerus motus, ergo non potest esse, vbi esse non potest mobile & motus. Addit tamen Aristot. extrema mundum esse entia quædam perfectissima incorporea, & vitam indefectibilem, & perfectissimam habentia, quorum nomine intelligit Aristot. supremam intelligentiam, nempe, Deū, & alias inferiores à prima factas, & dependentes.

CAPVT IX.

Textus Aristotelis.

Quod autem non solum vnus est: sed & impossibile esse plures, &c.

Breuis expositio textus.

Intentum Aristotelis in hoc capite est, probare, non esse plures mundos possibiles, quod præmissa ratione dubitandi pro opposita parte hoc argumento confirmat, quo simul rationem in contrarium adductam soluit. Quia non potest alius mundus fieri sine noua materia, sed hic mundus continet omnem materiam possibilem, vltra quam nō est possibilis alia, cum comprehendat omnia corpora cælestia elementaria, & mixta, ergo non datur alia ratio materiæ, per quam ratio mundi contrahi possit. Quod vero extra coelum non sit vllum corpus, probat, quia supremum cælum continet omnes alios, & elemēta, ac proinde omnia mixta, quæ ex elementis generantur, & eorum locis continentur. Vnde infert Aristoteles, extra coelum, & mundum non dari locum, quia cum ex se sit receptaculum corporis, frustra esset, vbi non po-

Tractatus de mundo, seu vniuerso, & his, quæ ad ipsum pertinent.

QVAESTIO I.

An sit vnus mundus, vel plures.

Ad priorem sententiam reduci possunt omnes illi philosophi, qui plures mundos posuere, quamuis alij affirmauerint, infinitos dari vt Metrodorus, Xenophanes, Anaximander, Anaximenes, Archelaus, Aristarchus, Diogenes, Leucippus, Epicurus, & Anaxarchus, quem (vt Plutarchus retulit in libro de tranquillitate animi) cum Alexander Macedo de mundorum infinitate disferentem audiuisset, illachrymasset, rogantibusque amicis, num aliquid ei dignum lacrymis accidisset? An indignum esset, inquit, nos flere, si cum infiniti mundi esse probentur, nondum vnus domini sumus? Alii vero finitos quidem, sed penè innumerabiles, vt Democritus ponens in eis magnam diuersitatem, ita vt in quibsdam, neque Sol esset, neque Luna; in alijs vero splendida longevydere, quam quæ in hoc nostro sunt; quosdam etiam animalibus carerent, & plantis, & alijs

alios eisdem rebus abundarent; & hæc & alia veterum philosophorum placita referunt Dinius Ambrosius libr. 1. Hexameron, capite 1. Dinius Augustinus libr. 18. de Ciuitate Dei capite 24. Theodoretus in libro de materia, & mundo. Plutarchus primo libro de placitis philosophorum capite 5. Albertus Magnus in summa de homine, quæ de hominis habitaculo, articulo 2.

Posterior vero sententia omnino opposita vnicum proficitur mundum, quam tenuerunt Thales, Pythagoras, Hipassus, Anaxagoras, Parmenides, & Melissus, Heraclitus, Zeno, Plato, atque Aristot. cum tota Peripatetica schola, quam posteri omnes sequuti sunt. Sed duo argumentorum genera attulerunt antiqui, ad probandam hanc veritatem mundi. Plato quidem in Timæo (ut testatur Alcinoüs in libro de doctrina eius cap. 12.) ex duobus eam probat, nempe ex vnitæ sui principij, atque ex nãlaris intelligibilis; Deus enim, à quo tanquam à suo principio, & fonte prodijt, vnus est, vnus item intellectus diuinus, à quo ordinatæ sunt res omnes, ex quibus conflatus est mundus, ergo eandem quoque vnitatem participare debet. Secundo ex propria ratione, ac perfectione mundi, quem propterea vniuersum vocamus, quia in se complectitur vniuersa à Deo condita; ergo vel non est, vel vnicus est: quia eo ipso, quod ponantur multi, nullus poterit vniuersum vocari, cum non omnia comprehendat.

Aristoteles vero ex natura, & inclinatione corporum (præsertim sublunariũ atque ex motibus eorũ naturalibus proces-

Ex quibus hoc vnum incommodum inferre voluit ex multitudine mundorũ, quod elementa cuiusque naturaliter mouerentur ad loca aliorum, quod videtur impossibile, cum non possint ad ea mo-

ueri, nisi deferendo propria, à quibus repugnat motu naturali discedere, & hoc argumentum est quasi aliorum summa, quare non est necessarium, ea in particulari reperere.

Circa hanc quæstionem dicendum est primo, nec ratione Philosophicã, nec Metaphysicã, vel alia quacunque euidenti, immo nec efficaci probari posse, quod non sint plures mundi, sed coniecturis tantum probabilibus. Quod sic ostendo: creatio vnius mundi, vel plurium est opus liberũ Dei; ergo quod vnus, vel multiplex sit conditus, ex sola eius voluntate libera dependet, & non ex aliquo principio vel causa naturali, sed seclusa experientia, & clara reuelatione Dei non potest constare nobis euidenter de effectibus liberis voluntatis liberę suæ, an in natura rerum sint, vel non: ergo nec possumus euidẽti ratione cognoscere, quod vnus mundus tantum, aut plures sint ab eo facti; immo nec ratione efficaci, quia nullum inueniret argumentum ex principijs euidentibus efficaciter deductum, quod id ostendi possit, ut statim patebit. Sola igitur coniectura probabili deduci potest ex duobus, nempe, ex vnitæ ordinis, quo disposita sunt ab eo superiora, & inferiora corpora per eundem modũ dependentiæ horum ab illis, quod certe congruum fuit fuit, & ex hoc mirabili effectus, ex tot, ac tantis diuersis rebus compositis, vno, eodemque modo ordinatis ostenderetur ab vno artifice vnã, eandemque sapientiam eius conditum fuisse, quam rationem attingunt Dinius Athanasius in oratione contra idola, & Dinius Thomas 1. parte, quæst. 47. artic. 3. Quod ex alio etiam deduci potest, quia nullum prorsus iudicium inuenietur, ex quo diuinare quispiam possit plures mundos esse à Deo factos. Temere ergo excogitatum est, & absque villo rationis fundamen-

damento, ab antiquioribus Philosophis, immo præter communem omnium hominum existimationem, dari plures mundos. Vnde sequitur argumenta Platonis pro coniecturis diuinitatē esse recipiendā, primum enim solum probat, ex quadam congruentia desumpta, ex vnitatē principij effectiui, à quo tamen plures mundos non processisse, non conuincit: sicut nec secundum argumentum; quamuis enim ad rationem vniuersi essentialē requiratur omnes gradus essendi in aliquibus generibus, speciebus, & indiuiduis consistentes, non tamen necessario exiguntur omnia genera, species, & omnia indiuidua, vnde posset quis excogitare eosdem gradus essendi sub alijs speciebus, & indiuiduis constituentes alium mundum sub alia ordinatione, & collocatione. Argumentum Aristotelis facile prorsus est. Nam si ponantur alia corpora cælestia, & alia clemēta, & mixta, distincta specie, vel numero, à constituentibus hunc mundum, & inter sese ordinata, sicut sunt modo corpora huius mundi, manifestū foret, corpora illius mundi nullum ordinem habitura dependentiā, subordinationis loci, aut situs cū corporibus huius mundi, sed solum inter se, sicut si hic mundus non staret: ergo nō mouerentur naturaliter ad idem centrum, vel locum, sed vnumquodq; ad proprium proprii mundi, quo adepto quiesceret naturaliter, & à quo violenter extraheretur.

Secundo dicendum est, consonum valde esse nostræ fidei, quod vnicus sit mundus, nec plures dentur, quare temerarium, vt minimum fore existimo, plures admittere. Ita Diuus Tho. 1. parte quæst. 47. artic. 3. Probatur, quia sacra pagina scripta per deum in singulari loquitur, præsertim Ioannis primo, & mundus per ipsum factus est: Matthæi vltimo, & Marci

etiam vltimo, dum Apostoli ad propagandam fidem mittuntur, dictū est eis: Euntes in mundum vniuersum prædicare Euangelium omni creaturæ. Quod ex ordinē etiam creationis colligitur: post cuius enarrationem dicitur Gen. 1. vidit Deus cuncta, quæ fecerat, & erant valde bonæ: & postquam omnia fecit cessasse dicitur ab vniuerso opere quasi dicatur, præter continuam propagationem rerum omnium conditarum, nihil nouum amplius condidisse. Et cum constet illa omnia, quæ ex sex dierum spatio creati sunt, ad vnicum hunc mundum pertinere, colligitur non esse alterum à Deo conditum. Præterea Actuum 17. ad Rom. 1. docuit Paulus, fecisse Deum ex vno homine genus humanum, & per vnum etiam hominem peccatum in hunc mundum inuasisse: constat vero ex fide omnes homines infectos fuisse peccato eiusdem hominis, ita vt absque erroris nota admitti non possit, quod homines alij præter eos, quos mundus iste continet, dētur ab originali peccato immunes; ergo nec potest admitti alter mundus præter istum, nisi aliquis dicere velit, ab hoc mundo in alterum fuisse aliquos homines translatos, quod ridiculum est. Quare D. August. in libro ethymolog. cap. 5. inter errores contra fidem enumerans positionem de multitudine mundorum, & quod amplius est 24. quæst. 3. cap. Quidam autem hæretici circa finem, numerant pro hæresi inter alias, ponere mundos innumerabiles.

QVAESTIO II.

*An per potentiam Dei absolutam possibiles
sint plures mundi, specie. aut numero distincti.*

PRIUS quam diversas auctororum sententias referamus, excludi debet impius error Vviclephi, & Abzylardi, quem refert, & rejicit Vualdenſis capit. 10. doctrinalis antiquæ fidei, aſſerentium, Deum non poſſe quidquam aliud facere, præter ea, quæ facit, quia non libere, ſed ex neceſſitate naturæ operatur, ſicut calefacit ignis, naturales autem cauſæ quidquid poſſunt, operantur, & nihil aliud poſſunt, præter ea, quæ faciunt: ſed cõſtat, Deū vñ tantū feciſſe, mūdum: ergo impoſſibile eſt plures facere, nā ſi plures poſſet facere, iam omnes produxiſſet.

Quem errorem impium voco, quia omnia ferme noſtræ fidei myſteria euerſit & licet cum velint aliqui Ariſt. tribuere, putantes eum propterea negaſſe, quod plures mūdi dari poſſent, ex eius tamen doctrina plane colligitur, mōdum libere agendi Deo nō denegari, nec propterea, quod ſenſerit agere, ex neceſſitate naturæ, docuiſſe, quod non poſſet plures mūdōs facere, ſed quia re ipſa illi viſum eſt, repugnare, ex eo, quod exiſti nauerit poſſibilem non poſſe aliam materiam ſpecie diſtinctam, & proinde omnia corpora ex materia hac conſtare eandem habitura inclinationem ad locum eundē & eandem virtutem morium ad ipſam; vnde corpora vtriuſque mundi ad eundē locum naturaliter mouerentur, quod eſt impoſſibile; non tamen negauit Ariſtoeles, vt aliqui putant, eſſe poſſibilem aliam materiam numero diſtinctam. Cognouit enim materiam fuiſſe factam immediate à Deo, proinde Deū poſſe aliam producere: ſed eſſe poſſibilem materiam ad corpora diſtinctæ naturæ conſtituentia alium mūdum, vt conſtat ex fundamentis ipſius; & in hoc ſenſu ſequuntur ſententiam Ariſtoelis, Alexander, Simplicius, & Auerroes, immo D. Thomas

hic ad finem lectionis 19. & expreſſius 1. part. quæſt. 86. artic. 3. ad 3. ſic: *Mundus conſtat ex ſua tota materia: non etenim poſſibile eſt aliam terram, quam iſtam, quia omnis terra fertur naturaliter ad hoc medium, ubique eſt, & eadem eſt ratio de aliis corporibus, quæ ſunt partes mundi: fundamenta huius ſententiæ iacta ſunt in præcedentibus.*

Secunda opinio communis, & vera tenet, poſſe Deum ſua abſoluta potentia plures mūdōs efficere. Ita Albertus Magnus 1. lib. de cœlo, tractatu 3. cap. 6. Saxonia ibidem quæſt. 11. Pater Clanius ad caput primum ſphæræ pag. 28. Patres Cõnimbri cenſes 1. lib. de cœlo 9. cap. quæſt. 1. artic. 2. & ex ſcholasticis, D. Thomas in 1. diſtinct. 44. quæſt. 1. artic. 2. D. Bona. quæſt. 1. Durandus, quæſt. 3. Gabriel & Okam qu. 1. art. 2. Maior quæſt. 2. Capreolus in 1. diſtinct. 43. quæſt. vnica art. 2. quam tanquam veram præſupponit Erietas 1. parte quæſt. 47. artic. 3. & tandem ſancti Patres eam proſtitentur: Præſertim Athanaſius in oratione contra Idola, Ambroſius 2. lib. Hexameron cap. 2. Baſilius homilia ſecunda. Hexamer. Iuſtinus martyr. in lib. de quorundam decretorum Ariſtoelis reprehentione, iuxta quam reſpondemus quæſtioni duabus aſſertionibus, quarum prima eſt.

Poſſibiles ſunt plures mūdi ſpecie, ac numero diſtincti; probatur vtrumque hoc argumento: non repugnat ex parte diuinæ omnipotentis, neque ex parte rei faciendæ, ergo poſſibile eſt, vtroque modo fieri plures. Antecedens, quantum ad diuinam omnipotentiam, per ſe eſt enidens, cum ſe extendat ad omne illud, quod non inuoluit contradictionem: ergo ſolum reſtat probandum, quod ex parte effectus non inuoluat contradictionem, vt eo ipſo probatum ſit poſſe fieri. Probatur autē primo, nō repugnare quod

quod plures mundi fiant specie distincti, quia mundus dicit ordinationem multorum corporum simplicium inferiorum, ac superiorum, hoc est, elementorum, ac coelorum sub vno primo mobili, & vno primo mouente, nempe Deo, à quo dirigente, & gubernante inferiora per superiora mouentur omnia, diriguntur omnia, multiplicantur, & conseruantur omnes species mixtorum ex simplicibus factis: sed potest Deus aliam congregationem corporum specie distinctorum efficere, & ordine specie distincto ea ordinare; ergo potest efficere alium mundum specie distinctum ab isto. Minorem probabo, quia ordo huius mundi consistit in situ corporum grauium, & leuium sub coelo; sed poterit Deo producere, alios coelos habentes alias virtutes, & influentias, ita vt sine motu, vel medio alio motu diuerso valde operentur, atque etiam alium numerum elementorum, seu corporum simplicium, quæ sub coelo illo contenta haberent naturas, & conditiones, potentiasque motiuas diuersas à grauitate, & leuitate, & alio modo longe diuerso ordinarentur inter sese, & cum coelo, in quo nulla potest excogitari repugnantia alicuius momenti: ergo possibili censendi sunt plures mundi specie diuersi. Quod cum hac sola limitatione intelligendum censeo, vt ex parte speciei humanae (eo modo, quo ad mundum pertinet) non sit possibile, quod fiant plures mundi specie distincti, quia non videtur mihi possibile fieri alium hominem specie distinctum. Quod vero non repugnet fieri plures mundos eiusdem speciei probatur, quia nulla potest ostendi repugnantia in eo, quod fiat aliud elementum terræ eiusdem speciei cum isto; nam sicut hoc fecit Deus ex nihilo, & ideo absque vlla prorsus difficultate, ita vt sola sua libera, & efficaci voluntate, qua

voluit fieri, factum sit, & pariter cetera elementa, ita potest terram aliam, aliaque elementa eiusdem naturæ cum his ex nihilo condere, & alios etiam coelos, & modo etiam simili talia corpora inter se ordinare, ita vt sub alio primo mobili inter se ordinentur alia corpora coelestia, & sub eis elementa alia, modo etiam simili inter se ordinata; & ecce tibi aliam congregationem corporum simplicium ordinatorum sub vno primo principio, & ad vnum, eundemque finem, & ideo alterum mundum numero distinctum sub eadem specie. Et argumenta Aristotelis in contrarium præfata, nullam prorsus repugnantiam in hac multiplicatione dari probant, vt vidimus, & mox copiosius ostendemus.

Assertio posterior: sententia Aristotelis, quod non sint posibles plures mundi in eo sensu, quem ipse tenuit, accepta, nec est error contra fidem, nec etiam contra principia Philosophiæ, sed opinio minus probabilis, quam opposita. Quamuis enim hanc impossibilitatem reducere in defectum potentie Dei, ab initio producentis, necessario quidquid potest producere, vt somniantur Viclephus, & Abaylardus, aut etiam efficientis liberè ab initio quantum potuit, sit error contra fidem, vt ostendit D. August. 12. de Ciuitate, cap. 17. & D. Thomas 1. parte quæst. 25. artic. 5. cum etiam de homine libere operante stultissimum sit, hoc dicere. Tamen asserere, non posse fieri alium mundum, quia etiam si aliæ creaturæ denuo fiant, repugnant, eas ordinari alia ordinatione distincta, ac proinde constitui alium novum mundum, tamen si minus verum, nihil tamen erroris habet: & hoc solum docuit Aristoteles, vt rationes eius allatæ supra demonstrant, & tenet D. Thomas, supra probatur non esse errorem, quia nullam imperfectionem Deo tribuit,

312

tribuit, neque inde aliquid in fidei præiudicium inferitur, sed totum reducitur in defectum possibilitatis alterius ordinationis, & rationis distinguendi: in quo locus potest dari opinionibus: & qui opinionem Aristotelis damnant, in alio sensu ex duobus prioribus cum intellexerunt: eus D. Thomas, & alij, quorum præterea docent, Aristotelem loqui de potentia ordinata; & sic vera esset eius sententia, & hoc modo traditur à D. Thoma.

Fundamenta autem Aristotelis non conuincunt pluralitatem mundi esse impossibilem. Hæc enim est ratio (inquit S. Thomas 1. parte quæst. 47. articul. 3. ad 1.) quare mundus est vnus, quia debent omnia esse ordinata vno ordine ad vnum, hoc est, vnitas mundi desumi debet ex ordinatione corporum inter se ab vno principio, & ad vnum finem, sed possunt esse ordinationes specie distinctæ, & solo numero: nihil enim obstat quo minus diuersa num. aut specie corpora producantur, & inter se, & ad finem diuerso modo ordinentur, vt patet: corpora autem, vt ordinata in vno mundo ad proprium locum in illo occupandum, naturaliter mouerentur, & licet secundum se sublato hoc ordine in hoc mundo possent inueniri ad centrum alterius mundi, quatenus ordinata ad hoc non inclinarentur, sed ad proprium locum mundi, cuius partes sunt: falso ergo Aristotel. putauit, quodcumque elementum, & corpus aliud idem centrum appetere sub quauis ordinatione, ac si in eodem mundo esset, & alias non satiari, neque quiescere: qui etiam ex nullo capite hoc implicare probat, vt consideranti argumenta illius allata patebit.

QVÆSTIO III.

An Deus possit efficere alios atque alios mundos in infinitum perfectiores.

Sensus quæst. est, an sit possibilis alius, atque alius mundus essentialiter, vel indiuidualiter perfectior in infinitum sine theorematice, vt aiunt, hoc est, ita vt datis quibuscumque possint semper alij perfectiores fieri, non enim agimus de infinito actu, de quo diximus ad 3. Physicorum.

Prior sententia affirmat, hoc esse possibile de multiplicatione perfectionis indiuidualis, non tamen essentialis, quam tenet Durandus in 1. distinct. 44. quæstione 2. quod etiam tenere debent necessario omnes qui opinantur, non esse producibiles species in infinitum, sed ad aliquam necessario perueniendum, vltra quam non sit alia producibilis, vt tenet Aureolus apud Capreolum in 1. distinct. 44. quæstione 2. & ita sensisse Scotum in 3. distinct. 13. quæst. 1. testatur merito Caietanus 1. part. q. 25. art. 6.

Ex hoc enim sequitur, non posse mundos essentialiter perfectiores multiplicari in infinitum, & quod dicitur de perfectione indiuiduali, infra probabitur, aliud vero de perfectione essentiali, probatur efficaciter hoc argumento, si possibiles forent plures mundi essentialiter perfectiores in infinitum, ita vt nunquam perueniri possit ad mundum ita perfectum, quin alter possit produci essentialiter perfectior, sequitur oēs mundos factibiles essentialiter perfectiores non habere vltimum, & ex consequenti esse infinitos, & cum omne factibile, omneque possibile reduci possit ad actum, dari poterunt

runt in rerum natura infiniti mundi perfectiores essentialiter actu producti, actuque existentes. Ex quo duo sequuntur: primum, quod detur infinitum in actu secundum multitudinem; postremum, quod detur species aliqua infinita secundum perfectionem essentialem, & quod sequatur primum, evidens est, ut cuique patet, quod vero sequatur postremum, sic probant: Si dantur mundi actu infiniti, & specie distincti, ergo dantur species actu infinitae. Tota igitur latitudo essentialis perfectionis specificae earum erit actu infinita: sed latitudo hae infinitae perfectionis est in eisdem speciebus: ergo necesse est dare aliquam speciem determinatam aut vage sumptam, actu infinitam, & quovis modo detur absurdum est: quia infinita perfectio essentialis actualis in solo Deo reperiri potest, creatura vero essentialiter repugnat, quia ex intrinseca ratione creaturae habet perfectionem essentialem participatam, & ideo limitatam, & actu finitam. Sed probatur consequentia, quia species (ut sepe inculcat Aristoteles, & repetit D. Th.) sunt sicut numeri, & ideo inaequalis perfectionis, quia sicut non datur duo numeri, & aequales, sed unus necessario addit unitatem supra alium, ratione cuius variatur species, ita species quaelibet addit generi essentialem differentiam distinctam ab ea, quam addit altera, ratione cuius variatur alia species, & necesse est non dari duas aequales in perfectione, aut gradu essentiali, sed inaequales esse omnes: ergo si sint actu infinitae, necesse est aliquam tandem eademre actu infinitam in perfectione essentiali, quemadmodum si in infinitum multiplicentur numeri, & numerus actu infinitus detur, necesse erit esse unum numerum actu infinitum, cum infinita sit ei additio unitatum facta. Ex quo non sequitur potentiam Dei esse finitam, sem-

per enim ipsa poterit facere, quidquid non implicat contradictionem, ex parte enim solius effectus est repugnancia, ex modo etiam operandi sine ulla independentia & immediate actione suppositi, satis colligitur infinitas potentiae Dei.

Nihilominus, etsi probabilis sit prior sententia, valde probabile censeo, posse Deum sua potentia absoluta producere alios, & alios mundos perfectiores, secundum numerum, & speciem in infinitum, ita ut quibuscumque productis possit novos alios, ac distinctos utroque modo producere. Quod in primis elicio ex doctrina D. Thomae, 1. parte. quaest. 25. artic. 6. ad 1. sine limitatione asserentis, posse Deum quacumque data creatura, aliam producere meliorem, & idque confirmat Caietanus ibidem. Ex hoc enim sequitur possibiles esse alios mundos in infinitum perfectiores, nam sicut possunt aliae creaturae perfectiores in infinitum produci a Deo, ita possunt diuersis modis sub eo, ac inter sese ordinari, ita ut qualibet data ordinatione, possit dari alia perfectior in infinitum, & proinde alius, atque alius mundus perfectior sine termino, quia mundus non est aliud, quam ordinatio diuersarum creaturarum sub uno principio ac inter sese. Probatur deinde ratione, quia possibile est a Deo fieri, quidquid non involuit contradictionem, sed nullam contradictionem involuit, quod datis quibuscumque creaturis, aut etiam mundis, perfectiores aliae fiant a Deo secundum numerum, & speciem: ergo possibile iudicandum est: maiorem sic ostendo, ex parte diuinae omnipotentiae, cum infinita sit, nulla potest dari repugnancia in quibuslibet rebus producendis, sed nec ex parte ipsarum rerum repugnat, novas semper posse produci, sicut nulla potuit assignari repugnancia ex

etiam ex parte productarum, ut producentur, quia sicut materia harum ex nihilo creata fuit, & ex potentia eius educuntur sunt omnes formae, non potest ostendi repugnantia in creando noua materia ac educendis alijs formis diuersae speciei ex ea, sed neque terminus aliquis in utroque praestando, quia nulla apparebit maior, aut noua repugnantia ex parte ipsarum in producendis nouis, aut sequentibus, neque potest cum fundamento excogitari ergo sine pondere aliquo rationis positur diuina omnipotentia terminus in nouis creaturis, aut nouis mundis numero, aut specie diuersis, ac perfectioribus semper in infinitum producendis: quod ex solutione oppositi fundamenti clarius constabit.

Ad quod concessio antecedente, distinguendum est consequens prioris consequentiae, videlicet, quod mundi factibiles sint infiniti, nam de infinito in potentia verum est, de infinito in actu falsum, quod patet in diuisionibus continui possibilibus, & non habentibus ultimum, quia datis quibuscunque alijs sunt possibiles in infinitum: pari ergo ratione mundi factibiles infiniti sunt non actu, sed potentia, quia factibile, ut sic non actum sed potentiam significat. Posterior vero pars argumenti procedit ab infinito in potentia, ad infinitum actum, quia omnis potentia est reducibilis ad actum: ergo si infiniti mundi sunt creabiles in infinitum perfectiores, cum hac potentia possint reduci ad actum, poterunt dari infiniti mundi actu creati, & actu infiniti perfectiores secundum speciem. Respondent illi, qui tenent, infinitum actum esse possibile, verumque dari posse, & mundos actu infinitos, & quolibet perfectiorem alio secundum speciem. Nos vero, qui nullum infinitum actum admitti pos-

se probauimus 3. lib. physicorum, non putamus argumentum hoc probare, quod sit possibile, immo nullius roboris esse, ex hoc ipso, quod procedit ab infinito in potentia ad infinitum in actu.

Quare ad formam eius distinguendum est: quod omne producibile, vel possibile potest reduci ad actum: nam potentia duplex est, una imperfecta, & quasi inferior, quia partem actus includit, & partem potestatis, & ideo incompleta etiam vocari potest, qualis est immobile respectu motus successiui, haec enim partem actus dicit, & partem potentiae, hoc est aliquem gradum termini productum, & alium, vel alios producendos, & hoc genus potentiae non potest totaliter reduci ad actum, & talis est etiam potentia in continuo, & partibus eius ad actum diuisionis, & per eam diffiniuit Aristoteles infinitum in potentia 3. lib. Physicorum, textu 63. dicens esse id, cuius secundum quantitatem accipientibus, semper aliquid accipere extra est. Talis est etiam potentia, quasi passiva producibilitatis in tota latitudine creaturarum, respectu diuinae potentiae actiuae ad producendum, quia si repugnat potentiam passiuam respectu diuisionis, reduci ad actum, aut reductam esse, ita repugnat, omnes creaturas posibles actu produci, aut esse productas, sed quibuscumque productis supersunt aliae, quae produci possint, etiam si per possibile, vel impossibile producantur, actu infinitae, vel infinities infinitae, cum non sit maior ratio vnius, quam alterius. Quod hac ratione satis efficaci ostendo, productis quibuscumque creaturis non diminuitur potentia actiua infinita Dei ad producendum, nec exhausta dici potest, sed sic integra, atque infinita manebit, ac

prius potens producere de nouo quidquid non implicat contradictionem, nec diminuitur potentia passiuā in tota latitudine creaturarum, ut produci possint, quia creaturæ iam productæ, etiam si essent infinitæ non addunt, alijs nondum productis, implicationem contradictionis, ut producantur, vel ut sint in rerum natura, sed sic permanent possibiles produci nostro modo intelligendi, ac erant prius, immo ac erant illæ, quæ iam fuerant productæ antequam producerentur: ergo non est intelligibile vllō modo, omnes producibiles esse productas: ex quo efficaciter sequitur, nec esse potentiam hanc passiuam producibilitatis totaliter reductam ad actum, sed semper & necessario superesse ei aliquid redcendum. Quare non sequitur ex eo quod possibile sit alios, & alios mundos perfectiores in infinitum fieri à Deo, posse fieri actu infinitos: ex quo constat ad primum incommodum argumenti.

Postremum vero incommodum erat, quod si forent possibiles mūdi perfectiores in infinitum, daretur aliquis mundus infinitæ perfectionis, quod repugnat, sed negandum est id sequi, quia licet vnus sit altero perfectior, non datur vltimus, & ideo non datur aliquis infinite perfectus, imo etiā si darētur actu infiniti, null⁹ talis daretur, quia nec daretur vltimus. Et si dicatur, saltē dari infinitam perfectionē extra Deum, respondeo, non sequi in nostra sententia, in qua totum, quod datur extra productum, semper est finitum, qui vero admittunt infinitum dari posse, respondent non dari vnam aliquam perfectionem actu infinitam, neq; vnum aliquod infinite perfectum, sed quamlibet perfectionem, & quodlibet perfectum finitum esse, quod vero infinita sit perfectio per infinitos mundos ipsa, nullum est incōmodum, quia solum ex hoc

habetur dari infinitum numerum perfectionum, aut rerum finitarum, ex quo nulla implicatio contradictionis sequi, aiunt.

QVAESTIO IV.

An sit Deo possibile, hunc mundum perfectiorem reddere.

Conueniunt Doctores, hunc mundum non posse perfici essentialiter, quia ut arguit D. Thomas, 1. parte, quæst. 25. artic. 6. eo ipso, quod mundus, vel partes illius quoad essentialia perficiantur, non erit idem mundus, sicut non erit eadem species numeri v. g. variata differentia essentiali. Præterea certum est, non posse mundum perfici accidentaliter, ex parte modi, quo à Deo fit, ut tradit Sāctus Thomas supra, quia repugnat, Deum ex meliori sapientia, & bonitate mundum, & partes eius facere, Difficultas vero est, an possit mundus accidentaliter perfici ex parte ipsarum rerum, siue materialiter, ex eo, quod aliquæ partes accidentaliter perficiantur, siue formaliter, ex eo, quod ordo, & proportio partium inter se, & ad totum perfectior reddatur.

His præmissis asserit prima opinio non esse vllō modo possibile, hunc mundum perfici à Deo, quam tenuerant illi, qui vniuersaliter docebant, non esse possibile Deo, quidquam producere melius his, quæ producit, quos (suppresis nominibus) citant Patres Conimbricenses ex Hugone Victorio, potestque probari primo ex illis verbis Genesis 1. Vidit Deus cuncta, quæ fecerat, & erant valde bona, quasi dicere voluerit, perfectissima esse, quibus proinde nihil perfectionis addi posset. Probat deinde ratio, quia si corpora hæc, & mun-

& mundus iste perfectior fieri potuit, iniuria quodammodo videretur ei irrogata à Deo, qui talem perfectionem ei potuit conferre, & non contulit, quemadmodum fieret ei iniuria, si aliqua ei deesset essentialis perfectio, quam non tribuens ei Deus, cum potuerit, inuidia argui posset.

Secunda sententia asserit, vniuersum non posse perfici formaliter, hoc est, ex parte ordinationis formalis rerum, licet possint ex parte aliquarum rerum, ac proinde materialiter reddi perfectius. Ita videtur sentire Diuus Thomas prima parte, quæstione 25. articulo 6. atque etiam in prima distinctione 44. quæstione prima, articulo secundo, & cum eo Capreolus ibidem, atque etiam Alexander secunda parte quæstionis 3. membro 3. Antisiodorensis libro primo Summæ, capite 12. quæst. 7. & ratio Diui Thomæ est, quia ordo est perfectio formalis vniuersi, sed ordo quem Deus hisce rebus contulit, ex quibus fecit vniuersum, non potest esse melior, ergo neque res ipsæ possunt esse melius ordinatæ, & ideo ex hac parte non potest vniuersum, hisce rebus permanentibus melius fieri: vnde sequitur, quod neque possit ex parte rerum melius fieri, nisi res omnes perficiantur, quia si vna tantum, aut altera melior fiat, cæteris eodem modo permanentibus, destrueretur ordo consistens in proportionem omnium, & consequenter destrueretur vniuersum formaliter in ordine rerum, & quasi harmonia ex eo resultante consistens. Quemadmodum, inquit D. Thomas, si ex chordis citharæ vna vel altera plus debito intenderetur, corrumpereetur melodia, surgens ex proportionem sonorum omnium attemperatorum. Huic rationi adiungi potest testimonium D. Aug. lib. 3. de libero arbitrio cap. 3. vbi sic ait. Quidquid tibi veræ

ratione melius occurrerit, scias fecisse tanquam bonorum omnium cōditorem, & in Enchyridio ca. 10. Bona sunt singula, quæ Deus fecit, sed simul vniuersa valde bona, quia ex omnibus consistit vniuersitatis admirabilis pulchritudo: ergo sentit, nihil melius hisce rebus, & huic mūdo addi posse, quod eis non contulerit Deus.

Vltima sententia admittit, partes aliquot huius vniuersi meliores effici posse, secundum aliqua accidentia, & mundum ipsum accidentaliter perfici, non solum quantum ad easdem partes, sed etiam quantum ad ordinationem earum; sic sentiunt Durandus in 1. distin. 44. quæst. 3. Argentina, quæst. vnica, artic. 3. Aureolus apud Capreolum in 1. distin. 43. quæst. 1. art. 2. Patres Conimbricenses 1. lib. de cœlo cap. 9. quæst. secunda, art. 2. atque etiam Pater Vasquez tomo 1. in 1. partem, disputatione 107. c. 3. Probat primo, quia præstantissima creatura est homo, qui deterior effectus est per peccatum, & meliorem sitū haberet, si in statu innocentia perseverasset, ex quo etiam quandam accidentalem perfectionem inferiores creaturæ suscepissent, quia meliori creaturæ subessent, atque obedirent, & consequenter non solum non dissolueretur ordo vniuersi, sed perficeretur potius, & vniuersum ipsum accidentaliter perfectius foret. Secundo, quia aliquæ species, in paucis individuis, quæ habent, suscipiunt mutationes accidentales, vel iniuria temporum, vel alia ex causâ, & nihilominus non ob id dissoluitur ordo vniuersi, quamuis ex parte illarum aliqua ratione deterius fiat idem vniuersum, ergo non est censendum impossibile, quod secundum rationes accidentales varietur, & idemmet suscepta tali variatione permaneat.

Nostra sententia hac distinctione ex-

Plicandæ est. Dupliciter excogitari potest quod partes huius vniversi perfici antur secundum rationes accidentales : priori quidem, ita vt ex eo, quod vna vel altera perfectior fiat, non varietur naturalis collocatio aliarum, vel certe eius cum illis, vel aliqua earum, quamvis modo aliquo accidentali perficeretur idẽ ordo, eademq; collocatio, sed eodem modo permaneant iuxta propriam naturam, ac modo collocata sunt, videlicet in infimo loco terræ, supra eam aqua, supra hanc aer, supra aerem ignis, & iste sub concauo Lunæ, cælestiaque corpora, vt modo sunt collocata. Et similem variationem videtur accepisse mundus post peccatum; nam licet inferiores creatura non ita obediant homini, ac in statu innocentie obediabant, & obediunt, perseverante eodem statu, nihilominus ei (licet minus bene) subiiciuntur, vt perfecta natura eius, & inferiores naturæ earum postulat; & pari ratione ordo atque collocatio elementorum perfectior accidentali modo consisteret maiori puritate elementorum conservata, & perfectiore subordinatione corporum inter se, & ad alia, excellentiorique virtutis communicatione; & hac ratione perfici potest mundus accidentaliter; non variis, & destructo ordine principali, & quasi essentiali, quem habent, & semper habuerunt corpora inter se, & ad primum motorem, & primum mobile, quod non negat Sanctus Thomas, & hoc solum probat tertia sententia: modo vero posteriori posset vna, vel altera pars mundi ita perfici intra rationem accidentalem, vt ex tali perfectione variaretur naturalis collocatio aliarum, vel eius cum eis, aut aliqua earum, quo pacto variaretur, si hoc idem elementum aquæ rariis, aut subtilius aere efficeret Deus, vel aerem subtiliorem igne, quod constat posse fieri in-

uariatis eisdem elementis secundum substantiam, vel substantiales formas: si vero id fieret, absque dubio variaretur collocatio, quam nunc habent, & quàm à principio fixæ conditionis habuerunt eadem corpora, quia natura eorum postularet, leuiores esse supra minus leuias, & hæc sub illis. Postularet igitur eadem natura, supposita tali mutatione, vt aqua leuior aere facta super eum collocaretur, & in locum eo superiorem per motum sursum tenderet, & aer leuior igne factus supra illum, & per motum tenderet in concauum Lunæ. Ex quo constat, naturalem collocationem, quam nunc habent, & habuerunt à principio variari, & hæc variata, variari consequenter ordinem & proportionem eorundem corporum, immo destrui, sicut destrueretur cytharæ harmonia hebetiori, aut grossiori eius chorda acutiori, aut subtiliori binibus facta, vt acute sitis loco superius relato asserit D. Thomas: ac proinde mundus hic consistens formaliter in hoc ordine, & subordinatione hæc corporum non posset subsistere cum tali variatione, & per consequens huiusmodi perfectione accidentali partium perfici, & hoc sensu amplectitur hanc sententiam D. Thome citati cum ipso, quæ nobis probabilior apparet, neque quidquam in contrarium probat tertia sententia, neque forte intendit plus quam nostra prior conclusio.

Ad primum argumentum secundæ opinionis dicemus, verba illa sacre pagine nostram potius sententiam ita expositam continere, nam vt D. Augustinus in ea exponit de partibus huius vniversi, non tam secundum substantiam, quam secundum ordinem resultantem ex situ & collocatione naturali earum, quo nec potest melius fieri, nec excogitari. Præterea secundum ordinem ad finem, qui est

Deus

Deus, non enim possant in meliorem finē ordinari, quare merito dicitur Deo ea inspicienti, quasi reflexa cognitione, valde bona apparuisse, hoc est in summo gradu bonitatis constituta. Quem ordinem modo quodam valde accidentali perfici duntaxat posse dicimus.

Ad secundum vero dicendum inuidiam solum habere locum in his, quæ ex debito aliquo, aut ex necessitate naturæ tribui debent, sed quasi ex gratia, hoc est, ex mera liberalitate, & non ex debito tribuit esse quibuscunque creaturis, & præterea perfectio illa accidentalis, secundum quam crescere possunt, non est eis debita, ut satis est per se manifestum.

C A P V T X.

IN his tribus cap. 10. 11. & 12. quæ hoc lib. supersunt, quæst. hanc proponit ac dissolvit Arist.

An mundus sit generabilis, & corruptibilis.

Capite hoc 10. varias philosophorum antiquorum sententiâs proponit: cap. vero 11. quædam pro eiusdem quæst. dissolutione adnotat; & tandem cap. 12. ex propria sententia eam diluit, & hoc est intentum horum capitum.

Dividitur vero caput 10. in duas partes, in quarum prima quæstione proposita affert opinionem Platonis & aliorum, eamque duplici ratione confutat: in postrema vero refert, & reiecit duas alias. Afferit ergo Arist. omnes ferme Philosophos se antiquiores convenire circa productionem mundi, in eo, quod genitum, seu productum fuisse asseriebant; differre vero, quia Plato sequutus Orphæum, &

Hesiodum eum ponebat incorruptibilem alii vero corruptendum esse aliquando censuerunt, quamvis non eodem, sed diversis modis. Sententiam igitur Platonis & aliorum, quod mundus fuerit genitus, & incorruptibilis duplici argumento refutat, quorum primum ita habet: Illud censetur in Philosophia certum, quod ut plurimum evenit, sed fere semper videmus, genita tandem corrumpi, immo in se habere principium suæ corruptionis: ergo si mundus fuit genitus (ut asserit hæc sententia) necesse est aliquando fore corruptendum: falsum ergo est, eum ponere genitum, & non corruptibile. Secundo, si mundus fuit genitus: ergo ex aliquibus principiis: nam ex nihilo nihil potest fieri. Vel ergo principia illa, prius quàm ex eis gigneretur mundus, potuerunt aliter se habere, vel non: si hoc secundum dicatur, plane sequitur, quod si ex eis non fuit prius constitutus mundus, ita nec postea potuit constitui: quia idem, in quantum idem, & eodem modo se habens, semper facit idem. Si vero dicatur, prius quam ex eis gigneretur mundus, potuisset aliter se habere, non minus bene inferitur, posse etiam aliter se habere, postquam mundum constituerunt, & ideo posse mundum ex eis constitutum aliter se habere, quod est posse non esse, & corrumpi. Vtrumque hoc argumentum procedit de generatione Physica. Deinde reiecit expositionem mentis Platonis adductam à Xenocrate, & aliis auditoribus Platonis, & teste D. Tho. hic, bene Aristoteles impugnât, quod verba Platonis sonant, siue id Plato conceperit, siue non.

Secunda sententia fuit Democriti, asserentis ex casuali atomorum concursu genitum fuisse mundum aliquando, esse vero corruptibilem, & aliquando corruptendum, neciterum reproducendum, sicut contingit cæteris corporibus ex elemen-

elementis genitis. Hanc sententiam impugnat Aristoteles hoc argumento, si mundus genitus est; ergo ex aliquo præexistente, quia ex nihilo non potest aliquid fieri (scilicet, generatione Physica) vel ergo illud ex quo factus est, prius quàm ex eo fieret, potuit generationi subiacere, ita ut ex eo gigneretur mundus, vel non potuit si dicatur hoc secundum eundem sequitur, non potuisse mundus ex eo fieri, si vero potuit generationi subiacere, ergo destructo mundo ex eo genito permanebit, ut possit iterum generationi subiacere sicut potuit prius, quàm ex eo fieret mundus, cum à mundo non dependeat, sicut nec prius.

Tertia tandem sententia fuit Empedoclis, & Heracliti, qui mundum non solum genitum posuere, atque etiam corruptibilem, sed ita generari, & corrumpi dixerunt, ut post corruptionem iterum generetur, iterumque corrumpatur, & quasi perpetuus quidam circulus ex vicissitudine generationis, & corruptionis eius constitutatur, nam amicitia congregante elementa, generatur mundus, & licet eadem separante corrumpitur, & ita lite succedente amicitia, & hac illi in perpetuum, perpetua quædam vicissitudo generationis, & corruptionis mundi efficitur. Quam sententiam hoc argumentum refutat Aristoteles: Eiusmodi vicissitudo perpetua generationis, & corruptionis mundi constare non potest, nisi salua semper eadem substantia mundi, hoc est, eisdem elementis per amicitiam coniunctis, & per litem separatis, & in propria loca redeuntibus, quod si ita est sequitur nec proprie mundum generari, nec proprie corrumpi, sed quasi in senescere & iterum repuerascere, vel ex puero senem fieri, & iterum ex senem in puerum reuertere, quod patet esse absurdum.

CAPUT V.

TEXTVS ARIST.

Primum autem diuidendum est, quomodo generabilia, & ingenerabilia dicemus &c.

Brevis excerptio Text.

Quædam prænotat Aristoteles capite præfati, ut commodius possit in sequenti explicare propriam sententiam, & primò explicat, quor modis accipiantur generabile & corruptibile, & consequenter ingenerabile & incorruptibile. Deinde explicat significationes vocum, possibilis, & impossibilis: consequenter docet, quoniam modo definiendæ sint potentia actiua.

Tribus igitur modis (ait) accipi solet ingenerabile. Primo pro eo quod incipit esse, cum prius non fuerit, non tamen per veram generationem, sed alio modo, quo pacto incipit esse motus, atque etiam tactus, non enim generatur, aut fit motus, quia ad motum nec generatio, nec motus terminantur, ut docuit idemmet Aristoteles s. libro physicorum, cap. 2. nec etiam ad sensationem tactus, & propterea uterque ingenerabilis dicitur in hac prima acceptione. Secundo modo dicitur ingenerabile illud, quod quidem incipere potest per generationem, sed nondum est genitum: ut ignis, vel aqua crastino die generanda, dicitur hodie ingenerabilis, quia licet gigni possit, nondum tamen est genita. Tercio modo dicitur ingenerabile illud, quod non potest incipere esse, cum prius non fuerit, nec per generationem, nec alio modo, quo pacto coelestia corpora

corpora, & prima materia apud Aristotelem dicuntur ingenerabilia, quia, sine ulla inceptioe ea posuit, immotalis esse natura videtur censuisse, ut æterna sint, & nullo modo possint incipere esse. Apud nos vero solus Deus hoc modo ingenerabilis dicitur, quia non per generationem, vel alio modo, sed ex propria natura habet esse æternum, & totidem modis accipitur incorruptibile, ut cuique patebit facile applicatis eisdem acceptionibus significationi eius. Totidem etiam modis dicuntur generabile & corruptibile, ut ex accommodatione earundem acceptionum fit manifestum. Sed ut clarius pateat significatio possibilis & impossibilis, docet id quod alicui possibile est, seu id, quod potest, intelligendum esse atque explicandum seu definiendum per maximum, hoc est, non per quamcunque partem eius, sed per ultimam, aut summam, ultra quam non se extendit potentia eius: hoc enim explicat integram rationem potentie, & non quod est minus, quæ namque tantum potest, minus etiam poterit, non contra. Impossibile vero, hoc est, id, quod aliquis non potest, ex opposito ait explicandum, seu definiendum esse per minimum, quod non, ut si quispiam potest portare decem libras dumtaxat minimum, quod non potest, erit undecima, per quam explicari debet illud, quod sibi reputatur impossibile, vel, quod idem est, potentia eius, quantum ad id, quod non potest per minimum quod non, est explicanda, seu definenda. Adnotat tamen Aristoteles, in aliquibus potentiis maximum sumi secundum excessum magnitudinis, ut constat in potentia portandi pondus: in aliis vero per excessum parvitat, sed in quibuslibet, eodem modo veram esse doctrinam, quod per maximum sit potentia

activa explicanda, ac definienda: nam sicut in maximum desumptum per excessum magnitudinis continet quidquid inferius se est, ita maximum desumptum per excessum parvitat, ut intuenti patet.

CAPVT XII.

TEXTVS ARIST.

Determinatis autem his, dicere oportet, quod deinceps est, &c.

Brevis expositio textus.

Relatis supra variis Philosophorum sententiis circa propositam questionem, & explicatis terminis eiusdem, intendit Aristoteles capite hoc proferre sententiam propriam. Diuiditur autem caput in duo membra: nam in primo duobus præmissis, propriam sententiam statuit, atque confirmat, ac deinde ex eius confirmatione reiicit sententiam Platonis ei oppositam. Igitur præmittendum est, duo esse genera rerum; primum est eorum quæ circa proprium esse immutabilia sunt, hoc est, ita habent esse, ut ipsum amittere non possunt, vel ita sunt, ut non possunt non esse, & hæc dicuntur sempiterna; alia vero mutari posse à proprio esse, quod est, sic esse, ut possint non esse, ut de equo, vel homine singularibus notum est, & hæc certum, ac diffinitum tempus habere existendi in natura rerum. Deinde præmitti oportet, possibile, & impossibile verum, & falsum, posse accipi simpliciter, & ex suppositione, quod late explicat Aristoteles, & per se patet, & non est idem simpliciter falsum, & simpliciter impossibile, ut exemplis

constat, secus e contrario.

His prænotatis propriam sententiam tria continere asserit: primum est, omne sempiternum corrumpi non posse; quare verum esse non potest, quod mundus sit corruptibilis, & duraturus in perpetuum, quod hac ratione probat. Si res durans per infinitum tempus, ponatur corruptibilis, sequitur possibile esse, quod corrumpatur, sed possibili posito in esse, nullam incommodum sequitur; ergo potest poni in esse, quod corrumpatur; quod vero corrumpitur desinit esse: ergo verum erit de eo, quod aliquando non sit, cum vero semper futurum sit, utpote sempiternum, verum pro aliquo tempore erit, quod sit & simul non sit, quæ sunt contradictoria, quod latius prosequitur.

Secundum est, sempiternum necessario esse ingentum, quod sic probat: si sempiternum non necessario est ingentum, ergo poterit esse genitum, sed repugnat esse genitum, quia quod generatur procedit de non esse ad esse, & eadem, ut prius tempore non sit, & eodem tempore transacto incipiat esse; ergo eo ipso, quod ponatur sempiternum simul, & genitum, necessario debet concedi, quod pro aliquo tempore sit, & non sit, quod est absurdum, ex quibus colligit Aristoteles ingentum, & incorruptibile, genitum, & corruptibile reciprocari, cum idem sit principium generationis, & corruptionis, deinde sempiternum cum ingenerabili, seu ingento, & incorruptibili, reciprocatur, quia ingenerabile, & incorruptibile, nunquam potest incipere esse, aut desinere: ergo, quæ procedunt de generatione naturali, & sic vim habent, non tamen aduersus nos dicentes iuxta fidem, mundum factum fuisse in tempore per productionem ex nihilo.

Tertio refutat sententiam Platonis relata in c. 10. quia necesse est, rem quamlibet genitam, desinito, seu limitato tempore agere, & pati, esse, & non esse: nam si tempus agendi, vel essendi eius sit infinitum, & tempus patiendi, aut non essendi finitum, sequitur plane semper esse, & non esse aliquando: quia infinitum tempus essendi comprehendit omne tempus, & ideo comprehendere debet finitum tempus, in quo non fuit. Necesse est ergo tempore illo finito non essendi, simul esse & non esse, quod præsuppositum fuit repugnare. Secundo, quia non minus repugnat aliquid ingentum corrumpi, quam aliquid genitum esse incorruptibile, ut ex superioribus constat, sed impossibile rem ingentam corrumpi, ergo etiam repugnabit, rem genitam nunquam corrumpi, ut de mundo docuit Plato.

Denique, quia genitum esse corruptibile non potest esse forma, aut causa, sed ex principiis propriæ naturæ, nempe materia, quæ principium est totius corruptionis, sed materia semper est eadem, & semper se habet eodem modo, cum sit naturale principium, determinatumque proinde ad vnum: ergo genitum semper habet potentiam ad corruptionem, & ad non essendum.

QVAESTIO VNICA.

*An mundus solo generali concursu Dei
perpetuo durare possit, an maiori
indigeat ad perpetu-
tatem.*

Duplex concursus Dei distingui solet: generalis, & specialis: generalis vocatur ille, quem postulat conseruatio cuius-

cuiusque rei iuxta exigentiam suæ naturæ: specialis vero dicitur quicumque alius huic superadditus, & naturis rerum non debitus, quamuis ordinis naturalis: de quo querimus an necessarius sit ad perpetuitatem mundi, vel generalis sufficiat.

Et quod mundus non possit cum solo auxilio generali Dei perpetuo conservari, hisce argumentis probare possumus. Primo, quia ideo sublunaria corpora corruptibilia sunt, & ad non esse ex propria natura tendunt, quia non solam materiam constât privationi obnoxia (quæ totius corruptionis naturale principium est) sed ex contrariis componuntur, quæ per mutuam actionem & reactionem se destruunt, sed mundus in sua naturali compositione utrumque claudit: nam ex sublunari materia, privationi subdita atque etiam ex contrariis elementis perpetuo inter sese repugnantibus constat: ergo ex propria conditione tendit in corruptionem, & ex consequenti in non esse, quare perpetuo durare repugnabit, nisi maiori, atque speciali Dei auxilio conservetur: Secundo, quia mundus secundum omnes partes eius, præsertim quantum ad corpora vitæ prædita, quantitatem, ac materiam petit intrinseco termino definitam, ita ut sub minori nec esse nec conservari possit: etenim ad tam parvam quantitatem peruenire poterunt elementa, ut pro continuis generationibus mixtorum non sufficiant, sed tandem consumantur, & eis consumptis mundus pereat, & viuentia adeo diminui possunt, ut non possint sub tam parua quantitate conservari, nec proprias operationes exercere; sed elementa, utpote contraria, atque contigua vicissim se corrumpunt, & staturam hominum constat in dies minorem fieri, rarosque homines

proceriores parentibus evadere, minori etiam temporis periodo durare. Ex quibus efficaciter sequitur, deventurum tandem mundum ad eum statum, ut videretur conservari nequeat, sine maiori, ac superaddito concursu diuino. Quod corroborari potest, ex proportionem finis eius cum principiorum generationes non poterunt esse æternæ ex parte principii (ut octavo libro Physicorum ostendimus) ergo nec possunt esse æternæ ex parte finis, sed cessare debent, spectata earum natura, & concursu naturali, atque ordinario Dei, & ideo maiori ac speciali indiget mundus concursu, ut perpetuo durare possit.

Nostri sententia duplici assertione continetur: prior est, mundus in eo statu imperfecto, quem habuit à principio, & habiturus est usque ad diem iudicii, conservari potest cum solo auxilio generali Dei, pro qua nullum auctorem refero, quia quæstionem hanc nullus attigit: sed eam probo primo, quia neque ex aliquo effectu, nec ratione alicuius momenti probabiliter ostendi potest, quod à prima conditione contulerit Deus speciale aliquod auxilium mundo, aut alicui eius parti pro sua conservatione, neque id necessarium fuisse aliquando, vel tali auxilio indiguisse; sed eodem concursu, quo creavit materiam primam, & rationales animas, illam quidem formis unitam, has vero materia, eodem inquit eas conservat, neque maiori indigent, cum conservatio sit continuata ipsa productio. Unionem verò materiæ cum formis per continuas corruptiones dissolutam mediis secundis causis novas generationes cum solo concursu generaliter edentibus reparat, & modo simili, quidquid elementa sibi detrahunt per continuas, ac reciprocas actiones,

& reationes ex eadem ipsorum materia eductis nouis partibus formarum restauratur, semper enim corruptionem vnius generatio alterius consequitur, quia materia non potest naturaliter denudari omniforma: quod in futurū effici posse, vsque ad diem iudicii, facile constat, cum eadem res, eademque causæ naturales, eodem modo se habentes, atque eodem modo ex determinatione ad vnum operantis permaneāt: nam idem, in quantū idem, & eodem modo se habens, eodemque modo operans, semper atque eodem modo idem efficit. Secundo, quia ad diuinam prouidentiam naturalem, & ordinariam spectat sic mundi exordium & continuationem attemperare proportionem, atque conseruationem, & propagationem partium eius, vt nulli tantum permittat facultatem circa aliam, qua possit eam extinguere, immo nec notabiliter cōsumere, sed in tali ordine cōtinet oēs, vt eisdē modis, cum eodemque, ac solo concursu, quo eas condidit, sese restaurare possint, & in eodē statu, ac dispositione, quam habuerunt, à principio, conseruare, ita ergo censendū est fieri, vsque ad diem iudicii, cum eundē statum, eandemque dispositionem habeat, & habiturus sit mundus.

Afferio posterior est: mundus in eo statu, quem habiturus est, post diem iudicii, per totam æternitatem, non potest cum solo concursu generali Dei, cū quo conseruatur modo, conseruari, sed maiori, atque speciali indigebit, vt in eo conseruetur. Hæc efficaci ratione probatur, quia status ille mundi longe diuersus, & perfectior erit eo, quem habuit à principio: nam corpora ipsa, ex quibus componitur, nouam perfectionem accidentalem recipient, & non naturaliter

eis debitam, sed naturam eorum superātem, in eo enim statu cœlestia corpora à propriis motibus quiescent, vt colligitur ex illo Apocalypsis 10. vbi dicitur iurasse Angelum per virtutem in secula sæculorum, quod tempus non erit amplius, nimirum postquam alter Angelus tuba cecinerit, qua insonante mortui ad vitam reuocabuntur, vt asseruit Paulus 1. ad Corinth. 15. Quod si tempus amplius non erit, neque motus cœlorum esse poterit, cum quo realiter, vel idem est, vel sine quo nullo modo esse potest. Et probatur satis congrua ratione, quia cessante fine, cessant ea quæ eius gratia sunt constituta, sed præcipuus finis, cuius gratia mouentur cœli, sunt generatio, atque conseruatio viuētiū corporum, & aliorum, ex quibus sunt, & aluntur: hæc vero omnia expleto nominum numero igne consumuntur, vt pluribus locis docent sacræ literæ, præsertim 2. Petr. c. ultimo: ergo motus ipse cœlorum cessabit. Præterea corpora ipsa cœlestia ampliori luce vestientur, iuxta illud, Isai. 30. *Lux Luna, sicut lux Solis, & lux Solis erit septupliciter: quod explicans Isaias, cap. 60. ait. Ecce ego creo cælos novos, & terram nouam. Et Ioannes Apoc. 21. Vidi calum nouum, & terram nouam.* Elementa etiam non solum à corruptione, & vicissitudine alterationum, vaporumque atque exhalationum permixtione liberabuntur, sed noua, atque eximia luce perfundentur, ita vt quasi cœlestia corpora reddātur, & in hoc nouo ac felicissimo statu mundum in perpetuū permanfurū esse censendū est, vt colligitur ex illo Ecclesiastes 3. *Didici, quod omnia opera, qua fecit Deus, perueniunt in perpetuum.* Sicut ergo maior erit necessarius concursus, nouusque, & superadditus generali, per quē conditus fuit mundus: immo, & superans naturalem ordi-

ordinem, vt tale nouum esse eis confertur, quantum ad noua, & perfectissima accidentia, ita nouus, ac superadditus specialis concursus generali superadditus omnino necessarius erit, vt in eodem nouo esse conseruetur.

Ad primum in oppositum factum, concessio antecedenti, neganda est consecutio, quod non possit mundus, cum solo concursu Dei generali conseruari, quia neque ex parte materiæ, neque qualitatum contrariarum nouum postulat concursus: sed sicut per solum generale condita fuit materia prima, ita per solum generale conseruetur, cum conseruatio non sit aliud, quam continuatio eiusdem esse recepti. Neque obstat tali conseruationi priuatio ei annexa, quia propter illam necessarium non est, quod decursu temporis omni forma denudetur, sed per solum concursum generale omnibus causis à principio concessum disponitur, ac præparatur, pro noua forma inscienda, priori expulsa, & cum ea non secus atque cum præcedenti conseruetur.

Contrarietas vero elementorum, atque qualitatum sic est naturaliter attemperata, vt sibi continua conseruentur, & superius sit locus naturalis, atque conseruationum inferioris, & si vnum aliqua ex parte alterum destruitur, ab alio etiam vicissim destruitur; sed vtriusque iactura reparatur partim ex materia alterius, partim vero ex materia aliorum, & ita conseruetur naturalis integritas omnium, per solum generale auxilium eis, & superioribus causis concessum, ad suas actiones, & reactiones exercendas. Quare non est eadem ratio de corpore mixto, ac de toto mundo: nam victrix qualitas, per quam dissoluitur temperamentum ad conseruationem substantialis formæ, totiusque compositi requisitum, non potest

semper ab eodem corpore per alteram qualitatem valde remissam superari, aut iactura temperamenti reparari per solum concursum generalem, & ideo necessitate naturæ perijt tale compositum, per dissolutionem temperamenti modique vnionis materiæ cum forma. Mundus vero potest iacturam vnus corporis reparare per virtutem alterius; medijs continuis generationibus, solo concursu generali factis, & semper efficiendis, vt expositum est.

Ad secundum de viucentibus corporibus, concedimus, aliquando filios parentum statutam non adæquare, sed etiam aliquando proceriores euadunt, non tamen possibile esse iuxta ordinem naturalem à diuina prouidentia in rebus constitutum; semperque continuatum, ad tantam paruatatem reduci viuentia corpora alicuius speciei, in qua non possint naturaliter conseruari, quia nec potest naturalis virtus vitalis eorum tantum deficere, nec alimēta, ex quibus nutriantur, cum pertineat ad eandem diuinam prouidentiam naturalem vim illorum & corpora, ex quibus alenda sunt conseruare, & id quidem, sicut hucusque fecit cum solo concursu generali, efficiet etiam in futurum toto tempore, quo mundus in hoc imperfecto statu generationum, & corruptionum duraturus est.

*Tractatus de terminis potentiarum,
& qualitatum.*

EAdem, aut similis est consideratio de potentijs, & qualitatibus, & ideo de vtrisque differendum est, reuocatis in memoriam notionibus terminorum, paruitatis & magnitudinis traditis ex instituto
i. Physic.

QVAESTIO I.

*An potentia actiua terminis magnitudinis,
& paruitatis definiantur quoad in-
tensionem suorum ef-
fectuum.*

Questio procedit naturaliter, & ne-
gatiua pars, quod nō possulent actiue
potentia terminos intrinsecos, nec ex-
trinsecos magnitudinis, ac paruitatis, his
arguendis probatur. Primo, quia vir-
tus, seu potentia actiua proportionari de-
bet passiuæ, nempe, subiecto, circa quod
operatur, & in quo effectus recipitur; sed
potentia receptiua, sed passiuæ subiecti
nullum terminum magnitudinis, aut
paruitatis postulat; ergo neque potentia
actiua agentis eum postulat: minorē pro-
bo, quia potentiam passiuam recipere ef-
fectum ab agente, est ab eo perficere; sed quo
plus perficitur, est capaxior maioris per-
fectionis secundum intensiōem suorum
effectuum: ergo data qualibet intensiōe
effectus, potest intensiōem in infinitum
recipere, quod repugnat, quin possit ab
agente per potentiam actiuam eodē mo-
do produci; quare neque habebit vllum
terminum magnitudinis actiua poten-
tia; & eadem est de termino paruitatis,
cum non sit excogitabilis effectus à Deo
remissus, quin remissiōem possit reci-
pere subiectum ab agente, & ad hoc pro-
duci per actiuam potentiam.

Secundo probatur, quia corpora natu-
ralia eo velocius mouentur, quo magis
appropinquant ad centrum proprium,
quod non est intelligibile, nisi intelliga-
tur, grauitatem, aut leuitatem eorum eo
magis crescere, vel intendi: nam sicut

motus naturalis sursum; vel deorsum
procedit à grauitate, vel leuitate; sic mo-
tus velocior à maiori, seu intensiori. Si
ergo centrum distaret in infinitum (ut
constat fieri posse) cresceret in infinitum
celeritas motus, & ex consequen-
ti grauitas, ac leuitas, quæ est potentia
actiua, ac productiua motus: quare non
postulat minimum versus maximum,
quod videtur expresse docere Aristor.
4. c. huius libri textu 88. hisce verbis: *Si
autem infinitum esset, infinita vtrique esset, & ve-
locitas: si vero velocitas, & grauitas, & leuitas,
&c.* Neque etiam velus minimum ha-
bens terminum, cum constet, magis, ac
magis in infinitum decretere posse ce-
leritatem motus, & ex consequenti gra-
uitatem, & leuitatem. Probatur tandem,
quia si terminum aliquem intensiōis
postularent, vel esset diuisibilis, vel in-
diuisibilis, sed vterque est impossibilis;
indiuisibilis quidem, quia indiuisibile,
nec facit rem maiorem, nec minorem: er-
go nec postulat maiorem virtutem, nec
arguit minorem in agente, à quo per il-
lam producat: quare non est excogita-
bilis virtus, potens producere intensiō-
nem infra indiuisibile, quo termina-
tur, quin possit producere indiuisibi-
le ipsum, terminans eandem intensiōem;
sed intensio infra indiuisibile quod-
que est indeterminata, cum sit in infini-
tum diuisibilis: ergo cum ad illam exiga-
tur productiua potentia, & non ad pro-
ducendum indiuisibile, non poterit esse
determinata intrinsece, per maximum,
quod sic: sed neque extrinsece, per mini-
mum, quod non: quia impossibile est, po-
tentiam posse producere intensiōem, in-
fra indiuisibile, quin possit producere in-
finitum: et indiuisibile; quare non poterit
esse verum, quod non possit producere
effectum tantæ intensiōis, & bene quæ-
libet minorem, hoc est enim minimum
quod

quod non: quare neq; extrinsecus iste terminus dari potest.

Vera tamen sententia est, actiue potentie, secundum virtutem naturalem consideratæ, terminum magnitudinis intrinsecum postulans, (qui dicitur maximum quod sic) quod ad intensiorem suorum effectuum: paruitatis vero neque intrinsecum, neq; extrinsecum. Veramque partem tenent Patres Conimbricenses lib. de cælo, cap. II. quæst. I. art. 2. cum cæteris interpretibus eiusdem capituli. Qui omnes ex eo deduxerunt, Aristotelem concessisse actiue potentie intrinsecum terminum magnitudinis quoad proprios effectus pro lucendis, quod præcipue verum est de intensiōe eorum. Probatur autem prima pars duplici argumento, quia potentie oriuntur ex ipsasmet rei entitate, aut essentia, vel certe eam naturaliter sequuntur, sed essentia, vel entitas finita est, ac determinata, ita ut tantæ perfectionis sit & non maioris, ut evidenti inductione constat in quibuscunque rebus creatis: ergo naturales potentie eā consequentes habent perfectionē eodē modo determinatam, hoc est, tantam, ut non maiore, quod est habere determinatam, maximo quod sic. Probatur consequentia, quia non potest effectus perfectior esse eius causa; nec ullam habere perfectionem, quam ab eadem non accipiat; perfectio autem potentie præcipue consistit in eo, quod effectum tantæ intensiōis producere possit: ergo necesse est, definiri termino intrinseco magnitudinis, quantum ad intensiōem effectus, ita ut usque ad tantam perfectionem perducere cum possit, & non maiorem ei conferre.

Secundo, quia potentie naturales non impeditur operari ex determinatione, ad unū, hoc est, sine deliberatione, & id-

eo quantum possunt, aut secundum ultimum suæ virtutis: ut potentia ignis ad calefaciendum: ergo produciunt semper effectum maximæ intensiōis, ita ut maioris intensiōis producere non valeant, alioquin non operentur quantum possunt, quod pateresse impossibile: quare necesse est eis concedere terminum intrinsecum magnitudinis, quod vocatur maximum quod sic: Quod communis consensus scholæ semper tenuit, tribuens igni calorem ut octo, ultra quem non possit crescere, & pariter cæteris virtutibus elementorum, ac potentie aliorum corporum.

Probatur deinde secunda pars, negās eis terminum paruitatis tam intrinsecum, quam extrinsecum triplici ratione: & prima procedit ex primo modo operandi harum potentiarum, videlicet, per applicationem, seu approximationem ad passum, quia quo magis ei est approximatus ignis, v. g. intensius illud calefacit, remissius vero, quo minus approximatur, aut magis ab eo remouetur, ut evidenti experientia notum est: sed constat, posse magis, ac magis ab eo remoueri, ita ut nunquam possit tam remotū ab eo esse, quin possit plus remoueri, quo usque extra sphaeram eius idem passum positum esse censeatur, & ab eo non possit ullo modo caleferi; ergo nullus datur tam remissus effectus, quin remissior dari possit in infinitum, quod est, nullum dari terminum, nec intrinsecum, nec extrinsecum paruitatis secundum intensiōem effectus in potentie naturalibus.

Secundo probatur ex conatu potentie, quomodo operatur, de quo etiam est evidens, & experientia notum, quod nō potest ita remissus esse, quin remissior adhuc in infinitum adhiberi possit ad potētiam: sed constat, quo minorem præstat conatum

cónatum potentia ad operandum, eo remissiore edere effectum, ergo data quacunque remissione eiusdem effectus, remissior in infinitum poterit produci à potentia: quare nullum habet terminum paruitatis intensio eius. Probatum tandè ex natura eiusdem effectus, quia non datur tam remissus calor, quin remissior in infinitum dari possit, sicut non datur tã parua quantitas, quin minor possit dari semper. Et eius ratio à priori est, quia imperfectio effectus in infinitum procedere potest. Ex quibus plane sequitur, non dari effectum adeo imperfectum ab agente productum, quin imperfectior dari possit, & ex consequenti, nullum dari terminum paruitatis, in processione eius ad potentiam, nec ideo potentiam ipsam vllum habere terminum paruitatis intrinsecum, nec extrinsecum, quoad intensiorem effectus.

Ad primum argumētum concessa maiori, neganda est minor; nam cum potentia passiva sit eius essentia, sicut habet essentiam limitatam tantæ perfectionis, ita habet potentiam passivam limitatam, & consequenter terminatam termino magnitudinis intrinseco, quæ non crescit receptione effectus, quia verum est, tantæ perfectionis esse, & non maioris: ex ea igitur non probatur, quod actiua potentia, seu qualitas termino intrinseco magnitudinis careat, quantum ad intensiorem effectus.

Ad secundum argumentum dicemus dubio sequenti, Ad tertium respondeo, terminum intrinsecum, quem postulat actiua potentia diuisibilem quidem esse, sed completum quoddam indiuisibile, vltra quod nihil amplius potest producere: Quare nec solum latitudinem incompletam, aut interminatam importat, nec solum indiuisibile eam terminans, sed vtrumq; vel vt vno verbo explicetur, di-

cit latitudinem intensiorem completam vltimo indiuisibili, vltra quod non potest potentia procedere; hoc autem non habet terminus extrinsecus, vt constat, quia nec importat latitudinem intensiorem completam, aut terminatam, sed interminatam, & quasi indefinitam, quam idcirco non intelligimus, nec explicamus per tantum calorem, & non plus, sed per non tantum, & bene quodcumq; minus. Quod vero dicitur, potentiam eo ipso, quod potest producere latitudinem infra indiuisibile, quo terminatur, aut completur, posse etiam producere idem indiuisibile complens, quia non requiritur maior virtus ad producendum indiuisibile, verum est: sed ex hoc non bene inferitur, idem esse, potentiam terminari extrinsecè, minime quod non, & intrinsece, maximo quod sic: nam maximū quod sic non dicit latitudinem intensiorem terminatam proprio indiuisibili, quomodocunque, sed ita vt vltra illam nihil amplius producere possit, quo pacto sumptam repugnat, produci à potentia non postulante intrinsecum terminum magnitudinis, sed solum extrinsecum: nam de ratione potentie talem terminū postulantis (si daretur) foret, vt data quacunque latitudine intensiorem completæ ac terminatæ se producat, maiorem posset producere, quod patet repugnare potentie terminatæ termino magnitudinis intrinseco. Itaque discrimen in vtrūq; terminum, ac potentiam, non consistit in solo indiuisibili, sed in latitudine intensiorem per eum completa cum tali modo, vt sic eam producere possit potentia, vt non plus possit, quod constat conuenire potentie postulanti intrinsecum terminum magnitudinis, & omnino repugnare ei, quæ extrinsecum tantum postulat. Dari vero potentiam vtrumq; postulantem, contradictionem implicat, sicut

sicut contradictio reperitur in ipsis terminis, quia tantum posse, & non plus, quod est terminari, maximo quod sic, & tantum non posse, sed quodcunque minus, quod est terminari minimo quod non, manifestam continet repugnantiam, ut consideranti facile patebit.

D V B I V M.

An necesse sit corpus naturale ad suum centrum naturaliter motum velocius semper moueri, quo magis ad ipsum appropinquat.

AD secundum argumentum supra propositum respondent Patres Conimbricenses 1. lib. de celo, cap. 11. quæst. 1. art. 3. concedendo corpus naturale motum ad suum centrum velocius moueri, quo magis ad ipsum accedit ob augmentum grauitatis, vel leuitatis, non tamen ideo (aiunt) crescat velocitas in infinitum infinite protracta distantia centri, sicut nec grauitas ista, vel leuitas, qua perueniente ad certum gradum intensiōis sibi intrinsecum cessabit intensio, & de cetero motus eadem prorsus vniformi celeritate procedet, quod augmentum grauitatis vocant, grauitatem accidentalem 2. libro, cap. 6. quæst. 1. artic. 2. id est, impulsu emanantem à corpore graui ratione naturalis grauitatis, dum ad propriū centrum mouetur. Alij vero dicunt, corpus media propria grauitate, & motu, hanc grauitatem accidentalem sibi imprimere, & alij media hac grauitate accidentali docent, ingenitam, & propriam grauitatem confortari, verum relati solum inter se differunt in modo loquendi.

Sed vtrumque assertum nobis displicet,

primum quidem, quia sine aliquo fundamento rationis dicitur à grauitate naturali emanare accidentalem, seu aduentitiam, cum à nulla alia qualitate, seu potentia naturali emanet alia similis accidentalis, seu aduentitia, non à calore, nec frigore, nec ab alia secunda qualitate (ut euidenti inductione cuicunque potest constare) ergo nec à grauitate, & leuitate emanare potest, cum nulla assignetur specialis ratio ex parte earum talis emanationis, & solum videatur conficta ad reddendam rationem, ob quam motus naturalis sit velocior in fine, quam in principio & medio. Et potest videri hoc argumentum, quia grauitas hæc accidentalis non est pondus, sicut naturalis, cum constet lapidem non habere plus ponderis, dum eam habet, quam dum est sine illa, si ad trutinam examinetur: solum igitur potest esse impulsus, quem sibi imprimit per motum, sed omnes impulsus à quocunque, & quomocunque impressi sunt eiusdem speciei, quia omnes possunt mouere corpus versus quemlibet differentiam loci, iuxta directionem imprimentis: ergo sequitur impulsus esse eiusdem speciei cum ceteris. Vt cum eo, quem aliquis imprimeret lapidi, dum mouetur deorsum, vnde sequitur non posse emanare ab ipso lapide, sed extrinsece impressus esse debet à se, vel alio: ab alio vero constat non imprimi, sed nec à se, ut mox probabitur, ergo falsa est prædicta sententia.

Præterea, impossibilis probatur talis emanatio grauitatis accidentalis, eo præsupposito, quod ab auctoribus huius sententiæ dicitur, nempe grauitatem accidentalem non emanare à naturali secundum se, nec dum corpus quiescit, sed solum dum mouetur, ex quo euidenter sequitur, medio motu, vel minimo, tanquam causa, sine qua non, vel conditione emanare,

nare, quare necesse est, motum se tenere ex parte agentis, nempe grauitatis naturalis, esseque vt minimum natura priorem impulsu, vel grauitate accidentalis, eo medio emanante, & aliquo modo causam, aut causationem eius. Quemadmodum approximatio agentis ad passum prior natura est effectus produciendo, quare repugnat eundem motu esse effectum eiusdem impulsus, aut grauitatis accidentalis, & natura posteriorem ea in eodem ordine efficientis causa: sed id sequitur necessario ex tali doctrina, ergo plane falsa censeri debet. Probatum vero, quia euidentis est motum procedere a grauitate naturali, tanquam a causa effectiua: ergo euidentis est, velociorem motum procedere a tali grauitate accidentalis (si datur) se tenente ex parte eiusdem grauitatis naturalis, & ideo cum ea cõcurrente suo modo effectiue ad eundem motum celeriores, & ex consequenti esse natura priorem eo, & tandem non est minus euidentis, eundem motum se tenere ex parte grauitatis naturalis ad causandam grauitatem accidentalem, quã non nisi per motum, vel medio motu emanat ab ea iuxta hanc sententiam. Ergo euidentis est eundem motum esse causam, seu causationem eiusdem grauitatis, & proinde natura priorem ea: habet ergo ratione cause, & effectus respectu eius, & est prior natura, atque etiam posterior ea in eodem genere efficientis cause, quod manifestam continet repugnantiam. Argumentum hoc efficacissimum solum hac via eludi possit, si diceretur, non eadem partem motus esse causam & effectus grauitatis accidentalis, quia hoc plane repugnat, sed diuersam, ita vt media priori parte motus velocioris emanet pars grauitatis, non quidem concurrens effectiue ad eandem partem motus, nec

prior natura ea, sed posterior tanquam effectus eius, concurrentis vero effectus ad partem motus sequentem, quæ ab ea procedit tanquam effectus, & natura posterior. Cæterum easio hæc non minus evidenter falsa ostenditur. Primo quidem, quia accidentalis gravitas producit medio motu, tanquam causa, sine qua non, vel causatione aut conditione: ergo eodẽ modo quo incipit motus, incipit productio gravitatis, videlicet per ultimum non esse. Quemadmodum ergo verum est dicere, nunc non est motus, & immediate post erit, ita verum est dicere, nunc non est productio gravitatis, & ex consequenti gravitas ipsa, & immediate post erit. Præterea, sicut verum est, in toto tempore immediato esse motum, ita debet necessario esse verum, in toto tempore immediato esse gravitatem; ita nulla possit dari motus pars, & immediate post, cui non respondeat aliqua pars gravitatis, eam media emanans: sed ita naturaliter, & necessario procedit velocior motus à gravitate accidentali, & singulæ partes eius correspondent singulis partibus gravitatis accidentalis: ergo omnino necessarium est, totum motum futurum immediate post, & omnes eius partes procedere à tota gravitate, & omnibus eius partibus, & eodem modo totam gravitatem, & omnes eius partes procedere à toto motu, & omnibus eius partibus, & id quidem in eodem genere efficientis cause, ex quo necessario etiam sequitur, totum motum futurum, & omnes eius partes esse causam totius gravitatis, & omnium partium eius, atque etiam effectum esse priorem natura, ac posteriorem in eodem ordine efficientis.

Secundo vero falsa ostenditur euasio;
quia si gravitas accidentalis emanat ex
natu-

naturali medio motu, & ideo emanatio est successiva: ergo necesse est, partem grauitatis accidentalis in eadem duratione existere cum eadem parte motus præcedente, quia media emanat. Probatur consequentia, quia quilibet effectus debet coexistere in eadē duratione suæ causæ, vel causatione, aut conditione ad quam causante, in eadem quidem duratione instantanea, si in instanti operetur causam, vel successiuam, si operetur successiuam. Verū igitur est, ac necessarium, lapidē eodē tempore partis motus præcedentis habere maiorem grauitatem, quam petit eadem pars motus: ergo necesse est, tunc velocius moueri, quia ex maiori grauitate sequitur, naturaliter motus velocior, sed eo tempore habet lapis maiorē grauitatem: ergo eodem tempore necessario debet habere motum velociorem. Et vrgeri potest idem argumentum, ac declarari simul hoc modo: si motus fieret in instanti, & eo medio emanaret velocitas, in eodē instanti, in quo esset motus, emanaret: ita ut verum foret in primo instanti in quo esset motus, dari etiam primam grauitatem accidentalem, sed in eodem instanti, in quo est causa naturalis, producit suum effectum in instanti producibilem, ergo in eodem instanti sequeretur accidentalis grauitas causata medio motu, quem necessario ipsa producit, & ita motus, eademque grauitas erit prior natura, atque posterior, atque etiam causa, & effectus in eodem ordine efficientis.

Postremum vero, quod asserit eadem sententia, dilatato spatio in infinitū, inter terminos motus grauis, aut levis corporis per virtutem diuinam, non moueri semper velocius, quo magis appropinquaret ad centrum, sed solum vsq; ad certam distantiam: reliquū vero vix vsq;

ad centrum eadem velocitate conficere, falsum nobis etiam videtur, & omnino necessarium, quod celerius semper moueretur, quod sic probō: causa naturalis grauitatis accidentalis est grauitas naturalis, à qua emanat medio motu, & medio motu velociori emanat intensior grauitas accidentalis, quod constat ex toto motu lapidis à concavo lunæ vsque ad ceterum terræ: sed dum lapis suo motu tendit in centrum, adest eadem naturalis causa intensioris grauitatis, nempe eadem grauitas naturalis, & intensior grauitas accidentalis cum velociori motu: ergo naturaliter procedet ab ea intensior effectus, qui est intensior grauitas accidentalis, & eadem est ratio de cæteris partibus motus vsque ad centrum, quare semper erit necessarium, celerius moueri lapidem, quo magis ad centrum appropinquat. Et si respondeant, eandem esse causam naturalem intensioris grauitatis accidentalis; à qua intensior procederet, nisi haberet ex propria natura intrinsicum terminum suæ intensiōis, qui vocatur maxima quod sic, & quem excedere non potest naturaliter: in primis solutio hæc manifestam continet petitionem principij, tum quia pro ratione reddit illud, de quo est controuersia, nempe, an potentix, & qualitates habeant terminum intrinsecum suæ intensiōis versus maximum, tum etiam, quia præsupponit id, quod probandum est: nam licet de potentijs, & qualitatibus naturalibus, quæ sequuntur naturas rerum, secundum se consideratas, probatum sit terminum magnitudinis intrinsicum suæ intensiōis habere, de cæteris vero, quæ eas sequuntur, media aliqua causa extrinseca, neque probatum est, neque probari potest, ut statim ostendemus, & tandem neque

in his, neq; in illis possibile est naturaliter, quod ex vna parte postulent talē terminum, & ex altera detur naturalis causa, à qua ultra illum intendi possint, quia si effectus est naturaliter impossibilis, impossibilis quoq; cēfēda est naturaliter causa, vt patet in videntibus, quod eo ipso, quod postulant terminum intrinsecum magnitudinis, postquam illum pertingunt, nulla potest dari naturalis causa maioris augmenti, sed potentia nutritiva, & augmentativa, quarum virtute perueniunt ad terminum, non possunt iam plus substantiæ conuertere, quā deperderetur immo limitatio harum potentiarum, vel cuiuscumq; alterius causæ potentissima ratio est eis concedendi in-
trinsēcum terminum. Vnde sequitur, quod si qualitatibus concederetur talis terminus intensionis intrinsecus concedi non possit, quod postquam eum pertingunt, possit dari causa naturalis maioris intensionis earum, & eo ipso, quod dari possit, nequit eis talis terminus concedi.

Vera igitur solutio illius argumenti hac distinctione explicanda est: Potētia, & qualitates actiue duplices sunt, quædam namq; ex propria natura rebus conueniunt, vt igni calor, & frigus aquæ, vera granitas, & leuitas elementis, ac mixtis. Aliæ non quidem ex propria natura eis conueniunt, sed ab extrinseco eis imprimuntur, vt impulsu proiectis, & intensiono conueniunt illis ex propria natura, à qua procedunt, & propterea limitata esse debet, atq; definita per terminū magnitudinis intrinsecum, sicut ipsa natura: ceteræ vero qualitates (vt pote propriam naturam rerum non conuenientes, sed ab extrinseco impressæ) non postulant talē terminū intrinsecum, sed extrinsecum tantum, ita vt licet actui infinitam intensionem habere non possint,

bene tamen quamlibet finieam, quantumque magnam, quia in rebus, quibus ab extrinseco imprimuntur, solum postulant potentiam obedientialem passiuam, seu receptiuam, non potentem intrinsecos terminos, & cum impulsus corporibus impressus ad motum huius sit conditionis, caret termino intensionis intrinseco. Vnde sequitur, quod si imprimatur lapidi deorsum moto, poterit semper de nono imprimi intensior, per quē celerius semper moueatur, quo magis appropinquat ad centrum, quod verum erit, ac necessarium, quantumcumq; centrum diuina virtute separatur à loco, à quo moueri cœpit, ita vt nunquam contingat, immo neque possit contingere, motum eius centro propinquiore æqua celeritate fieri, ac magis ab eo distantem, ex quo nullum incommodum sequi, facile poterit cuique constare.

QVAESTIO II.

An potentia actiua concedendus sit terminus intrinsecus quoad extensionem suorum effectuum.

Sensus quæstionis est, an potentia actiua ad quamlibet distantiam spatij effundere possint proprios effectus, vt ignis producere calorem in aquam, quantumlibet à se distantem, vel ad tam magnā, vt non ad maiorem. Et de termino paruitatis, res est certa apud omnes nullum postulare, quia euidentis est, agens non solum posse effectum proprium effundere in passum, vel circa spatium sibi propinquum, sed per effectum eum effundere, vt ignis fortius calefaciat aquam, aut lignum, quo sibi propinquius est: ergo impossibile est ad tantam distantiam extē-

dere:

dere effectum, quin possit ad minorem, & minorem in infinitum, immo quin possit quo minor est, perfectius illum extendere, quod est nullum terminum paruitatis admittere.

Sed aduersus hanc veritatem opponi possunt potentia sensitiva, de quibus euidentius est obiectum: ita proximum organo sensus posse percipere, ut si proximus accedat, non percipiatur, & multo minus, si supra organum ipsum, vel potentiam ponatur, quod de sensibus saltem medium externum postulantibus, ut de visu, & auditu, atque odoratu docet experientia. Iste ergo potentia postulat necesse terminum paruitatis intrinsecum, quo ad extensionem suorum effectuum, vel operationum. Probatur consequentia ex definitione intrinseci termini paruitatis, qui est certa distantia ad quam potest produci effectus, ita ut ad minorem non possit, quod expresse videtur asseruisse Aristoteles lib. de sensu, & sensibili, capite ultimo ad finem, hisce verbis: *Est itaque aliquid ultimum distantia, unde non exprimitur unde videtur, videtur hoc itaque necesse in diuisibili esse, ultra quodque non contingit sentire existens, circa autem necesse sentire.*

Pro solutione adnotare oportet in sensationibus duo reperiri, primum est immutatio potentia sensitiva ab obiecto, quae est impressio speciei, & receptio eius in eadem potentia. Secundum operatio ipsa vitalis, quam elicit potentia informata specie, nempe, visio, vel auditio, & impressio quidem speciei non est actio, aut operatio potentia, sed obiecti in ipsam: ex parte vero eiusdem potentia sola receptio aut passio: operatio vero est ab ipsa potentia simul, & obiecto media specie concurrente cum illa, tanquam ab vno principio, per quam operationem non agit potentia in obiectum, neque in aliquid aliud, quia non est actio transiens, sed intra se producit per illam speciem

expressam, in qua consistit sensatio, seu perceptio obiecti sensibilis. Et ex his soluitur argumentum oppositum concessio antecedente, quod datur determinata distantia, à qua, & non à minori possit potentia sentire obiectum: negando tamen ex hoc sequi, quod potentia actiua ad tantam distantiam extendat suum effectum, & non ad minorem, quia sensatio non est effusio, seu extensio effectus per spatium, cum consistat sensationem, vel speciem expressam non produci, vel extendi circa ipsum, vel vsque ad obiectum, sed intra potentiam ipsam remanere: postulat vero ad hanc operationem intra se eliciendam certam distantiam obiecti à se tanquam conditionem necessariam, quod constet non esse terminari quo ad extensionem sui effectus, sed neque sequitur actione in obiectum in potentiam (quae vere est effusio, seu extensio sui effectus ad medium, & potentiam) terminari versus paruitatem: nam licet potentiam non percipiat obiectum, nisi ad aliquam distantiam, ceteram, à quocunque, & quantumcunque minima imprimit ei obiectum, propriam speciem, quia distantia obiecti conditio potentia est ad percipiendum obiectum, non conditio obiecti, ad agendum, circa potentiam, & extendendum proprium effectum per medium circa illam. Vnde constat, potentiam actiuam obiecti, ad extendendum proprium effectum, nullum paruitatis terminum postulare: neque id probare testimonium Aristotelis, etiam ut verba eius sonat intellectum. Quia ex eo, quod datur certa distantia, à qua primum videri color, & audiri sonus possit, non ramentur ex hoc terminus extensionis alicuius effectus actiua potentia, aut virtutis obiecti, versus minimum, ut ostensum est.

Solum igitur potest quaestio procedere:

De termino intrinseco magnitudinis, an videlicet ad tantam distantiam possit extendere proprium effectum potentia, seu qualitas actiua, vt non ad maiorem. Cui hac distinctione respondendum censent Patres Conimbricenses. lib. de cælo, cap. q. art. r. distantia spatii, ad quam potentia actiua proprium effectum potest extendere, dupliciter consideranda est, aut includendo vltimum indiuisibile, quo clauditur, aut terminatur, vel illud excludendo, & priori modo potentia actiua non habent terminum intrinsecum, quo ad distantiam, seu extensionem spatii, sed tamen extrinsecum, & contrario autem posteriori modo.

Probant primo hoc argumento, constituto, quod luminoso possit ad eia stadia spatii, nempe, aeris, effundere lumen, & ulterius non possit, & tunc ita arguunt. Lumen effusum per totum illum aerem non potest attingere vltimam superficiem claudentem eandem extensionem aeris, sed solum se extendere ad totam latitudinem diuisibilem eius eadem superficie clausam, ita vt in ea recipiatur: ergo verum erit ad totam latitudinem aeris se extendere lumen, & ulterius non se extendere, sed hoc est extrinsece terminari terminari per illam versus magnitudinem, vt ex definitione intrinsece termini magnitudinis constat: ergo hunc postulat actiua potentia, quo ad extensionem sui effectus. Minorem ita probat: vel lumen in ea superficie receptum est alicuius intensiois diuisibilis, vel indiuisibilis: sed indiuisibilem intensioem dari repugnat: ergo necesse tale lumen habet intensioem diuisibilem, præsertim cum minorem habeat, quam cætera indiuisibilia præcedencia spatii agenti proximiora. Eam igitur intensioem necesse erit ad partem sibi proximioram effundere, eam illuminando. Probatur

consequentia, quia nullum accidens productiuum sibi simile, ad tam remissum gradum peruenire potest, quin remissiorum possit producere in passio sibi approximato, sese porrigendo vsque ad non gradum. Quare falsum erit, quod supponitur, illam superficiem pertinere ad terminum intrinsecum extensionis luminis, aliquid eius in se recipi: sed, & tota extensionem eius intrinsece claudendo, ita vt ulterius non se extendat. Et consequenter erit etiam falsum, dari terminum intrinsecum luminis, vel alterius actiue qualitateis versus magnitudinem, quo ad extensionem. Postremo vero facile ostendunt, quia si effectus non extenditur ad superficiem claudentem, seu terminantem totum spatium, illa erit terminus, ad quem non se extendit effectus agentis, bene tamen extenditur ad totam latitudinem per eam terminatam: ergo est terminus extrinsecus.

Hæc tamen sententia videtur mihi plane falsa, quantum ad vtrumque, quod probo, primo argumento ad hominem hoc modo. Ideo asserit lumen, vel quamlibet aliam qualitatem actiuam proprium effectum extendere per totum spatium trium radiorum, vsque ad superficiem ipsam terminantem, non quidem inclusiue, ita vt in ipsamet superficie recipiatur, sed exclusiue tantum, ita vt in tota, ac sola latitudine spatii, ipsa vero superficies non illuminetur. Hoc itaque sic necessario fieri (aiunt) quia si superficies aliquid luminis reciperet, necessarium foret, vt in parte sequenti illud produceret, quia agens approximatum passo, naturaliter & necessario in ipsum agit, quare non posset superficies esse terminus intrinsecus extensionis effectus, cum vltra illam se extenderet. Sed hoc quidem sequitur de tota latitudine spatii, superficie clausa: ergo non poterit

hæc (vt aiunt) esse terminus intrinsecus, nec superficies extrinsecus. Antecedens sic ostendo. Lumen recipitur in tota latitudine; ergo necessario debet produci in superficie eam terminante, & in ea recipi. Probatur consequentia eodem argumento eorum: quia si lumen receptum in superficie, necesse est, quod in parte sequenti producat, quia agens naturale necessario extendit suum effectum ad passum sibi approximatum: ergo lumen receptum in tota latitudine spatii, superficie terminata, necessario producat, atque extendit suum effectum ad eandem superficiem. Probatur euidenter consequentia, quia non est ipsum minus approximata parti spatii illuminari, quam terminari, quam pars sequens sit approximata sibi; ergo nec minus recipit lumen ab illa, quam producat in hanc, quare nec potest esse terminus intrinsecus tota latitudo spatii excludens superficiem: nec potest eadem superficies excludi à receptione effectus, vt sit terminus extrinsecus extensionis eius. Eodem igitur argumento eorum aduersus propriam sententiam retorreo, probatur falsa.

Sed rursus eam impugnatio duplici argumento. Primo, quia si ab effectu productio per totam latitudinem spatii excludatur superficies ipsum includens, sequitur non dari vllum terminum magnitudinis intrinsecum earumdem potentiarum, aut qualitatum, quo ad extensionem effectus, quem tamen opposita sententia eis concedit. Probatur consequentia, quia talis terminus vel est superficies, vel latitudo ab ea clausa: non primum (vt concedunt ipsi) & probat euidenter ratio: cum ad eam non perueniat effectus, nec in eadem recipiatur, quod ad rationem intrinseci termini à primo necessarium est. Sed nec tota ipsa latitudo, in qua lumen recipitur, intrinsecus

terminus esse potest. Probatur minor: nam terminus extensionis intrinsecus magnitudinis debet esse quid certum, ac determinatum, ad quod effectus perueniat, & ulterius non se extendat: sed latitudo totius spatii, exclusa superficie eam claudente, non est quid determinatum, cum non habeat ultimam partem, sed qualibet signata habeat ulteriorem aliam in infinitum: ergo repugnat esse terminum intrinsecum extensionis effectus.

Et si dicas, esse determinatam, quia clauditur superficie; probo aperte id non sufficere, vt sit intrinsecus terminus, quia terminus intrinsecus talis esse debet, vt ad illum perueniat effectus, sed condat non peruenire ad superficiem; ergo impossibile est, superficiem terminare latitudinem, vt recipientem effectum, sed quantum ad receptionem effectus, ita se habet latitudo spatii, ac si per illum non terminaretur, nec vllum prorsus haberet terminum. Quare eius ratione non potest vlllo modo latitudo spatii recipiens lumen esse terminus intrinsecus extensionis eius, sed extrinsecus tantum. Itaque latitudo spatii materialiter tantum accepta, vt est extensio spatii, intrinsece terminatur tali superficie, ceterum, vt est passum, ad quod, & per quod extenditur lumen, repugnat eam terminari, nisi ratione prorsus extrinseca: quia quod lumen non recipit, nec potest intrinsece pertinere ad spatium, per quod aliquid extenditur, vt constat euidenter in motu locali facto per spatium, ad quem motum non potest pertinere vltimum indiuisibile, claudens idemmet spatium, nisi ad illud perueniat mobile habens in eo presentiam indiuisibilem terminantem intrinsece motum. Pari ergo ratione vltimum indiuisibile spatii, per quod se extendit lumen, nequit pertinere ad

ad terminum intrinsecum talis extensionis, nisi ad ipsum perveniat lumen, in eoque recipiatur.

Secundo probatur, quia si latitudo spatii in qua lumen produciatur, posset esse terminus intrinsecus extensionis eius, non recepto lumine in superficie eam terminante, evidenter sequitur, terminum magnitudinis extrinsecum, qui vocatur minimum quod non esse intrinsecum, qui vocatur maximum quod sic, & ideo res omnes cuiusque generis, & ordinis habere intrinsecum terminum magnitudinis. Probatur consequentia, quia in minimo quod non, verum est, ac necessarium effectum non pervenire ad certum aliquod quod constet habere modum, vel rationem indivisibilis, cum sit ultimum quid, quo clauditur tota latitudo, ad quam pervenit idem effectus, bene tamen pervenire ad totam ipsam latitudinem tali indivisibili clausam: sed hoc sufficit in extensione luminis, vel alterius effectus (iuxta hanc sententiam) ut latitudo ipsa sit terminus intrinsecus magnitudinis potentiae quo ad extensionem, qui est maximum quod sic: ergo quilibet terminus magnitudinis extrinsecus cuiuslibet rei, qui est minimum quod non, erit intrinsecus, qui est maximum quod sic, quod patet esse falsum.

Nostra ergo sententia est, potentias activas, activasque qualitates, quo ad extensionem postulare intrinsecum terminum magnitudinis proprio indivisibili clausum, ita ut usque ad illud inclusivae possint extendere proprium effectum eum in toto spatio, atque etiam in eodem indivisibili effundendo, & non alterius. Quam in primis colligo evidenter ex Divi Thom. doctrina 1.2. quæst. 5. artic. 6. ad 2. ubi sic loquitur. *Nec etiam omnia, quæ sunt illuminata, aut calefacta possunt alia calefacere; aut illuminare, sic enim illuminatio, aut calefactio efficitur usque ad id in infinitum.* Sentit i-

gitur sphaeram actiuitatis cuiuslibet agentis extendi usque ad aliquid determinatum, quod quidem calefieri, aut illuminari possit ab eo, sed non posse aliud iuxta se positum calefacere, vel illuminare: ergo hoc est ultimum ad quod potest agens extendere actionem, & ultra illud non potest, quod est extensionem sui effectus procedere usque ad ultimum inclusivae, hoc est circa quod producat, & ultra illud non transeat.

Probatur deinde ratio: primo quia impossibile est, potentiam, seu actiuam virtutem, posse extendere proprium effectum per aliquam latitudinem spatii, & non posse eam communicare ultimo indivisibili, seu superficiei terminanti, atque claudenti eam, ut asserit opposita sententia: ergo necessarium est, terminum propriæ extensionis idem indivisibile claudere, & ex consequenti ratem potentiam postulare intrinsecum terminum proprio indivisibili clausum, ad quod idem effectus se extendat. Antecedens probo, quia agens potest producere suum effectum circa totam latitudinem spatii, tali superficie clausum: ergo potest eum producere circa eandem superficiem claudentem, & ex consequenti actu producer, eum operetur naturaliter, & secundum ultimum potentie. Probatur consequentia quia indivisibile terminans latitudinem spatii, non efficit eam maiorem, & ex alia parte capax est eiusdem effectus, & non impedim ad illum recipiendum: ergo non postulat maiorem virtutem in agente, ut ad se extendat effectum, quam ut eum extendat circa totam latitudinem a se terminatam: ideo necesse est, indivisibile effectus in tali superficie produci eo ipso, quod circa latitudinem spatii produciatur, ut sit terminus extrinsecus talis effectus proprio indivisibili comple-

et sicut latitudo ipsa spatii, in qua produ-
citur, proprio indivisibili terminata
est.

Secundo probatur, quia terminus in-
trinsecus magnitudinis eiusdem rationis
est in qualitate, quo ad intensiorem ef-
fectus, & quoad extensionem, cum eo-
dem modo definitur in omnibus, sed
in quantitate importat tantam, ad quam
potest pervenire corpus, & non ad ma-
iorem, & pariter in intensiōe, & eius-
modi tanta, ad quam potest pervenire;
clauditur necessario indivisibile termi-
nans, pari ergo ratione terminus intrin-
secus extensionis effectus importare de-
bet. Probatur minor, quia quantitas non
est tanta, nisi ratione indivisibili termi-
nantis: nec qualitas secundum intensi-
onem est tanta nisi indivisibili eiusdem
intensiōis compleatur, ut calor non est
tācens, hoc est ut unum, aut dimidium,
nisi compleatur indivisibili eiusdem in-
tensiōis: ergo nec potest esse, aut dici
tantus quoad extensionem, nisi indivisi-
bile extensionis includat. Unde sequi-
tur, totam latitudinem spatii non esse
tantam, nisi includat superficiem eam
terminantem, nec tantum esse calorem,
aut lumen, nisi includat indivisibile lu-
minis, aut caloris producti in eadem su-
perficie indivisibili terminante exten-
sionem eiusdem effectus.

Ad argumentum respondetur negan-
do, quod lumen intensum receptum in
superficie spatii possit ulterius illumi-
nare, & idem contra Doctores primæ
sententiæ inferri potest de lumine in-
tense producti in latitudine spatii com-
paratione superficiæ terminantis spati-
um. Quare miror hanc sententiam ne-
gantem ex una parte lumen in latitudi-
ne ipsa spatii receptum illuminare su-
perficiem se terminantem, & colligentes

ex altera, quod si recipiatur in superficie
debeat illuminare, seu lumen producere
in parte sequenti. Deinde vero ostendo
non esse bonam consequentiam, quia
ut bene adnotavit D. Thomas verbis il-
lius testimonii superius relatis, neque
omne calidum potest calefacere passum
sibi proximum, neque omne illumina-
tum illud illuminare, quia cum eui-
dens sit, longe maioris perfectionis esse,
se communicare alteri, per aliquam for-
mam agendo in illud, quam habere ef-
fectus, utrumque per talem formam, exi-
deis quodque erit, maiorem virtutem re-
quirit ad primum, quam ad secundum, ut
copiose ostendimus 1. lib. de generatione,
cap. 9. quæst. 4. ad sensum, probantes, adeo
minimam posse esse virtutem, ut non pos-
sit agere in aliud. Quod non minus pro-
bat eundem terminum verbis D. Tho-
mas. Si omne calidum posset calefacere
aliud, in infinitum, procederet calefactio,
quo ad extensionem effectus, & non ha-
beret limitatam sphaeram agendi, sed in-
finitam, cum tamen necesse sit habere
determinatam, & termino quidem in-
trinseco magnitudinis, quem attingere
possit, & ulterius non procedere: quem
admodum virtus ipsa agendi intrin-
sece limitata est. Et hæc doctrina non mi-
nus vera est in formis accidentalibus,
quàm in substantialibus, nam rationes
æque de utriusque probant, ut per se pa-
ret, & de accidentalibus loquitur D. Tho-
mas, ut verba eius ostendunt.

QVAESTIO III.

AN potentia activa quoad resistantiam
terminetur, & quibusnam
modis.

Contraria duplicia sunt, alia actiua, vt primæ qualitates, & plures ex secundis, alia non actiua (actione quidem naturali,) vt albedo, nigredo, & cæteri colores, & plures aliæ qualitates: nam actione intentionali, effundendo proprias species intentionales; circa medium, & potentiam, omnes ferme qualitates actiua vocari possent. Sed actiua actione naturali adhuc diuiduntur in eas, quæ circa idem subiectum sibi contrarias expellunt; quales sunt primæ qualitates, & in alias, quæ non agunt expellendo opposita, sed aut mouendo subiectum ad locum, vt granitas, leuitas, & impulsus omnes, aut modo alio producendo effectum. Quare illis duntaxat conuenit propriissima contrarietas communi illa diffinitione explicata, contraria sunt, quæ sub eodem genere posita maxime distant, & ab eodem subiecto mutuo se expellunt; quamuis minus propria contrarietas (vera tamen) multis aliis conueniat, vt albedini, & nigredini, grauitati, & leuitati, & omnibus aliis similibus, & eodem modo propria resistentia eisdem duntaxat propriissimis contrariis conceditur, vt primis qualitatibus, cæteris vero minus propria, aut nulla. Propria tandem resistentia diuiditur in actiuam, & formalem, & actiua non est aliud, quam actio ipsa, prout impedimentum præstat contrario, ne in eodem subiecto introducatur, vt ignis per eandem calefactionem, per quam calefacit aquam, præstat ei impedimentum, ne eidem igni frigus imprimat, & propriè dicitur ab ea se defendere. Resistentia vero passiua, est inhaesio formæ in proprio subiecto, per quam impedit receptionem formæ contrariæ, & vocatur etiam formalis (vt libro primo de generatione docuimus) quia fit per inhaesionem

formæ in subiecto, & non per actionem aliud extrinsecum. De vtraque igitur petit quæstionis titulus: An potentia, seu qualitates actiua terminis magnitudinis, & paruitatis postulent, & quonam modo.

Et prima opinio asserit, non postulare terminum magnitudinis intrinsecum, sed extrinsecum tantum, qui vocatur minimum quod non, & nullum terminum paruitatis esse illis concedendum. Ita sentiunt, Patres Conimbricenses primo libro de coelo, capite II. quæstione secunda, articulo primo. Probant primum, quia actio non est nisi a vincente, atque adeo à proportionem maioris inæqualitatis, ex parte agentis. Nequit igitur potentia actiua agere in resistentiam æqualem sue virtuti actiua, poterit vero agere in quamcumque minorem: æqualis igitur resistentia erit terminus extrinsecus, & minimum quod non, cum sit tanta, in quam agere non potest virtus actiua, bene tamen in quamcumque minorem. Secundo, si daretur maxima resistentia, in quam potentia actiua posset agere, eiusmodi resistentia excederetur à potentia actiua, quia ubi nullus est excessus, sed tanta est resistentia passiua, quanta actiuitas agentis, nõ sequitur actio; ergo excederetur excessu diuisibili, quia indiuisibile non reddit maius. Quare si resistentia decrederet, ad dimidium talis excessus, adhuc, nihilominus sequeretur actio, maneret enim adhuc proportio maioris inæqualitatis ex parte potentia actiua. Vnde sequeretur, resistentiam priorem non fuisse maximam, quam potentia posset vincere: cum adhuc maiorem vincat. Secunda pars infra probabitur.

Tribus assertionibus explicamus propriam sententiam. Prima talis est, ram-
resi-

resistentia actiua, quam passiua, seu formalis, secundum propriam rationem considerata postulat terminum magnitudinis intrinsecum, qui dicitur maximum quod sic, probatur hoc discursu. Quilibet potentia, aut qualitas actiua, per eandem virtutem, per quam potest agere in passum, potest resistere agenti contrario, tam resistentia actiua, quam passiva, aut formali. Eadem est igitur secundum entitatem virtus actiua, & resistentia, quamuis diuerso modo considerata, hoc est respectu diuersorum, seu diuersi effectus; nam actiua vocatur in quantum potest per actionem agere in contrarium, & ei se communicare: resistentia vero in quantum per eandem actionem potest prestare impedimentum contrario, ne circa ipsum operetur, eam expellendo per impressionem propriam, vel certe per inhesionem in proprio subiecto formaliter impedire inhesionem formae contrariae: hoc enim vocatur passiva, seu formalis resistentia: sed eadem ipsa virtus, ut actiua postulat intrinsecum terminum magnitudinis, ut superius probatum est, & admissum a sententia opposita: ergo eundem terminum postulat, in quantum est resistentia actiua quidem resistentia; aut formalis, quae non est aliud, quam natura ipsius formae, aut actiuae qualitatis, ut inhaerentis in subiecto. Probatur consequentia, quia cum sit eadem virtus, & per respectum, vel comparisonem ad propriam actionem, vel impedimentum praestandum opposita, non varietur, eundem terminum postulare necesse est, & vigeo argumentum hoc modo. Eadem qualitas in quantum est virtus actiua, ideo postulat terminum magnitudinis intrinsecum, quia naturaliter agit, & quantum potest, & quia tanta perfectionis est,

ita ut non maioris, ideo tanta actiuitatis est, tantumque potest agere, & non plus, quod est terminum intrinsecum postulare: sed eodem modo, ut est virtus resistentia, actiua quidem, aut formalis, naturaliter, & quantum potest resistit agenti, seque ab eo defendit, ne a propria sede expellatur, per actionem quidem impedimentum praestando agenti contrario, aut per inhesionem in subiecto impediendo inhesionem, aut receptionem formae oppositae (quo pacto vocatur resistentia formalis), ergo postulat eundem terminum intrinsecum magnitudinis.

Secundo probatur, quia virtus actiua ignis, & cuiuslibet alterius agentis, secundum se considerata, tantum potest agere, & non plus; & propterea, ut actiua postulat terminum magnitudinis, intrinsecum, quo ad effectum, tam secundum intensionem, quam secundum extensionem: sed hoc idem habet, ut virtus resistentia, secundum se considerata, siue ut actiua, siue ut passiva, aut formalis, ut tantum possit resistere agenti contrario, quod non possit ei plus resistere, quia per propriam virtutem, vel inhesionem formalem in subiecto naturaliter, & in quantum potest, resistit veroque modo. Ergo sicut datur maxima virtus actiua, quae non possit esse maior, ita dabitur virtus resistentia maxima, hoc est, quae maior esse non possit, quod est, terminum magnitudinis intrinsecum postulare. Quod docuit expresse Aristoteles, primo libro de caelo, capite vndecimo sequentibus his verbis: Si igitur quippiam per decem millia passuum moueri potest, aut pondus leuare id, quod maximum potest, dicere semper solidius, veluti centum lenare libras, aut per decem millia passuum ambulare, quamque & paries, quae circa sunt potest, si excessum potest. Quo paries ad

finem, atque excessum definiendi potentia oportere. Id igitur quod potest tot per excessum, & ea, quæ sunt circa necesse est. Quibus egregiam, atque efficacem latius rationem non obscure insinuat. videlicet dari maximum, siue summum, vel ultimum, quod potest actiua virtus, seu potentia, ita vt ulterius nihil possit, & propterea talem terminum vocari intrinsecum magnitudinis, & maximum quod sic, per quem ideo definiendum esse affirmat, quia continet, quidquid minus est, & propterea totum id, quod potest potentia, & est veluti adæquatum eius obiectum, à quo speciem sumit, & quod adæquatam eius rationem continet, adæquatè, atque completè explicat essentiam per ordinem ad idemmet obiectum adæquatum desumptam, cui si adiangamus illud, nempe resistiuam potentiam re ipsa eandem esse cum actiua, vel cum entitate eius, & sola ratione diuersam, per comparisonem ad agens vel effectum. Videbimus non minori efficacia potest probari, ex mente Aristotelis esse, quod potentia actiua, quoad resistantiam secundum se considerata, postulet intrinsecum terminum magnitudinis, quam eandem potentiam, vt actiuam.

Neque satisfacit solutio Patrum Conimbricensium, asserentium Aristotelem locutum vulgari modo, non stricto, & mathematico, quia nectalis modus prodesset illi, ad explicandas naturas potentiarum, quod ipse intendebat, nec decebat philosophum tantum iuxta vulgarem modum loqui, nec huius est fundamentum in Aristotele, & iuxta proprietatem, & strictam acceptionem, termini intellexerunt illum omnes expositores, inde colligentes terminum intrinsecum potentiarum, qui sit maximum quod sic, & alias posset dici terminari per illum, & per extrinsecum

minimum quod non, quod est absurdum de resistantia vero in ordine ad victoriam agentis, aliter loquens est Aristoteles, & iam iam dicemus.

Secunda conclusio: resistantia, tam actiua, quam formalis, vel passiua in ordine ad victoriam agentis, hoc est, vt in eam agens agere potest, non habet terminum intrinsecum, sed extrinsecum tantum, qui est minimum quod non. Hanc admittit opposita sententia, & hoc probant argumenta illius, & nihil aliud, & ideo non indigent solutione: quod ex prima nostra assertionem efficaciter colligitur hoc modo. Euidens est, dari maximam resistantiam æqualem virtuti actiua agentis, inquam proinde non potest agens agere, & euidens etiam est, per se agere inquam libet minorem, quia cum minori quacunque efficitur proportio maioris inæqualitatis ex parte agentis, à qua potest actio procedere: ergo æqualis resistantia erit prima, ac minima, quam non potest vincere agens, & ideo inquam non potest agere, sed bene in quamcunque minorem: habet ergo resistantia in ordine ad victoriam agentis considerata, extrinsecum terminum magnitudinis, qui est minimum quod non, & non intrinsecum, qui est maximum quod sic.

Tertia conclusio: Resistentia siue actiua, siue formalis, nullum terminum intrinsecum, vel extrinsecum paruitatis postulat. Hæc est per se manifesta, quia quod minus est resistantia vtraque, eo facilius vincitur ab agente: ergo cum possit in infinitum deescere, impossibile est, dari minimam, inquam agens possit agere, ita vt non possit facilius agere in minorem: quare impossibile est, naturaliter resistantiam habere

termini

terminum intrinsecum paruitatis, qui sit minimum quod sit: nec est minus impossibile, dari tam exiguam resistantiam, quam non possit vincere agens: possit autem vincere quamcumque maiorem: ergo nec admittere potest terminum paruitatis extrinsecum, qui est maximum quod non. Contra hoc tamen videtur esse evidens experientia fulminis, quod cum minorem resistantiam inueniat in vagina, quam in ense, illam tamen parū, vel nihil lædit, ens vero liquat, fortis absque dubio agens in maiorem resistantiam, quam in minorem, quantumlibet minus à se distantem: cuius non videtur posse rationem aliam designari, nisi terminum paruitatis, quem resistantia postulet, ita ut tam exigua detur, in quam non valeat agens agere. Nihilominus mirabilis iste effectus absque dubio provenit ex alia causa, & non ex minori resistantia, quam in vagina reperiri fateamur. Causa vero est, quia vagina rarior est, & longe minus dura, quam ensis, plures etiam poros habet, quorum omnium ratione facilem præbet exitum fulmini: ideo citissime ipsum peruens, brevissumque transiens, nihil fere eam lædit, & eadem est ratio de veste: ensis vero ob nimiam densitatem, ac duritiem difficile cædit, plus detinet ac retardat fulmen à celerrimo suo motu. Cum ergo virtus eius ad agendum sit intensissima, & in densa materia intensissimum, celerrimumque effectum longiori tempore producit. Rationem hanc desumpsimus ex Aristotele 3. libro Meteororum, capite 1. non lōge à fine, cuius verba hæc sunt: *Clypei iam evamen tum quidem liquefactum fuit, lignum vero nihil passum fuit: propter enim raritatem prævenit spiritus penetrare, & pertransire, & per vestimenta similiter non combussit, sed velut astritionem fecit.*

QVAESTIO IV.

An potentia passiva postulet terminos magnitudinis, & paruitatis, quantum ad intensiorem suorum effectuum.

Prior questionis pars de potentia passiva naturali.

IN primis passiva potentia, qualis est materia, dupliciter considerari potest. Primo in ordine ad formam substantialem recipiendam medijs qualitibus, vel dispositionibus, sub qua consideratio ne infra agemus de illa. Secundo consideratur ista potentia, abstrahendo illam ab ordine ad formam substantialem, & ita de ea nunc differimus. Sed adhuc hoc modo sumpta duplicem aliam considerationem habere potest, priorem quidem, eam abstrahendo ab ordine ad agens: posteriorem vero in ordine ad agens, vel ad actiuam potentiam, à qua reducitur ad actum recipiendi formam substantialem, vel accidentalem, sed tandem considerata in ordine ad agens, duobus alijs modis concipi potest, vel in ordine ad agens naturale, hoc est, proportionatum naturæ eiusdem materię, quæ potentia passiva naturalis vocatur, vel in ordine ad agens non sibi commensuratum, sed cui aliquo modo subijci potest in ordine ad aliquem actum ab eo recipiendum ordinis naturalis, seu supernaturalis ordinis, saltem quo ad modum recipiendi, & idem est de subiecto quocumque recipiente formas accidentales, quare indifferenter de potentia passiva præfens quæstio procedit, ut subiecto cuiusque con-

uenire potest, & hæc vocatur potentia obedientialis, quæ quasi per obedientiam agentis subiicitur, & non per naturam propriam, talis est potentia ligni in ordine ad artificiatam formam: talis potentia passiva subiecti in ordine ad Deum supernaturalem modo ei imprimentem formam, ut cæco visum: talis denique potentia ignis ad motum circulem recipiendum à prima sphaera, & cuiuscunque corporis grauis, aut leuis ad recipiendum impetum, seu impulsu ab agente extrinseco in ordine ad motum, versu quamcumque differentiam loci. Quare sub potentia obedientiali comprehenditur omnis alia à naturali. Et ex hoc infero minus bene ab Scoto, & alijs recentioribus, qui eum sequuntur, præter potentiam passiuam naturalem & obedientiam addi tertiam, quam vocant neutram, vel quia non est una nec altera, hoc est, nec naturalis, nec obedientialis, vel quia nec dicit determinatum ordinem ad aliquem actum, nec eum excludit. Minus autem bene, hanc potentiam adiafirmo, quia absq; dubio sub obedientiali comprehenditur etiam passiva potentia potest recipere actum, vel formam ab agente ordinis naturalis: non tamen sibi naturaliter cõmensurato, nisi quia ei potest subiici ad eam recipiendam: ei autem posse subiici idem est, ac ei posse obedire; ergo potentia passiva eius in ordine ad tale agens, & ad talem formam, obedientialis vocari debet. Et qui huic rationi non acquiescit, sed adhuc vult potentiam neutram non solum esse veram, sed ab obedientiali separare controuersiam, prorsus de nomine sibi assumit, & cum eo non oportet disputare.

His necessario prælibatis, primo nobis loquendum est de potentia passiva naturali, quæ scilicet respicit agens na-

turale, & ab eo nata est reduci in actum, de qua tenet prior sententia, nullum terminum magnitudinis, nec paruitatis intrinsecum admittere, quoad intensiorem effectus. Pro hac sententia referunt Patres Conimbricenses Gabrielem in 3. dist. in c. 13. quæst. vnica, artic. 1. & Almainum ibidem, quæst. etiam vnica. Et probari potest, primo, quia pari in eo solum consistit, quod est subiici agentis, ad recipiendum actum, vel formam, sed nec subiici alteri, nec ab eo recipere actum, dicit esse vllam limitationem, quin potius totum: & tantum potest subiectum recipere, quantum potest ei imprimi ab agente, ita ut si ab hoc possit plus in infinitum imprimi, plus in infinitum possit à subiecto recipi. Vnde manifeste sequitur, potentiam passiuam, vel talem, ex propria sua ratione; nullum prorsus terminum postulare, nec intrinsecum, nec extrinsecum. Secundo, quia potentia actiua idcirco postulat terminum magnitudinis intrinsecum, quoad intensiorem effectus, quia agere dicit perfectionem, & cum limitata sit perfectio potentie, sicut limitata est perfectio rei, à qua emanat, ita debet esse limitatus effectus, quæ potest producere quoad perfectionem intensiuam; sed pati, vel recipere in se accidentia nihil perfectionis importat, sed maximam, vel summam imperfectiorem; ergo nec vllum postulat terminum intrinsecum, vel extrinsecum.

Posterior sententia tribuit potentie passivæ secundum se consideratæ terminum intrinsecum magnitudinis, quoad intensiorem effectus, ita ut possit recipere formam accidentalem tantæ intensiõis, & non maioris, paruitatis vero nec intrinsecum, nec extrinsecum, quam sequuntur Patres Conimbricenses 1. lib. de celo cap. 11. asserentes esse communem Scholasticorum. Vnde plures ex anti-

quoribus pro ea referunt, vt Bonauguram, Richardum, Henricum, Maïronē, Aegidium, Maiorem, Durandum, Argentinum, Basileum, Marsilium, partim in 1. partim in 3. lib. sententiarum, atq; etiam D. Thomam quæst. 29. de verit. atq; artic. 3. ad 3. & 3. part. quæst. 7. artic. 11. & Henric. quodlib. 5. quæst. 12. sed neque id asserunt (vt eos consulenti facile constabit) quia non loquuntur de potentia passiuâ naturali, qualis est materia, vel subiectum, in quo recipiuntur accidentia ordinis naturalis, sed expresse de potentia passiuâ, seu capacitate animæ ad recipiendam gratiam, de qua constat, non esse naturalem, sed obedientialem. Et adhuc de ista solum vniuersæ affirmant esse finitam, nullum alium terminum magnitudinis intrinsecum, nec extrinsecum in particulari ei præscribentes. Quare nec pro hac sententia asserri possunt, quæ solum de potentia passiuâ naturali loquuntur (sicut neque Gabriel, nec Almainus pro opposita) quia eodem modo loquuntur de sola potentia obedientiali, sed nec excellentioribus quisquam pro ea parte potest citari, quia nemo de terminis specialibus eius disserit: nihilominus vt probabiliorẽ eam amplectimur. Et quantum ad priorem partem de termino magnitudinis intrinsecò potentiz passiuæ naturalis, secundum se consideratæ probamus primo, quia potentia passiuâ materiæ, vel subiecti, per quam accidentales formas recipit, realis est, & positua, vt genus causæ materialis, quod recipiendo exercet, etiam est reale, eadem quoque potentia pertinet ad eius essentiam realem, & posituam, est eadem eius entitas realis: sed quæcunque realis entitas creaturæ, quæcunque essentia creata determinatam habet perfectionem, hoc est, tantam, & non maiore, quod est, termino magnitudinis intrinsecò esse diffi-

nitam; ergo potentia passiuâ in eadem essentia clausa erit etiam determinatæ perfectionis, ita vt tantæ intensiõis formam possit recipere, & non maioris, quod est intrinsecum terminum magnitudinis postulare. Secundo, quia materia, vel subiectum per propriam causalitatem materiale, quam exercet circa formas accidentales in se receptas, tribuit eis suo modo esse, ita vt ex ea educantur ab agente, & ex consequenti in eadem contineri dicantur, prius quam fiant: sed constat, vim causandi cuiuscunque causæ non excedere perfectionem propriæ naturæ, sed per eam mensurari: ergo vis causandi materiæ, mensuratur ex perfectione eius, quæ cum termino intrinsecò magnitudinis gaudeat, eodem quoque potetiam eius gaudere necesse est.

Ad primum argumentum maiori cõcessa, neganda est minor, quod nec subiecti alteri, neq; ab eo recipere actum, vel formam possulet ex se vllam limitationem, quia cū hoc proueniat extrinseca perfectione subiecti, termino magnitudinis intrinsecò litata, eodem modo limitatum esse debet: & quod additur, totum, & tantum posse subiectum recipere, quātam potest ei ab agente imprimi, distinguendum est: nam si de agere sibi naturaliter commensurato, ac proportionato intelligatur, verum est, sed quod ab hoc potest imprimi, limitatum est termino intrinsecò, vt constat ex dictis, ac proinde & potentia passiuâ naturalis: si vero de agente in tota sui latitudine plane falsum est, quia virtuti eius valde vniuersali non potest commensurari potentia passiuâ naturalis, ex propria conditione magis limitata.

Ad secundum neganda est etiam minor: nam conferre suo modo esse accidentibus, ea sustentare, immo in suo genere materialis causæ cõseruare, aliquod per-

fectionis importat, quamvis multis imperfectionibus permixtum & hoc sufficit, ut terminum magnitudinis intrinsecum postulet. Posterior vero pars negans eidem potentie passivæ naturali utrumque terminum paritatis intrinsecum, & extrinsecum, adeo manifesta est, ut nemo ab ea dissentire possit, quia evidens est, effectum minoris intensiois in infinitum posse subiectum recipere ab agente, quia minor intensio in infinitum nullum potest præstare impedimentum ei, quin facilius recipiatur, sicut nullum potest præstare impedimentum agenti, ut ab eo imprimatur eidem subiecto: & quod diximus de potentia passiva naturali secundum se, intelligendum est etiam de illa, ut respicit actiuam agentis sibi commensuratam: eadem enim quoad hoc est utriusque considerationis ratio, & si aliquo modo distinguatur formaliter.

Posterior pars de terminis potentie passivæ obedientialis.

Superest, agamus de potentia passiva obedientiali, quæ scilicet recipit actiuam agentis sibi non commensuratam, à qua etiam si non sit ex se nata perfici, potest tamen virtute extrinseca naturalis, aut supernaturalis ordinis, illi subijci, & illius effectum recipere. Et quantum ad terminos paritatis, omnes videntur tanquam certum statuere, quod nullum habeat, & ita absque dubio tenendum est, quia manifesta ratio id conuincit: nam sicut formæ omnes accidentales, quibus actuari potest, nullum terminum paritatis admittunt, sed quo remissiores in infinitum, eo facilius imprimi possent subiecto ab agente; ita subiectum i-

psum, vel materia semper potest remissorem gradum in infinitum recipere, quod est, nullum terminum paritatis postulare obedientalem potentiam, quoad intensioem effectus.

De solo igitur termino magnitudinis intrinseco, vel extrinseco controuersia potest producere, circa quam viderur esse prima opinio, tribuens ei terminum intrinsecum (qui est maximum quod sic) ita videntur sentire omnes illi scholastici, quos præcedenti citasse diximus Conimbricenses pro sententia de termino magnitudinis intrinseco potentie passivæ naturalis: non enim loquuntur de potentia passiva naturali subiecti, sed de obedientiali; nempe de potentia animæ ad recipiendam gratiam, & cætera dona supernaturalia. De hac vero loquentes affirmant finitam esse, & proinde aliquem terminum magnitudinis habere, sed specialius loqui videntur, Scotus in 3. disputatione 3. quæst. 4. §. ad primam quæstionem dico: Durandus ibidem quæstione 1. & Caietanus 3. par. quæstione 7. articulo 11. & 12. asserentes, gratiâ animæ Christi esse summam secundum intensioem, ita ut repugnet, dari aliam intensiorem, etiam per potentiam Dei absolutam; ex quo plane sequitur, non dari in subiecto, nempe in anima, potentiam passiuam obedientialem ad recipiendam intensiorem, cum non detur potentia respectu effectus impossibilis. Per tantam igitur intensioem, quam habet gratiâ animæ Christi, terminabitur potentia obedientialis animæ, tanquam per terminum magnitudinis intrinsecum, & consequenter potentia cuiuscunque alterius subiecti, cum eadem sit ratio de omnibus: quod efficaciter videtur probari hoc argumentum. Potentia passiva obedientialis est eadem entitas materiæ, vel subiecti, ac potentia naturalis, cum constet per

eandem suam entitatem recipere omnes formas, & quamvis poneretur, potentia passivam naturalem, esse qualitatem naturalem superadditam essentiae materiae, vel subiecti, necessario sciendum esset per eandem illam potentiam recipere omnes formas accidentales, à quolibet agente impressas ei, quia non est intelligibile, addi novam aliam potentiam realem subiecto, ex eo quo superiori agenti subijciatur pro forma, vel actu ab eo recipiendo; sed potentia naturalis postulat terminum, magnitudinis intrinsecum (ut superius probavimus) ergo eandem postulat necessario, potentia obedientialis.

Secunda opinio non cedit, potentiae obedientiali terminum intrinsecum magnitudinis quoad intensiorem effectus, sed extrinsecum tantum. Ita sentiunt Patres Conimbricenses l. libro de coelo ca. 11. quaest. 4. art. 2. & videtur mihi non solum probabilior sed vera. Quam efficaciter probo, quantum ad terminum intrinsecum magnitudinis hac ratione. Omnis potentia passiva correspondet alicui potentiae actiuae, ita ut effectum tantae intensiōis possit recipere, quanta intensiōis potest produci à potentia sibi correspondente, & ideo de potentia naturali diximus terminari intrinsece quoad magnitudinem effectus, quia actiua naturalis terminatur hoc termino: sed potentia actiua, cui correspondet obedientialis, non admittit intrinsecum terminum magnitudinis, quoad intensiōnem effectus, sed dato quocunque effectu cuiuscunque intensiōis, potest intensiorem in infinitum producere: ergo nec potentia obedientialis subiecti cum admittere poterit, sed recepto quocunque effectu cuiuscunque intensiōis poterit intensiorem recipere ab eodem agente, cui subijciatur, gratia exempli

quamvis in aqua non detur potentia naturalis nisi ad recipiendum calorem, ut octo, quem potest naturaliter ei imprimere ignis, nihilominus à potentia infinita, & absoluta Dei, respectu cuius non dicitur naturalis, sed obedientialis, intensiorem potest in infinitum recipere, sicut Deus ipse potest dato quocunque calore intensiorem in infinitum producere.

Quantum ad secundum de termino extrinseco magnitudinis obedientialis potentiae, satis est per se manifestum dari, quia licet nullum gradum determinatum, seu finitum possimus assignare, quem non possit attingere potentia obedientialis, non tamen potest esse actu infinita, neque effectum actu infinitum, quoad intensiōnem recipere, supposito, quod nec per potentiam Dei absolutam produci potest vllum infinitum, ut 3. lib. Physicorum ostendimus. Habebit ergo, ut minimum pro extrinseco termino infinitum actu, ita ut verum sit dicere, subiectum in ratione subiecti, & per potentiam obedientialem, necesse actu infinitum, nec posse recipere formam, vel qualitatem actu infinitam, quoad intensiōnem, bene tamen quamlibet finitam.

APPENDIX DVBIVM.

An potentia passiva obedientialis aliquid addat supra naturalem.

Argumentum pro priori sententia oppositum excitat propositum dubium: An potentia passiva obedientialis subiecti aliquid addat supra naturalem, & quid illud sit. Cui respondent Patres. Conimbricenses, nullam quidem rem addere, sed modum quandam accidentalem, respectu formarum accidentalium recipiendarum. Hunc autem modum

non esse aliud, quam id, per quod propriam causalitatem materiale[m] exerceat dum tales formas recipit. Itaque obedientialis potentia est naturalis ipsa (hoc est entitas subiecti) pro ut stat sub tali modo, per quem exerceat causalitatem propriam, circa formas, quas recipit ab agente superiori. Ex quo inferunt (ut clarius rem explicent) quod cum Deus efficit, ut subiectum vltra naturalem suam potentiam aliquod accidens recipiat, ampliet capacitatem, seu potentiam eius per talem modum.

Modus tamen iste videtur mihi non necessarius, sed impossibilis. Ostendo primo, quia in potentia passiva naturali subiecti, vel materiz nihil inuenimus præter naturalem capacitatem eius, & respectum ad potentiam actiuam agentis naturalis, quibus solis præsuppositis, sufficere potest idem agens naturale educere formam ex eadem potentia, atque etiam subiectum recipere actionem eius educibilem, & per eam præstare proprium concursum materiale[m] ad eandem educationem, atque impressionem formæ, nec vllus vnquam (præter hæc) aliquem nouum modum ab agente productum circa idem subiectum excogitauit: ergo sufficere ad potentiam obedientialem subiecti, vel materiz, capacitas naturalis eius cum respectu ad superius agens, qui per eandem capacitatem subditur. Quibus solis præsuppositis sufficienter potest recipere actionem eiusdem agentis, & per eam sic receptam præstare proprium concursum materiale[m] ad educationem, & receptionem formæ per eandem actionem ab eodem agente producendam: Quare sufficienter hæc ad potentiam obedientialem, & superuacaneus erit quicumque alius modus superadditus eidem subiecto; quod constat in infusione gratiæ habitualis paruulorum

per baptismum, & quam Deus infundere potest adultis dormientibus, ad quam nullus cū fundamento requisitū modū aliquem superadditum præter actionem Dei producentis, & capacitatem naturalem animæ respicientem actionem supernaturalem Dei.

Probat[ur] secundum, quod talis modus sit impossibilis: primo, quia concursus agentis, atque eius actio, per quam perducit formam in subiecto, vel eam educit de potentia eius, præsupponit potentiam actiuam eius omnino completam, ita ut nullo alio indigeat, ut sit principium eiusdem actionis, ac effectus producendi circa subiectum: ergo præsupponit etiam potentiam passiuam subiecti naturalem, vel obedientialem, iuxta exigentiam eiusdem actionis, ac formæ producendæ, ab agente medio concursu passiuo eiusdem subiecti. Ergo impossibile est, modū aliquem produci in subiecto necessariū ex parte eius ad potentiam obedientialem, & ideo frustra superadditur. Confirmatur, quia omnes causæ conuenientes ad actionem, & effectum, sufficienter constitutæ in actu primo, sunt priores natura, actione, atque effectu: ergo impossibile est, per eandem actionem produci aliquid necessarium ad constituendum sufficienter in actu primo aliquam ex prædictis causis, inter quas constat enumerari materiale[m]: sed nec talis modus potest produci per aliam actionem, præstanti natura, aut tempore priorem; nam talis modus, cum non creatur, sit dependens à subiecto: ergo præstante subiecto proprium concursum materiale[m], & exerce[n]te propriam causalitatem materiale[m] cum cæteris causis: ergo præsupponuntur omnes prius natura sufficienter constitutæ in actu primo respectu eiusdem actionis, ac modi per eas producti; & consequenter, subiectum ipsum sufficere

eater in potentia obedienciali, per quam constituitur causa materialis in actu primo, respectu talis actionis, atque effectus: nam ad productionem talis modi, cum non foret naturalis, sed superioris ordinis, non potest concurrere idem subiectum per solam potentiam passivam naturalem. Quare repugnat, talem modum constituere potentiam obediencialem, vel necessarium esse ad illam constituendam; alias ad hunc modum recipiendum, praequeretur alius in materia, vel subiecto, & ad illud alter in infinitum, unde fit, ampliatio illam potentiae per modum superadditum, & fictitium, & impossibilem esse, cum sufficiens constituitur potentia obediencialis per capacitatem naturalem subiecti, cum ordine ad agens superioris ordinis, quae nec contrahi, nec ampliari potest.

Nostra igitur sententia est potentiam obediencialem, nec modum aliquem, nec quidquam aliud addere, praeter entitatem subiecti, vel materiae, aut praeter potentiam passivam naturalem eius, nisi solum respectum ad superiorem potentiam actiuam agentis superioris, cui subijcitur. Quam probo, ex impugnatione prioris sententiae, quia nihil aliud ex cogitari posset, quod potentia obediencialis adderet, praeter illum modum, quem efficaciter probauimus superfluum, atque impossibilem: ergo fatendum est, nihil omnino addere, in eodem subiecto productum. Probatur antecedens, quia euidentius est, non addere entitatem aliam cum in eadem, & per eandem entitatem subiecti recipiantur omnes formae: solum ergo superesse potest respectus ad superius agens, à quo constituitur in ratione potentiae obediencialis. Probatur secundo, quia potentiae omnes distinguuntur per proprios actus, ut Aristoteles docet 2. libro de anima cap. 3. ergo po-

tentia passiva sumit speciem ab actu, quem potest recipere ab agente, qui si sit ei naturaliter commensuratus, aut proportionatus, erit ei naturalis, & comparatione eius dicitur naturalis potentia: si vero non sit ei proportionatus, sed ordinis superioris, quem ideo non naturaliter respicit, sed in quantum subijci potest eidem agenti superiori, dicitur potentia obediencialis, & ita praeter entitatem propriam, & naturalem solum addit potentia obediencialis respectum ad talem actum, talemque virtutem agentem, cui subijci potest. Et ecce tibi eandem entitatem subiecti, vel materiae in duplicem potentiam specie distinctam, per diuersum respectum ad agens sibi commenturatum, seu proportionatum, vel superius, cui subijci potest, à quibus reduci potest in actum, & sub prioris respectu naturalis vocatur; sub posteriori vero obediencialis, neque aliquid aliud superadditum fingere oportet ad constituendam potentiam obediencialem.

QVAESTIO V.

An qualitates secundum propriam rationem possulent terminos intensi-

nis, & extensi-
onis.

DE qualitatibus terminis, ut sunt actiuarum potentiarum, hucusque differuimus, superest vero de eisdem agere secundum propriam rationem qualitatium, quae quidem vniuersalior est ratione potentiarum: nam plures dantur qualitates non actiuarum actione naturali, & physica, ut sunt albedo, & nigredo, &c. ex qualitatibus vero aliarum sunt corporearum, aliarum spiritalium,

M 2 natu-

naturales aliquæ, & aliquæ supernaturales, penes ordinem ad agens naturales vel supernaturale.

De his igitur omnibus qualitatibus, & secundum omnes considerationes, atque etiam in ordine ad omnes potentias suo ordine differemus.

De terminis qualitatum corporearum secundum intensiorem in ordine ad potentiam naturalium agentium.

Duplicem terminum harum qualitatum considerare possumus, videlicet, magnitudinis & paritatis. Et circa terminum paritatis, tenet prima opinio, intrinsecum concedendum esse qualitatibus naturalibus corporeis, via generationis, ita ut detur primus gradus intensiorem aut prima pars gradualis per alterationem producta, sub minori vero intensiorem produci non possit in subiecto naturaliter: sic sentiunt commentator octo librorum Physicorum, commentario 23. Scotus in 2. distinct. 2. quæst. 9. in solutione argumentorum, Gregor. in 1. distinct. 17. quæst. 1. art. 3. Capreolus, 16. quæst. 2. art. 2. & in 2. distinct. 12. quæst. unica, art. 1. Soncin. 8. libro Metaphysicæ, quæst. 23. ubi pro eadem sententia refert D. Thomam, Aegidium, 1. libro de ortu & interitu, quæst. 25. Iandunum, 6. libro Physicorum, quæst. 15. Hanc tandem sequitur Pater Toletus, 1. lib. de generatione, quæst. 6. sic eam explicans, ut successivam alterationem, per quam qualitates intenduntur, præcedat semper, & necessario huiusmodi alia instantanea, primum gradum producens, à quo successiva (quæ proprie motus est) incipiens continuam eiusdem qualitatis intensiorem profequitur. Soncin. vero alia via eam defendens concedit, motum alterationis habere primum esse, & qualita-

tem per eum acquisitam primum gradum remissam, primo productum, à quo eius intensio successiva post primum acquisitum esse incipiat, probatque ex Aristotele 8. Physicorum, textu 69. ubi univèrse docet cuiuslibet rei permanentis dari primum esse in instanti productum, sed qualitates sunt res permanentes; ergo habent primum esse suæ productionis in subiecto, atque adeo primam partem, seu primum gradum, qui sit minimum quod sit intensiorem, quia sub minori intensiorem neque produci naturaliter qualitas. Probat etiam ratione primo, quia dum corpus movetur à calore summo ad frigiditatem, ut si ignis frigeat ab aqua, illud caloris, quod incipit expelli ab eodem igne, desinit per primum non esse, cum notum sit, nihil divisibile posse desinere per ultimum esse: sed primum non esse expulsionis caloris, est primum esse introductionis frigoris, quia generatio unius contrarij & corruptio alterius, simul omnino sunt. Verum igitur erit, nunc primo non esse calorem, & ex consequenti nunc primo esse frigus, à quo expellitur, & immediate non fuisse, quare necesse erit, quod frigus habeat primum esse in subiecto, quod est, habere primum gradum productum. Secundò, quia si non datur primus gradus caloris in subiecto productus, qui sit calor remississimus, ita ut non sit dabilis remissior, sequitur quemlibet designatum quantumlibet remissum, posse in infinitum remitti. Probatur consequentia, quia remissio successiva est, & continua, vel ergo remittitur calor per partes æquales, aut per proportionales: non per æquales, quia daretur ultima; nam æquales sicut habet primam, ita habent ultimam. Talis ergo ultima esset remississima, cum ultra aliam remissio non procedat, quare sicut datur ex parte

parte finis in alteratione vltima pars remissiva, sic daretur necessario prima ex parte principii, quod est intentum eiusdem sententiae. Est igitur remissio per partes proportionales, & istae sunt actu infinitae, non habentes vltimam: ergo remissio procedit in infinitum, nullum habens terminum, quod patet esse absurdum.

Secunda opinio communis inter recentiores Philosophos (nam antiqui nec verbum sermone de hac re protulerunt) opposita est, negans omnino, his qualitatibus terminum paruitatis intrinsecum, qui sit primus gradus productus, ita ut sub minori intensiōe produci nequeant, & solum eis concedens omnino extrinsecum, quod est opposita qualitas in summo gradu intensiōis in subiecto, cum qua in nullo gradu simul esse possit, bene tamen, cum qualibet minori intensiōe eius. Et haec videtur mihi non solum in doctrina Aristotelis necessaria, sed omnino vera, & in primis aduersus oppositam tam modo priori à Toletō explicatam, quam modo posteriori à Soncinatē probauimus 6. libro Physicorum, principiis Aristotelis, & veræ Philosophiæ aduersari, quod detur primum indiuisibile motus, quod sit mutatio instantanea, per quam producatur primum indiuisibile terminus, nempe prima praesentia adaequata, vel primum indiuisibile qualitatis: constat verò longè impossibilius esse dari primam partem productam eiusdem termini, siue per mutationem instantaneam (ut ponit Toletus) siue per primam partem motus (ut ponit Soncinas) ergo efficaciter satis probatum erit, ex illo non dari primam partem intensiōis qualitatis productam aduersus utramque sententiam. Quia euident est in principiis Aristotelis eodem libro expressis, non posse dari in motu pri-

mam moueri, hoc est, primam partem proportionalem, cum sit motus omni ex parte diuisibilis in infinitum, sicut cetera continua, sed nec primam partem aliquotam, in instanti faciam, propter intrinsecam successiōem motus, & ex consequenti, nec primam partem aliquotam termini in instanti productam, ut Soncinas posuit. Et si poneretur producta in tempore, non foret minus impossibile, quia cum motus commensuratur tempori, & terminus (dum sit) commensuratur utrique, repugnaret plane dari partem aliquotam motus, & termini in tempore, ac successiue productam, quin inmediate tempore priori daretur medietas partis motus, & medietas partis termini per eam producta: ex quo euidenter deduceretur, primum illum gradum remissum, quem Soncinas ponit pro minimo, non esse minimum, quod sic, nec partem illam motus primam, cum datur pars alia aliquota, utriusque minor, ac prius producta.

Sed probatur ratione nostra sententia aduersus utramque, quia euident est, quemlibet gradum caloris esse diuisibilem, secundum partes intensiōis, euident est etiam, habere contrarium eodem modo diuisibile, & tandem euident est, contrarium diuisibile non posse naturaliter simul expelli secundum suas partes, sed successiue, & in tempore, propter resistantiam contrarii, quam naturaliter repugnat, simul vincere contrarium limitatæ virtutis. Sed etiam est euident, omnes partes motus, & omnes gradus caloris esse eiusdem rationis, & ideo esse diuisibiles, & habere contrarium in eodem subiecto; ergo sicut est euident de ceteris, prater primum, non posse simul produci naturaliter; sed necessario successiue, hoc est, partem post partem, non minus erit euident de parte prima, seu

primo gradu termini (quem ponit Pater Toletus, simul produci per mutationem instantaneam) atque etiam de prima parte, aut gradu termini, (quem ponit Soncinas primo productum, tanquam minimum intensiōis per primam partem motus) repugnare, quod simul producat, quam de cæteris gradibus, vel partibus eiusdem caloris. Quare ita erit falsum, non esse aliquem gradum, primo productum simul, vel in instanti, ac esset falsum eundem ponere in medio, vel sine motus: non ergo potest his qualitatibus concedi terminus intrinsecus intensiōis, versus paruitatem, qui sit minimum quod sit.

Secundo idem probatur contra Soncinatem. Prima pars, seu primus gradus caloris est eiusdem rationis cum cæteris: ergo est entitas diuisibilis in partes integrantes, sicut illi. Quod conuincitur etiam ex eo, quod recipitur in subiecto diuisibili, habenteque partes. Ex quo in primis euidenter colligo, non posse produci sine extensione: & ex consequenti non habere generationem, quæ non sit simul extensio. Secundo, non minus euidenter elicio, eandem primam partem, vel gradum, non posse produci sine intensiōe, quia sicut entitas eius, partes subiecti distinctas informans, est diuisibilis, ita entitas eiusdem informans eandem partem subiecti diuisibilis est, quemadmodum entitas cuiuscunque alterius gradus informans eandem partem subiecti. Præterea eadem pars subiecti perfectius actuatur per entitatem totius gradus, qui simul produceretur, quæ per solam medietatem eius: ergo posterior medietas inagis perficit eandem partem, in qua veraque recipitur, quam sola prior: sed maior perfectio caloris, circa eandem partem subiecti, est intensio eiusdem caloris: ergo impossibile est produci pri-

mum gradum sine intensiōe, sicut impossibile est, probatum est produci sine extensione.

Circa terminum vero magnitudinis, quoad intensiōem, ex dictis de termino intrinseco actiuarum potentiarum, aperte colligitur, has qualitates eundem terminum postulare, nempe tantam intensiōem, ut naturaliter non possint habere maiorem, ut calor, frigus, humor, & licet ras octo gradus, & pariter de cæteris, secundum proportionem, & exigentiam suæ naturæ, nam omnes ferme qualitates, præter primas, oriuntur ex variis earum permixtionibus: merito ergo sequuntur naturam earum, in modo, quo terminari postulant. Sed probatur hac ratione. Non possunt qualitates istæ naturaliter aliquam habere intensiōem præter eam, quam accipiunt, vel accipere possunt, ab agentibus naturalibus, in quorum virtutibus continentur, & a quibus naturæ sunt produci in subiectis, sed virtutes actiue, seu potentie eorundem agentium, postulant terminum magnitudinis intrinsecum, quo ad intensiōem suorum effectuum, ut diximus: ergo modo simili terminari postulant qualitates, qui sunt effectus.

De terminis tandem extensionis harum qualitarum, tam magnitudinis, quæ paruitatis, constat ex dictis, de terminis extensionis potentiarum actiuarum, scilicet, intrinseco terminum magnitudinis postulare, paruitatis vero nullum. Hinc enim plane colligitur, qualitates omnes corporeas (nam omnes producantur per actiuas potentias) eundem terminum magnitudinis postulare, nullumque postulare paruitatis: quia euidenter est, non plus se extendere; immo nec maiorem habere posse extensionem naturaliter ea, quam ab agentibus naturalibus, eorūque virtutibus possunt susci-

pere.

pere. Quod vero attinet ad potentiam Dei absolutam innox attingemus.

*Quosnam terminos possident qualitates,
quoad intensiorem & extensionem,
ut sint dispositiones formæ
substantialis.*

Dispositiones formarum duplices sunt, quædam præcedentes, aliz comitantes, vel consequentes formam iam introductam. De utrisque vero nullum recipere potui disputantem, ideo diuersas opiniones non refero, sed propriam tribus assertionibus profero, quantum ad intensiorem: quarum prior sit de termino magnitudinis priorum dispositionum. Qualitas, ut est dispositio præcedens introductionem formæ, præparans materiam pro expulsiõe formæ præcedentis, & introductione sequentis, non habet intrinsecum terminum, versus maximum, sed extrinsecum dumtaxat. Probatur prior pars de termino intrinseco hoc argumento: Ut generetur ignis ex ligno, vel ex qualibet alia materia, euidentis est, non requiri ad expulsiõnem formæ præcedentis calorem in summo gradu intensiõnis, nempe ut octo, sed in minori gradu sufficeret: quia præcedens forma nequit esse in materia cum tali dispositione, ut per se est manifestum. Vnde sequitur, nec talem dispositionem summæ intensiõis esse necessariam, ad introductionem formæ sequentis, cum introductio naturaliter fiat simul cum expulsiõe, alioqui permaneret materia sine vlla forma, vel subiectum sine utroque accidenti contrarij: sed dispositio sufficiens ad expulsiõnem non habet terminum intrinsecum, sed extrinsecum tantum: ergo nec dispositio sufficiens ad introductionem intrinsecum terminum habet. Probatur minor, quia sufficiens

dispositio pro expulsiõe, vel recipitur in ligno, tanquam in proprio subiecto, vel in materia eius habente adhuc formam ligni: enim potest præparare materiam nudam omni forma, cum hæc non possit naturaliter dari, nec potest actum disponere ad expulsiõnem formæ, iam non existentis, sed iam expulsiæ. Unde sequitur eum calorem, qui est cum forma ignis in materia, non instanti, vel tempore suæ introductionis non esse dispositionem expellentem, neque introducentem, sed eam, quæ reperitur in ligno, tempore immediate præcedenti: hoc enim expellit formam ligni, hæc præparat materiam pro introductione formæ ignis, quæ non potest esse determinata, termino intrinseco: sed sicut tempus immediatum indeterminatum est, ita calor in eo productus indeterminatus est, quia non habet determinatum gradum, sed solum potest determinari termino extrinseco, ita ut verum sit, non peririgere illum gradum intensiõnis, quem habet, iam existens cum forma ignis in prima sui introductione, sed bene quem libet minorem. Talis igitur gradus erit extrinsecus terminus sufficiens dispositionis ad expulsiõnem formæ præcedentis, & introductionem sequentis, & intrinseco carebit. Et argumentum hoc efficacius procedit præsupposita opinione de subiecto ad æquato accidentium (quam sequimur) nempe quod sit compositum, & non materia, nam compositum præsertim in uiuentibus desinit per primum non esse, & consequenter vltima dispositio pro expulsiõe formæ, ita ut sicut est verum dicere, nunc non est compositum, & immediate prius fuit, ita sit verum dicere, nunc non est vltima dispositio expellens, & immediate prius fuit, sed tempus immediate præcedens est indeterminatum, ergo dispositio

dispositio in eodem tempore existens indeterminata esse debet, cum in eo producat. Quare verum erit non habuisse gradum determinatum, sed illum non attingisse, bene tamen quamlibet intensiorem eo minorem.

Ex hac assertionem inferitur secunda pars, nempe ultimam dispositionem pro introductione formæ habere terminum extrinsecum, nempe illum gradum, quæ forma præcedens non comparatur secum, sed iam est in eadē materia habente formam sequentem.

Assertio secunda de termino magnitudinis dispositionum concomitantiū, aut subsequentiū formam, affirmat, intrinsecum esse eis concedendum necessario, quam sic probat. Dispositiones illæ consequuntur naturam formarum substantialium, tanquam eis debita, ut calor luminis intensiōis naturalis, nempe ut oīo, respectu ignis; ergo sicut natura formarum substantialium est tantæ perfectionis, & non maioris, sic postulat dispositionem tantæ perfectionis, vel intensiōis, & non maioris, quod est eam postulare intrinsece terminatā termino magnitudinis.

De termino vero paruitatis earundē qualitātū est tertia assertio; nullo termino paruitatis definiri præcedentes dispositiones, sed quolibet gradu intensiōis designato prius sub minori in infinitū producti potuisse talem qualitatem. Probatur hoc argumento: Qualitates istæ secundum propriam naturam consideratæ pullum terminum paruitatis postulant, ut superius probatum est; sed quolibet intensiōe designata sub minori etiam quacunque disponere possunt: ergo non petunt intrinsecum terminū paruitatis. Probatur minor, quia data quacunque forma postulante dispositionem tantæ intensiōis, potest dari alia, & alia in infi-

nitiū, postulante dispositiones minoris, ac minoris intensiōis; ergo non potest habere terminum intrinsecum paruitatis.

De terminis earundem qualitatum, quoad extensionem.

Superest terminos extensionis præscindere eisdem qualitativis, ut dispositionibus, quoad extensionem.

Et quantum ad terminum paruitatis pertinet, tenet prima opinio, intrinsecum postulare, qui est minimum quod sic, ita ut dispositiones, quas quæque forma ad sui introductionem petit, non possint suscipi in quantitateconque parva quantitate subiecti, sed determinata certa. Pro qua opinione referunt Patres Conimbricenses Capreolum, & Sonecinatē, cum cæteris nuper citatis: Sed talis sententia apud eos (quamvis diligenter consultos) reperire non potui, loquuntur enim de solis terminis intensiōis: cæterum à quocunque teneatur, hoc argumento probari potest. Ex ordine ad finem accipitur modus intensiōis, atque extensionis formarum, sed qualitatum finis est substantia, ad cuius generationem disponunt materiam; ergo, quantam substantialis forma postulat erit magnitudinem in materia, pro sui introductione tantam postulantur qualitates dispositæ: res pro extensione: ubi enim forma introducti non potest, nec dispositiones recipi poterunt, sed substantia petit minimum magnitudinem ad primam generationem: ita ut sub minori nequeat generari: ergo eodem tenentio definitur extensio qualitativum, qui sit minimum quod sit.

Vera tamē sententia est, qualitates, ut sunt dispositiones formarum substantialium non petere intrinsecum terminum magnitudinis, nec paruitatis, quoad exten-

extensionem. Probatur simul utraque pars hoc argumento: Signata qualibet magnitudine, ad quam informandum potest se extendere quæcunque forma substantialis, vel quam postulet pro minimo quod sic suæ introductionis potest designari maior in infinitum, ad quam possit se extendere alia forma substantialis, atque etiam signata minori, cum qua possit introduci in materia, potest designari alia minor in infinitum, cum qua possit introduci alia forma substantialis, sed potest utrumque mediis dispositionibus, quia sine illis non valet informare materiam, nec in ea introduci naturaliter (ut per se est manifestum) ergo dispositiones non petunt intrinsecum terminum magnitudinis, nec paruitatis suæ extensionis. Probatur minor exemplo ignis, cuius forma potest informare quamcunque materiam, quantumlibet magnam in infinitum (ut ex Aristotele attulimus 1. lib. Physicorum, agentes de terminis magnitudinis, & paruitatis) potest etiam introduci sub qualibet minori in infinitum (ut ibidem ostendimus) ergo calor, siccitas, raritas eius, cæteræque qualitates, quas pro dispositionibus postulat, in materia, nec petunt terminum magnitudinis, nec paruitatis suæ extensionis intrinsecum.

Argumentum vero oppositum nobis fauet, dispositiones enim ad formas ordinantur, ex quibus constat, terminari aliquas termino intrinseco, alias vero nullum terminum intrinsecum petere, sed extrinsecum dumtaxat, videlicet infinitum pro maximo, & indubitable pro minimo, & ideo censendum est, nullum terminum intrinsecum extensionis petere dispositiones, quia pro utriusque indifferenter disponere possunt, ita ut eadem, quæ disponunt pro forma postulata intrinsecum, possint etiam disponere

pro non postulante, nisi extrinseco.

De terminis qualitatum naturalium, secundum potentiam Dei absolutam.

337

Sicut in 1. distinctione e 4. §. ad primam questionem dico, sentire videtur qualitates naturales ita postulare intrinsecum terminum magnitudinis, ut nec per potentiam Dei absolutam eum superare valeant. Quod hac ratione probari potest. Summum vocatur illud, in quolibet rerum genere, cui nihil in eo addi potest; sed calor ut octo, quem habet ignis, summum esse sentiunt omnes, & pariter summam intensionem aliarum qualitatum, sentiunt esse octo gradus: ergo nec per potentiam Dei absolutam dari potest maior. Probatur consequentia, quia eo ipso, quod maior dabilis foret, hæc non esset summa.

Veritas nihilominus huius rei est, respectu potentie Dei absolutæ, non esse præscribendum terminum intrinsecum magnitudinis, nec paruitatis secundum intensionem, vel extensionem qualitativis naturalibus. Quam in primis de terminis magnitudinis elicio, ex D. Tho. 2. 2. q. 24. art. 7. de charitate, cæterisq; qualitativis supernaturalibus decernit, nullo intensionis termino definiri; sed in infinitum crescere posse: ergo longe melius id sentiet de qualitativis naturalibus: nam cum supernaturales sint participationes immediatæ diuini esse supernaturalis, difficilius existimaret Doctor sanctus, quod in infinitum abire posset earum perfectio intensiva, ut mox videbimus. Sed probatur ratione, primo, quia intensio non pertinet ad essentiam qualitatis, neq; ab ea emanat tanquam passio, vel proprietas, sed ab extrinseco agente ei provenit: ergo licet essentia eiusdem qualitatis limitata perfectione habeat, ex consequentia

creaturæ rationalis ad Deum, ea, si quam habet humanitas Christi, & consequenter eius anima, cum sit vnio personalis cū diuino Verbo, ad quam ordinatur habitualis gratia eius; quare in ordine ad finem repugnat dari maiorem gratiam, & ex consequenti erit maximū quod sic, sub hac consideratione. Controuerſia igitur ad posteriorem considerationē renocatur, & sensus eius est: an considerata gratia secundum se, hoc est, abſtrahendo à sine habeat terminū, quoad intensiōem, & quidem secundum legem à Deo constitutam, & ordinatā in rebus supernaturalibus, conuenit etiam inter omnes, dari gratiā tā intensā, quā non possit intensior dari secundū communem legem: ita D. Thom. ibid. ar. 3. & cū eo omnes interpretes, immo omnes scholastici.

Questio igitur solū potest procedere de gratia secundū se, & secundum potentiam Dei absolutā, in quo sensu ei ac cæteris qualitatibus supernaturalibus, intrinsecum præscribuntur terminū magnitudinis, quoad intensiōem.

Scotus in 2. dist. 13. q. 4. §. ad primam questionem dico, Durandus ibid. qu. 1. Catechismus 1. par. qu. 7. ar. 11. & 13. asserunt, gratiam animæ Christi, & consequenter cætera eius dona, esse summā, quoad intensiōem, ita vt repugnet amplius intendi, aut fieri aliam intensiōem, etiam per potentiam Dei absolutam, Probat Scotus duplici argumento: primo si designetur infima gratia secundū intensiōem, & hæc intendatur, quantum possibile est, tunc queritur, an aliquem statum habitura sit eius intensio, vel nullum, sed in infinitum processura: si statum admiseris, erit iam summa eius intensio, iuxta eundem statum, cum non possit vltra procedere, & per illum gradum, quem attingit, terminabitur, tanquam per maximū, quod sic: si vero statum habituram esse

negaueris, sequitur per uenturam esse ad perfectionem actū infinitam creaturæ repugnantem. Probat per consequens, quia quo plus intenditur, plus perficitur, si ergo ad intensiōem actū infinitam peruenire potest, ergo ad perfectionem actū infinitam.

Secundo, quia in rebus permanentibus, quantum est de virtute, seu potentia, tantum est de actū, vt docet plane Aristoteles 3. lib. text. 69. si ergo potentiam actiuam Dei, & passiuam subiecti, qualitates istarū in infinitum perfici possunt per viā intensiōis, poterant talem perfectionem ab agente suscipere & in subiecto habere. Probat per consequens, quia si Deus potest animam in infinitum perficere per successiuam intensiōem, poterit gratiam infinite perfectam vnico actū creare, eisdemque animæ insundere, sed gratiam esse actū infinitam inuoluit contradictionem: ergo falsum est, quod eius intensio possit producere in infinitum, per potentiam Dei absolutam. Et vrgeri potest argumentū hoc modo: forma, quæ imprimitur subiecto, vel ei infunditur, non potest perfici, vel intendi, nisi secundum capacitatem subiecti, quæ si limitata probatur, conclusum erit, quod terminum intensiōis intrinsecum habeat ipsamet forma: sed capacitas, seu potentia animæ, in qua recipiuntur supernaturales qualitates, non est infinita, sed ad certū gradum perfectionis limitata, sicut essentia eiusdem animæ, à qua oritur, vel cui identificatur, ergo intensio earundē qualitatū terminum habebit intrinsecū, quem excedere non valebit.

Tertio arguit Duran. Caiet. si gratia nō haberet terminum magnitudinis, seu intensiōis intrinsecum, sed qualibet designata gratia, quantumcunque intensa intensior alia effici posset, sequeretur, gratiam animæ Christi non esse summā sed alteram

num negandum est, inenfionem qualitatibus respectu potentie absolutae Dei, vltimum habere statum, vltra quem non possit procedere. Negandū insuper est, quod Scotus intulit, nempe in finitatem actus futuram esse inenfionem, neque sequitur, quod si aliquid magis, ac magis in infinitum perficiatur, ad perfectionem actus infinitam aliquando peruenitur sit, immo nec perueniri posse, sed hoc solum inferri ex eo potest, quod perfectio quā assequi valet, non definitur termino intransileco, vt constat de diuisionibus continui.

Neque secundum argumentum probat intentum, quia licet admittamus, tantum posse subiectum recipere ab agente, quantum potest agens producere, non sequitur, recepturū aliquando effectum actui infinitum, quia neque produci potest ab agente; totum enim, quod potest producere, ad extra agens infinite virtutis, non potest simul vltimo modo procedere, ita vt nihil super sit ab eo produendum, quia totum, quod potest, non est determinatum, vt in diuisionibus continui videmus, ex eo enim, quod non sunt determinatæ omnes diuisiones continui, quas Deus efficere potest, euidenter sequitur, quod nec simul, nec successiue possit efficere omnes possibiles, sed quibuscunque factis, semper supererant infinite efficiendæ, quia quod efficiendum est, determinatum esse debet: falsum igitur est, quod Scotus intulit, videlicet posse Deum simul infundere omnem gratiam à se producibilem animæ, quia intentio possibilis indeterminata est, & propterea impossibile est, totam simul produci, vel aliquando fore productam. Producibile ergo à Deo sub esse permanente solum est infinitum in potentia.

Argumentum denique Durandi, &

Caretani, hac dist. à D. Thoma infinuatur, 3. par. q. 7. art. 12. soluitur. Gratia habitualis Christi dupliciter consideranda est, primo, in ordine ad effectus, & officia gratiæ, quæ habet in illa persona, & sic vocatur à D. Thoma infinita, & merito, quia habet virtutem omnes effectus gratiæ possibiles præstandos; secundo in quantum est qualitas quædam, & habitus supernaturalis eiusdem rationis cū quolibet alio habitu gratiæ cuiusq; hominis, habensque latitudinem gradualem intentionis, sicut habent ceteri habitus gratiæ, & effectum formalem similem, nempe efficere animam illam sanctissimam Deo gratam, sicut quæcumque alia gratia cuiuscunque hominis, & hoc modo considerata gratia Christi finita est, sicut ceteræ, & finito modo efficit animum eius Deo gratam, & augeri potest, vel intendi in infinitum sicut illa, immo possibile est per potentiam Dei absolutam fieri aliam gratiam, atque alias intentiones, & in hoc genere perfectiores, & si fierent, daretur absque dubio aliquid maius, & melius (sub eadem consideratione particulari) quam sit gratia habitualis Christi, quod (absq; dubio) non est reformidandum concedere, quia illud expresse concedit D. Thomas loco proxime citato ad secundum, hisce verbis: *Dicendum, quod virtus diuina, licet possit facere aliquid maius, & melius, quam sit habitualis gratia Christi, non tamen posset facere, quod ordinaretur ad aliquid maius, & melius, quam sit unio personalis ad Filium unigenitum à Patre.*

Est ergo gratia summa in priori consideratione, non in posteriori comparatione absolutæ potentie Dei.

APPENDIX DVBIUM.

An potentia obedientialis animæ ad recipiendam gratiam, & dona supernaturalia, sit infinita.

QUAMVIS de potentia obedientiali animæ in particulari scilicet cui dubium, de potentia etiam obedientiali cuiuscunque subiecti intelligi debet, quia eadē est ratio de omnib⁹; cū possit quodlibet subiectū formam magis, ac magis intensam in infinitū ab agente superiori recipere: nec solum querit, an sit infinita in potentia, quia hoc videtur apertum ex dictis, sed an sit actu infinita.

Et partem affirmantem, esse actu infinitam sic ostendo: posse recipere formam, vel actum, est perfectio aliqua in subiecto, cū sit concurrere ad esse eius, atque etiam ad conservationem: ergo posse recipere formam perfectiorem, aut intensiorem in infinitum, erit perfectio infinita, & actualis quidem, quia eam habet in se subiectam à principio, cum receptione formæ non augeatur capacitas subiecti, ut supra ostendimus: ergo est perfectio actu infinita. Et vrgeō argumentum hoc modo. Recipere formā alicuius intensioris est aliqua perfectio in subiecto: ergo recipere formā magis intensā, est maior perfectio, sed intensio, quam potest actu recipere caret termino intrinseco: ergo actualis perfectio eius eodem termino caret, eritque proinde actu infinita. Secundo, quia posse producere effectum, maioris, ac maioris perfectionis in infinitum arguit in agente perfectionem actu infinitam: nam ex hoc solo deducimus, Deum esse infinitæ perfectionis, quod daro quocunque effectū cuiuscunque perfectionis, potest perfectiorem in infinitum produ-

cere, quamvis pusemus infinitum actu efficere non posse: hoc vero idem reperitur in subiecto, quod recepto quocunque effectū ab agente superiori, potest intensiorem, ac perfectiorem recipere in infinitum: ergo par est ratio.

Et vrgeō præterea, quia potentia actiua, & passiua reciprocam habent correspondentiam: ergo tanta & non minor debet esse passiua obedientialis, quanta est actiua superioris agentis, cui correspondet. Probatur consequentia, quia quantum potest superius agens producere per potentiam actiuam, tantum potest recipere subiectum per passiua obedientialem; si igitur potentia actiua Dei actu infinita est, erit etiam actu infinita potentia passiua obedientialis subiecti, poteas recipere omnem formam cuiuscunque intensioris, quam Deus potest extra producere.

His tamen non obstantibus (tenendum est, potentiam obedientialem animæ ad recipiendam gratiam, & cuiuscunque alterius subiecti, vel materiæ, ad recipiendam formam superioris ordinis, siue secundum substantiam, siue secundum modum, finitam esse simpliciter, & solum per quandam denominationem extrinsecam, vocari posse infinitam secundum quid. Quod sic probo: subiecto per receptionem formæ superioris non additur noua potentia passiua, sed solum informatio, seu inhaesio eius, nec per receptionem perfectioris, aut intensioris formæ intenditur eadem potentia, nec additur ei nisi perfectior, seu intensior actuatio eiusdem potentie; ergo ex eo, quod possit recipere intensiorem formam in infinitum, non sequitur, quod potentia sit infinita actu, sed solum, quod perfectus in infinitum actuare possit. Constat vero actualem semper esse finitam, & actu infinitam esse non posse:

ergo nec potentia obedientialis, ex parte actuationis actus, quem recipit, infinita est simpliciter, sed solum dici potest infinita, secundum quid, & syncategorematicè, in quantum recepta quacunque intensione formæ, potest maiorem infinitum recipere; eodem fere modo, quo diuisio continui infinita vocatur in potentia. Secundo probatur quid per receptionem perfectioris, aut intensioris actus, non additur subiecto, vel materiæ vlla alia potentia obedientialis, neque vllus gradus eius, per quem augeatur: ergo in ratione potentie non fit maior, vel intensior, quare neque in ratione potentie potest esse vlllo modo infinita. Antecedens probatur, quia potentia obedientialis est eadem entitas realis cum naturali, & sola ratione formali ab ea distincta per ordinem ad diuersas potentias actiuas, vel diuersa agentia; sed potentia naturalis est eadem entitas materiz, vel subiecti, eademque eius substantia, quæ per receptionem formæ accidentalis, aut alius modi crescere non potest, aut maior fieri: ergo repugnat esse vlllo modo infinita in ratione potentie, sed solum ex parte actuationis potest habere aliquam rationem infinitam in potentia, & secundum quid, vt est expositum in prima ratione.

Et ex his patet ad argument. nã ad primum distinguendum est antecedens, quod posse recipere formam superioris ordinis, sit aliqua perfectio; est enim eadem ipsa perfectio, quam importat materia vel subiectum in sua entitate cum respectu ad potentiam actiuam superioris agentis, non est tamen perfectio alia superaddita; & cum additur esse maiorẽ perfectionem posse recipere perfectiorem, aut intensiorem, formam ab eodem agente, iterum distinguendum est, nam si per maiorem perfectionem

intelligatur maior potentia, vel aliquid potentie ei superadditum, negandum est, quia per receptionem actus, vel perfectiores actus, non fit potentia capacior, nec maior (vt probauimus) sed perfectius actuator, & ideo ex parte actus, vel actionis additur ei nonum aliud magis perfectum, sed hoc semper est finitum, & infinitum esse repugnat. Et propterea neque ex hac parte potentia obedientialis infinita est, nisi in quantum eadem prius, ac sine augmento permanens finita potest recipere à superiori agente perfectiorem formam ordinis in infinitum, quod est esse infinitum secundum quid, & quasi in potentia ex parte actus, vel actuationis, sicut diuisio continui.

Ad secundum, concessa maiori de infinito agente, neganda est minor, quod eadem sit ratio de materia, quia valde diuersa ratio est vtriusque causæ; nam virtus actiua continet in proprio esse, tanquam actus perfectissimus, formam cum tota eius intentione, ac perfectione, & propterea si data quacunque forma intensiore, potest eam plus in infinitum intendere, vel intensiorem aliam in infinitum producere, necesse est totam hanc perfectionem infinitam possibilem in proprio esse tanquam actum primum perfectissimum, ac modo perfectissimo continere formaliter vel eminenter, & ideo actu. Quod non valet in potentia passiuâ, quæ non influit aliter quam recipiendo. Quare non est opus hanc formam aut perfectionem eius aliter, quam vt explicatur est, in potentia passiuâ contineri: quod solum est materiam posse concurrere passiuè ad educationem earum, sua causalitate passiuâ, à qua quodammodo pendent in eodem genere materialis causæ, in esse & fieri. Patet ergo ex hoc modo continendi, & concurrenti, non sequi potentiam obe-

obedientialem esse infinitam, nisi secundum quid, modo explicato.

Ad aliud vero, quod tandem additur de correspondentia passivæ potentie obedientialis cum activa superioris agentis, concedendum est antecedens, quod sit reciproca, sed neganda est consequentia, quod sicut activa est infinita simpliciter, ita & passiva, cuius discriminis ratio ex perfectione potentie activæ, & maxima imperfectiōe passivæ desumenda est, ut explicemus. Potentia ergo activa actu & simpliciter secundum proprium esse infinita est, passiva verò nihil actu infinitum habere potest, sed solum in potentia: quia plus potest in infinitum recipere, & semper finitum est, quod actu recipit.

IN SECUNDVM LIBRVM

Aristotelis de Cælo, &
Mundo,

BREVE PROOEMIUM.

Natura, & ratione totius mundi explicata, cuius expositio consulari

quandam notitiam partium eius continet, doctrinæ ordo postulabat distinctam singularium partium explicationem, ex qua distincta etiam huius mundi cognitio resultat. At inter omnes mundi partes principem locum obtinere cælestia corpora, in aperto est; quare necesse fuit ea prius, quam cæteras partes explicare: quorum notitia ex tribus dependet, nimirum ex cognitione totius, quam magna ex parte ex motu eius, atque ex his, quæ motum concernunt, investigare voluit Aristoteles: nam res natura constantes per motum cognoscit Philosophus. Deinde ex notitia partium: partes vero cæli præcipuæ stellæ sunt, de quibus propterea disputationem instituit Aristoteles de eis docens: nempe, quæ sit earum natura, quis motus, quæ figura: & tandem cum motus circularis per centrum, circa quod versatur, cognoscendus sit, de terra, quasi de centro, circa quod voluntur cælestia corpora, dissendendum fuit: & ecce tibi tripartitam huius secundæ libri divisionem.

ARISTOTELIS STAGIRITAE, DE COELO ET MUNDO, LIBER SECVNDVS.

CAPVT I.

Textus Aristotelis.

Quod agitur atque factum sit vniuersum
celum, &c.

Breuis expositio textus.



Intendit Aristoteles in hoc capite, docere, quo modo moueatur cælum, sine vlla scilicet vi in oppositum renitente, & ideo sine vllō

labore sit perpetuus. Diuiditur in tres partes: in prima colligit ex dictis in præcedenti libro vniuersalem conclusionem; in secunda probat motum cæli esse quasi firrem omnium motuum subalternarium corporum, & sine vllō labore, aut difficultate perpetuum, & in tertia parte refert, & rejicit tres sententias præcorum Philosophorum, circa modum, quo idem motus cælorum fiat.

Principio igitur hanc conclusionem colligit ex præcedenti lib. cælum esse ingenitum, incorruptibile, immortale, ac sempiternum, principij ac finis expers: per quā non tam intendere videtur quod absque initio durationis sit (vt bene adnotat D. Th. in Commentarijs) sed quod neq; per generationem potuerit incipere, neque per corruptionem desinere, vt plures ex antiquioribus opinati sunt, & de sublunaribus corporibus communiter conceditur.

Asserit in secunda parte capitis, motū cœli esse quasi finem cæterorum omniū motuum sublunarium corporum, probatque hoc argumento: Quidquid continet aliud, habet rationem finis respectu eius: nam contentum ex propria ratione terminatur ad continens, quod est, ordinari ad illud, tanquam ad finem, sed motus circularis cœli continet omnes motus rectos elementorum, ac cæterorum corporum: ergo est finis eorum. Minorem probat, quia perfectum cuiuslibet generis continet imperfecta omnia eiusdem generis: sed omnes motus recti, in genere motuum, imperfecti sunt, cū habeant principium, & finem, & propterea perpetuos esse repugnet, solus vero motus circularis (vt pote principio, & fine carentis) ex propria ratione possit esse perpetuus: ergo verē eos continet, & quasi finis eorum est. Talis autem motus debebatur naturaliter corpori ex propria natura ingenito, atque incorruptibili, contrariioque carenti, & ideo naturaliter perpetuo, quale est cœlum, quod ex eadem radice habet, vt idem motus eius contrariio careat, & ex consequenti, quod sine vlla violentia fiat: nā violentia ex resistantia contrarij provenit; ex quo etiam fit, vt moueatur cœleste corpus sine vlllo labore, vel fatigatione sui mot^u.

Ex dictis rejicit Aristoteles in poste-

riori parte capitis tres sententias priscorum Philosophorum, quarū prima fuit poetica quedam fictios excoGITantium, Atlantem cœlum humeris sustensare, ne suo pondere ruat, quam Poetarū princeps 6. Aeneid. illo carmine tetigit de Atlante sic loquens:

Axom humero torquet, stellis fulgentibus aptū.

Quam alij in alium sensum accepisse eandem Atlantis fictionem, referat Dionysius Sicul. lib. 4. vt existimauerint, Atlantem fuisse Astrologia peritissimum, & hac de causa visus sit cælum suis humeris sustinere; sed de hoc, vt pote per metaphoram, asserit, non est habēda ratio. Illud vero falsum esse ex dictis in l. lib. constat, vbi probatum est ab Arist. & à nobis confirmatum, quod cælestia corpora grauitate, & leuitate, atque etiam omni pondere careant, quare nec fulciete, nec sustentante indigent. Et eadē ferme ratione probatur falsa sententia Empedoclis, qui cœlum naturalem habere grauitatem sentiens, aiebat, tanta celeritate circumuolui, vt ab eadem sustentetur, ne deorsum ruat. Eodem modo, quo hydria aqua plena, dum nimia velocitate in circulo voluitur, aquam, licet grauiorē, non effundit. Sed præter quam quod falsum ostensum est, cœlo tribuere grauitatem, gratis, ac sine pōdere rationis præsupponit positio hæc, solam motus velocitatem potuisse tot sæculorum ætatibus tam iugens pondus grauitatis deorsum intentis vincere. Quod non probat possibile exemplo hydriæ, vt cōsideranti facile patebit.

Tertia sententia fuit Platonis, qui in Timæo docuit, cælestes orbes animatos esse, & propria animarum vi contra inclinationem grauitatis detineri, ne deorsum ruant. Quam ex eo confutat Aristoteles, quia motus cælorum resistente propria grauitate maximo cum labore

ac defatigatione animarum fieret, quæ idæo non possent esse beatæ, vt cælestes mentes deceat, sed miserabiliores cunctis animantibus, in quibus nullum est, quod non interdum somno, aut laborum intermissione quiescat, foretque talis anima cœli Ixioni similis, quem fingunt Poetæ apud inferos ea poena cruciari, vt rotam perpetuo cum labore euoluat. Quæ omnia cum absurda sint, colligit Aristoteles, magis esse rationi naturali consentanea, propriam sententiam, æternitatem cælo, ac motui eius sine violentia tribuentem.

QVAESTIO I.

An cælestia corpora sint animata.

PRO parte affirmante placet in primis referre id quod de toto mundo senserunt Philosophi omnes, tam Græci, quam Aegyptij, Platone antiquiores, videlicet, anima præditum esse, & ideo velut magnum quoddam animal esse, & appellari debere: Eius positionis meminit, immo expresse sequutus fuit Plato in Cratylō Epimenide, sed quantum ad partes diuerso modo sensisse inueniuntur, ita vt quidam eorum, eadem anima totum & partes constare crediderint. Alij verò singulis corporibus cælestibus animas singulas applicatas esse, censebāt. Alij vniciue stellæ propriam atque distinctam, Alij demum ex eis intelligentem duntaxat animam cælestibus corporibus attribuebant. Alij vegetatricem simul cum ea, dicentes, sydera humoribus ali. Ita Cleanthes, teste Cicerone 2. libr. de Natura Deorum, & Plinius 2. libro Historiæ, cap. 8. & tandem Seneca 2. lib. naturalium questionum, cap. 5. æterique Stoici, Communis autem hæc sen-

tentia de anima mædi firmiter adeo horum Philosophorum animis adhæsit, vt Anaxagoram impietatis damnauerint, quod Solem ignitum lapidem, non verò animal, neque Deum esse protulerit, vt Laertius affirmat in vita eius, & Diuus Augustinus libro 18. de Ciuita. Dei, cap. 14. Orbes deinde animatos fecerunt: ex Hebræis Philo Iudæus & Rabi Moyses: Arabes etiam multi, vt Auicena, Algacellus, Alpharabius, & Albumasâr: ex Astrologis vero Ptolomæus, & complures alij. Quam etiam sententiam approbavit Origenes 7. libro Periarch. & 1. commentariorum in Ioannem. D. autem Augustin. 2. lib. super Genesim ad litteram, hanc eandem questionem disputans, inter vttramque eius partem hæsisse videtur: in posteriori loco asserens incertum sibi esse, an stellæ ad societatem beatorum pertineant, sed nec illud certum apud se habere, an ad earundem societatem pertineant Sol, & Luna, cunctaque sydera, quamuis nonnullis (inquit) lucida tantum corpora sine sensu & intelligentia videantur.

Pro confirmatione autem eius nō parum videntur facere complura, atque expressa testimonia Aristotelis, præsertim duo illa, quæ habentur 2. libro de cælo, cap. 13. vbi asserit, cœlum esse animatum, & habere in se principium motus, ac positionum differentias viuientium proprias, vt seorsum, deorsum, dextrum sinistrum, ante, & retro: libr. etiam Metaphysicæ 12. ca. 7. affirmat, primum mouens orbes cælestes, hoc est, Deum mouere, vt id quod cognoscitur, & appetitur ab eisdem videlicet orbibus motus, censeret igitur, eos habere intellectum, & appetitum, quibus eum cognoscant, ac diligant, & ex consequenti intelligentē animam, cuius sunt potestæ: & hanc fuisse eius mentem, magno est argumento, quod

34

quod D. Thomas 1. libro contra gentes, capite 7. id testatur. Deinde sacrarum litterarum verba, illa præsertim ex Psalm. 135. *Qui facit celos in intellectu*, id est, intellectu præditos, atque etiam illa ex Ecclesiaste 1. *In circuitu pergit spiritus, & in circulos suos reuertitur* Quæ non possunt de spiritu solum asistente, ac mouente intelligi, cum non pergat cum cælo ipso moto, atque cum eo circumuoluatur, sed in parte determinata cæli, quam mouet fixus perseveret: ergo necesse est de spiritu informante loqui, qui est anima. Quæ sensum eis tribuit D. Hieronymus in eorum Commentarijs, hæc verba scribens: *Sicut ipsum Solem spiritum nominauit, quod animæ spiritus, & vigeat, & annuus orbis cursus expleat, sicut quod Luna lucentem globum, Titaniaque astra spiritus insus alit, totamque insusa per artus mens agitat molem, &c.* Quibus toti mundo, & singulis non solum cælestibus corporibus, sed astris videtur animam concedere. Atque etiam Boetius 3. li. de consolatione philosophica, metro 9. inquit, Deum per animam mundi motus cælestium corporum administrare.

Sed probari etiam potest ratione: primo, quia herbarum plures, atque virgulta generantur, sine semine aliquo, immo & complura animalia (licet imperfecta) ex sola putri materia, sed veriusque vitæ horum, nempe vegetatiuæ, herbarum, & sensitiuæ, animalium, nulla potest assignari efficiens causa, à qua procedat, præter cælestia corpora, à quibus procedere nequit vita (si ea carent) vt per se est manifestum: ergo necesse est eis, vel mundo ipsi vitam concedere, & ex consequenti animam. Secundo repugnat totum esse deterius conditionis, quam partes eius: sed constat, plures partes mundi viuere, & diuersis animarum generibus præditas esse, nempe vegetariæ, sensitiuæ, & rationali: viuunt namque plantæ, viuunt animalia, viuunt homines: er-

go necesse est toti mundo vitam, animamque concedere, vel deterius pro proprijs partibus esse.

Vera autem sententia renet, nec mundum, nec cælestia corpora, habere animam à qua informantur: Quam sequuntur in primis ex Sanctis Patribus multi, D. Cyrillus 2. libro contra Iulianum, Ambrosius 2. libro Exameron cap. 4. Basilus homilia 3. Exameron, & super Psalmum 48. Lactantius, Hieronymus explicans verba illa Deuteronomij 32. *Audite celi, quæ loquor, &c.* super cap. 1. & 45. Isaie, & in Epistola ad Pammachium, & Auitem. Augustinus in libro de duabus animabus capit. 4. vbi ait, multatam propterea quod viuit, esse nobiliorem Sole, & libro 1. Retractionum cap. 7. vbi quæ de mundi animatione in libro de immortalitate scripserat, temere scripta fuisse affirmat, libro etiam 2. Retractionum capit. 7. quæ de cælestium corporum vita asseruerat, per tropum & figuram posse accipi docet, ducta videlicet translatione à re animata ad inanimatam. Damascenus 2. libr. fidei cap. 9. deinde Scholastici fere omnes, D. Thomas tribus præsertim locis, in quibus hanc eandem questionem ex professo discutit, nempe, in questione de spiritualibus creaturis, artic. 6. & 1. contra Gentes, cap. 73. 1. p. quæst. 70. art. 3. Alensis 1. part. quæst. 87. membr. 3. art. 4. Albertus Magnus, tract. de 4. coziis quæst. 4. art. 25. Bonauent. in 2. distin. 14. quæst. 2. in priori parte. distin. Durand. ibidem quæst. 2. distin. 9. quæst. vnica. artic. 1. Gabriel distin. 14. quæst. vnica, Ockam quæst. 12. Aegidius quæstion. 3. Argentina quæst. 1. artic. 1. Henricus artic. 2. Abulenſis in cap. 3. Exod. quæst. 47. Nicolaus de Lira in cap. 10. Ieremiz, Eugubinus in Psalm. 18. alijque complures, quibus addi potest ex antiquioribus Philosophis Anaxagoras supra relatus, & omnes

interpretes Aristotelis, præsertim recentiores: quare communis est in utraque Schola, Philosophica, ac Theologica.

Et eam tenuisse Aristotelem colligitur plane ex tribus principijs ab eo expressis: primum habetur 12. libro *Metaphysicæ*, text. 16. ubi hoc diferimen inter causam efficientem, & formalem designat, quod efficiens præexistit rei factæ, formalis vero præexistere nequit, sed naturaliter simul est cum re facta, vel constituta, sicut sanitas simul esse debet cum sano, & cum corpore animato anima. Cuius evidens ratio est, quia illud constituit tanquam forma dans ei esse, & ex alia parte in eodem libro, text. 43. docet, intelligentiam mouentem cælum esse eo priorem: ex quibus sequitur non posse apud Aristotelem vniri cælo tanquam formam, seu formalem causam, & ex consequenti cælum non esse animatum, ex mente eius. Secundum principium sumitur ex 8. li. *Physicorū*, text. 43. quod motor orbis cælestis vnitur toto orbi, per contactum in virtutis, sed vnio formæ cum materia, vel animæ cum corpore non est per contactum virtutis, sed per veram informationem, per quam anima tribuit esse corpori: ergo sentit Aristoteles intelligentiam motricem non esse veram formam cæli. Et vrgeri potest ex alio, quod text. 84. eiusdem libri, videlicet motore cæli in ea circumferentia parte existere, quæ rapidissimo motu circumuoluitur, sed forma vel anima debet esse in toto corpore, & singulis eius partibus; ergo putat Aristoteles, non esse intelligentiam veram formam cæli. Et certe si intelligentia simul moueret cælum, & illud informaret, euidenter sequeretur moueri cum illo, vt patet de anima mota cum corpore humano, quod informat. Ex hoc vero sequeretur, in

motibus cælorum non esse deueniendum ad motorem immobilem, vt 8. lib. *Physicorum* concludit Aristoteles. Tertium principium posuit 2. lib. *Physicorum*, text. 12. asserens eiusdem scientiæ esse, per se considerare materiam, & formam, ex quibus constat compositum, sed constat materiam cælorum per se considerari à Philosophia naturali, quæ tamē non considerat per se intelligentias, quia formæ separabiles à materia, & quæ mouent, & non mouentur, non sunt *Physicæ*, sed *Metaphysicæ* considerationis, vt idemmet, atque eodem lib. text. 26. 71. & 73. expresse docet; ergo sentit, easdem intelligentias, quæ immotæ mouent orbēs cælestes non esse formas informantes eorum.

Sed probatur primo ex definitione animæ. Anima est actus corporis *Physici* organici potentia vitam habentis, vt docet Aristoteles 2. lib. de anima cap. 1. text. 7. Ergo omne corpus animatum est organicū, sed in corpore cæli nulla sunt organa, neq; vlla talis varietas partium in eo cernitur, per quas diuersitas vitalium operationum exerceatur, vt actus videndi, audiendi, cum cæteris sensationibus, nisi quis velit Solem, & Lunam pro oculis deferuire cælo, ita vt per hæc astra videre dicatur, quod constat ridiculum esse: ergo evidens est, corpus cæleste non esse organicum, nec proinde animatum: quod ex infimis operationibus vitalibus vrgeri potest, nempe augmentatione, & nutritione: neq; cæleste corpus alimentum sumit aut conuertit in propriam substantiam, cum ex qualitatibus contrarijs constare debeat, & per illas alimentū alterari, atque corrumpi, in eiusque substantiam conuerti. Quibus qualitatibus, & alterationibus incapaax est cælum, & longe clarius est, nullum suscipere augmentum, neque decre-

mentum: ergo euidens est etiam non viuere, neque animatum esse.

Secundo anima non est propter corpus, seu materiam, cuius gratia facta est, sed ex opposita materia, vel corpore propter animam, vt docuit expresse Aristoteles 2. lib. de anima, tex. 16. & 17. cum hæc sit longe nobilior, & proinde gratia sui facta. Vnitur ergo corpori, vt bonum aliquod sibi ex tali vnione consequatur, videlicet exercitium suarum operationum, in quo perfectio eius posita est: sed nullam operationem vitalem exercere potest anima per corpus caeleste, ergo neque aptum est, vt ei vnatur. Minor probata est de operationibus vegetatiuis, quia nec cælum simile sibi generare potest, nec nutrir, vel augeri, vt docuit Aristoteles 1. libro de cælo, capit. 3. probata est etiã de sensitiuis, & rursus conuincitur ex eo, quod operationes sensitiue ex propria conditione præsupponunt vegetatiuas, per quas nutriuntur, & conseruantur organa sensuum, & omnes sensus fundantur in tactu, vt docuit, & probauit Aristot. 3. libro de anima capit. 2. Tactus vero necessario petit temperamentum primarum qualitatum in proprio organo, quare non est capax corpus caeleste: nec vnitur anima corpori caelesti propter operationem intellectuam, quia hanc naturaliter non potest exercere in corpore, nisi ministerio sensuum species à nobis sibi defumat, vt patet de anima nostra rationali. Cum ergo non sit cælum sensuum capax, nec erit capax animæ rationalis. Quod vrgeri potest ex his, quæ à nobis constituta, & ostensa sūt 2. libro de anima. Videlicet implicare contradictionem, quod anima rationalis posset esse forma corporis, nisi simul foret sensitiua, gradumque sentiendi tribueret eidem corpori: ergo repugnat per se locum ab intrinseco, cælum informari

animæ rationali, quin talis anima simul sit sensitiua. Cum ergo cælum sit incapax sensitiua, vt probatum est, sequitur incapax quoque esse animæ rationalis. Neque tandem vnitur cælo anima propter motum localem, quo mouetur, quia talis motus nec indiget anima; sed ab extrinseco motore procedere potest, per solum contactum virtutis, vel impressionem impulsus, vt de quocumque alio motu circulari constat: nec vitalis est, sicut progressus animalium, quem constat fieri medijs sensibus & appetitu, quibus caret caeleste corpus. Ex quibus efficaciter probatum constat, non dari animam mundi, à qua totus ipse mundus informetur, quia Deus non potest esse talis anima eum informans, vt Philosophi quidam delirantes dicebant, nam intrinseca ratio formæ dicit imperfectionem partis, & informationis, seu inhaesionis in corpore, à qua Deus ob suam infinitam perfectionem alienus est: sed nec intelligentia, vel intellectualis forma, ob suam limitatam virtutem, potest corpus tantæ molis ac est caeleste corpus, informare, quanto minus tam vastum, & tot, ac tam ingentibus, ac discontinuis partibus constantem mundum; quare ingens etiam delirium est, mundo, vel caelestibus corporibus animam rationalem concedere: nam inde virtutes, merita, peccata, & peccatorum poenas eisdem corporibus deberent adscribere, quod plane falsum est, intelligentia igitur mouens cælum non potest esse vera forma illius, tribuens cælo proprium esse per informationem, nec est pars substantialis ipsius componens cum materia, sed completa, & totalis substantia omnino distincta ab eo; dicitur tamen laxè forma cæli assistens, quia ei vnitur, in ordine ad motum, & constituit cum eo vnum principium eiusdem motus, aut medio impulsu, vt

volut plures, vel se illo, vt placet alijs.

Et prior sententia concedens cælo, vel mundo animam, & animatum esse docēs, vt vera sit, nec de vera anima, nec per veram informationem loquitur, nec ideo vere, & proprie animatum esse cēset, sed per quandam similitudinem, & ideo in propria, & quasi æquiuoca locutione, quo pacto loquuti sunt absq; dubio omnes fere sancti Patres pro ea citati. Posterior vero sententia, animatum esse negans, de vera, ac propria anima veraque animatione per informationem intelligit: quare dissidium inter veramque in solo modo loquendi diuerso magna ex parte consistere videtur, vt D. Thomas 1. par. quæst. 70. art. 3. in fine corporis his verbis docet: *Vnde interponentes ea esse animata, & ponentes ea inanimata, parua vel nulla differentia inueniuntur inter, sed in voce tantum.* Sed magna ex parte conciliari posse præfatas sententias dicimus, & non omnino, quia licet quod ad sanctos patres attinet, de anima solum assistente intelligantur eorum verba: nonnulli tamen antiquiores Philosophi, veram animam in formam vegetatiuam, & sensitiuam eis concesserunt, quorum sententiam falsam esse probauimus.

Sed supere est explicandum an notum aliquam vel censuram mereatur sententia, affirmans, cælum, vel mundum esse animatum anima informante. Et D. Th. 2. lib. contra gentes capite 70. in fine expresse negit, aliquid fidei contrariū cōtinere his verbis: *Hoc autem quod dictum est de animatione celi non diximus quasi asserendo secundum fidei doctrinam, ad quam nihil pertinet, siue sit, siue aliter dicatur.* Quod confirmat ex D. Augustino lib. 3. Enchiridion, cap. 58. vbi fatetur, non esse certum, an sit vel non sit animatum cælum. Caietanus etiam 1. part. quæst. 3. artic. 1. asserit corpus

cœleste forte secundum veritatem esse animatum; & Petrus Martinez cap. præfati, non solum vtramque partem questionis problematice defendit, sed in affirmantem, quod cælum sit animatum, magis propendet.

Sed ex alia parte à multis indicatur erronea, vel saltem parum fidei consona. Et in primis D. Hieron. in Epistola ad Pammachium, & Auitum, inter propositiones alias Origenis, quas sancta Synodus generalis sub anathemate explosit, hanc enumerauit, quod cælos, lunam, Solem, astra animata dicat, D. etiam Epiphanius lib. 1. Panarii, & D. Irenæus lib. 2. contra hæreses eandem referunt inter Marcionum dogmata: & in Concilio Constantinopolitano, quod est quintum generale sub anathemate damnatur hæc verbis, relatis à Iouerio in summa Conciliorum, tom. 2. *Si quis dixerit, cælum, solem, & lunam, stellas, & aquas, quæ super calos sunt, animantes quædam esse, & materiales virtutes, anathema sit:* ac tandem damnata dicitur in quodam articulo Parisiensis facultatis: Propterea non bene de illa sentiunt, ex scholasticis nonnulli in 2. distinct. 14. vt Bonauentura, & Gabriel quæst. vnica, & Capreolus distinctione 9. quæst. vnica artic. 1.

Nostra tamen sententia hac distinctione explicanda est, ponere cælos animatos anima vegetatiua, vel sensitiua tantum, solum est error Philosophicus; illos autem ponere animatos anima rationali, non solum est error Philosophicus, sed etiam error contrariū diuinæ fidei. Priorem partem sic probō, quia ex hoc, quod tribuatur eis anima sensitiua, aut vegetatiua, solum deduci potest, quod sint animalia quædam rationis expertia, vel vitam quandam vegetatricem participant; ex quo vtræque nihil potest cōtra

Idem

Adem deduci, quia neque in Scriptura, neque in aliis principiis fidei denegatur eis talis vita; sed neque aliquid asseritur, ex quo eis esse denegandum colligi possit. Cum ratio à priori assignari potest, quia hæc non pertinet illo modo ad materiam fidei, sed prorsus Philosophica sunt: ergo circa ea non potest error contra fidem profecti, sed ad summum contra principia Philosophiæ. Quod vero error sit eis contrarius, efficaciter probari potest à posteriori ex operationibus, ac vitionibus utriusque vitæ propriis, quas si haberent, repugnaret à nobis non percipi, quemadmodum percipiuntur vitales operationes animarum, atque plantarum. Quamvis enim magis distent à nobis, eorum tamen ingens magnitudine distantia compensaretur, & ita posset à nobis eorum augmentum percipi, & evidenti ratione constaret nullum exte ad alimentum, ex quo ali, aut nutriri possint, nec ullis veris organis prædita esse, per quæ possint operationes aliquot sensitiuæ animæ exercere: & plura possent alia in confirmationem huius asserti afferri, quæ breuitatis gratia præmittenda censemus.

Assertum vero posterius, efficaciter posset probari ex verbis Synodi generalis supra relatis: si certo constaret talem definitionem fuisse ab eo Concilio editam, nihilominus hoc discursu potest ostendi: quia coelestia corpora essent substantialiter composita ex corpore, & anima rationali, eo ipso, quod dicerentur vere animata anima rationali, & vita rationali prædita: sed non est excogitabile compositum substantiale ex anima rationali & corpore tanquam ex vera forma, & materia, quod non sit homo, cum hæc sit essentialis compositio hominis. Et tamen certum est ex sacra pagi-

na, nullum dari hominem, qui non sit propagatus ex primo, nempe, ex Adam in principio temporis cum toto mundo condito, & cum cæteris omnibus à Christo redempto. Constat etiam ex principio Genesim, coelestia corpora tanquam quid diuersum ab homine, esse creata, nec ab eodem homine processisse: ergo euidenter deducitur ex fide, non habere animam rationalem pro vera forma, nec proinde animata esse tali anima, aut vita rationali prædita: solum posset responderi, constare quidem animam rationali diuersæ speciei ab ea, quæ constituit hominem, & ideo licet sint animata anima rationali, non esse homines, sed rationalia quædam composita diuersæ speciei. Cæterum solutio hæc facile confutari potest: primo, quia non est intelligibilis anima rationalis, quæ non sit forma, & pars, cum sit ei intrinsecum, esse incompletam substantiam; nec est intelligibile, quod sit pars, & vera forma, verusque actus quin sit vnibilis alteri parti, aut potentie, vel materie, aut corpori: nec est excogitabile, quod sit vnibilis corpori, nisi vt secundum esse proprium propriamque operationem ab eo emanantem perficiatur (nam propter bonum corporis longe inferius, ac imperfectius vniri repugnat) sed propria eius operatio est intelligere: ergo vt hanc assequatur, tanquam pars informando corpus vnitur ei, sed intelligere medio corpore non est aliud, quam intelligere per sensus: ergo necesse est, quamlibet aliam excogitabilem animam habere eundem modum operandi cum nostra, & per locum ab intrinseco eundem modum essendi, esseque eiusdem speciei. Et si dicatur intra ambitum modi operandi, sine dependentia à sensibus, ac sine discursu dari intellectiones diuersæ speciei

speciei in Angelis, & proinde substantias specie diuersas, quæ sint principia earum, ac proinde non esse impossibile, dari intellectiones specie diuersas, intra ambitum modi operandi cuius depêdētia à sensibus, aut cum discursu, & ex consequenti animas rationales diuersæ speciei. Respōdeo, quod licet hoc foret possibile (quod non credo) quia impossibile reputo, dari intellectiones diuersi modi speciei, sub modo operandi cum discursu, vel cum dependentia à sensu cum sit imperfectissimus, atque infinitus, quare non est excogitabile sub eo vnde, vel à quo sumi possit talis differentia specifica, sicut intra modum longe perfectiorem operandi sine discursu, propter maiorem extensionem ex maiori perspicione desumptam, & maiorem limitatōem in infimi gradus operandi cum discursu, adhuc foret evidens omnes esse homines propter convenientiam genericam in natura rationali, sicut est evidens, hominem, & leonem, etiam si specie distinguantur, esse animalia propter convenientiam genericam in natura sensitiua: quare aperte falsum esset ponere ex vna parte corpora cælestia esse animata anima rationali, & ex alia non esse homines. Et cum manifeste deducatur ex fide, homines non esse, error est fidei contrarius, ponere ea animata anima rationali; non est tamē hæresis, quia non est per se immediate contra fidem. Quod vero error sit etiam philosophicus, manifestum est, quia repugnat esse substantias cum discursu, ac dependentia à corpore sine sensibus: non est enim excogitabilis alius modus intelligendi cum dependentia à corpore, nisi accipiendo species à rebus corporeis, nec est intelligibilis alius modus accipiendo species à rebus corporeis, nisi eas sentiendo, ita ut mediis sensationibus imprimantur intellectui ab eis spe-

cies propriæ, per quas ab eo cognoscatur. Et iuxta nostram duplicem conclusionem intelliguntur, & in concordiam reuocatur dæ relatæ sententiæ, ita ut prior in sensu prioris nostræ assertionis, posterior in sensu posterioris accipiat, & sic utraque vera sit.

Super sunt argumenta prioris sententiæ in principio facta diluenda; & in primis testimonia Aristotelis iuxta legitimum sensum eius explicanda sunt distinctione illa allata à Diuo Thoma 1. parte, quæstio. 70. artic. 3. ad 1. corpus enim cæleste secundum se, hoc est, non considerata intelligentia ei vnita, ut principio motus non dicitur se mouere, sicut mouentur viuientia, nec habere in se principium actiui sui motus, sed passiuum tantum; si tamen accipiat, cælum simul cum intelligentia per contactum virtutis ei vnita, ut principio actiuo motus eius, ita ut ex utroque constitutur vnum aliquid à se ipso motum, tanquam à principio actiuo efficiente, viuens appellari potest, quasi per analogiam, & similitudinem ad viuientia, & eadem ratione habere differentias positionum, quo pacto viuens ipsum vocauit, easque illi concessit Arist. cap. sequenti, non tamen verum, & proprium viuens per veram, ac informantem animam. Et in eodem sensu docuit 12. lib. Metaphysicæ, c. 7. moueri cælestia corpora à primo motore, tanquam ab eo, quod cognoscunt & appetunt: nam licet intelligentia mouens cælum non moueat à Deo eodem motu, cum immota in hoc sensu moueat ipsum, dicitur tamen Deus totum ex cælo, atque intelligentia constitutam mouere, in quantum præstat suum concursus, ut moueri valeat cælum ab intelligentia, atque etiam intelligentia mouere ipsum ratione cuius (hoc est) ut eam includens moueri dicitur à se per quamdam

dam analogiam, & similitudinem ad viuentia corpora, in quo sensu intelligi debent Scripturæ, & Patrum loca.

Ad primam rationem Diuus Thomas in eodem artic. ad 3. respondet, viuentia illa produci à corpore cælesti non virtute propria, sed virtute intelligentiæ à qua mouetur, ita vt tanquam instrumentum eius tales effectus se superiores possit attingere; sed difficile est, hos effectus Angelo mouenti, tanquam præcipuæ causæ per se tribuere, etiam in doctrina Diui Thomæ quæ (vt inferius ostendetur) sentit plane, Angelos non posse vllam formam adhuc accidentalem per propriam virtutem per se influentem imprimere materiæ, aut corporibus: sed solum hæc posse, tanquam applicando actiua passiuæ, quod solum est, esse conditiones, vel ad summum, causas per accidens: ergo longe minus poterunt substantiam viuentem, vt causam per se producere. Propterea dicendum est, corpus cæleste, non nudum, sed cum suo motu ab intelligentia effectiue ducto, & proinde simul cum eadem intelligentia acceptum esse instrumentum Dei ab eo eleuatum, ad producendam substantiam viuentem, & hoc sensu loquitur Diuus Thomas. Itaque ex corpore cælesti moto ab intelligentia, atque ex intelligentia ipsa mouente, refutatur vnicum, atque completum instrumentum, quod à Deo eleuatur, vt possit attingere productionem harum substantiarum, quia non potest excogitari vlla alia causa principalis, & proxima per se influens, per seque eas producens præter Deum, tali instrumento vtentem.

Ad secundum, concessa maiori, ac minori, neganda est consequutio: satis est enim vniuersum vitam, & animam suarum partium includere, vt nulla eius pars, quantumlibet perfecta, sit eo perfe-

ctior, cum omnem eius perfectionem, simul cum perfectione aliarum partium includat, vt pote totum quoddam quasi artificiale ex omnibus gradibus offendi ordine quodam constatum.

QVAESTIO II.

*An cælestia corpora dignitate præsententur
his rebus sublunaribus.*

Quæstio procedit de cælo, nõ vt claudit intelligentiam, sed secundum se, anima etiam assistente, destituto: & sic certum est, aliis corporibus sublunaribus vitæ expertibus perfectione præstare, vt pote simplicius, & incorruptibile: & minus perfectum esse simpliciter hominibus, cuius ratio est, quia species humana constituitur per animam rationalem, spiritualem, spiritualem quidem, independentem à corpore in suo esse intelligentem, ac volentem, & ideo gratiæ, virtutum, ac beatitudinis capacem; quibus omnibus perfectionibus caret forma cælestis, & cælum per eam constitutum: ergo longe est eo perfectior homo: solum ergo controuersia procedit de animalibus, & plantis, an perfectione superentur à corporibus cælestibus, vel digniora eis sint.

Et prior sententia affirmat, digniora esse cælestia corpora cunctis animalibus homine inferioribus, quam sequitur Marsilius 1. quæst. 1. art. 2. quæst. 6. & 7. & eandem tenere videntur Zumel, 1. part. quæst. 3. art. 1. & Pater Pererius lib. 2. suæ Philosophiæ cap. 6. probabilioremque esse docet Bannez 1. part. quæst. 3. art. 1. & eam tenuisse Victoriam & Canum 2. hosque discipulos Diui Thomæ doctissimos, quam hac tempestate sequuntur

niri, & augeri, sed solum quoad modum, quia per intus sumptionem, & distributo alimento per omnes partes in earumque substantiam conuerso, ignis veroper solam iuxta positionem lignorum in vna, vel alia parte: habere autem operationem ex solo modo vitalem minor est perfectio, quam esse incorruptibile: ergo cœlum simpliciter perfectius est planis.

Nihilominus sententia posterior negat, corpora dignitate præstare vlli corpori viuenti siue ex semine, siue ex putri materia producto, sed formicam, aut muscam esse essentialiter perfectiorem cœlo quocumque. Ita pronunciat Diuus Augustinus in libro de vera religione capit. 29. cuius hæc sunt verba: *Non enim qualiscumque moles, quancumque ista visibili luci præfulgeat, si vita careat, magni aestimanda est, qualibet namque viuæ substantiæ aulibet nõ viuæ substantiæ, nature lege præponitur.* Quam naturæ legem confirmat ii. libro de Ciuitate Dei, capit. 16. & ex ea colligit in libro de duabus animabus, capit. 4. muscam Soli præferendam esse. Eandem sententiam sequuntur Diuus Thomas 1. parte, quæst. 3. art. 1. ad 2. quæst. 70. arti. 3. ad 2. atque in primo loco Guieranus, & Banues 1. etiam libro contra Gentes, capit. 20. & ibidem Ferrariensis, Capreolus in 2. distin. 10. quæst. 2. Soncinas 12. Metaphysicæ, quæst. 12. ad secundum, Richardus in 2. disputat. 14. quæst. 4. circa principale, ibidem Argentina, quæstione vnica, artic. 1. Bassolis quæstio 2. §. ad dicta, & Okā quæst. 23. Gabriel supra Canon, lectione 41. & omnes fere, qui cœlum in animatum faciunt. Vnde Auerroes 2. libro de cœlo, commentario 61. assernit, defendi non posse, cœlum esse perfectius, aliquo viuente, nisi anima præditum esse asseratur. Ita demum omnes recentiores,

& nobis videtur omnino vera sententia. Cuius ratio sit, essentialis perfectio rerum corporearum ex perfectione formæ substantialis accipitur: sed anima quæcumque est forma perfectior cælesti: ergo viuens quoddamque est perfectius cœlo. Minorem sic probo. Anima quæcumque est actus corporis physici organici, potentia vitam habentis: ergo anima quæcumque est principium vitæ postulat organicum corpus, hoc est, diuersis organis, ac membris præditum, pro diuersitate operationum exercendarum, & habens differentias positionum sibi intrinsecas, nempe, sursum, deorsum, dextrum, sinistrum, ante, & retro, vel aliquot earum, sed forma cælestis, nec est principium vitæ, nec postulat corpus organicum diuersorum membrorum, ad exercendas varias operationes (quod constat perfectissimum esse in ratione corporis) sed solum postulat corpus quoddam homogeneum, habens partes eiusdem rationis, sicut corpus aqueum, vel aereum (quod patet esse imperfectissimum, varietate membrorum carens) ergo anima quæcumque perfectior est forma cælesti.

Quod vero aliqui dicunt, formam cæli constituere ipsum incorruptibile, atque perpetuum, & incorruptibilitatem esse maiorem perfectionem, quam vitam saltem imperfectum animalium, vel plantarum, falsum est. Quia incorruptibilitas non excedit perfectionem formæ non viuentis, sed ei conuenit, intra gradum talis naturæ infimum, propter modum informandi perfectiorem, quia explet, ac satiat appetitum materię, vt egregie docuit Diuus Thomas 1. parte quæst. 2. artic. 3. ad 2. quod constat non habere formam perfectissimam, qualis est anima rationalis: ergo incorruptibilitas non potest adz-

ribus cœlestibus intelliguntur, non nuda consideratis, sed simul cum motricibus intelligentijs, vt adnotauit Diuus Thomas 6. libro Ethicorum lectione sexta, quo pacto verum est, in hæc inferiora agere, ea multiplicare, ac conseruare: hoc autem modo sumpta, longe perfectiora sunt cunctis viuētibz, si vero nude considerentur, superantur simpliciter ab eis.

Ad primum argumentum distinguendum est antecedēs: nam licet perfectior sit materia, quia minus habet de potentia passiva, & perfectiorem modum informandi respicit, seu formam meliori modo informantem, modo scilicet inamissibili, non ideo postulat perfectiorem formam, secundum speciem, cum constet non postulare, immo nec habere posse animam rationalem omnibus perfectissimam. Quare solum probat argumentum, quod forma cœlestis sit perfectior non simpliciter, hoc est, non ex propria specie, sed solum ex modo informandi, & ideo non nisi secundum quid, & alias probaret argumentum, cœlum esse perfectius homine, quod nec contendunt, nec admittunt aduersarij. Sic respondent Diuus Thomas 1. part. q. 70. artic. 3. Corpora ergo cœlestia, perfectiori materia prædita sunt quibuscumque speciebus viuētiū, atque etiam perfectiori forma, sub communi ratione informandi materiam cum specialibus dispositionibus non habentibus cōtrarium: quare perfectior species corporis ex eis constituitur, vt pote incorruptibilis, cū tamē viuētia corpora sint species corporis corruptibilis longe imperfectioris. At genus corruptibilis corporis, licet sub gradu corporis imperfecti sit, atque etiam omnes eius species, vt cœlem gradum participant, vltius tamen contrahitur per differentias vitam

attingētes, & per eas descendit ad species vitæ vsque ad perfectissimam, & cum gradus vitæ longe perfectior sit gradu vitæ experte: sequitur plane omnes species huius generis, vt pote gradum vitæ participantes, perfectiores esse omnibus speciebus incorruptibilis corporis, quarum nulla attingit gradum vitæ, sed intra gradum substantiæ vitæ expertis manent.

Neque illud quod additur, ad corroborandum idem argumentum, de causalitate cœlorum respectu imperfectiorum animalium quidquam efficit, quia corpus cœleste, secundum se non producit ea, sed motum ab intelligentia, & adhuc ita sumptum, non tanquam præcipua causa, sed tanquam instrumentum Dei, vt superius ostendimus: non est ergo necessarium, quod secundum se sumptum dignitate præstet eisdem animalibus.

Eodem modo soluitur secundum argumentum, nam etsi vera sint illa omnia, quæ assumit, solum ex eis probatur, cœlum præstantius esse corpus his sublunariis intra latitudinem corporis, quo pacto ei conueniunt, excedit tamen à viuente, ac sentiente quocumque in gradu vitæ, & naturæ sensitiuæ, cui dignitas cognitionis conuenit, qua caret cœlum.

CAPVT II.

Textus Aristotelis.

Quoniam autem quidam sunt, qui dicunt, esse quidpiam cali dextrum, & sinistrum, &c.

Breuis expositio textus.

Explicata natura totius cœlestis corporis, prosequitur Aristoteles explicare

care diuersitate partium eius, secundū situm & positionem, quam habent in ipso, quo pacto differentie positionum vocari solent, nempe, sursum & deorsum, ante & retro, dextrum & sinistrum. Diuiditur vero caput in duas partes, in quarum prima, expositis his differentijs, per principia, ex quibus accipiuntur, refert & reijcit sententiā Pythagoreorum: in postrema statuit propriam, quibusdā aduersus eam obiectis, ac solutis.

Pythagorei igitur quidam (ait Aristoteles) duas positionum differentias in cælo posuere: quorum sententiam, ut ostendat falsum, exponit, quidnā per has differentias intelligi debeat, & unde sumantur. Sunt namq; differentie istæ quasi diuersorum motuum principia, vel unde incipere solent. A dextro enim pede, vel manu incipit motus localis animalis conueniens: motus vero augmentationis initium habet ab ea parte, per quam sumitur alimentum, ut à capite, vel ore in animalibus: à radice verò in plantis: unde caput in illis pars, quæ sursum est, vocatur: pedes verò dicuntur pars deorsum: ex opposito verò in plantis: motus denique alterationis sensibilis, aut sensitiuæ animalibus propriæ à cerebro incipit & in facie ostenditur: nam in his partibus vigent sensus, & eorum operationes exercentur, & propterea anteriores vocantur: partes verò eiusdem oppositæ dicuntur posteriores.

Quibus expositis docet, quod animalia perfecta sex omnes differentias habeant: imperfectis verò, quibus denegans natura progressionem, quatuor dumtaxat conueniunt, videlicet, sursum, deorsum, ante & retro: plantis verò, quibus solum augmentatio conuenit, dumtaxat conceduntur, nempe sursum & deorsum. Docet præterea, quòd sola viuētia differentias positionis pro-

prie habeant, quia his dumtaxat conuenit, habere diuersitatem partium, ac membrorum pro eisdem motibus vitalibus, ac sensitiuis exercēdis accommodatam, reliqua verò eadem partium diuersitate carent, & ex consequenti eisdem motibus per eas exercēdis, ideo has differentias positionum non habent. Unde quoties easdem positionum differentias corporibus vitæ ex partib⁹ attribuiamus per solum extrinsecum ordinem, ad viuētia eis conuenire censem⁹, ut sursum ei, quod versus caput nostrum est, deorsum, quod circa pedes, dextrum, quod versus pedem, aut manum dextram, & pariter sinistrum, quod versus sinistram: & tandem ante esse dicimus, lapidē, qui versus anteriorem partem nostram residet, retro verò, qui versus partem oppositam.

Iam vero Pythagoreorum positionem falsam esse ostendit primo, quia varietas partium ostendit perfectionem corporis, sed maiorem varietatem continent aliz differentie ab eis omisse: ergo corpori cœlesti (utpote perfectissimo) omnes tribuere debuerunt. Minorem ostendit, quia dextrum, & sinistrum sola virtute differunt, non figuratā eiusdem sunt figuræ dextra, atq; sinistra manus, & pars sursum, atque deorsum: anterior, atq; posterior non sola virtute sed figura diuersæ sunt, eas igitur debuerunt cælo tribuere.

Secunda ratio: impossibile est, alicui corpori conuenire motum progressionem, & alterationem, quin ei conueniat motus augmenti, & ex consequenti erit impossibile, conuenire cælo differentiis positionum, desumptis à motu progressionis, nempe dextrum, & sinistrum, quia ei conueniant sursum, & deorsum desumpta ex augmento: quod præteritum necessarium esse probat Aristoteles, quia cum differentie omnes conueniant

Perfectis animantibus, & cælum animantū perfectissimū, necesse est, eiturberē omnes licet enim cælū non habeat partes diuersæ figuræ, satis ad hoc est habere partes diuersæ virtutis, dicitur pars orientis dextera, quia ab ea inciperet motus, si initium haberet; sursum autem & deorsum sumuntur secundum maximam distantiam inter polos repertam, ita ut ælicus sit deorsum, & sursum antædæcus, qui nobis non apparet, & ideo concludit hemispherium nostrum esse inferiorem, oppositum vero superiorē: contra quod dicebant Pythagorici; quod probat Aristoteles, ex dextro cæli, quod est oriens, à quo si motus inciperet, & ad sinistrum circumferretur (ut par est) necessarium foret, polum, qui non videtur, superum esse, nostrū vero deorsum: ut in motu conuersionis humani corporis à dextera manu ad sinistram necessario ostenditur.

Q V AESTIO VNICA.

An sex positionum differentia conueniant cælo ab intrinseco, an solum per ordinem ad animalia.

Aristotel. lib. de animalium incessu, cap. 4. à principio, ex professo agit de his differentijs positionū singulas explicans ex tribus viuientium, atque animalium motibus his verbis: *Quoniam autem dimensionones numero quidem sunt sex, ex quibus determinari datum est animal, summum videlicet, & imum: ante, & retro, præterea dextrum, & sinistrum, summum certe, & imum, omnia habent viuientia, quoniam non solum in animalibus est summum, & imum, sed etiam in stirpibus. Determinantur autem opere, & non solum positura, quæ ad terram sit, aut ad cælum. Vnde enim alimentis singulis est distributio, & incrementi accedens, summum id sane est, quo autem isthuc ultimo pergit, id est, imum: Et paucis interpositis. Quæcunque autem non solum viuunt, sed anima-*

lia etiam sunt, huiusmodi omnibus ante, & retro insunt: sensum enim isthac omnia habent, per ante autem, & retro determinantur, in quo enim natum est esse sensibus, & unde est singulis, anteriora huiusmodi existunt, his autem opposita posteriora. Quæcunque vero animalia non solum sensus sunt prædita, sed mouere etiam possunt sese ea, quæ per locum est, mutatione, in his ad ea quæ dicta sunt sinistrum, & dextrum determinantur, simili modo ut illa, quæ dicta sunt prius. Vnde enim mutationis per locum, corporis naturaliter est initium, id unicuique dextrum est, oppositum vero, & quod hoc consequi natum est, sinistrum. Quibus tria de eis docet: primum, quod quælibet determinat pars quæritatiua viuentis, vel animalis, in qua virtus vitalis, quæ principium alicuius motus vitalis ex tribus illis sit, præcipue residet, ut virtus, quæ est principium motus localis, præcipue residet in brachio, vel manu altera, quod propterea appellamus dextrum, & ab eo incipere motum progressiuium videmus.

Secundo docet, quod differentie istæ positionis sint extrema trium dimensionum, quas habere dicitur corpus extensum, videlicet, longitudinem, latitudinē, & profunditatem: ita ut sursum, & deorsum sint extrema longitudinis corporis; dextrum, & sinistru extrema latitudinis; ante, & retro, extrema profunditatis.

Tertio, omnes has differentias reperiri in omnibus, & solis animalibus perfectis, quæ non solum sentiunt, sed mouentur motu locali progressiuo; in imperfectis, quibus talis motus non conceditur, reperiuntur quatuor: dextro vero, & sinistro carent; & tandem plantis solum conueniunt sursum, & deorsum. Ex quibus colligitur integra ratio cuiuslibet harū differentiæ, in his tribus posita, videlicet, quod sit determinata pars viuentis, vel animalis, non quæcunque, sed quæ sit extremū alicuius dimensionis, habeatque in se virtutem vi-

talem, à qua tanquam à principio, quasi effectiuo, & non tanquam à termino, à quo, motus incipiat.

Sex illud est obseruandum circa omnes, quod D. Thomas in expositione textus retigit, nempe dupliciter distingui posse, videlicet, per ordinem ad diuersos motus locales, quorum sunt principia: nam sursum est principium, à quo incipit augmentatio, extremumque longitudinis corporis, cum videamus, alimētum primo recipi in ore, vbi disponi incipit pro conuersione efficienda in substantiam aliti, & pars huic opposita deorsum est. Illa vero pars, à qua incipit motus localis animalis, & est extremum latitudinis, dextrum vocatur, opposita vero pars sinistra dicitur. Et ea tandem, à qua sensitiua alteratio initium sumit, vel certe in qua viget, dicitur ante, seu anterior pars: opposita vero retro. Deinde possunt distingui penes eundem motum localem, ita vt pars sursum ea appelleretur, à qua apprehensio, seu cognitio, ad motum localem primo requisita fieri incipit: nam in capite vigent sensus; pars vero, à qua incipit, quoad exercitium, vel executionem, idē motus dicitur dextera: huic vero opposita sinistra, & eādē ante dicitur illud versus quod mouetur animal, vt facies, vel pectus, & opposita pars dicitur retro.

His expositis, prima sententia circa propositam quæstionem negat in cælo reperiri vllam differentiam positionis ab intrinseco, vel ex natura rei, & solum ei tribuit eas per quamdam denominationem extrinsecam ad animalia seu viuientia, quo pacto dexter vocatur lapis, dum ad dextrum animalis positus est, & sinister dum ad sinistrum eiusdem: sic pars cœli dextra vocari potest, dum versus dextrum animalis est, & sinistra dum versus sinistrum eiusdem consistit.

Ita sentiunt Picus Mirandulan. lib. 6. de examine vanitatis capite 9. Scaliger exercitatione 67. contra Cardanum, & cum his recentiores non pauci. Et probatur ex verbis Aristotelis in principio relatis, quibus docuisse vidimus, tria habere has differentias positionum, videlicet vt sint partes corporis determinatæ, atque extrema dimensionum eiusdem corporis, & insuper vt sint principia alicuius motus vitalis, sed tales partes non reperiuntur in cælo: ergo nec tales differentię positionum. Probatur minor, quia in cælo non reperiuntur veræ dimensiones longitudinis, latitudinis, nec profunditatis, potius quam in alio corpore rotundo vitæ experte, vt in globo lapideo, vel ligneo, quibus propterea veræ differentię positionum non conceduntur, nisi per extrinsecam denominationem à viuientibus, sed nec dantur virtutes, quæ sint principia augmentationis, alterationis, vel motus localis progressiui, cum motus isti cælo non conueniant, nec tandem habet cœlum virtutem aliquam effectiuam intrinsecam sui motus circularis, sed à motore extrinseco, nempe intelligentia, mouetur: alienū est ergo ex propria natura ab his differentiis positionum.

Secundo, differentię positionum solum conueniunt ex natura rei viuientibus, ac sentientibus corporibus, quorum sunt proprietates, vt idemet Aristoteles eisdem verbis relatis docet. Sed cœlum non est corpus viuens, sed totius vitæ experte, vt supra diximus; ergo ex natura rei eas non habet. Nec sufficiunt ad hoc virtutes, per quas cœli influunt in hæc inferioria, quia tales virtutes nec sunt principia alicuius motus, nec partes, in quibus reperiuntur, sunt heterogeneæ, sed eiusdem rationis atque eiusdem figuræ, immo nec sunt partes deter-

minatæ

minata, sed quæ modo est oriente, postmodum est in meridie, & tandem in occidente, cui succedit alia, & alia diuersa: quare nec virtus aliqua determinata potest esse in eis, ratione cuius dicantur sursum, vel deorsum, dextrum, atque sinistrum: vel si determinata foret trāfiret plane de subiecto in subiectum, hoc est, de vna parte in alteram, quod patet esse impossibile.

Secundam opinionem tenet Villalpandus, 2. lib. de cælo cap. 2. quæst. 3. quam dicit esse Auerois propriam; eam vero sic explicat. Intelligentia mouens cælum, vt est intellectualis substantia, non vnitur cælo, nec vitam ei tribuit, sed solum habet per se esse ac per se intelligere; sed vt forma eius tribuit ei vitam, & ita necessario ei vnitur, vt non possit naturaliter separari, cælumque ipsum ad vniōem cum ea naturalem habet propulsionem, & ex tali vniōe vitam, motum, ac differentias positionum ex natura rei suscipit, quod exponit exemplo animæ rationalis secundum se, & vt est forma corporis. Pro hac sententia solum aſſert auctor iste Aristotelem, qui diuersis suæ doctrinæ locis superius à nobis allatis testatur, cælum esse animatum, & capite præcedenti aduersus Pythagoricos docet, non solum dextrum, & sinistrum habere, sed sex omnes differentias positionum, tanquam corpus animatū, atque perfectum positum hisce verbis: *Cum autem à nobis sit antea definitum tales potentias his mēse, quæ principium motui habeat, & cælum sit animatum, atque principium habeat motui, patet ipsi superum, inferumq̃, & dextrum atque laeuum mēse.*

Tertia opinio duo aſſert, primum cælum non conuenire vllam differentiā positionis veram, & propriam ex natura rei aduersus secundam opinionem, secundum quod non solum ei conueniat, per

extrinsecam denominationē ad corpora viuētia, sicut rebus omnino inanimatis, sed per analogiam, quam habet ad illa ab intrinseco. Et hæc nostra sententia valde consona est sensui, ac modo loquendi Aristotelis, quam sequuntur Patres Conimbricenses 2. lib. de cælo, cap. 2. quæst. 1. artic. 2. Et quidem quantum ad primum aſſertum efficaciter satis probatur argumentis primæ opinionis. Quibus tamen duo libet addere, aduersus Villalpandum; sit autem primum aduersus id, quod aſſert, differentias positionis conuenire quidem cælo ex natura rei. Veræ atque propriæ differentię positionum sunt proprietates rei viuētis, & non possunt ex natura rei vitæ experimentibus conuenire, vt concedit iste auctor, sed repugnat, cælum habere vitam etiam incorruptibilem, cum non sit intelligibilis vita, quæ non proveniat à forma informante: alsi stens enim sicut non potest conferre esse corpori, sic nec vitam, si quidem viuere viuētibus est esse, teste Aristotele: aliam vero animam informantem, nec Villalpandus concedit. Quod autem aſſert, intelligentiam mouentem cælum, licet non possit ei concedere veras differentias positionum, vt est intellectualis substantia, tribuere tamen vt formam eius conferentem ei vitam, sic reuincitur. Si intelligentia vt forma, vnitur cælo, vel vnitur per modum vniōis substantialis, quem constat esse veram informationē substantialem, vel solum vnitur ei vniōe virtuali, per quam imprimit ei impulsū, vel alio modo applicat ei suam virtutem ad motum: prior modus vniōis repugnat substantiæ completæ, per modum vero posteriorem repugnat tribuere cælo esse substantiale, & ex consequenti tribuere ei vitam: nam vita esse substantiale importat, non ergo potest ei

tribuere veras, & proprias differentias positionū, vitam corruptibilem, aut incorruptibilem consequentes.

Probatur deinde secundum assertum, quod non conueniant celo differentiz positionum per solam de solam denominationem extrinsecam, sed per analogiā, quam habet ab intrinseco cū corporibus viuentibus. Primo expressis testimonijs Aristotelis, quibus affirmat cælū esse animatum, quod, vt minimum, de anima ei assistente ad motum necessario debet intelligi, à qua moueri ex propria inclinatione natum est, & propterea motum eius naturalem esse docuit huius libri principio, quod constat, nulli corpori vitæ experto conuenire posse. Vnde infero alio modo longe diuerso se habere cælū in ordine ad motū, quo se habent illa, & ex consequenti alio modo nobiliori conuenire ei differentias positionū ex mente Aristotelis, & conueniunt cæteris rebus vitæ carentibus. Quod capite præsentī expressius docuit: nam cum dixisset ad medium ferme eiusdem, rebus vitæ expertibus non conuenire differentias positionis, vel solum per extrinsecam denominationē à viuentibus, quia vel non mouentur, vel si mouentur, omni ex parte simili modo, veluti ignis sēper sursum, & terra semper deorsum. Cælo vero tribuendas fore tamquam corpori animato, atque perfecto docuit: euident est ergo, eum sentire, quod non per solam denominationem extrinsecā, sicut rebus vitæ expertibus, ei conueniant, sed alio modo perfectiori.

Probatur deinde ratione, quia constat celestia corpora habere virtutes influendi in inferiora; constat etiam non posse eas ordinate exercere (hoc est, vt generationibus, & corruptionibus, vicissitudinique earum congruit) nisi ab Orientē in Occidentem moueantur: ergo ex

propria natura postulant ita moueri, vt ab ea parte motus incipiat: quod constat corporibus vitæ expertibus non conuenire: nam talibus virtutibus carent, nec postulant ab vna parte potius, quam ab alijs motum incipere, & hoc intellexit plane Aristoteles, dum assertum modo omnino simili moueri: nihil ergo habent quod dextrum vocari possit, aut sinistrum, potius quam aliud ex propria natura, sed per solam denominationem extrinsecam à viuentibus: quod eam habeat cælum, sequitur alio modo longe digniori conuenire ei positionum differentias.

Quod vero conueniant cælo per similitudinem, aut metaphoram ad viuentia corpora probatur, atque explicatur simul; quia sicut pars animalis dicitur dextra, in qua viget virtus motus totius corporis, hoc est, efficiatior in ea, quam in cæteris partibus reperitur, ob meliorem illius partis temperiem, naturamq; firmiorem, ad exercitium talis potentiz: eadem similitudine pars illa cæli, in cuius situ imaginario intelligentia residet, & cui primo applicat suam virtutē, imprimendo ei impulsū, quo totum corpus mouetur, dicitur dextra, quia virtutem habet inchoandi motum, & ei opposita dicitur sinistra, & illa, quæ recipit virtutem, vt super eam fiat motus, vocatur sursum, & huius opposita deorsum, anterior tandem ea, quæ recipit virtutē impulsuam, continuandi motum, eiq; opposita posterior.

Quod vt intelligatur scire oportet, intelligentiam mouentem cælum non esse in toto cælo præsentem, imò nec posse, quia limitata est secundum substantiam, & virtutem operandi, cum sit certum, non posse simul esse præsentem, & in cælo, & in terra. Deinde non sic mouet cælum, vt ad motum eius moueatur, cum

eo, quia nec id necessarium est ad mouendum cælum, neq; consonum perfectioni eius: nam ideo anima mouens corpus mouetur per accidens cum eo, quia vt pote forma informans, & pars eius, ipsi affixa est. Sic igitur mouet totum cælum, vt vni tantum parti impulsus imprimat, & media hac parte impulsus, totum ipsum corpus impellat, ac moueat.

Denique statuendum est, hanc partem, cui primo impulsus imprimit intelligentia, non esse vnā aliquam determinatam, ac permanentem semper, sicut est in animalibus, imo semper variari, & vnā alteri succedere, ita vt, quæ nunc est in Oriente, postea sit in Occidente, sed semper potest dici vnā, ac permanens per æquiualentiam, & in hoc consistit similitudo inter dextrum cæli, & animalium. Atq; ex hoc habetur, quod illud dicatur per metaphoram. Ad hoc solum ergo est verum, quod intelligentia sit in parte determinata spatij imaginarij, cui correspondent successiue partes, primū recipientes impulsus ab ea, quibus medijs mouetur totum cælum, & hanc partem intelligimus Orientis nomine: quā, satis probabile est, includere partem aliquam spatij imaginarij, cui correspondeat linea cæli æquinoctialis diuidens cælum medium, cum æquali distantia ab utroq; polo: quia hæc linea distantissima est ab utroque polo: quo fit, vt partes cæli ei proximiores velocius moueantur cæteris omnibus, quia in eodem, aut æquali tempore maius longe spatium percurrunt. Est autē verò simile, ibi assistere per se præsentem intelligentiam, vbi perfectiorem causat effectum, similitudine agentis naturalis fortius agentis in partes sibi proximiores quam in remotiores. Et ex dictis satis intelligitur modus, quo mouetur ab intelligentia cæli,

atque etiam vbi sit dextera pars eius eo modo, quo ei conceditur habere dextrum, & consequenter cæteras differentias positionis, iam exposito.

Argumenta autem primæ opinionis solum probant, quod cælo non conueniunt differentiarum positionum ex natura rei eo modo, quo conueniunt animalibus, hoc est verè, & propriè; non tamen, quod per solam extrinsecam denominationem à viuētibus; nam præter extrema hæc datur medium nostræ sententiæ, nempe similitudo, vel metaphora à differentijs viuētium desumpta, cuius fundamentum ex natura rei cælo conuenit, & ex consequenti habere differentiarum positionum secundum eandem metaphoram conuenit ei ex natura rei, non tamen corporibus vitæ expertibus, in quorum natura nullum est tale fundamentum, & propterea per solam & puram denominationem extrinsecam eis conceditur.

Dōctrinam vero secundæ sententiæ efficaciter ostendimus falsam: testimonium autem aliarum intelligitur plane ab Aristotele, non de animatione vera per veram informationem, quam repugnare probauimus intelligentiæ, & cælo, quia vtrumque est completa substantia.

Hæc omnia, quæ de differentijs positionum attulit Aristoteles in hoc capite præsentī, & à nobis superius iam allata sunt, respectu primi mobilis sunt accipiendæ: nam in inferioribus sphaeris, si proprio motu ab Occidente in Orientem mouentur, opposito modo se habebunt, secus si etiam ferantur in occasum proprio motu, de quo inferior.

CAPVT III.

Textus Aristotelis.

Quoniam autem non est contrarium circularis motus circulari, &c.

Breuis expositio textus.

INtendit Aristoteles capite presentis ostendere, quod cælestia corpora non vnum duntaxat motum habeant, sed plures. Diniditur autem in duas partes, in quarum prima duo præsupponit: in secunda quatuor ex eis colligit. Principio igitur asserit, quod si motus cælestis haberet contrarium, necessarium foret, ostendere multiplicem esse, cum euident sit, duo vt minimum esse: nam idem non est sibi contrarium. Sed cum contrario careat cælestis motus, non potest ex contrarietate ostendi, multiplicem esse, sed aliam esse rationem querendam, eamque difficile inueniri, ob maximam distantiam colorum, atq; ob paucissimæ eorum accidētia nobis nota. Vt igitur aliam rationem inueniat, præsupponit primo, cælo deberi motum circularem, quod probat, quia ex motibus corpori debitis perfectissimus est circularis, quia initio caret, & fine, & solus potest esse perpetuus, vt octauo libro Physicorum probauit, sed perfectissimo corpori, quale est cælum, perfectissima quoque operatio debetur, cum esse sit propter operari: ergo motus cælo debitus circularis esse debet, & non alter.

Secundo præsupponit, motum circularem conuenire non posse toti mundo, sed necessarium fore, vt aliquod corpus ex inferioribus quiescat, & circa illud

motus circularis fiat, quia sicut motus rectus est de vno in alterum locum, pariter circularis debet circa aliquem locum versari, & consequenter circa corpus, quod quidem sit quasi centrum, circa quod versetur idemmet circularis motus: hoc autem corpus quietum non potest esse eiusdem naturæ cum cælesti; nam si de natura cæli foret, violenter quiesceret in loco inferiori, quia ex propria perfectione postulat sedem supra cætera corpora: deinde si in loco inferiori quiesceret naturaliter, ad eundem naturaliter moueretur, siquidem corpus quodcumque naturale eam petit sedem per motum, in qua quiescere congruit propriæ naturæ: sed non potest ad inferiorem locum naturaliter moueri, cum naturale ei sit, moueri circulariter, & vni corpori vnus duntaxat motus naturalis conuenire potest: ergo necessario faciendum est, non naturaliter ibi, sed violenter quiescere. Vnde sequeretur, talem eius quietem nõ esse sempiternam, ac proinde, nec motum circularem cæli, cum non possit nisi circa tale corpus quiescens in medio mundi fieri: efficaciter ergo probatur, corpus in medio mundi quiescens, circa quod cælum moueri debet, alterius naturæ esse à cælesti, ab eoque distinctum, & corpus hoc immobile permanens, & medium mundi vocatum est terra, circa quam mouetur cælum, & ecce tibi probatum, ex vi motus circularis cælestis præter cælum, dari in mundo terram.

Ex quæ tria colligit Aristoteles, primo, quod si datur terra, necessesse dat iugum, quia contrarius illi est, dato autem vno contrariorum, in natura rerum necesse est, dari alterum, quod certe non puto necessarium, nisi spectata perfectione vniuersi, quæ eiusmodi contraria possu-

postulat, non solum tanquam partes proprias, sed in ordine ad finem, cuius gratia conditum est. Secundo colligit expositione terræ, & ignis dari necessario aquam, & aerem, quia extremis elementis positis, eadem perfectio vniuersi exigat, dari elementa media, quæ verique extremo contraria sunt: nam aqua contraria est igni, & aer terræ. Corollarium tertium est, quod si dantur quatuor elementa inter se contraria, necesse sit, dari generationes, & corruptiones, & quidem perpetuas. Probat, quia contraria pugnant inter se: ergo necesse est inuicem se destrueret: & mutuo vero eorum congressu, ac destructione consequitur mixtorum generatio, ut primo libro de ortu, & interitu vidimus: ergo necesse est, generationes, & corruptiones dari. Quod vero sint perpetuæ, ex mundi perpetuitate à se asserta octauo libro Physicorum sequitur, quia generationes, & corruptiones necessarias esse constar ad conseruationem mundi.

Vltimo colligit, intentum totius capituli, nempe corporibus cælestibus plures motus conuenire: quod sic probat. In agentibus naturalibus idem, in quantum idem, & eodem modo se habens, non potest varios effectus edere, si igitur vnus tantum daretur cælorum motus, eodem modo se haberet semper quantum ad productionem effectuum, eosdemque producerent semper, sed experimur maximam varietatem in effectibus singulis annis: nam vno tempore generationes vigent, neque vlla fere res corrumpitur, alio vero paucissimæ generantur, & corrumpuntur quamplures: quam vicissitudinem non possent afferre cælestia corpora, nisi per accessum, & recessum planetarum, præsertim Solis: ergo necesse est præter motum diurnum proprios concedi planetis, ut huius vicissitudi-

nis congrua ratio reddatur.

TRACTATVS PRIMVS.

De cælestium corporum influxu in inferiore mundum.

EX vicissitudine generationum, & corruptionum sublunarium corporum, probant Aristoteles capite præfenti, non vnum tantum habere motum cælestia corpora, sed multiplicem: quod (absque dubio) nullius momenti foret, si cælestia corpora nullum in inferiore mundum influxum haberent, nullam enim vicissitudinem in effectus inducere possent, si electrices eorum causæ medio motu non essent. Occasionem igitur præbuit sententia huiuscapitis differendi de influxu eorum in inferiora corpora, & propterea tractatum de eo primum institutum, in quo quatuor præcipue examinanda proponimus, videlicet, an verum influxum, seu efficientiam habeant corpora cælestia circa inferiores effectus: quænam sit eis ratio, seu virtus, per quam talis influxum habent, & an motus talem eis virtutem agendi præbeant, ut solum sit conditio agendi per virtutem aliam ab eo distinctam, & quasi ei præsuppositam, & tandem si conditio sit motus, an omnino necessaria, ita ut sine eo nihil in inferiore mundum agere valeant.

QVÆSTIO I.

An cælestia corpora verum, & realem influxum habeant circa effectus in inferiori mundo editos

Vetus fuit error Astrologorum, cuius meminit. Diuus Thomas in 2. distincti.

finct. 17. quæst. 1. artic. 2. existimantium, nullam dari penitus substantiam spirituales, sed solam corpoream, & cum ex alia parte sibi persuasum haberent, in primis Deum esse perfectissimam substantiarum, deinde omnium substantiarum corporearum nobilissimas esse cælestes, pro Dus eas habuerunt, ad quem errorem alluisse videtur Aristoteles, initio præsentis capitis, cælum Deum vocans, & cælestia corpora diuina, æque etiam Plaro eadem Deos appellare solitus est, veadnotauit Diuus Thomas in huius capitis expositione. Posuit enim in Epymonide quosdā minores Deos, in quibus sphæras cælestes enumerauit. Propterea consequenter loquuti, primum influxum eis tribuebant, independentem à quocumque alio, vnde non solum putabant inferiora corpora ab eis dependere in suis actionibus effectibusque producendis, sed in suo esse ab eisdem condito. Sed error iste euidentibus rationibus confutatur aliis locis, in quibus probatur, præter corpora dari spirituales substantias, quarum prima, à qua omnes accipiunt esse, virtutem operandi, & primum influxum omnium operationum vocatur Deus.

Pro alio extremo refert Diuus Thomas quosdam alios omnes influxum, & effectum à corporibus cælestibus circa inferiora auferentes. Quid videretur sentire D. Damascenus primo libro Orthodoxæ fidei, cap. 6. vbi de corporibus cælestibus sic loquitur: Nos autem dicimus, quod ipsa corpora non sunt causa generationum eorum, quæ generantur, neque corruptionis eorum, quæ corrumpuntur: sed generatio, & corruptio ad corporalia pertinent. Et ratione probari potest, quia nullum agens operatur, nisi in passum sibi approximatum, & vt illud

sibi simile reddat, & iuxta propriam naturam, & conditionem, sed nihil horum reperitur in corporibus cælestibus respectu horum inferiorum: ergo in ea non agunt. Minor probatur, quia non sunt approximata, per se, cum maximi distent, nec per suam virtutem: hæc enim nequit ad inferiora peruenire, nisi per media corpora cælestia, cum tamen ista non sint capacia caloris, frigiditatis, &c. Deinde nequeunt cælestia corpora assimilare sibi inferiora in substantia, aut accidentibus, cum illa incorruptibilis sit, hæc contrariis careant, quorum oppositum inferioribus congruit. Denique natura, & motus calorum constantes, & æquales omnino sunt: ergo ab eis nullus effectus contingens nullo casu eueniet, id vero inferioribus sæpe accidit: ergo corpora cælestia non influunt in ea.

Veritas nihilominus certissima huius rei est, quod cælestia corpora verum & realem influxum habeant circa inferiora, pluresque veros, ac reales effectus eis imprimant, quod euidentibus experientis, omnibusque manifestis conuincitur: nam omnes in primis experimur, Solem sua luce inferiora corpora calefacere, dealbare ceram, exsiccare lutum, pluresque alios effectus producere, quos non potest nisi stolidus negare, nec aliis causis tribuere. Vidimus enim Solis motum quadripartitam anni distinctionem asferre, quæ duo æquinoctia vere, & autumno, ac toridem Solstitia, æstate, & hyeme complectitur, ac per vicissitudinem calorum, ac frigorum, rerum generationes, ac corruptiones efficere. Astra item suo congressu, ortuque, atque occasu sub certo quodam aspectu, sterilitatem, vel vberitatem terræ, tranquillitatemque maris, aut tempestatē causare, & ad morbos indyccendos, vel sanandos multum

multum conferre, & ideo plurimum à medicis in eorum curatione obseruari, ut apertè docet Galeus 3. lib. de diebus criticis docet. Et tandem experientia docet, potum suo aspectui magnetem influere, eam attrahendo, specialemque influxum circa à cum nauticum habere, quæ absque dubio sufficiunt, certissimum efficere influxum cælestium corporum in inferiora. Quem ut certissimum tenuerunt semper sancti Patres, præsertim, Diuus Dionysius cap. 4. de diuinis nominibus, Diuus Augustinus 13. de Trinitate cap. 4. Diuus Basilus Homilia 6. Hexameron, & Diuus Thomas in 2. distinct. 15. quæst. 1. art. 2. & cum eo ceteri Doctores Scholastici eadem distinct. vniuersique Theologiz professores, nemine excepto, & tandem tota ferme Philosophorum antiquitas, præsertim Mercurius Trismegistus in Asclepio, Plato in Theocrito, Philoludus in libro de mundi opificio, & passim Aristoteles in libro de ortu & interitu cap. 10. textu 15. & 16. libro 4. de generatione animalium, cap. vltimo, 2. lib. physicorum, cap. 2. textu 26. & 12. Metaphysicæ, cap. 6. text. 33. & 34.

Testimonium Diui Damasceni pro opposita sententia adductum, exposuit bene D. Thom. art. illo citato ad 2. licens, solum voluisse auferre à corporibus cælestibus primum influxum independentem ab alio, quem ille error eis tribuebat; quod vero tanquam creaturæ quibus cum esse concessit Deus virtutem influendi & agendi in inferiorem mundum à se dependentem, vere influat, & plures circa corpora inferiora effectus producant, non intendebat negare.

Ad argumentum responderetur, licet corpora cælestia per se distantia sint à corporibus inferioribus, nihilominus per suam virtutem, quam per totum in-

feriorem mundum extendunt, dicuntur præsentia: ut tamen virtus eorum ad inferiora corpora deferatur, non est necessarii in intermediis produci qualitates, quæ producuntur in inferioribus, sed sufficit produci aliam, cuius capacia sunt, qua transeunte ad inferiora produceretur per eam illa alia, cuius eadem intermedia capacia non sunt, bene tamen inferiora.

Ad illud de assimilatione agentis concedendum est, siuem agentis esse assimilare sibi passum, sed aut secundum formam substantialem, si sit agens vniuersum, aut secundum virtutem, aut aliquem effectum in virtute eius eminenter contentum; & licet priorem modum assimilationis non intendat, nec consequatur posteriorem, quem absque dubio consequuntur cælestia corpora per influxum, & actionem in inferiorem mundum. Denique licet nihil contingens vel casuale reperiat in corporibus cælestibus, nec in modo agendi eorum per se considerato, sequuntur nihilominus casuales effectus circa hæc inferiora ratione causarum particularium, à quibus modificantur, & sæpe impediuntur influxus per se calorum.

QVAESTIO II.

An cælestia corpora influant in inferiorem mundum per solam lucem, vel etiam per aliam virtutem.

Nillus, quem viderim, negat, quod per lucem, tanquam per agendi rationem influant corpora cælestia circa hæc inferiora, quam sententiam, ut cōmuncem

munem omnium statuit D. Thomas 1. par. q. 66. art. 3. ostendens, lucem non minus esse actiuam qualitatē, quam calorem, & ideo per eam agere cælestia corpora in inferiora, quod euident experientia conuincit: nam, videmus lucem à Sole per medium effusam, non solum illuminare illud ac reliqua corpora, sed calefacere, & sæpe intensum calorem circa ea producere. Et propterea titulus quæst. hoc præsupposito, quærit, an solum per lucem, vel etiam per aliam virtutem operentur, in quo non est levis difficultas: nam plures Philosophi per solam lucem agere sentiunt, cuius virtute effectus omnes eis attributos operantur, vt Picus Miran. lib. 3. contra Astrologos cap. 5. & 6. Medina 2. libro suæ Parænesis, cap. 1. Georgius Agricola libro 4. & 5. de causis subterraneorum, & quidam alii, inter quos enumerandus videtur Pater Pereria, qui tom. 1. in Genes. lib. 2. disp. aduersus Astrologos cap. 3. ratio. 4. quasi irridens alias qualitates occultas, quas in cælo ponunt, asserit nouitium inuentum, & ignorantiaæ asyllum esse. Sed diuerso modo hanc sententiam explicant prædicti Doctores, vt infra referam.

Probari potest testimonio Aristotelis, qui nullam aliam qualitatē, vel rationem agendi præter lucem concessit corporibus cælestibus in tota sua Philosophia, ergo præter mentem eius est, aliam ponere. Probatur consequentia, quia si eam dari sentiret, aliquo verbo eam insinuaret. Probatur etiam ratione, quia nemo agnouit talem qualitatē, nec ex effectu aliquo necessario colligitur, sed pro omnibus effectibus lux sufficit, non est ergo multiplicanda alia qualitas sine vrgenti necessitate. Antecedens probatur, quia cum lux, & calor cælestis sint qualitates superioris ordinis cæteras omnes qualitates inferioris mundi sua

virtute, & eminentia continebunt, & ea consequenti eas producere poterunt, quare non est alia pro eis producendis multiplicanda.

Secunda sententia præter lucem ponit in corporibus cælestibus alias qualitates tanquam rationes agendi, per quas effectus alios, siue qualitates à calore distinctas produciunt, quas influentias vocare solent. Hæc est communis iam in schola, & fuit Platoni propria, vt D. Damascenus testatur in libro de consolatione medicini quam tenuerunt antiquiores, & grauiores scholastici, Diuus Thomas secundo lib. de cælo, lectione 10. & in 2. distinct. 15. quæst. 1. a. tic. 2. ad 5. Albertus Maguus, quæst. 1. Bonau. dist. 14. quæst. penultimæ, Richardus ibidem, circa tertium principale, quæst. 5. ad 5. ibidem etiam maior quæst. 5. Ferrariensis 3. contra gentes ad caput 84. Abulenſis in 3. lib. Regum, cap. 17. quæst. 9. Pater Toletus 2. lib. de generatione, quæst. 2. conclusionē 4. & Patres Conimbricenses, 2. lib. de cælo, cap. 3. quæst. 3. cum cæteris omnibus recentioribus, & hæc nobis tanquam vera placet. Probatur primo, quia corpora cælestia generant in vltimis terræ visceribus (quæ non potest lux permeare, nec cælestis motus omnino attingere) aurum & argentum, & cætera metalla, ergo necesse est eis aliam virtutem, aut influentiam concedere, per quam talem effectum producere valeant. Antecedens probatur, quia in visceribus terræ nulla potest dari, nec excogitari qualitas, vel virtus sufficiens ad hos effectus producendos longe perfectiores ipsamet terra, & aliis qualitatibus constantes, quibus eadem terra prorsus caret, ergo neque ab ea produci possunt; sed neque alia causa inferior excogitabilis est, à qua producatur (vt per se est manifestum) ergo à solis corporibus cælestibus generari possunt.

sunt. Quod vero non possit eos attingere lux, nec motus probatur, quia impossibile est, tam ingentem terræ crassitatem peruadere, aut penetrare lucis radios. Quod vero à quibusdam dicitur lucē quidem non penetrare densitatem illam magnam, bene tamen calorem ab eadē eum Sole multiplicatum, per terræ metatū, friuolum est, quia lux producta in superficie terræ, vel extensa ad aliquam eius profunditatem, valde limitatam habet spheram actiuitatis, ad quam possit extendere effectum caloris, & calor, quem intra hanc spheram producit, non habet tantam intensionem, ut possit tam vastam molem penetrare, præsertim cum maximo sit ei impedimento intensa frigiditas terræ in densissimo corpore residens, & hæc omnia manifesta sunt experientia explorata, ergo insufficiens causa horum effectuum redditur, nisi ad celestem influentiam à lumine, & motu & distinctam confugiamus.

Secundo probatur duplici experientia, prior, quidem, quia notum est, acum attritu magnetis confricatam trahi à cæli partibus polo vicinis, quam attractionem à luce non fieri manifestum est, quia nemo concessit lucivim attrahendi. Præterea talis attractio fit plane densa caligine, & acui ipsa in tenebroso loco posita, ut euidens negantium experientia docet. Ex quo plane colligitur, non solum à luce non fieri, sed nec fieri necessario ex interniente, aut deferente talem virtutem, & proinde necessario ponendam esse aliam à luce distinctam in astris. Experientia posterior est fluxus, & refluxus Oceani ex cōmuni cōsensu Philosophorum à Luna procedentes, qui effectus, ut docet experientia, duobus temporibus fit, quibus à luce eius procedere repugnat, videlicet in interlunio, quando eiusdem Lunæ facies, quæ mare respicit,

lumine destituta est, & Luna etiam in altero hemisphærio existente, nec propterea talis motus aquæ his temporibus remittitur: signū igitur est, nō à luce, sed ab alia eius virtute, aut influentia à luce distincta fieri.

Probatur tandem, quia receptum est etiam ab autoribus, oppositæ sententiæ, corpora cælestia, atque influxus astrorum producere, in inferioribus corporibus, non solum calorem, sed frigiditatem, & cæteras qualitates primas, cum mixta, quæ eis constant, per se ab eis generentur, sed per solam lucem non possint eas producere: ergo alia est necessario excogitanda qualitas, quæ sit eis ratio eas producendi. Huic efficaci argumento tribus modis respondent aduersarii: nam Picus Mirand. per lucem solum calorem produci asserit, hunc vero calorem, quia cælestem, cæteras omnes qualitates primas eminenter continere, & ideo eas producere. Itaque lumen remotam causam earum esse censet. Hæc tamen solutio falsa probatur primo, quia euidens est, lucē à qua procedit calor, maioris esse virtutis, quam calorem, cum eum producat tanquam causa æquiuoca, à qua alii etiam effectus à calore diuersi procedūt, sed lux nō potest producere omnes qualitates primas, sed solum calorem, neque eas proinde eminenter continet, ergo sine fundamento dicitur calorem eas continere, ac producere posse. Secundo calor elementaris est eiusdem speciei cum calore producto à luce, sed nec ille continet, nec producere potest cæteras qualitates primas: ergo neque iste. Euidens est consequentia, & antecedens probatur, quia calor elementaris intenditur à calore Solis (ut probat experientia) in aëre calefacto à Sole, ergo sunt eiusdem speciei: nam quod specie differt ab alio, non potest ab eo intendi, cum sit diuersæ

Rus, & modus iste cognoscendi sufficientissimus est, ad eas poneudas, eoque coniuncti posuerunt eas omnes fere Philosophi. Quæ omnia sic intelligenda sunt, ut pro effectibus accidentalibus producendis lux, aliæque influentia occultæ ponantur, à quibus, tanquam à præcipuis causis, atque proximis procedant; nam substantiales effectus, quos cælestia corpora in mundo inferiori produciunt, solum ab eis qualitatibus, tanquam ab instrumentis eorum produciuntur, substantiis vero eorum; tanquam à causis præcipuis, medius formis substantialibus, tanquam rationibus, aut virtutibus agendi.

QVAESTIO III.

An motus circularis celi sit ratio agendi in inferiorem mundum, vel solum conditio.

Ostendimus lucem, & alias occultas qualitates (quas reffluentias vocant) esse cælo rationes agendi, sed an sine rationibus agendi sufficientes per se, & ideo completæ; vel compleantur, & sufficientes fiant per motum, & ita motus sit quasi partialis virtus, seu ratio agendi, aut solum sit conditio applicans easdem rationes agendi per se sufficientes ad corpora, circa quæ operatur sunt, non est certum, & propterea vertitur in questionem.

Prior igitur sententia tenet, esse quidem motum rationem, seu virtutem agendi cælo, saltem partialem, ita ut ex ea & luce, siue alia occulta virtute, vel influentia, fiat una ratio, aut virtus agendi totalis, & non esse solum conditionem,

sic hanc alii de generatione c. 10. quaest. 1. conclusionem 4. & videtur ad eam sentire D. Thomas, & complures alii ex eius discipulis, questione sequenti referendi. Probatur testimonio Aristotelis multis locis, præsertim 8. lib. Physicorum text. 33. docentis, omnes motus inferiores reducendos esse ad motum cæli, tanquam ad primum, qui est cæterorum causa: esse autem causam plus dicie, quam esse conditionem, & idem est ac esse rationem, seu virtutem agendi; ergo censeat ita se haberi respectu cæli: sed specialius, & expressius 2. libro de cælo, cap. 7. text. 42. ubi hæc verba legimus: *Calor autem ab ipsis, & lumen generatur attrito aere ab illorum latrone, nam natura apta est motus ignis & ligna, & lapides, & ferrum;* quibus aperte docet, motum cæli aliquando ignis lapidem, & ferrum, dum per aerem moventur, vel in eo atteruntur: quod non potest esse verum, nisi sit ratio, aut virtus agendi cælo: nam ignis, vel calefacere, solum dicitur illud, quod ignem, vel calorem producit, & solum producere dicitur, quod causa ignis generati, vel caloris est, non quod est sola conditio. Sentit ergo Aristoteles, motum cæli non esse solum conditionem, sed causam, vel causandi rationem. Et probatur ratione satis efficaci ex eisdem verbis Aristotelis elicitæ, hoc modo: motus est causa caloris in corporibus calidis quæ eo ipso, & moventur, incallescunt (ve evidens experientia docet) sed non potest excogitari alia causa, vel virtus agendi, à qua producatur talis calor præter motum; ergo non potest negari, quod sit ratio agendi non solum cælo, sed aliis corporibus inferioribus. Probatur minor, nam dum per aerem, quantumlibet frigidum, sagitta proicitur, vel nos ambulamus, illa, & nos incallescimus, & causa novi caloris producti non potest esse

sive solum disponendo subiectum, ad recipiendum effectum ab altera, propriæ virtuti eius, ut luci, vel alteri influentiz proportionatum est, ut de calore, quem media luce, & alijs qualitibus, quas medijs alijs astrorû virtutibus causat, manifestum est, quia in eisdem virtutibus continentur, quare nec eas excedunt, neque ideo respectu earum, instrumentum intelligentiæ esse potest cælum, aut motus illius. Deinde etiam si esset instrumentum, nõ deseruiret ei motus, ab intelligentia causatus, pro ratione agendi, sicut forte contingit in instrumentis artis, sed solû pro conditione applicante, cum ex se habeat cælum sufficientem virtutem ad eos effectus. Vnde non est maioris virtutis motus cælestis, quam aliorum corporum inferiorum, nec habent maiorem dependentiam inferiora corpora ab eo, quam à motu cæterorum, tanquam à virtute, seu ratione agendi, quia neuter est ratio agendi, tanquam à conditione vero multo magis dependet, quia maiores, ac illustriores virtutes affert, & à quibus magis dependent, & hac ratione maioris virtutis censetur.

QVAESTIO IV.

An cessante motu caelesti, cessare debeant motus omnes, actionesque inferiorum corporum.

Certum est actiones intentionales, & quæ non ordinantur ad generationem substantiarum, ut illuminationem, & productionem specierum intentionalem, non necessario cessare, cessante motu cæli, sed permanere posse, ac permansuras esse post diem iudicii, cælo quiescente. Ita Divus Thomas expresse, de potentia quæst. 5. articul. 8. & cum eo cæteri

omnes statim referendi, cuius egregiam rationem reddit, quia actiones istæ minus materiales sunt, & propter esse diminutum, & intentionale spiritualibus similes, nec ad materiales generationes substantiarum ordinatæ: ergo licet cælo mundum illuminante dependeat, non tamen ab eius motu, sine quo illuminare posse constat, quare eodem cælo quiescente perseverare possunt in mundo inferiori. Solum ergo habet locum præsens controuersia de actionibus, ac motibus corporum inferiorum pertinentibus ad motus eorum, & ordinatis ad generationem, & corruptionem substantiarum, aut omnino cessarent, motu cæli cessante. De quibus apud omnes etiam constitutum reperio, necessarium esse motum cæli, ut actiones, & motus isti exerceantur à corporibus inferioribus, prout oportet ad conservationem, & propagationem totius inferioris mundi. Cuius ea est ratio, quia nisi moueretur cælum, eodem semper modo illuminaret, eodem semper modo influeret, caloremque, aut frigus, aliasque qualitates, aut secundum excessum, vel defectum produceret semper, nec posset influxus eius, secundum distributionem accommodatam, communicari corporibus, illuminante vero eodem modo semper Sole, vel excessum caloris eis imprimeret, quo comburerentur, vel ita remissum, cum quo neque sibi similes effectus edere possent, per quos conservarentur species, nec proprium eorum temperamentum dici posset consistere: necessaria igitur est alterna vicissitudo illuminandi, calefaciendi, atque influendi, quam constat sine motu non posse à cælo præstari; sine qua etiam vicissitudo generationum, & corruptionum, omniumque corporearum actionum, & motuum, quam singulis annis

Conspicimus, cessaret: nam cum plantarum gemitio, fructuum, segetumque productio, potissimum dependeat ex caloris, aliarumque qualitatum incremento, quod non potest provenire à Sole, & alijs cælestibus virtutibus, nisi per motum approximatis, sit pro hac vicissitudine, & varietate generationum, corruptionum, & motuum; tancopere necessaria ad bonum statum consistentiæ, atque conservatiõe inferioris mûdi, necessarium esse motum cælorum, & ex consequenti cessare eo cessante. In eo igitur sensu duntaxat locum habet quæstio præsens, nempe, an tanta sit naturalis dependentia corporum inferioris mundi à motu cælosum, ut eo cessante nullum motum corporeum habere possint, neque vlla possit substantiarum generatio, aut corruptio, vel qualitatum corporum productio ad eam ordinata contingere.

Et prior sententia asserit, omnes penitus cessare, cessaturosq; post diē iudicii, cælo quiescente. Ita Simplicius, quē refert D. Thom. 2. lib. de cælo, lectione 4. ad finem. Capreolus in 2. distinct. 14. Soncinas 12. Metaphysicæ, quæst. 11. Ferrariensis 4. contra Gentes, cap. vltimo, Sorus in 4. distinct. 42. quæst. 2. art. 2. (nisi ego fallor) D. Thom. 2. lib. de cælo lection. 4. in fine, de potentia quæst. 5. artic. 8. de malo, quæst. 3. artic. 2. in 2. distinct. 12. quæst. 3. artic. 6. ad 3. in 4. distinct. 48. quæst. 2. art. 2. & 4. lib. contra Gentes cap. vltim. Probant ex duplici vniuersali principio Aristotelis: primo quidem 2. lib. Metaphysicæ cap. 2. text. 4. hisce verbis: *Nescimus autem verum absque causa, unumquodque vero id ipsum maxime aliorum est.* secundum quod alius vniuersalis inest, ut puta ignis calidissimum, penum cæteris hic est caliditatis causa. *Quare vniuersum est etiam id, quod posterioribus, ut terra sint, causa est.* Quod communiter cir-

cumfertur sic: *Primum in unaqueque genere est causa seu mensura cæterorum.* Posteriori vera 2. libro Physicorum cap. 8. text. 25. Quod autem inquit lationum circulatio prima sit, manifestum est. Ex quibus colligunt, motu cæli cessante, nullum prorsus cæterorum per manere, quia cessante causa præsertim vniuersali, cessat necessario effectus. Deinde ratione: Primo, quia causæ essentialiter subordinatæ ita se habent, ut inferior agere non possit sine concursu superioris, cum essentialiter ab ea dependeat in agendo. Quod etiam docuit Aristoteles 2. Metaphysicæ cap. 2. text. 6. in hæc verba: *Quare si primum nihil est, omnino nulla causa est.* Sed inferiora corpora essentialiter subdistantur cælestibus, quod vsque adeo verum est, ut sæpe assermet D. Thomas, esse quasi eorum instrumenta, quæ proinde non operantur, nisi mota ab eis: ita enim se habet in mundo magno motus cæli respectu aliorum, sicut in paruo (qui est homo) se habet motus cordis respectu aliorum membrorum: ergo non possunt quidquam agere, nisi mota à cælo, & ideo cessabunt motus omnes, adionesque inferiorum corporum motu cæli cessante, quemadmodum cessante motu cordis, cessant motus omnes aliorum membrorum. Quod expendens, atque confirmans Aristoteles, 8. libro Physicorum, capitulo 1. text. 1. asseruit motum cælestem esse quasi vitam cæteris corporibus in natura existentibus, & 1. libro Meteororum, capitulo 2. *Oportere inferiorem mundum contriguum, seu coniunctum esse superioribus lationibus, ut inde vis eius vniuersa regatur.* Et Plato in Theæteto, *Nihil aliud, inquit, per catenam, quam Solem Homerus intelligit, quia quousque Solis circuitus præseruat, omnia rã deorum, quam hominum sunt, atque seruantur.* Alludens ad auream catenam, per quam Homerus octauo Iliados, harum omnium

causarum nexum explicabat.

Secundo probat Iauellus, quia necessarium est omnem motum reduci in aliquod principium immobile; ergo necessarium quoque erit, omnem actionem generabiliū corporū reduci ad aliam causam ingenerabilem: sed nō est alia præter corpus cæleste: ergo ad illud tanquam ad vniuersalem causam reduci debet, ex cuius motu dependere necessarium est. Minorem probat, quia talis causa ingenerabilis non est intelligentia creata, quia hæc non potest immediate transmutare materiam ad formam, neque etiam prima omnium causa, nempe Deus, quia prima causa non agit per se immediate in hæc inferiora, sed per causas medias; ergo erit cælum; tum quia non exeat aliam etiam, quia cælo dedit virtutem, & motum, quibus medijs in mūdo inferiori operetur, tum particularibus causis concurrens ad productionem suorum effectuum: motu igitur, & concursu eius cessante, necesse est subieo cessare omnem actionem inferiorum agentium.

Tertio, quia mouere aut agere in motum proprium est primi agentis, & propterea cæteris repugnat, vt Aristoteles 8. li. Physicorum sæpe repetit, & D. Thomas docet 1. part. quæst. 3. artic. 1. ergo inferiora corpora mouere, aut agere nequeunt, nisi mota à primo corpore, non moto ab alio corpore, sed à solo spiritu; sed primum corpus mouet inferiora, per proprium motum ab intelligentia causatum; ergo nequeunt habere motum vltimum eo cessante. Et vrgeri potest argumentum, quia post diem iudicij, nec motus, nec generationes erunt in inferiori mundo; cuius nulla potest alia ratio conueniens assignari præter cessationem motus cælestis.

Posterior sententia negat, motus om-

nes, actiones, & generationes cessare, mixto cælo; quæ sequuntur Alexander, vt refert D. Tho. 2. lib. de cælo lect. 4. ad finem, Scotus in 2. dist. 14. quæst. 3. Richardus distin. 2. circa tertium principale qu. 3. Durandus distin. 15. quæst. vltim. Argentina dist. 14. artic. 2. Iuxta quam sit prima assertio: corpora sublunaria in suis actionibus, & effectibus producendis, non dependent per se, & intrinsece à cælestibus, nec sunt causæ eis essentialiter subordinatæ. Hæc est ex mente omnium, quos pro sententia posteriori retulimus. Teneat noster Suarez tomo 5. Metaphysicæ, disputatione 2. sectione 1. num. 10. & placet omnibus fere recentioribus, quāuis contrarium teneant Iauellus 12. Metaphysicæ, quæst. 13. Soto 2. lib. Physicorum, quæst. 4. conclus. 1. & in 4. distin. 48. quæst. 2. artic. 2. neque ab eā dissentit Ferracensis 4. contra Gentes cap. 97. §. Aduertendum tertio. Probatur primo, quia vel inferiores causæ sunt sufficientes, atque completæ in suo ordine particulari, & proximo, vel insufficientes, quarum defectus à cælo suppleatur; si hoc postremum detur, plane sequitur quod licet à cælo dependeant, sicut vna causa partialis ab altera, non tamen ei subordinentur: causæ enim essentialiter subordinatæ, quælibet est sufficiens in suo genere, licet inferior dependeat à superiori. Probatur consequentia, quia à natura totaliter, sed partialiter dependebit; si vero dicatur primum, sequitur non indigere auxilio, vel concursu cælorum, ad producendos proprios effectus, & ideo non subordinari eis essentialiter: probatur consequentia, quia non est excogitabile, quid eis præstare valeant quo indigent.

Et si dixeris, sufficientes quidem esse in suo ordine, in hoc sensu, quod suffi-

cias-

ciētem adhibent concursum, particularem & proximum, sed eum adhibere non valent nisi coelo cum eis concurrente: neque erit absolute loquendo sufficiens concursus particularis earum, quamuis in ratione particularis sit sufficiens, nisi vniuersalis cœlorum accedat. Contra hoc sic arguo, quia si concursus particularis sufficiens est vt particularis, vel dependet à concursu cœlesti in esse, & conseruari, vel non: dependere est impossibile, quia si particularis causa sufficiens est ad eum præstandum; ergo erit sufficiens ad esse eius, & ex consequenti ad conseruationem, supposito concursu primæ causæ, à qua certum est ytroque modo dependere: quare non apparet vlla necessitas dependendi ab influxu cœlesti, vel ei essentialiter subordinari. Secundo, quia ideo inferiores causæ subordinantur primæ essentialiter, quia non solum dependent in suo esse ab ea, sed accipiunt omnem virtutem operandi, & omnem concursum; vt virtus earum actiones, & concursus fiant, & consequenter à Deo, sine cuius influxu nec fieri, nec conseruari possunt. Sed euidentius est, non sic dependere à coelo, quia per solum concursum diuinum, & proprium ab eo simul factum, & conseruatum consistere potest virtus operandi earum, actio, & concursus sufficiens in suo ordine ad productionem effectus: ergo de negandum omnino est, quod essentialiter subordinentur. Et vrgeri potest argumentum hoc modo: si particulares causæ non acciperent esse, virtutem operandi, operationes ipsas, atque concursus à Deo, & denique conseruationem horum omnium, licet possent sine illo esse, & conseruari, sic possent sine eo concursum proprium præstare, & ex consequenti effectum producere; qui ab eis solum posset sufficienter depen-

dere, & propterea nec essent tales causæ essentialiter Deo subordinatæ: sed euidentius est, non accipere à corpore cœlesti proprium esse, & virtutem operandi, & euidentius non fieri à coelo proprium concursum, & actionem earum, sed à solo Deo accipere esse, & virtutem operandi, & ab eodem concurrentem cum proprijs virtutibus præstari sufficienter, atque conseruari proprium concursum, propriamque actionem ex se sufficientem ad talem effectum; ergo nec dependēt essentialiter in proprio esse, proprijsque operationibus à coelo, nec sunt causæ essentialiter ei subordinatæ.

Secunda assertio est cessante motu cœli, non cessarent eo ipso motus inferiorum corporum, nec omnino generationes viuientium quorumcunque, quia eandem prorsus virtutem operandi habent corpora cœlestia sine motu, & cum illo, & per motum solum acquirunt maiorem approximationem diuersarum suarum partium, ad hæc, vel illa corpora inferiora: ergo cessatio motus non potest tollere, quin per virtutem agendi in eis permanentem operentur, circa corpora omnia iuxta sphaeram actiuitatis eiusdem virtutis contenta, & iuxta mensuram eius imprimere eisdem proprios effectus. Antecedens probō, quia nihil virtutis effectiuæ in inferiora accipit cœlum ab intelligentia mouente: hæc enim, iuxta communem sententiam D. Thomæ 1. part. quæst. 10. artic. 2. & 3. nihil potest corporibus imprimere præter motum localem, aut etiam impulsium ad illum: per motum autem localem, solum potest acquiri præsentia, vel nouus præsentia modus: ergo eadem semper perseuerat virtus intrinseca effectiua corporum cœlestium, maxime cum hæc, vt pote naturalis potentia conueniat corporibus ex propria forma, vt in alijs con-

constat. Quod multis exemplis ostendi potest: nam cœlo quiescente non tolleretur, quin Sol illuminaret inferiorem mundum, cumq; calefaceret, atque etiam quin Luna humectaret, & moueret mare, & pari ratione per alias virtutes occultitas alios effectus produceret, per quos eadem inferiora corpora alteraret.

Secundo probatur, quia magnes etiam localiter immotus ferrum attrahit, & ignis intra sphaeram suæ actiuitatis calefacit contenta corpora, ad quos effectus, & motus edendos, cœlesti non indigent, per quem nec augentur virtutes eorum, nec approximantur ad alia corpora, nec videtur excogitabile, quid aliud à motu cœli percipiant, sine quo eosdem effectus, ac motus edere non possint. Et pari ratione de cæteris virtutibus, etiam vitalibus fatendum est: per quas quædam corpora sibi similia generant, in eisdem generationibus caufandi perseverantur, cœlo quiescente, cum ex se sint sufficientes ad tales effectus producendos, nec aliquid per motum cœlestem accipiant, à corporibus cœlestibus, quod sine motu accipere nequeant. Vrgerique potest argumentum ex his, quæ in bello Iosue, Iudicum 10. cessante motu cœli contigerunt: mouebantur enim homines, & animalia, sicut prius, & id quidem sine nouo miraculo, nec ex virtute prioris, siquidem huius nulla est necessitas, nec fundamentum; ergo necessarium nō est, motus, & actiones Physicas cessare, cœlo quiescente.

Probantur tandem, quia inferiora corpora non sunt essentialiter subordinata cœlestibus, vt probauimus, sed prorsus accidentaliter, quam tum ad aliquem modum exercendi has, vel illas operationes cum tali vicissitudine, aut varietate, aut etiam, quantum ad diurnam

perseuerantiam in eis: ergo nō dependent in eis exercendis simpliciter ab eis, vel eorum motu. Et vrgeri potest: nam operationes minus materiales, vt illuminationes, sensationes internæ, atque externæ, operationesq; obiectorum externorum, per quas immutantur sensus speciesque in eis producantur, hisque similes perseuerare possunt, ac de nouo procedere à suis causis proximis, motu cœli cessante iuxta Diuum Thomam, & omnes opinantes: ergo non subordinantur ei essentialiter corpora, à quibus procedunt. Ex quibus efficaciter satis probatur, nec in cæteris motibus essentialiter ei subordinari, cum essentialis subordinatio communis sit omnibus, vt patet de subordinatione respectu primæ causæ. Quod enim minus sint materiales istæ, nihil refert. siquidem intra genus Physicum, & materiale continentur, & solum dicuntur intentionales motus, & res minus materiales, quia intra genus materialium rerum magis diminutum esse habent, quod impossibile est tollere dependentiam, vel subordinationem, si semel ponatur essentialis, non est igitur talis censenda, & propterea neque censendum, cessaturus motus, vel actiones sublunarium corporum, cœlo quiescente.

Affertio vltima; cessante omni influxu cœlesti, adhuc non cessarent motus omnes, nec generationes rerū, sed cessarent omnes generationes viuientium, & aliorum, quorum vel non datur causa particularis inferior per se, vel non datur causa particularis inferior per se, vel non omnis sufficiens. Prior pars sequitur efficaciter ex prima assertione, quia si inferiores causæ non subordinantur essentialiter cœlo, sequitur, quod sufficientes sint ad producendos proprios effectus, neque aliquid eis in proprio ordine cau-

lundi deficiat ac proinde, non indigebūt aliquo cælesti concursu, sed cum solo concursu primæ (cui essentialiter subordinantur) poterunt eos naturaliter producere. Sed adhuc eam probo sic. Plures sunt causæ inferiores, habentes proportionatam, ac sufficientem virtutem ad proprios effectus producendos. Ut ignis sufficiens est combustionis, & alterius ignis causa: ergo præter generalem concursum Dei, non indiget alio, ad talem actionem, & effectum producendum. Probatur consequentia, quia ex concursu primæ, ac proximæ causæ sufficientis resultat vnum integrum concursum, atque completum, & perfectum, cui nihil deesse potest ad producendum effectum sibi similem in specie, neque est intelligibile, quid ei præstare possit corpus cæleste: quare etiam si concursus eius omnino cessaret, non cessarent tales causæ à generatione, vel productione suorum effectuum. Probatur deinde posterior pars: quia generatio viuientium indiget calore Solis, quia si nō foueatur seminalis virtus, non valebit materiam disponere, neque organizare, & ex consequenti nec unionem animæ cum eo attingere; & propterea de humana generatione loquens Aristot. 2. lib. Physicorum cap. 2. textu 26. verba illa protulit: *Sol, & homo generant hominem*, quasi dicat, non posse solum hominem perficere generationis opus, nisi à Sole adiueatur, eiusque calore foueatur. Par est ratio de cæteris generationibus viuentiū, immo argumentum à maiori facis efficacex humana generatione desumitur; probans de eis, quia si animal perfectissimum, quale est homo, habens perfectiorem longe animam, & iuxta perfectionem eius generatiuam potentiam valde perfectiorem, non potest sine concursu cælesti hominem sibi similem ge-

nerare, longe minus poterit imperfecta animalia generare sibi similia, in propria specie: eo igitur cessante, cessabunt omnes generationes viuientium, eorū præsertim, quæ non habent causam particularem, à qua disponatur materia, & organizetur corpus pro introductione animæ, qualia sunt, quæ ex putri materia generantur, ad quarum generationem necesse est, cælestia corpora concurrere, materiam disponendo loco particularis causæ, atque etiam Angelos applicando actiua passius. An vero introductionem animæ, & unionem eius cum corpore, ac proinde generationem substantialem attingant cælestia corpora; inferius definietur.

De pluribus etiam alijs generationibus non viuientium eadem ratione conuinctus, cælo non influente, non posse naturaliter permanere, vt de generationibus metallorum, in visceribus terræ, quæ cum nō habeant aliam causam particularem per se, vel certe non sufficientem, per lucem, & calorem Solis, aliasque cælestes influentias producuntur per se. Quare necesse est, his influentijs penitus cessantibus, cessare.

Addendum tamen est, cessante motu cæli, omnique cælorum influxu, paulatim, ac post breue tempus, cessarent quæcumque actiones, generationes, & motus inferiorum corporum, quia omnia corpora mixta corrumpereutur, & esse desinereut, maximaque ex parte in elementa abirent: nam si Sol, dum mouetur, tam intensum producit calorem in mundo inferiori, quanto magis intensum produceret, in eadem dispositione perseuerans, cessante motu; quare temperamentum mixtorum destrueret, ipsaq; dissiparet, & maxima ex parte in ignem conuerteret: ex opposito vero, partes inferioris mundi, quas sine motu non posset

attingere, conuenienti calore destituerentur, & præ nimio frigore, & humore deficerent à proprio, ac naturali temperamento, & ita destruerentur, & in aquam, vel terram abirent; & propter hæc merito vocatur motus coeli quasi horum inferiorum vita, & conseruatio, quia ad temperandos cælestes influxus, dissipandosque, pro cuiusque corporis inferioris natura, atque indigentia, ut ita possint singula, atque etiam collectio omnium, ex quibus integratur suo modo vniuersum, consistere, & in sua naturali dispositione conseruari, necessarius est, ut in principio huius controuersie, ex communi omnium Philosophorum consensu statuiamus.

Ad testimonia Aristotelis, adducta pro priori sententia, respondemus, motum coeli esse primum omnium, illud vero, quod dicitur primum in vnoquoque genere esse cæterorum causam, verum est, si sit primum in aliquo genere causalitatis, tunc enim necesse est, cæterorum omnium illius generis esse causam; quod si solum sit perfectione primum, non est causa cæterorum, sed mēsurā, ita ut quod magis alia illius generis ad ipsum accedunt, maioris sint perfectionis. Motus autem coeli non est primus in aliquo genere causalitatis, imo nec alterius motus causa est, neque efficiens, neque finalis, nec exemplaris, sed solum est perfectione primum sicut homo in genere animalis: quare non sequitur esse aliorum motuum causam, sicut neque hominem aliorum animalium, & propterea non sequitur, quod eo cessante, cessarent necessario cæteri motus.

Ad primam rationem, concessa maiori, neganda est minor absolute, quod inferiora corpora subordinentur necessario cælestibus: quodam tamen ratione, & modo limitato, & à nobis exposi-

to, ad certas quidam generationes, & motus, ac vicissitudines earum subordinantur naturaliter cælo, & ideo hæc solatione, & modo ab eo dependent, & ex consequenti, motu eius cessante, cessabunt, naturaliter, non simpliciter, & absolute loquendo. Testimonium vero Aristotelis in eodem argumento oppositum solum intelligitur de causis essentialiter subordinatis, quales sunt omnes secundæ respectu primæ, cuius concursu cessante, cessabunt necessario motus omnes, & actiones earum.

Quod vero additur de motu cordis non est omnino simile; nec enim tam stricta est dependentia operationum aliquorum inferiorum à motu coeli, ac motuum aliorum membrorum à motu cordis, licet quo ad aliquas, & omnium vicissitudinem, par est ratio, ut explicatū est in assertionibus.

Ad secundum argumentum Iauelli, concesso toto primo enthymemate, neganda est minor, quod non sit alia causa ingenerabilis, ad quam reduci debeant actiones generationum, præter corpus cæleste: est enim prima, nempe Deus, & cum addit, primam causam non agere per se immediate cum primis proximis particularibus, & mediatis, sed medio corpora cælesti, negandum est, sed ab ea, & particularibus sufficienter produciatur effectus, absque vlla necessitate cælestis influxus, si proximæ causæ sint sufficientes: quod si aliquid eis deficiat in suo ordine, indiget plane cælesti concursu id supplente, ex quo nulla subordinationo essentialis colligitur, sed solum, quod per modum partialis causæ proximæ in his casibus concurrant, cum particularibus, & proximis, ut satis explicatū iam est à nobis.

Ad tertium distinguendum est antecessens,

intelligi. Nam in aquis, atque etiam in ære aliquando prodici constat, non solum cætera mixta vitæ expertia, sed etiam metalla.

Ex qua vero materia proxima examinandum est; Agricola putat ex aqua terræ admixta tanquam ex proxima materia generatum quia duæ hæc in metallorum matricibus apparent, tum etiam, quia metalli pondus indicat plane naturam terream, liquatio vero, ac fluxus naturam aqueam. Aristoteles vero eodē capite citato putat, metallorum materiam proximam esse vaporem humidum intra terræ viscera lapidibus potissimum inclusum, & ob terræ, lapidumque siccitatem, ac frigus coagulatum: ita ut sicut ros, & pruina ex vaporibus eleuatis à terra, & aeris circumstanti frigidityte condensatis fiunt: modo simili metalla ex vapore nondum à terra eleuato, sed adhuc in sinu eius degente, & frigiditate, idem docet Albertus supra. Quod in primis rationis consentaneum est, ut eadem sit materia eorum, quæ per eleuationem à terra fiunt, & quæ intra ipsam adhuc retenta generantur. Deinde, quia experientia constat, ut vaporibus atque exhalationibus, à terra ascendentibus, ferum, & æs aliquando generari: quod in Perside contigisse referunt viri grauissimi, & in Valentia Hispaniarum Regno decidisse aliquando e nubibus massam lapideam metallicis venis infectam. Hos igitur vapores metallorum materiam fore existimandum est, sicut aliorum mixtorum imperfectorum in ære productorum. Si igitur vapor, & exhalatio sic possunt in ære addensari, ut in metallum transeat, facilius multo id poterit in sinu terræ fieri: nam in ære solus motus, per quem feruntur, sufficit ea dissipare, efficereque, ut nec addensentur, nec solidentur, quod apprimè necessarium

foret, ut in metallum verterentur. Albertus probat, quia dum liquefiunt metalla, in similem vaporem resoluntur.

Hæc autem sententia ita attemperanda est, ut non intelligatur Aristoteles constituere vaporem solum materiam metallorum, sed quasi sumum aliquem, vel halitum ex vapore, & exhalatione constantem, in quo prædominetur humiditas vaporis: ideoque eodem illo capite metheororum citato asserit, metalla partim esse aquam, & partim non aquam; aquam quidem prout calefiunt ex vapore, qui est aqueæ naturæ: non aquam vero, prout exhalatione terrea siccatæ naturæ constant. Huius autem permixtionis vaporis, & exhalationis ad proximam metallorum materiam constituendam à posteriori probatur, ex eo quod metalla igniuntur, & liquefiunt: igniuntur enim propter siccam exhalationem, liquefiunt vero propter vaporem humidum, qui cum aqueus sit, sicut exhalatio terrea, participant metalla naturam utriusque elementi aquæ, & terræ, ex quo accipiunt grauitatem, & non ex eo, quod ex utroque elemento, tanquam ex proxima materia generentur, quamuis aqua, & terra inueniuntur metallicis reperiantur, à quibus vapor, & exhalatio procedunt, quæ proxima materia eorum intelliguntur, remota vero elementa ipsa, & in hoc sensu vera est sententia Agricolæ, in alio vero falsa.

Circa causam vero efficientem metallorum, sunt qui negent, metalla de nouo fieri, putantes nullam dari sufficientem causam eorum in tota natura rerum, nec esse necessariam, quia non fiunt de nouo, sed à Deo fuerunt condita in prima creatione mundi: quod videtur ratione consonum, quia sicut terram Deus condidit, in qua verisimile est, condidisse lapides,

pides, pari ratione metalla, quæ velut lapides quidam sunt in terra reperti, & id quidem ad maximam perfectionem terræ, & inferioris mundi pertinebat, quod cum quasi prædixit, & opulentum cōderet, metallorum ornamentum egregium in sua conditione tribuens, sicut tribuisse constat terræ, & toti mundo herbarum arborumque pulchritudinem, & aquæ piscium varietatem: veritas nihilominus huius rei verumque proficitur, videlicet, magnam metallorum copiam in terræ sinu conditam esse à Deo, & progressu temporis augeri accessione aliorum, quæ de nouo gignuntur. Cuius hæc est satis pulchra ratio, quia sicut Deus primas arborum, animaliumque species, à principio condidit, tribuens eis virtutem alias sibi similes producendi: ita fuit conueniens, ut à principio conderet ipse metalla, non tamen omnia, sed naturalibus causis vim conferret gignendi alia eiusdem similia, quæ virtute nobilitarentur, & quasi illustriores fierent. Quod experientia conuincit potest, quia constat metalla in principio condita tempore procedenti augeri in mineralibus, immo in nubibus, & aere de nouo fieri, ut superius ostendimus. Constat etiam, margaritas, & pretiosos alios lapides in mari, ac terræ gremio paulatim efformari, & in dies vsque ad statum perfectum con crescere: causam igitur effectricem metallorum de nouo productorum querere oportet.

Quæ non esse corpora cælestia, his argumentis ostendo: primo, quia causa (præsertim principalis) alicuius effectus debet eum continere formaliter (si vniuoca sit) vel eminenter (si sit æquiuoca) sed corpora cælestia neque vno, neque alio modo continent metalla, vel alia mixta eiusdem conditionis, ergo non possunt ea producere. Euidens est minor

de continentia formali, quia corpora cælestia sunt alterius conditionis, & speciei à metallis, causa vero vniuoca eiusdem speciei esse debet cum effectu; sed probatur, quod nec eminenter continet aliud, debet habere gradum essendi superioris ordinis, ut animæ rationalis non contineret sensitiuam, & vegetatiuam si haberet esse alterius ordinis, ut per spirituale independens à materia, sed cælestia corpora habent eundem gradum ac modum essendi cum metallis, & aliis mixtis corporibus, cum sint materialia, & quousque formæeductæ fuerint de potentia materiæ, à qua dependent in esse, in fieri, & in conseruari; non secus ac formæ metallorum, ut in nostris commentariis Physicis ostendimus: ergo nequeunt ea continere eminenter, nec producere tanquam causa æquiuoca.

Secundo, quia metalla, ut plurimum gignuntur in terræ sinu, quo non potest influxus cælestis pertingere; ergo nec potest ea generare. Antecedens probatur, quia vel cælum attingit subterraneum locum per se, vel per propriam virtutem, siue (quod auiunt) in mediatione virtutis, vel suppositi; non modo priori, cum constet per proprium suppositum illuc non peruenire; nec naturaliter posse; sed nec per virtutem propriam, quia cælum præcipue agit per lucem, quam constat non polleat magnam molem terræ, & corpus adeo opacum permeare, ut illuc possit pertingere, quod si lux, non potest, multo minus poterit quæcumque alia virtus seu influentia astrorum, cum sit illa harum omnium perfectissima, & cum materiales sint omnes, non est minus impossibile, cæteras penetrare totam terræ molem, quam lucem. Quod hoc modo vrgeri potest; non potest naturale agens circa extremum corpus à se remotum agere, nisi agendo in medium (ut

(vt. lib. phyſicorū ostendimus) ſed nulla virtus caluſtus poteſt agere in totā molem terræ intermediā: ergo nec in partes ſubterraneas, ac centro vicinas, circa quas gignuntur metalla. Probo iterum minorem, quia ſi in totum medium ageret, aliquem effectum produceret, quod patet eſſe impoſſibile, cum conſitet non producere eundem effectum, quia non gignuntur metalla in toto medio terræ, nec eſt excogitabilis effectus alter, quem per totum medium imprimat, ergo ſine fundamento abſcriberetur cœlo effectus metallorum in ſubterraneis locis productus.

His tamen non obſtantibus, teneo cū communi ſententia Scholæ, corpora cœleſtia eſſe cauſam effectricem metallorum, & aliorum mixtorum metheorologicorum, quæ in ſinu terræ, atque etiam in nubibus, & aere generantur. Sic in primis ſentiant antiquiores à principio huius controuerſiæ citati: ſic tandem recentiores omnes, præſertim Patres Conimbricenſes tractatu 13. cap. 2. in libro Metheororum: quam ſententiam ego intelligo de cauſa particulari, principali, & per ſe proxima, & totali: & ſic probo primo, quia corpora cœleſtia habent virtutem producendi omnes primas qualitates, nempe, calorem, & ſiccitatem, quas à Sole produci præcipue videmus per lucem, immo etiam ab aliis aſtris, à quibus producuntur etiam humiditas, & frigiditas, nam Lunam experimur humeſtare inferiora corpora: ergo poſſunt per hæc qualitates diſponere materiam, quam ſua etiam virtute extrahunt ab elementis, vt humidos, & frigidos vapores, & exhalationes ſiccas à terra, & aqua, quibus mediis qualitatibus eandem materiam extractam addenſare poſſunt, & ita eam diſponendo

formam metallorum, & aliorum mixtorū educere de porëtia eius, eaq; in eadē materia ſic diſpoſita inducere, integrūq; ſubſtantiale cōpoſitum mixtum generare. Probatur tota hæc conſecutio, quia cœleſtia corpora iuxta communem ſententiam Scholæ, longe perfectiora ſunt cunctis inferioribus vitæ expertibus, vt ab eis emanantes oſtendunt: ergo ſicut omnes primas qualitates, atque etiam ſecundas, pro diſpoſitione materiæ neceſſarias ac ſufficientes continent, ſic neceſſe eſt, ſubſtantiales formas, ad quas educendas, atque inducendas in eadem materia ordinantur, & quæ tales diſpoſitiones naturaliter conſequuntur, ſua eminenti virtute contineri, eaſque tamquam præcipuas cauſas, & immediatas inducere, & cōpoſita, quæ ex eis coaleſcunt, vnde ſequitur ſine vlllo fundamento denegare eis talem cauſalitatem.

Secundo, quia nullum elementum, neque omnia ſimul ſumpta habent virtutem producendi metalla, & alia mixta, de quibus agimus, neque vlla alia corpora: ergo neceſſe eſt, aliquam aliam cauſam per ſe, ac particularem, & immediatam eorum designare. Probatur conſequentia, quia in his quæ ſecundum ordinem naturalium rerum quotidie producuntur de nouo, non eſt recurrendum ad primam cauſam, ſed intelligendum plane, ad prouidentiam inſinitæ eius perſiſſiſſe, particulares cauſas naturales ordinari ad eorū productionē, ſicut ordinauit ad prouidentiam aliorū effectū ſecundū commune naturæ curſum produendorū. Antecedens probatur, quia mixta hæc longe perfectiora ſunt elementis, vt ex formis, & proprietatibus, ac accidētibus eorū ſit manifeſtū. Et vrgēo arg. hoc modo: Quodlibet elementum, dum

dum concreditur cum cæteris, vel cum aliquo eorū, solum potest per se intendere illud in se conuertere: nam qualitas, per quas operatur, solum intendunt per se, immo solum possunt per se inducere in elementum contrarium alias sibi similes pro sola forma substantiali eiusdem elementi disponentes materiam: ergo si ex tali congressu elementorum, vel vnius cum altero sequatur productio alicuius mixti (vt solet) per accidens, ac præter eorum intentum sequitur, solum igitur possunt tanquam causæ per accidens attingere productionem eius, & propterea necesse est, adhuc in casu isto aliam causam particularem per se designare, & cum nulla alia reperiatur in mundo inferiori, & ex alia parte virtus cælestium corporum sufficiens sit ad ea producenda, necesse est concedere, quod ab eis, tanquam à causa particulari; & proxima, vel modum particularis, & proximæ habente producat. Et si dixeris produci quidem ab eis, non tamen vt causa per se, sed per accidens, sicut ab elementis produci admittimus, nam sic videtur sequi productio horum mixtorū per accidens, respectu cælorum, sicut respectu elementorū, cū præter intencionē eorū sequantur, sicut sequi dicimus, præter intencionē elementorū. Respondeo, disparem esse rationem, & ratio discriminis egregia satis est, quia natura elementorū, ac substantiales formæ eorū particulares sunt, & quæ solum possunt sibi similes producere, vt vniuoca causa, vt ignis ignem, aqua aquam; quare solum possunt tales effectus per se intendere, & quidquid aliud resultat ex eorum actionibus, præter intensionem eorum, sequitur, cuius propterea non possunt esse causa per se, sed per accidens, & horum ratio à posteriori est, quia formæ eorum substantiales, præter alias sibi si-

miles, nihil aliud continent, nec ideo per se intendere, vel per se producere valent. At cælestia corpora eminentiora sunt ratione formarum substantialium, & inferiora hæc corpora vitæ expertia eminenter continent, quare ad productionem eorum per se ordinantur à natura, possunt igitur per se intendere productionem eorum, per se disponere materiam pro introductione formarum, per se eas à materia educere, & cōposita per se generare: falsum igitur est, quod assumitur, videlicet præter intencionem, & per accidens, sequi metallorum, & aliorum mixtorum generationem respectu corporum cælestium, sicut præter intencionem, & per accidens sequitur respectu elementorum.

Argumenta vero in fauorem oppositæ sententiæ præfacta sic dissoluenda sunt. Primum quidem, concessa maiori, & minori negata, videlicet cælestia corpora non continere eminenter metallorum, & aliorum mixtorum formas substantiales: & cum dicitur nō posse vnum continere aliud eminenter, nisi habeat gradum essendi superioris ordinis distinguendum est: nam si per hunc gradum intelligatur extra inem genus, vel prædicamentum eius, falsum est; nam lux continet eminenter calorem, & non habet gradum essendi extra genus, vel prædicamentum eius, sed in eodem prædicamento qualitatis collocatur, & fortasse intra idem genus eiusdem prædicamenti. Si vero per gradum essendi superioris ordinis intelligatur, specificus saltem maioris, vel superioris perfectionis essentialis (absque dubio) est necessarium, atque sufficiens, vt in eodem exemplo lucis ostenditur, atque etiam in anima sensitiua cuiuslibet speciei animalis continentis vegetatiuam, quamuis sub eodem genere viuens cum ea constituitur. Et satis est

ratione contentaneum, ut id, quod habet
superiorem gradum, maioris, ac distincte
perfectionis essentialis respectu alterius,
sua virtute contineat perfectionem ei-
us, tanquam inferioris, in quo si concu-
rant requisita omnia ad veram causalita-
tem eiusdem inferioris, poterit illud
producere; cum ergo cœlestia corpora
respectu inferiorum habeant altiore
gradum essendi, specie distinctum sub
genere corporis, utpote ex propria na-
tura incorruptibilia, & ex alia parte re-
quisita omnia ad veram causalitatem, &
productionem eorum, ut probabimus,
non est eis deneganda dignitas propriæ
ac principalis causæ respectu eor-
um.

Ad secundum negandum est antece-
dens, quod non possit virtus corpo-
rum cœlestium perungere ad subterra-
nea loca, in quibus metalla generantur,
nam lux Solis ad aliquā distantiam per-
tingere potest, & ab illa extendere pro-
priam actionem per totam sphaeram acti-
uitatis suæ, quæ satis est magna, cum sit ip-
sa magnæ actiuitatis. Per hanc igitur ac-
tionem producit calorem in tota sphæ-
ra, per quem vapores, atque exhalatio-
nes extrahit à terra, & aqua (nam & aqua
totam penetrare potest, propter eius trās-
parentiam) & mediis eorum qualitatibus,
nempe, frigore, & humiditate, ac
siccitate addens eos potest, & in me-
talla cōvertere, quam conuersionem nō
parum iuvant Luna, cæteraque astra, in
primis per lucem, sed præcipue per oc-
cultas virtutes (quas influentias vocant)
& quas habere ad effectus satis mirabiles,
superius probauimus. Has autem influ-
entias minus sensibiles esse, minusque
materiales quàm lux, in aperto est, cum
non percipiuntur per sensus, quare nec
determinantur ad corpora diaphana, tā-
quam ad subiecta propria, sicut lux (quæ

ideo opaca non potest permeare) sed op-
aca etiam peruadere possunt: ita quidē,
ut in toto medio aliquem etiam occultū
effectum producant (si eorum per, quos
generationem metallorum attingunt,
capacitas non sunt) si vero capacitate pol-
leant, eundem. Quamuis autem effe-
ctus isti occulti sunt, sicut virtutes ipsæ,
per quas causantur, satis tamen efficaci-
ter probantur tam ipsi quàm virtutes, per
alios effectus non minus certos, quam
ocultos, sicut virtus magnetis, & effe-
ctus eius, atque etiam virtutes, & effe-
ctus aliorum lapidum. Et ecce tibi modū,
quo cœlestia corpora per virtutes pro-
prias attingere possunt generationem
metallorum, quantumvis in profundis-
simis terræ sinibus, vel aquæ locis gene-
rentur: sic solutū est argumentum, atque
confirmatio eius. Non enim probatur
impossibilis diuersitas effectuum, in di-
uersis corporibus extremis, & inter-
mediis, iuxta diuersam naturam, & capa-
citatem eorum, quamuis non omnes sub-
iciantur sensibus, neque eos proinde
sensibili modo percipiamus; satis est en-
im, alios sensibiles percipere, ex quibus
illos produci colligitur efficaci ra-
tione: nam licet corpora cœlestia inter-
media, inter Solem, & aerem non vide-
amus, experimur tamen aerem illumina-
te per lucem, & media luce eum calefa-
cere: & quamuis intelligamus in corpo-
ribus intermediis non producere calorem,
censemus producere necessario lucem,
ea ratione ducti, quia agens naturale
non potest agere in passum remotum,
quin eundem effectum, vel alterum sua
virtute producat in medium, nam si nihil
in medium produceret, non posset virtus
eius peruenire ad extremum, nec proinde
circa illud agere, præcipuumque effe-
ctum ei imprimere.

dam. Neque oportet dicere, quod eorum forma creatur ab agente separato: ad generationem vero animalium perfectiorum, non sufficit agens universale, sed requiritur agens proprium, quod est generans uniuersum. Et tandem q. 91. articulo secundo ad secundum, ita ait: Animalia perfecta, quae generantur ex semine, non possunt generari, ut Auicenna fingit. Et paucis interpositis: Sufficit autem virtus celestium corporum ad generandum quadam animalia imperfectiora ex materia disposita: manifestum est enim, quod plura requiruntur ad productionem rei perfectae. Propriam tamen mentem D. Thomae esse existimo, quod caelestia corpora, non propria virtute, nec tanquam praecipua causa, sed tanquam instrumentum intelligentiae, producant eiusmodi animalia imperfecta, ut perspicuo docet in primo loco: nam ita sentiunt omnes discipuli eius communiter, praeterquam Capreolus in 2. distinctione nona, quaestione vnicā, Ferrariensis primo contra Centes capite 69. & Soncinas 7. libro Metaphysicæ, quæ. 14.

Hæc etiam sententia difficilis est, propter duo hæc argumenta. Primum quia intelligentia etiam apud Diuum Thomam, non habet virtutem producendi hæc animalia, immo neque vllum compositum materiale, sed nec formam aliquam potest imprimere corporibus: ergo nec medio caelesti corpore, tanquam instrumentum potest aliquid horum præstare. Probatur consequentia, quia instrumentum non potest attingere effectum se præstantiorem, nisi eleuetur à præcipua causa, vel virtus eius sit ei concessa à natura, in ordine ad talem effectum producendum: sed in neutro modo potest coelum esse instrumentum intelligentiæ ad generandum hæc animalia: ergo non possunt ab eo, ut tali instrumento produci. Maiorem sic probō: causa præcipua ideo potest eleuare instrumentū ad productionē alicuius effectus, quia cum

continet formaliter, aut eminenter, non aliquo ex his modis eum non continet, non habebit virtutem eum producendi: quare neque poterit eā communicare instrumento, neque proinde illud pro tali effectū producendo eleuare: minore vero, quod neutro illorū modorū possit intelligentia eleuare cælū ad producenda illa animalia, ostendo, quia non continet ea formaliter, cum sit alteri^o ordinis, atque speciei, nepe substantia spiritalis, atque incorporea, non composita ex materia & forma, sed nec eminenter, quia non continet materiā, & formā, ex quib^{us} corporea substantia componitur, nec proinde compositā ipsam substantiā ex utraq^{ue}: non est igitur substantia hæc vllō modo similis intelligentiæ, & propterea non potest ab ea produci, quia agens sibi simile aliquo modo producere debet.

Secundo probatur, quia intelligentia non potest vllam virtutem conferre corporibus celestibus præter motū locale, & impulsū, ut ex com. Scholæ sententiā supra attulimus, atque probauimus: sed per impulsū, & motū locale nequit attingere productionem horum animalium, cum non sit eis motus virtus, seu ratio agendi, sed solum applicatio ad passum: (ut etiam superius probauimus) ex eo igitur, quod cælum moueatur ab intelligentia, nullā virtutem consequitur instrumentalem, per quam possit esse instrumentum eius ad producenda hæc animalia. Quod sic vrgeri potest: omnes virtutes caelestis corporis præliipponuntur motui locali eius, & ante motum intelliguntur præhaberi ab eo per naturalem emanationē, vel alio modo, sicut ac ceteris corporibus: ergo per localem motum ab intelligentia nihil nouum habet, ut possit esse instrumentum eius, quod ante illum non habuerit: quare ex motu non habet instrumentalem concursus ad hos effe-

aus, sed solum applicationem ad corpora, circa quæ acturum est. Constat vero ante motum, nihil prorsus ab intelligentia recipere, nec posse esse instrumentum eius ad hos effectus se perfectiores producendos: ergo nec per motum erit instrumentum intelligentiæ, & ideo nullo prorsus modo.

Vltima igitur sententia asserit cœlum producere eiusmodi animalia, tanquam instrumentum primæ causæ, nempe Dei, quæ non est excogitabilis alia causâ, cuius instrumentum esse possit, sed quam virtutem instrumentariam habeat, vel à Deo accipiat, aut quoniam modo ab eo eleuetur, sic explicat: Cum cœlum sit primum alterans, ac nobilissima pars mundi corporeæ, & nihilominus expers vitæ, conueniens fuit, hanc illi secunditatis prærogatiuam ab auctore naturæ dari, talemque virtutem ei communicari, ut ad omnium corporum viuentium generationem concurreret, & ad quorundam generationem tanquam peculiare ipsius Dei instrumentum adhiberetur. Eiusmodi autem virtutem contulit ei Deus à sua primæua origine, aut creatione. Et intelligitur esse similis virtuti seminali, ita ut quemadmodum semini communicatur à viuente, à quo productum, atque decusum est, virtus quædam, per quam attingit generationem alterius viuentis similis in specie, tanquam instrumentum generantis (quamuis semen ipsum non viuat, sed inferioris speciei aut generis sit) eadem similitudine communicata est corpori cœlesti cum suo esse virtus, per quam attingere possit generationem viuentium (quamuis vitæ expers sit) tanquam instrumentum ipsiusmet Dei, à quo immediatè eam accipit per creationem. Hæc est sententia Durandi in 2. distinctione quintadecima, parte se-

cunda distinctionis, quæstione secunda quam præfato modo explicant, & sequitur Patres Conimbricenses secundo libro de cœlo, capite tertio, quæstione sexta, articulo secunda, & nonnulli etiam recentiores cum eis hanc sententiam amplectuntur.

Cæterum his præmissis hæc virtus sine fundamento tribuitur cœlo, & ad effectum concursus instrumentalis in ordine ad generationem horum animalium imperfectorum, non est ei necessaria. Probatur manifestè primū, quia cum foret virtus naturalis (si daretur) difficile creditu est, eam Aristotelem ignorasse, qui tam perfectas habuit cœlestes virtutes, sed in tota eius doctrina neque vestigium eius reperitur, ut quilibet in ea versatus facile indicare potest: ergo alienum est ab eius mente, eam tribuere cœlo, neque extat ratio alicuius momenti, compellens nos talem virtutem multiplicare, sed ea sola necessitate excogitatur ab his auctoribus, quia sine illa non occurrat eis ratio aliqua tribuendi cœlesti corpori instrumentarium concursum ad generationem horum animalium. Vnde eadem facilitate, qua ab eis ponitur, negari potest, vel denegando ei talem concursum, & ex consequenti talem virtutem, vel negando, quod sine illa non possit esse instrumentum Dei, vel denique negando, quod per instrumentum aliquod concurrat Deus ad tales generationes, qui sicut plerosque effectus alios per se immediatè producit, supplens defectus particularium causarum, sic potest quispiam asserere, has generationes per se immediatè efficere, cū desint particulares causæ à quibus producantur. Itaque cum non sint multiplicandæ virtutes sine vrgenti necessitate, vel ratione, nec debet multiplicari talis virtus semi-

seminalis in cælo non compellente ratione, præsertim cum sit nobis proflus incognita, de qua proinde non possumus nisi diuinando loqui. Quod vero non sit necessaria probatur, quia certum est apud Aristotelem, & omnes cælum concurrere ad generationem animalium perfectorum, per virtutes alias, quas in eo agnouimus, videlicet, per lucem, calorem, & alias astrorum influentias: pro quo concursu præstando, nemo hoc usque talem virtutem seminalem incognitam addidit, præter alias, quas in eo agnouimus, vel quas omnes fere in eo admittunt, ex effectibus cõiuncti, ergo multo minus debet necessaria existimari ad generationes animalium imperfectorum, sed sufficienter concurrere ad eas posse, existimandum est per easdem, per quas concurrunt ad generationem animalium perfectorum, quod ex nostrâ sententiâ explicatione clarius constabit.

Nostra igitur sententia solum admittit, cælum concurrere ad generationem imperfectorum animalium, quæ ex putri materia generantur, tanquam instrumentum Dei, cui attribuantur tales generationes, tanquam causæ præcipuæ particulari & proximæ. Vt autem instrumentum Dei sit ad eiusmodi effectus, non indiget virtute illa superaddita lucis, & influentiis, sed per eas potest eleuari à Deo, & instrumentalem concursum præstare in ordine ad tales effectus vitales. Hæc nostrâ sententia sufficienter probata est, ex aliarum refutatione, quod vero cælum possit eleuari, ut instrumentum Dei ad hos effectus, per virtutes has ordinarias sic explico. Certum est apud Aristotelem, & omnes, cælum per virtutem naturalem, Solis præcipuè, concurrere ad omnes generationes animalium, etiam perfectorum, quæ concursus explicauit Arist. 2. libro Physicor. textu 26.

illis verbis: *Sol & homo generant hominem.* Quem concursum specialiter confert per lucem, & calorem à luce productum, calefaciendo, ac fouendo semen, iunandoque seminalem eius virtutem, ut disponat, & organizet materiâ, quod præstare non posset tali consortio, auxilioque destitutum. Calor autem Solis, quamuis eiusdem sit speciei cum elementari, ceterum quia virtus est superioris, atque eminentioris causæ, longe perfectior est, secundum rationem indiuidualem, ratione cuius excellentiores habet effectus, quos non potest attingere elementaris, ut ostendit frugum, ac fructuum omnium procreatio, ad quam deservire non potest calor elementaris. Cuius perpulchrum, ac simillimum mihi sumo exemplum in calore naturali viuientium corporum, de quo etiam tenet probabilior sententia, eiusdem esse speciei cum elementari, per solum vero indiuidualem differentiam, quam habet ex eo, quod animæ, atque corporis viuētis virtus est, ut ad vitales effectus edendos instrumentum esse possit vitalis potentie generatiuæ, aut nutritiuæ, quos potest attingere calor elementaris, ut secundo libro de anima probauimus. Pari ergo ratione de calore Solis necessario faciendum est, comparatione elementaris, quamuis non omnino attingat effectus caloris vitalis, potest tamen, & verè concurrere cum eo, eumque fouet ad eos præstandos. Et hæc quidem consideranda sunt ex parte cælestis virtutis; aliud vero ex parte animalium, quæ ex putri materia sunt, quæ adeo sunt imperfecta, atque infimæ sortis in ordine vitalium corporum, ut eorum animæ dispositiones longe inferiores, atque imperfectiores, postulent in materia pro sui educatione ex potentia eius, & inductione in ea, & præcipue minorem

licet aliquo modo concurrant, non sunt tamen sufficientia instrumēta, quia perfectiores longe dispositiones, & organizationem postulat materia pro introductione animarum perfectarum, quæ sine semine nequit induci naturaliter.

Q. V. AESTIO III.

An animalia ex putri materia genita sint eiusdem speciei cum animalibus eiusdem nominis ex semine productis.

PRO utraq; quæstionis parte extant nō solum testimonia Aristot. sed rationes magni momenti. & propterea grauissimi auctores patrociniū vtriusque susceperunt. Pro parte quidem negante, quod non possint esse eiusdem speciei, est testimonium Aristot. 5. lib. de historia animalium, cap. 1. circa finem sic loquentis: *Quia autem per se, vel in animali, vel in terra, vel in stirpe, vel etiam in eorum ipsorum partibus creantur, eademque maris, ac femina, sexu distincta sunt, huiusmodi gignitur quidem aliquid, sed ex quo nihil amplius gigni possit, v. g. coitu pediculorum lendes dictæ procreantur, muscarum vermiculi pulicum, genus vermiculorum cui speciem referens, ex quibus nec ea, quæ generantur, prodeunt, nec aliud ullum animal, sed id, quod sunt, sordescunt, et possunt.* Ex quo testimonio colligitur animalia hæc ex putri materia genita virtutem habere generandi sibi similia ex semine, sic vero ab eis genita, carere tali virtute. Ex quo ego infero speciem, differre, & illationem probor: quia potentia generanti vitalis est, & ex virtute animæ sensitiue emanat, per modum proprietatis, & generatio viuē-

tis est actus vitalis. Illa ergo anima, ex cuius virtute emanat, essentialiter est perfectior anima aliorum animalium carentium tali virtute, & operatione, quia ex perfectiori potentia, & operatione, perfectior essentia colligitur: sed anima essentialiter perfectior constituit animalium corpus essentialiter perfectius, & proinde diuersæ speciei, ergo animalia ex putri materia genita specie differunt ab his, quæ ex semine generantur, ex mente Aristotelis, efficaci ratione comprobata.

Secundo, quia pro effectibus determinatæ speciei designauit natura determinatas causas, per quas producerentur, ita ut non nisi per virtutem earum produci possint, quod est intrinsecam connexionem habere cum eis, ut constat ex cæteris speciebus animalium, quæ non nisi à determinatis causis, ac determinato modo operantibus producuntur; ergo impossibile est, eandem speciem animalium indifferenter produci ab his, vel illis causis, aut hoc, vel illo modo operantibus; quare non erunt eiusdem speciei ea, quæ sunt ab alijs animalibus, ex semine cum his, quæ non producuntur ab alijs animalibus, sed ab alijs causis diuersis, nec ex semine, sed ex putri materia, immo cum vno ex his modis produci valeant, superfluit alter, natura vero nihil admittit superfluum. Quare hanc partem sequuntur Auerroës octauo libro Physicorum, comment. 46. Iandus. septimo Metaphysicæ, quæst. 15. Aegidius secundo libro in Hexamerum, c. 28. Flandensis, septimo Metaphysicæ, quæst. 13. artic. quarto. Achillius quæstionibus de physiognomia, & videtur etiam eandem tenere Diuus Thomas, pluribus suis doctrinæ locis; sed præsertim in prima dist. 20. art. primo in corpore his verbis:

Non enim idem in specie est à natura, & ab arte, nec per putrefactionem, & seminationem, &c. & de potentia, quæst. 3. artic. 11. ad 1. ubi sic ait: Nec oportet eorum, quæ sunt in genere, si specie differant, esse eundem modum procedendi in esse, ut patet per animalia generata ex semine, & ex putrefactione, quæ in genere conueniunt, & specie differant. Et tandem 1. parte, quæst. 71. art. unico ad primum, sic inquit: Illa, quæ naturaliter generantur ex semine, non possunt naturaliter sine semine generari.

Opposita vero pars, quod sint eiuldem speciei, expressa videtur in doctrina Arist. duobus præsertim locis 7. Metaphysicæ; textu 23. ubi habet hæc verba: *Harum autem, quædam etiam à casu sunt, & à fortuna perimur, atque in his, quæ à natura sunt, quædam enim ex illis eadem, & ex semine, & absque semine fiunt.* &c. & sectione 11. problematum, quæst. 64. *Quam ob causam, inquit, animantium alia non solum coitu, sed etiam sponte natura procreantur, alia coitu duntaxat proueniunt, ut homo, & equus.* Et probatur hæc ratione efficaci, quia ex accidentibus eiusdem omnino rationis, efficaciter colligitur, substantias esse eiuldem rationis, & essetia: sed animalia ex putri materia genita habet accidentia omnia eiuldem conditionis, eandem figuram, eundem calorem, eandem membrorum distinctionem, & magnitudinem, motum ac cæteras operationes, modumque operandi eundem: ergo pertinent ad eandem speciem; & ita sentit Diuus Thomas 7. lib. Metaphysicæ, lectione sexta post medium; ubi ex professo disputans præsens dubium, assertit sententiam Auerrois omnino negantis, quod idem secundam speciem possit naturaliter produci ex semine, aut ex putri materia. Deinde assertit sententiam Auicennæ oppositam, nempe, quod omnia animalia, tam perfecta, quam imperfecta, utroque modo possint naturaliter produci, & ali-

quando producuntur. Veramque vero reijcit, & medium sequitur, tanquam Aristotelis propriam, quod perfecta non possint, nisi ex semine produci, imperfecta vero (quæ sunt vicina plantis) utroque modo produci possint, intra eandem speciem, ita ut sicut accidit plantam produci sine virtute Solis, & illa eadem sic producta semen emittit cuius virtute producitur altera intra eandem speciem, pari ratione producuntur aliquando imperfecta animalia ex putri materia virtute Solis, & distincta quidem in materiam, & formam, quæ per seminalem propagationem producit animal eiuldem speciei. Eandem tenet, & probat Scotus, utraque reiecta, in prima distinctione secunda, quæstione septima, circa medium 6. Ad primum argumentum principale dico, quod Auicenna: asseritque esse expressam Diui Augustini tertio libro de Trinitate, cap. 4. & 10. & Diui Ambrosij de incarnatione Verbi ad finem. Richardi in 2. distinctione 17. quæst. 2. circa secundum principale. Okam in 2. quæst. 13. Theophrasti 1. lib. de plantis ca. 1. & est communis in Schola, & vera, quam efficaciter probat ratio dubitandi in fauorem eius posita, atque desumpta ex Scoto, ubi supra.

Ad testimonium Aristotelis pro parte negante respondeo, non sequi ex eo, quod quædam animalia imperfecta ex semine producta nequeant per seminationem generare sibi similia, esse diuersæ speciei ab his, quæ generantur ex putri materia sub eodem nomine: nam ex accidenti aliquo prouenire potest, quod operatio generatiua potentia impediat, vel ex imperfectione seminis, ex quo fiunt, quod potentia generatiua careat, sicut videmus in hominibus, & alijs animalibus imperfectis, de quibus constat, non generare alia, nec tam

propterea negamus, esse eiusdem speciei cum cæteris sibi similia generantibus.

Ad primam rationem concedimus, effectibus determinatis naturam designasse determinatas causas magis quidem, vel minus determinatas, iuxta maiorem, vel minorem perfectionem eorum, & ideo animalibus perfectis solas causas suæ speciei designavit, & determinatum, atque perfectum modum producendi ab eis, quæ ideo nec ab alijs causis, neque alio modo, quam per seminalem propagationem multiplicare possunt; imperfectis vero, quæ non postulant causas adeo perfectas, nec modum producendi adeo perfectum, uno, vel altero modo fieri permittit, nempe ex semine, vel ex putri materia: neque tamen alter modus eorum superfluit, sicut non superfluit, quod ignis generetur ab alio igne, atque etiam aliquando per concursum radiorum Solis, vel per attritionem æris.

Diuisus Thomas autem illis locis intelligitur de animalibus, quæ ex natura sua adeo sunt imperfecta, ut non habeant virtutem producendi sibi similia, sed naturaliter exigunt, produci ex putri materia, ut minutissimi quidam vermiculi, quæ quidem animalia specie distinguuntur ab alijs. Præter hæc autem sunt alia, quæ propter suam perfectionem postulant ex natura sua produci ab alijs viuiculis similibus, ut contra Auicenam 2. lib. suæ Metaphysicæ, quæst. 42. merito docet Sanctus Thomas 7. Metaphysicæ, lectione 16. & prima parte, quæst. 45. articulo secundo, atque etiam tertio contra Gentes, cap. 69. & Scotus in 2. distinct. 8. quæst. 1. & Diuisus Bonaventura ibidem, numer. 20. ex communi consensu: quo enim aliqua perfectiora sunt, eo plura ad sui productionem postulant. Denique

sunt alia media, & ab utroque extremo specie saltem distincta, utroque modo producibilia, ut mures, vesperæ, & similia, inter se tamen eiusdem speciei: quæ tria genera etiam reperiuntur in plantis, & non possunt eidem conuenire, & iuxta hanc distinct. optime intelligitur S. Thomas, cum alijs: ne sibi sit contrarius.

Sed aduersus hæc doctrinam duo possunt opponi, quæ videntur probare, etiam perfecta animalia posse utroque modo produci in eadem specie, nempe ex semine sibi similium, atque etiam ex materia putri, vel ex terrea. Primum est, quia sicut corpora cælestia sua virtute possunt disponere materiam pro introductione animæ imperfectorum animalium, & ex consequenti eam producere, atque vnire materiæ, tanquam instrumenta Dei, pari ratione possunt eandem disponere, & organizare, pro inductione animæ perfectorum animalium, eamque educere de potentia materiæ, vel creatam à Deo vnire corpori tanquam instrumenta Dei: ergo possunt hoc modo perfectam animalia produci, & non solum per virtutem seminis ab alio simili. Probatur paritas rationis, quia dispositio materiæ pro vtraque anima consistit in certa temperie primarum qualitatum, quibusdam secundis ex eadem temperie primarum procedentibus; quarum productio non excedit perfectionem cælestis virtutis: ergo quemadmodum imperfecta animalia potest producere ex putri, vel ex terrea materia, pari ratione poterit perfecta.

Secundum, ex quibusdam experientijs, in quibusdam enim infusis, à continenti distantissimis, visa sunt perfecta animalia, quæ tamen neq; ab his, quæ initio mundi creata sunt, propagare poterunt, cum omnia hoc (paucissimis excep-

duo sentio. Primum quidem, si daretur (ut satis probabile est dari) quia à multis visum esse refertur, non esse vnicum in toto mundo mundo, quia etiam refertur ab eisdem pluribus in locis, atque dissimilissimis visum fuisse, & aliquando in vno, vel altero eorum interiisse, neq; ibidem ex cineribus eius, alioue modo genitum pro eo alterum. Quare si vera sunt, quæ de eo referuntur, vnicum esse non potest.

Secundo assero, neq; ex cineribus eisdem renouiscere, qui igne assumptus, neque alteram sibi similem, neque possibile esse aliter, quam ex semine generari naturaliter, sed forte, quia pauca admodum indiuidua in hac specie producuntur, vulgare ceptum est, vnicum dari simul in tota natura. Quare dum sancti Patres videntur Phœnicis exemplo, ad suadendum corporum resurrectionem, id non asseuerant, neque ex propria sententia pronunciant, sed ex aliorum scriptis referunt, quasi dicere velint: si homines sibi persuadent virtute naturali posse contingere, ut Phœnix ex propriis cineribus renouiscat, cur non credant, posse eadem humana corpora etiam in cineres redacta, per virtutem diuinam supernaturalem, iterum ad vitam reuocari. Nihil ergo ex sanctis Patribus probatur, quod ad talem modum generationis perfecti alicuius animalis ex putri, vel extranea materia geniti pertineat.

Q V A E S T I O I V.

An celestia corpora aliquem influxum habeant circa futuros euentus casuales, ex concursu naturalium causarum euementis.

DE solis casualibus effectibus ex concursu natu. alium causarum superiorum, vel inferiorum euementibus, quæstionem agendam proponimus, an circa eos aliquem influxum habeant celestia corpora, vel nullum, sed penitus casuales sint, & tam præter intentionem eorum proueniant, quam respectu causarum inferiorum, v.g. astrum, vocatum Aquarium, in certo aspectu inclinat ad generationem imbrui, cui opponitur sydyus aliud eo fortius, impediendo ne eleuentur vapores à terra vel aqua, quibus pluuia generetur, & ex hoc impedimento sequitur segetes non crescere, sed ariditate perire, & terram eo anano sterilem euadere. Quod in dubium reuocamus, est, an extinctio segetum, & terræ sterilitas (quos casuales effectus vocamus) à cœlo, vel astris proueniant, vel circa eos aliquo modo insinuant, vel nullo: ideoque eis non sint ascribendi.

Et prior opinio affirmat, hos omnes effectus solum vocari casuales, respectu causarum inferiorum, quæ proinde nullum habent circa eos influxum; à cœlo vero, vel astris per se præcedere, nec eorum influxum effugere posse. Sic affirmat Auicena 30. Met. h. capit. 1. Ocham quodlibeto 1. quæst. 17. quorum vnicum est fundamentum: quia licet astro priori non tribuatur segetum ariditas, vel extinctio, neque sterilitas terræ ex ea subsequuta, tribuitur posteriori per se, quia per se causat siccitatem, ex qua sequitur. Quare respectu cœli, cuius tale astrum pars est, & à quo, & in quo mouetur, non est casualis effectus, sed per se productus, quod videtur plane sentire Diuus Thomas 1. part. quæst. 19. art. 6. his verbis: *Potest enim impediri, quod aliqua stella non inducat suum effectum sed tamen quicunque effectus ex causa corporea impediendo in rebus corporalibus consequatur, oportet quod reducatur per aliquam cau-*

fas-madias in vniuersalem virtutem primi celi.
 Hoc autem exemplum affert ad probandum, quod diuina voluntas sit causa per se cuiuscunque effectus (quantumlibet casualis, respectu cuiuslibet alterius causæ) quia cū Deus sit causa vniuersalis, non potest causa impediens alteram effugere concursum eius, quare necesse est, effectum, qui ex tali impedimento sequitur, (licet casualem comparatione eius, quia præter intentionem sequitur, & ideo absque eius concursu) per se cadere sub influxum causæ vniuersalis, sub qua continetur, ex cuiusque concursu operatur causa impediens, & ideo comparatione eius casuale non esse, sed per se, & sic rem se habere (ait) in causis corporeis respectu effectus, qui ex concursu vnius alteram impediens sequitur: nam licet respectu causæ impediens sequitur: nam licet respectu causæ impediens casualis sit, non respectu impediens, ex cuius effectum per se productum, quo alteram impedit, sequitur, & cum causa hæc cōtineatur sub primo cælo, ad quod tanquam ad vniuersalem causam reduci debent omnes effectus causæ corporeæ suo ordine militantes sub eis, necesse est talem effectum ad eam reduci, tanquam ad causam vniuersalem, sub qua continentur omnes, & ex cuius influxu per se procedunt quicunque earum effectus, ut qui ex eis sequuntur. Si vero in causis corporeis verū hoc non sit, sed aliquis effectus datur casualis, in quem non influat cælum, & ideo qui præter intentionem eius fiat, sequitur etiam dari aliquem effectum casualem, qui sequatur ex causa particulari impediens aliam, & præter intentionem Dei, & respectu eius sit casualis, in quem nullum influxum habeat, & ideo circa cuius consecutionem voluntas Dei non versetur, nec proinde impletur, & tandem sequitur, frustra

esse rationem D. Tho. & conclusionem, quam probare intendit, planè falsam, quod est absurdum.

Nostra vero sententia est, talem effectum casualem esse, etiam respectu celi, in quem neque in vllum alium casualem effectum, aliquem influxum habet. Ita D. Th. 3. li. contra gent. c. 86. & 49. & ibidem Ferrar. Alex. 1. part. q. 16. membro 3. ar. 2. Caietan. 1. parte, quæst. 15. artic. 6. atque etiam Patres Conimbricenses 2. li. de cælo, capite 3. quæstion. 5. Et probatur primo, cælum est causa naturalis, agens ex determinatione ad vnum: ergo solum potest influere in effectum, ad quem producendum naturaliter inclinatur, vel ex eo naturaliter, & necessario sequitur; sed in effectum casualem non inclinatur naturaliter, nec ex eo in quem inclinatur naturaliter, requiritur necessario: ergo non habet vllum influxum circa illū. Minorem probo, quia effectus casualis sequitur, præter intentionem agentis per se: ergo præter influxum eius: probatur consequentia, quia agens naturale sicut non agit, nisi ex intentione, seu inclinatione propriæ naturæ, ita non influat nisi in effectum, in quem propria eius inclinatio, vel intentio naturalis tendit. Exempli gratia lapis descendens solum intendit, dentrum alsequi, quia in ipsum tendit naturalis inclinatio grauitatis eius, quod vero hominem, vel alind animal sibi obuiam factum percutiat, præter intentionem eius omnino est, quia præter inclinationem naturalem. Quare nullum potest habere influxum circa illum, & pari ratione nec planeta naturaliter produciens siccitatem, potest influere in extinctionem messium, & sterilitatem terræ, quia nec eas potest intendere, sed præter intentionem eius sequuntur, & ideo præter influxum.

Secundo probatur, quia casualis effectus

Ad sequitur per accidens ex concursu durarū causarū, sed neutra intendit per se concurrere cum alia, neque totū cælū intendit talem effectum; sed omnino sequitur præter concursum, & causalitatem eius, sicut præter concursum, & causalitatem inferiorum causarum. Maior experientia nota est, cum videamus messum conflagrationem sequi ex emissionē fulminis, & concursu siccitatis ab alia causa cælesti inducta, & pariter ex concursu plurium causarum efficientium, vel efficientis, & materialis, sequuntur alii casuales effectus inferiores. Minor vero, quod neutra intendat concursum ipsum, non est minus evidens in causis sese impredientibus: nam evidens est planetam intendentem generationem imbrium, non intendere concursum cum planeta alio impediēte effectum eius, alioqui agens intenderet, quod effectus eius impediatur; & hoc absurdum esse constat, sed neq; planeta impediens intendit concursū, quia agens solū intendit producere effectum propriū, ad quē producendum ex propria natura inclinatur: quod ergo incurrat in agens aliud, cuius effectum impediatur, præter inclinationem eius est, ergo præter intentionem, quia solum intendit id, ad quod natura ipsum inclinatur, & cum sit etiam præter eam, quod planeta alter eo agente occurrat, repugnat ex intentione, & inclinatione eius, & ex consequenti, concursum utriusque, quem proinde repugnabit intendere.

Et tandem, quod talis concursus non sit à toto cælo intentus, probatur, quia totum cælum non agit, neque concurrat ad effectus inferiores nisi per aliquam sui partem, si ergo à nulla parte agente potest intendi: ergo neque à toto cælo, & si concursus intendi repugnat, ex cō-

sequenti repugnabit intendi effectum, quod ex eodem concursu præcise sequitur, & aliam causam non habet. Quod efficaciter satis colligi potest ex doctrina Aristotelis in libro de diuinat. per somnium, ubi fateatur, cælestia corpora impediri aliquando à suis effectibus, & ideo, quod ex impedimento sequitur non esse effectum illorum, quia vniuersaliter verum esse arbitrat, non produci à causa per se operante illud, quod per accidens sequitur ex effectu per se eius, vt hicce verbis testatur, 6. libro Metaphysicæ, tex. 4. *Neque enim qui facit domum, facit simul, quæ accidunt domui factæ.*

Et si dicatur per accidens saltem produci, ideo causam per accidens habere aliquem concursum, circa effectum per accidens subsequentum ex effectu, quem producit per se, sed casuale illum vocari, quia non est per se intentus, nec per se productus à tali causa, neque ab alia causa per se. Vnde sequitur, negari non posse, quod cælestia corpora habeant concursum aliquem circa effectus per accidens subsequentos, ex concursu, & effectu, quē per se intendunt, ac per se producant; alioqui dabitur effectus extra causas, vel non productus ab aliqua causa, quod patet esse absurdum. Consequentia vero probatur, quia causa, nihil producit, nisi per concursum: si ergo nulla causa concurrat ad casuales effectus, à nulla causa producentur, vel si ab aliqua, sine concursu producentur, quod exemplo declaratur. Impeditur planeta per effectū siccitatis effectū alteri planeta, & ex tali impedimento sequitur per accidens & casualis effectus alter, vt extinctio messum, & sterilitas terræ, cuius erit causa per accidens idemmet planeta innuens siccitatem, ad cuius productionem per accidens sequitur; habebit igitur respectu talis effectus per accidens secutum concursum

ſum ſaltem per accidens.

Reſpondeo, nec dari influxum per accidens, neque cauſam per accidens vlllo modo influere in effectum per accidens, quia ſicut ſequitur præter inclinationem & intentionem cauſæ per ſe, ita ſequitur præter operationem, & conſequenter præter effectum influxum, quia influxus agentis non eſt aliud, quam ipſa met operatio, pro vt à ſe procedens. Operatio vero non poteſt niſi ex inclinatione agentis, atque ex intentione eius procedere. Quare ſicut cauſalis effectus non poteſt per operationem procedere, qua producit effectum per ſe, ita nec ex influxu per ſe, præter quem non datur alter influxus eius, ſicut nec datur alia operatio, ſed ſine operatione, & influxu agentis per ſe, ſubſequitur effectus per accidens. A quo vero agente, vel per quam operationem, & influxum producat. Reſpondeo non poſſe produci ab vlllo agente, naturali, particulari, vel vniuerſali, nec per concurſum eius, quia omne agens naturale operatur ex determinatione ad vnum, hoc eſt, ad eum dumtaxat effectum, in quem ordinatur natura, & inclinatio eius, & cum neque ordinetur ad concurſum cum alia cauſa, neque ad impedimentum actiuum, vel paſſiuum eius, hoc eſt, nec ad eam impediendam, nec vt ab ea impediatur, ſed vtrumque ſit præter inclinationem, & intentionem eius, non poteſt concurſus, vel impedimentum per operationem, ſeu actualem concurſum eius fieri; & ex conſequenti neque effectus per accidens, vel cauſalis, qui ex tali concurſu eius cum altero ſequitur; nec eſt dari aliquam cauſam liberam, & vniuerſaliſſimam, à qua per ſe fiat libera quidem, vt poſſit per ſe illum intendere, cum probatum ſit, non poſſe intendi à cauſa naturali, propter intrinſe-

cum modum operandi, ex determinatione ad vnum; vniuerſaliſſimam vero, hoc eſt, primam, à qua intrinſecam dependentiam habent effectus omnes, cōcurſus omnes, & omnium cauſarum operationes, & proinde cuius concurſum nullus effectus, nullus concurſus, nulla operatio aliarum cauſarum effugere poſſit, neque eſſe vlllo modo in rerum natura niſi per concurſum eius fiat & conſeruetur. Ab hac igitur ſola cauſa intenduntur, & ſunt per ſe, effectus, concurſus, omnesve occurſus aliarum, & impedimenta omnia, quæ viciffim ſibi præſtant, & effectus omnes per accidens, atque cauſales, quæ ſine concurſu vllius alterius cauſæ vniuerſalis, vel particularis ſequuntur, ſed per ſolum concurſum primæ, reſpectu cuius nihil per accidens, cauſale nihil, nihil fortuitum vocari debet, nec poteſt, ſed omnia dependent per ſe, & ſunt per ſe ab ea, & ſolum vocantur aliqui effectus cauſales, vel per accidens, aut fortuiti; reſpectu aliarum cauſarum, à quibus ſicut intendi non poſſunt, ſic nec fieri, vel produci. Ex quo infero, quod ſi hæc prima cauſa, nempe, Deus optimus, & maximus, non foret libera, ſed naturalis, ex determinatione ad vnum agens, repugnaret prorsus, per concurſum eius ſequi effectus per accidens, vel cauſales, & ideo nihil cauſale, aut per accidens daretur, nec dari poſſet in natura rerum, quia non poſſet per concurſum allicuius cauſæ fieri, ſine vlllo vero concurſu ſequi non eſt intelligibile.

Vt autem clarius, ac facilius expediat fundamentum oppoſitæ ſententiæ, adnotanda eſt diſtinctio inter cauſas naturaliter operantes, & liberæ, quod illæ operantur, ex determinatione ad vnum, & propterea eos dumtaxat effectus intendere, edere poſſunt, in quos virtus eius naturaliter inclinatur, & non alios,

& ad eos tantum influxum præstare possunt: liberæ vero indeterminatæ, atque indifferentes sunt ad plures effectus, & quemlibet eorum intendere valent. Vnde circa eum quoque effectum, qui ex concursu duarum causarum sese impediuntium sequitur, versari per se possunt, & si subsint potestati earum, per se intendere, & per se producere, & cum omnia subsint potestati diuinæ voluntatis, omnes effectus per se aliarum causarum, vel per accidens eos consequentes, potest intendere per se; & verè omnes per se intendit, & per se producit; neque vilis est, qui influxum eius edugere valeat, quantumlibet præter intentionem causarum naturalium, vniuersalium, & particularium, atque etiam liberarum sequatur, & casualis, aut per accidens, respectu earum iure vocetur. Ex hoc discrimine sequitur aliud, inter causam primam ex vna parte, & cœlestia corpora ex altera, quantum ad concursum causarum sese impediuntium. Quod cœlestis corpus solum potest esse causa per se effectus vnius planetæ impediens alterum, in effectum vero subsequutum ex impedimento per talem effectum præstito, nullum influxum habere potest, quia præter intentionem totius cœli, & omnium partium eius sequitur. Constat enim, nec totum cœlum, nec aliquam eius partem intendere concursum planetarum impediuntium, nec extinctionem messium, nec terræ sterilitatem subsequutam, ex impedimento pluuiæ futuræ intentæ ab vno planetæ, & impeditæ per concursum alterius. Causa autem prima, eiusque effectus voluntas non solum intendit, & concurret ad effectum causæ impediens, & ad impedimentum per eum præstitum, sed concursum vtriusque per se vult, per se intendit, per se efficit, atque etiam effectum ex tali impedimento per

accidens, & casu subsequutum, vult per se, intendit per se, producit per se.

Cæterum D. Thomas de solo effectu vnius planetæ, per quem impeditur alter cum eo concurrens loquitur, & in eo solum similitudinem cœlestis corporis cum diuina voluntate assignare intendit, non in cæteris, de quibus ingenue fateatur alio loco à nobis citato præter intentionem cœli esse; & ideo etiam comparatione eius casualis esse, & vocari.

QVÆSTIO V.

An, & quonam modo cœlestia corpora in intellectum, & voluntatem nostram influant.

CIRCA naturam intellectus humani errauerunt Empedocles, Democritus atque Homerus, putantes, materiale quid esse, aut corporeum, sicut sensum, vtestatur, Aristoteles 2. libro de anima cap. 3. textu 150. Ex quo errore in alterum incidisse necessarium fuit, videlicet, non minus intellectum, eiusque operationes, quàm sensum subiici influentiis cœlestibus, ita vt sicut dicitur circa sensuum opera imprimere valent, pariter circa intellectum, & operationes eius, & consequenter circa voluntatem, quia eiusdè ordinis, & potentie istæ. Ex qua sententia processit propterea illud Homeri relatum ibidem ab Aristotele: *Talis enim mens est terrestrium hominum, qualem indies inducit pater hominumque, deorumque*: hoc est, Iupiter: quem summum Deum appellabant, per eum intelligentes totum cœlum, vt Augustinus, 4. lib. de Ciuitate. Et hinc etiam processit Stoicorum error, qui putabant, cognitionem

noſtri intellectus cauſari ex hoc, quod ſenſibiles corporum imagines ei imprimuntur, ſicut literæ imprimuntur papyro, etiam ſi nihil efficiat, vt Boetius refert 5. lib. de conſolatione, & ex ipſo D. Thoma 3. lib. contra Gentes cap. 34. & propterea cum, ſubditus ſit influentiis celeſtibus, tanquam vniuerſali agenti circa eum operanti, ex earum impreſſionibus ſunt in nobis eadem operationes voluntatis, circa quas influxum habebunt celeſtia corpora.

Quod probari poteſt ex duobus, ex priori quidem quia non videtur, aliam cauſam designari poſſe acrioris ingenij vnius hominis, & hebetioris alterius, niſi quia ille ſub melioribus, magisque propitiis aſtris conceptus ſit: quod Ptolomæus in Centiloquio ſignificabat dicens, cum Mercurius in aliquo natiuitate fuerit in aliqua domorum Saturni, & ipſe fortis in ſuo eſſe, dat bonitatem intelligentiæ medullitis in rebus; ergo bona ingenij qualitas, operationeſque eius ex celeſti influentia dependent, & ex eius impreſſione procedit; & ex conſequenti bona operatio voluntatis ab intellectu mota. Ex poſteriori vero, quia conſtat, dæmones, qui puri ſpirituales ſunt, alluci, & fugari quibuſdam herbis, ac lapidibus, quæ idcirco ad magicæ artis uſum conferunt, nec poſſunt effectus iſti intelligi abſque impreſſione aliqua ab eiſdem corporibus, viſtute ſtellarum, ſub quarum conſtellatione applicantur, facta circa eoſdem dæmones. Quod confirmat Pſellus in libro de dæmon. aſſerens, nihil fere naſci ſub Luna, quod non ad allucinos dæmones valeat.

Duplici tamen aſſertione ſoluenda eſt quaſtio propoſita: & prior ſit, corpora celeſtia non poſſunt agere in voluntatē aut operationes eius directē, & per ſe, aut immediate, nec etiam circa intellectum,

aliquid in eis immediate imprimendo, & oppoſitum eſt error in fide. Aſſertionē hanc tenet communis Scholaſticorum conſenſus in 2. diſtin. 15. Diuus Thomas 3. contra gentes, cap. 34. & 85. 1. part. quaſt. 115. artic. 5. & 12. quaſt. 19. artic. 5. ex quibus locis duplicem rationem ſatis efficacem deducere poſſumus; prior talis eſt: corpus propria virtute non poteſt agere per ſe, & directē, in ſpiritu, ſed cælum eſt corpus, & anima rationalis, eiufque potentia intellectus, & voluntatis, atque etiā harum operationes ſpirituales ſunt, ergo non poteſt circa illas operare; vel influere cælum propria virtute per ſe, & directē: maior eſt euident, quia corpus propria virtute nullum poteſt effectum producere, niſi corporeum, & cum debeat proportionari effectus, & cauſa, & ſi ſpiritualem produceret, foret effectus ſua cauſa principali perfectior, ſed ſpirituale ſubiectum incapax eſt effectus corporei in ſe recipiendi, cum ſit ordinis ſuperioris: ergo non poteſt illum recipere à corpore, nec proinde hoc in illud agere, minor vero non eſt minus euident ex parte cæli, quod corporeum ſit, & conſeſſa ab aduerſariis, ex parte vero animæ, quod ſit ſpirituale, probata eſt à nobis in noſtris libris de anima, ergo vera erit aſſertio noſtra.

Secunda ratio ſumitur, ex D. Damasceno, 2. libro orthodoxæ fidei, capite 7. ubi tenet, & probat aſſertionē noſtram hoc modo: corpora celeſtia operantur naturaliter, hoc eſt, ex determinatione ad vnum, & abſque electione, vel libertate, ſi ergo in voluntatē noſtram per ſe, & directē eam mouendo, ad propriam operationē agerent, naturalis quoque, ac determinata, ad vnum foret operatio eius, nō ergo libera, nec ex electione, quod non ſolum fidei contrarium eſt, ſed ſententiæ experientię: quare plane falſum

sum est, quod cælestia corpora, se immedie, seu directe agant, in voluntatem nostram, vel operationes eius. Quod vero contrarium asserere, sit error in fide Catholica, probari potest, ex multis locis sacre paginæ, ex quibus plane deducitur, scientiam, sapientiam, atque intelligentiam, non à cælo, vel astris accipere hominem, sed à Deo mouente intellectum eius, ac dirigente operationes eiusdem, & voluntatem non solum ex eodem excitari, moueri, ac dirigi, in suis actibus, sed etiam causam liberam eorum, ita ut non modo naturali moueatur, vel ex instinctu naturæ, sicut bruta atque cætera inanimata mouentur, sed ingenua excitatione, ac motione, quâ recipere, vel respicere, operari, vel operationem suspendere in eius sit potestate situm. Iob enim 25. *Vbi est Deus, qui fecit me, qui dedit carmina in nocte, qui docet nos super iumenta terra, & super volucres cæli erudit nos.* Et Psalmo 93. de Deo etiam dicitur: *Qui docet hominem scientiam.* Genesis 4. *Subter se erit appetitus eius, & tu dominaberis illius,* quibus additur Ieremias 10. *Iuxta vias gentium nolite discere, & à signis cæli nolite mœuere, quia timent gentes.* Et sancti Patres ubique de influxu cæli circa humanam voluntatem loquuntur, constanter tenet eandem veritatem, quam definiuit Ecclesia in Concilio Brachar. c. 9. & 10. aduersus Priscillianistas hæreticos.

Assertio posterior communis etiam scholasticorum, quam tenet, & explicat Dignus Thomas, eisdem locis citatis: indirectæ, & quasi remote, & per accidens influunt corpora cælestia in intellectum, & voluntatem, actusque harum potentiarum, qui cum dependeant à sensibus, & eorum operationibus, sub genere rerum materialium constitutis, per quandam redundantiam attinguntur ab influxu cælorum, quatenus per hunc ali-

quid imprimitur circa organa sensuum, ex qua impressione variatur modus operandi illorum, & appetitus sensuius, vnde redundare solet non parua variatio circa intellectum, & voluntatem. Ita tamen hoc est intelligendum, ut per talem influxum cæli circa organa sensuum, & eorum operationes non possit etiam indirecte cogi, vel necessitari voluntas, sed quocunque eius influxu præsupposito, (organum suum non sic lædente, ut ordinatam eius operationem tollat) in potestate voluntatis positum esse, agere, vel non agere, & integram, atque illæsam permanere voluntatem eius. Vbi illud aduertere necesse est, quod egregie adnotauit Dignus Thomas 1. par. quæst. 15. artic. 5. videlicet in hoc versari maximum discrimen, inter Angelos & animam nostram, quod licet omnia sint spiritualia substantiæ, diuersa tamen ratione, quia Angeli sunt spirituales substantiæ completæ, atque perfectæ, non dependentes à corpore, nec potentes illud informare, quare nec à cælo possunt etiam indirecte, & per accidens dependere. Anima vero rationalis, etsi secundum entitatem, & substantiam sit spiritualis, incompleta tamen, & partialis, quæ essentialiter potest informare corpus, & dum actu ipsum informat, dependet ab eo in suis operationibus aliquo modo, atque ex consequenti voluntas, quanquam magis remote: vnde sequitur, circa Angelos nihil agere posse directe, nec per se, aut etiam per accidens aliquid eis imprimere, quare neque in suis operationibus villo prorsus modo, ab eo dependent, anima vero, propter dependentiam, quam habet à corpore, dum illum informat, indirecte, remote, & per accidens, ab eo dependet in operationibus intellectus, & voluntatis.

Ad primam partem argumenti pro-

positi, aduersus nostram sententiam respondeo, maius ingenii acumen ex ipsa natura vnius, & alterius animæ præcipue provenire, quæ licet eiusdæ speciei sint, ex differētij; tamen individualibus quædam sunt perfectiores aliis, quamuis non ita necessario, quin reperiri possint aliquæ eiusdem perfectionis, etiam individualis, ut copiose ostendimus in nostris commentarijs super secundum librum de anima. Iuvant tamen maxime meliora organa, ac dispositiones sensuum, & hac parte iuvant etiam maximè influentiæ ælestes, & signa, in quibus concipiuntur diversi homines, atque etiam bonum temperamentum progenitorum, ex quibus solum infertur modus indirecte, atque remote agendi cælorum in intellectum, & voluntatem concessum, & explicatum in nostra secunda assertionem. Ad secundam partem negamus, quod dæmones alliciuntur herbis, & lapidibus, quia hæc aliquid in eos imprimant, sed solum in quantum signa quædam sunt ex maleficorum pacto tacito, vel expresse cum eis inito, cuius virtute accedere, vel recedere suis temporibus dicuntur pro effectibus edendis. Quod vero Psellus ex hoc intulit, de rebus suis Lunæ aspectu ortis, planè falsum est.

QVAESTIO VI.

Possint ne Astrologi ex syderum observatione futura certo præcognoscere, ac prænunciare.

Astrologi, diuinatorès & iudiciarij multa se iactant certo prædicare, priusquam eveniant, non solum naturaliter, & necessario euentura, sed casu at-

que fortuito, immo, & quæ ex humana libertate dependent; posse autem se illa certo præcognoscere, aiunt, in aspectibus quarundam stellarum, quas fatales vocant, non quia stellæ istæ, vel earum facies, aut aspectus tales effectus futuros efficiant, sed quia eos, quamuis ab aliis causis efficiendos, quasi denotant, vel significant instar literarum; ipsi vero iudiciarij, aut diuinatores easdem aspicientes, quasi se in eis aspectibus legere arbitrantur futuros euentus, eosque certo prædicere; ut vero alicuius hominis mores, fortunam, successus, ac exitus eorum, certo possint eidem prænunciare, certis quibusdam instrumentis, aut rebus vtuntur, sub aspectu determinatæ cuiusdam stellæ, aut planetæ, in puncto natiuitatis eius regnantis, seu prædominantis, aut talem alium situm habentis, ut certam stellam in tali distantia Solis, vel dispositione insipientis, attemperatis, seu iuxta positis, & iuxta significationem huius, vel harum stellarum, censent sibi iudicandum de inclinationibus, aut propensionibus naturalibus talis hominis; ex quibus colligunt, tales esse futuros mores eius, & vitam, successusque in ea interuenientes, & hinc affirmare audent, in Principem, vel Regem eligendum, aut etiam summum Ecclesiæ pastorem, vel successus contrarios aduersæ fortunæ habiturum, quos constat, ex libera, seu liberis hominum voluntatibus dependere. Hanc autem suam positionem videtur fundasse in illis verbis sacræ paginæ Genesis 1. *Fiant luminaria in firmamento cæli, & diuidans diem, & noctem, & sint in signa, & tempora, & dies, & annos, & paucis interpolatis, Fecitque Deus duo luminaria magna, luminare maius, ut præset dies, & luminare minus, ut præset nocti, & stellæ: Quas ideo colligunt fatæ esse à Deo, ut sint in signa futurorum*

uentuum: habentque pro se Origenem, ira exponentes, ut testatur Eusebius Cæsariensis lib. 6. de præparatione Evangelica, cap. 9. Esse autem signa non possunt nisi eorum, quæ in mundo inferiori efficienda sunt, quos ad futuros euentus vocamus: hi ergo per easdem stellas, vel earum aspectus, tanquam per signa significantur nobis, & ex consequenti ducunt nos in cognitionem eorum, & eis inspectis poterunt ab Astrologis cognosci, ac prænuntiari. Quod proculdubio satis erat congruum, ut vniuersalibus corporibus tanto inferioribus perfectioribus, quanto ab eis remotioribus, insignis hæc prærogatiua concederetur, ut quasi speculum nobis forent in quo effecta omnia ab eisdem inferioribus precedentia inspicere, ac veluti præcognoscere possemus, priusquam extrinsecas causas procederent, sicut constat in essentia diuina, eiusque idzas perfectius longe præcognosci à Deo antequam fiant.

Ut autem plane, ac distincte ostendamus; quidnam huic positioni, & vsui eius concedendum sit, & quid in utroque non solum damnaudum, & execrandum, sed euidenter falsum ostendendum, ex principiis veræ Philosophiæ has assertiones statuere, ac probare decreuimus. Prima sit, & quasi fundamentum cæterarum: impossibile est per virtutes, vel aspectus stellarum, liberum aliquem effectum, seu euentum, vel aliquo modo ex libertate nostra dependentem, certo cognoscere, & ex consequenti certo prænunciare euentum sine euidenti periculo errandi, vel mentiendi, immo sine frequenti errore, vel mendacio. Hanc probo primo ratione; magna ex parte deducta ex doctrina Diui Thomæ 2. 2. quæst. 95. art. 5. & sic procedenti: vel stellæ significant futuros euentus liberos,

tanquam signa eorum naturalia, vel supernaturalia, verumque est falsum; ergo falsum quoque est, quod sint signa eorum; probatur minor, quia signum quodcumque naturale, & corporeum, vel est effectus rei, quam significat, vel procedit ab eadem causa cum eo. Exemplum prioris præbet fumus significans ignem, à quo tanquam effectus procedit; posterioris vero Iris in nubibus formatus, qui serenitatem quandoque significat, & à causa eiusdem serenitatis simul, ut effectus procedit, ita ut eadem sit causa serenitatis, & Iridis eam significantis utriusque communis; sed neutro ex his modis possunt stellæ, vel motus, aut dispositio earum, esse signa futurorum euentuum liberorum, aut ex libertate dependentium: ergo nec possunt naturaliter significare: minorem probo, quia impossibile est stellæ, vel aspectus, seu dispositiones earum esse effectus rerum, vel euentuum inferiorum, cum isti nihil in cælestia corpora, vel stellæ imprime-re possint, vel immutationem aliquam in eis facere, ut per sese est manifestum; sed nec possunt habere aliquam causam cum eis communem, cuius sint communes effectus, quia prorsus omnis motus, aspectus, ac dispositio stellarum procedit à sola causa superiori, effectus vero liberi, aut ex libertate dependentes, procedunt per se, & proprie, ac proxime à causa inferiori: quare nullam causam possunt habere communem, præter diuinam prouidentiam, à qua constat, longe diuerso modo dependere: nam aspectus, ac dispositio stellarum disponuntur tanquam naturales causæ ad vnum determinatæ, & absque libertate, & necessario operantes. Liberi vero euentus, vel ex libertate dependentes disponuntur futuri per causas liberas, non necessario, nec ex determinatione ad

vnum operantes, sed ex indifferentia ad verumlibet, à quibus proinde non eodem modo proueniunt, semper, sed variis, ac diuersis modis, & cum frequenti mutabilitate; impossibile est ergo esse causas naturales eorum, vel naturalia signa. Probatur consequentia, quia causa, vel signum eodem modo se habent semper, & quod ex determinatione ad vnum operatur, vel significat, id causare, vel significare non potest, quod variis modis, & cum frequenti mutabilitate, ex propria conditione prouenire aptum est, & ita semper prouenit. Quod vero non sint supernaturalia eorum signa euidentius est: nam si supernaturalia forent, repugnat plane, lumine naturali, aut per naturale scientiam, vel notitiam ab astrologis cognosci, vt ipsi iactant se eos cognoscere, sed per solam reuelationem, vel supernaturale lumen deberent cognosci: quod satis magnum absurdum est, putare eis talem notitiam communicari, cum ex sacris literis constet, Deum sibi reseruasse eorum præcognitionem. Temerarium igitur foret putare, vel præsumere sibi fuisse communicatam.

Ex quo secundum argumentum desumi potest, non minus efficax, quia Anli iuxta communem totius scholæ consensum, per species sibi à Deo inditas à principio suæ conditionis cognoscunt, immo perfecte comprehendunt cælum, stellas, aspectus, ac dispositiones, & motus earum, & quæcumque naturalia corpora in toto mundo facta à Deo; atque etiam virtutes, & significationes naturales eorum, cum sint superiores substantiæ, quibus debita est talis cognitio; sed constat ex sacris litteris, non esse Angelis communicatam talem notitiam futurorum euentuum liberorum, aut ex litterate dependentium, vt mox ostē-

demus; ergo nec in stellis, aut eorum aspectibus, vel dispositionibus, seu motibus, tanquam in signis eorum naturalibus continentur, nec eorum inspectionibus, aut vilo modo possunt per eas ab Astrologis cognosci. Ac tandem vgeri possunt rationes istæ, quia impossibile est, signa falsitatis, aut mædaci à Deo effici, vel institui; sed euidenti experientia constat, Astrologos futura prænuntiantes ex harum stellarum fatalium significatione, aspectu, vel dispositione sæpe decipi, & sæpe euadere falsas eorum prædictiones, vel ergo fatendum est, per eas non significari, vel certe falsa, ac deceptoria signa Deum condidisse, aut instituisse, nisi forte ignorantie eorumdem Astrologorum adscribatur frequēs earum deceptio, quod ipsi concedere renuunt. Probatur minor, quod decipiantur sæpenam si puer sub tali aspectu, vel dispositione, situ, ac motu talium planetarum, talem vitam, mores, tales successus, vel fortunam talem habiturus est, qualem ipsi certo prænuntiant, euidentius est, sub eisdem stellarum aspectibus, ac dispositionibus in eodem puncto plures alias concipi, aut oriri, quos necesse foret, easdem prorsus condiciones habituros: exprimitur tamen habere valde diuersas; ergo fallacia plane sunt signa, & in earum inspectiones, ac prædictiones euentuum, vbi constat, locum non habere natiuitatis moram, quam prætendunt, quia in eadem prorsus duratione, & eodem puncto contingunt multæ.

Probatur deinde ex sacris literis. Isaïæ 14. *Anuntiate, quæ ventura sunt, & sciemus, quia dixistis vos, & cap. 46. Non est ultra Deus, nec est similis mei, annuntians ab exordio nouissimū, & ab initio, quæ necdū facta sunt.* Et expressius adhuc c. 47. vbi Deus Bab. & Chaldæos, hisce verbis reprehendit: *Defecisti in mulierudine consili-*

consiliorum meo sensu & saluent te augures cali, qui contemplabantur sydera, ut ex eis annuntiarent ventura ibi. Quam reprehensionem instulissime possumus his applicare, qui astrologis futura ex eisdem causis prænuntiatis fidem adhibent. Ex quibus locis Ecclesia aduersus eosdem Astrologos sæpe diffiniuit falsas, & commentitias esse tales eorum prædictiones futurorum euentuum, damnans, atque anathematizans iudiciariam facultatem, & eius usum, ut constat ex 2. part. decretorum capit. 26. per primas quinque questiones, & in Concilio Brachar. cap. 9. & Toletano. in assertionem fidei aduersus Priscillianum, & Alexandro tertio, ut habetur capite ex tuarum, de sacrilegijs Sacerdotum, ubi Sacerdotem qui imprudentia magis, quam impietate per astrofabium eo animo constellationem obseruauit, ut auctorem cuiusdam furti reprehenderet, hac poena multauit, ut per annum integrum non celebraret, moe-nens illud factum cum grauissimo scelere fuisse eomunctum. Denique Sixtus V. celebrem constitutionem edidit anno millesimo quingentesimo octuagesimo sexto, nonis Ianuarij, & sui Pontificatus primo, quæ incipit: *Cali*, & terra creator Deus, & cuius titulus sic habet: *Contra ex-ercentes Astrologia iudiciaria artem, & alia quæcumque diuinationum genera, librosque de his legentes, ac tenentes*, per quam grauissimis verbis prohibet omnem diuinationem, prædictionem, ac prænuntiationem futurorum euentuum liberorum, aut ex libertate dependentium, sapientissimis rationibus ostendens, non solum eas, sed artes quaslibet, à quibus emanat, vanas esse, commentitias, perniciosas, & à primo mendaciorum omnium parente ortum habentes, quidquid astrologi, mathematici, genethliaci, & planetarij eas profitentes, contendant se ex varijs stel-

larum signis, & aspectibus eas haurire. Merito ergo sancti Patres plura aduersus eosdem scripsere, ostendentes, sine fundamento prorsus in suis prædictionibus futurorum loqui, immo falsa confingere fundamenta, stellarum, ac virtutum caelestium, ut miseros homines fidem eis adhibentes decipiant, D. Clemens Papa lib. 9. recognitionum. D. Aug. lib. 7. confessionum, cap. 6. D. Gregor. Homilia, 10. in Euang. Epiphaniæ. & plures alios citat Pererius, noster Rubius quoque li. 2. de diuinatione.

Ex hac autem assertionem inferitur primo, nec posse hos planetarios futuros effectus, etiam ex hominum libertate non dependentes, sed casu euenientes certo præcognoscere ex syderum dispositione, & inspectione, ut quod à lapide cadente interficiatur homo, vel animalis aliquo terram effodiente manifestetur thesaurus. Probatum hac ratione, effectus isti casuales non habent præter primam vltimam causam certam per se, nec naturalem, & ex determinatione ad vnum operantem; nam ideo dicuntur per accidens vel casu euenire: ergo nec possunt contineri, nec naturaliter significari per stellas, vel alias causas naturales inferiores, vel superiores: quare nec excogitari potest illud principium, in quo vel ex quo possint certo cognosci, vel deduci aut prænuntiari antequam fiant, vel eueniant, unde sequitur temeritate, & vanitate plenas esse eorum prædictiones, vanolque, & temerarios esse eos certo prænuntiantes.

Secundo inferitur, non posse planetarios certi alicuius hominis, regnis ciuitatis, casus, aut fortunam, aliasve circumstantias humanarum rerum, vel negotiorum certo cognoscere, nec prænuntiare. Probatum ex duobus, ex priori quidem, quia horum plura dependent ex li-

bera voluntate vnus, vel plurium hominum, sed cælestia corpora non influunt per se in humanam libertatem, vt superiori quæstione ostendimus; ergo nec possunt effectus ex ea dependentes certo cognosci, ac prænnunciari ab homine, immo nec ab Angelo, seclusa diuina reuelatione: ex posteriori vero, quia ex ea parte, qua non dependet ab humana libertate, nullam habent causam naturalem per se, nec certam, aut determinatam, nec ex determinatione ad vnum operantem, in qua possint certo præcognosci.

Infertur tertio, non posse eos, qui Phytisomicam aut Chiromantiz artem profitentur, ex vultu hominis, nec ex lineis manuum, certo cognoscere, aut prænnunciare futuros hominis mores, fortunam, aut successus alios, quod sic ostêdo. Quamuis lineæ istæ, vultus, aut aliqua alia corporis dispositio, aliquomodo indicare possit inclinationem hominis ad hæc, vel alia vitia, vel ad hanc, vel illam virtutem, aut manifestare aliquam aliâ passionem, semper tamen relinquuntur particulares actus virtutum, aut vitiôrum in potestate voluntatis eius, ex quibus cum dependant mores, exitus vitæ, aut successus ei, præcognosci repugnat certo, aut prænnunciari, quæ vero ad bonam, vel malam fortunam (vt aiunt) pertinet, partim ex eadê libertate dependent, partim casualia sunt, & ex vtroq; repugnat certo præcognosci.

Quarto infero, non posse planetarios ex aspectu, vel dispositione syderum, aut planetarum, certo cognoscere, aut prænnunciare cuiuscunque hominis temperamentum, aut innatam propensionem, aut inclinationem; quod efficaciter probari potest, quia licet sydera influxum habeant circa hæc, quia corpora per se sunt, non sunt tamen integra

eorum causa, sed plura alia ad ea concurrunt, videlicet dispositiones materiæ, virtus foripatrix, & aliæ causæ particulares, à quibus maleficatur concursus cælestis, sed non possunt omnes hæc causas, & dispositiones (quia magna ex parte occultæ sunt) exploratas habere: ergo nec possunt qualitatem affectus certo cognoscere, & his explicata sunt omnia, quorum cognitio eis denegatur, & quorum certa prænnuntiatio damnatur. Superfunt igitur explicanda, quæ certo, vel magna saltem probabilitate præcognoscere, ac prænnunciare possunt.

Sit igitur assertio secunda: syderum, planetarumque omnium ortus, & occasus, aspectus, & eclypses, & id genus alia ad statum cœli pertinentia, certo possunt præcognoscere astrologi, ac prænnunciare, multo etiam tempore antequam eueniant, sicuti exprelsit dixit Papa V. in eadem constitutione citata non longe à principio, hisce verbis: *Futurū euentibus ex naturalibus causis necessario, vel frequenter provenientibus, quæ ad diuinationem non pertinent dumtaxat exceptis.* Et ratione probatur: quia isthæc omnia non ex libero arbitrio, nec ex inferiorib⁹ causis modificantibus, sed ex sola dispositione, ordine, ac motu cœlorum, stellarumque dependent, in quibus suas habent determinatas, certas ac naturales causas, quas absque dubio possunt exploratas habere per scientiam ipsam astrologiz, & multo tempore antequam fiant; ergo possunt ea certo cognoscere, ac prædicere, sine vlla reuerentia, aut errandi periculo, certitudine quidem physica, vel naturali: nam cum possit Deus immutare leges, & motus, ac dispositiones astrorum, pro suo beneplacito, sicut fecisse constat in bello Iosue, in horologio Achaz, & in sanctissima morte Saluatoris nostri, potest etiam deficere, quod per astrolo-

Astrologiam cognoscūt, principiis eius in eodem ordine, motu, ac dispositione cælorum innitentibus, per supernaturalem potentiam Dei.

Affertio vltima, morbos, frigora, tēpestates, sterilitatem terræ, pluuias, siccitates, ac terræ motus vniuersales. possunt sæpe præcognoscere astrologi, ac prænunciare certa quidem cognitione, ea certitudine, quam habere possunt, naturales causæ, ac naturales scientiæ, non quidem nunquam deficiente, sed raro, vt plurimum vero eueniente. Hæc etiam absque dubio continetur, & colligitur, euidenter ex illis verbis Sixti Quinti: *Futuris euentibus ex naturalibus causis necessario, vel frequenter euenientibus*: nam per effectus euenientes necessario intelligit effectus cælestes, & de his locuta est assertio nostra præcedens, & naturaliter deficere repugnat, non dependentes ex vllis causis inferioribus, sed solum ex naturalibus, ac necessaria dispositione, & motu cælorum, nō impediibili naturaliter, quare talis euentus naturali deficere repugnat, per effectus vero frequenter euenientes ex causis naturalibus, non eodem effectus, qui in solis, cælis, atq; stellis fiunt, nam isti non solum frequenter eueniunt, sed semper, & ideo nō possunt naturaliter, sed per miraculum dumtaxat impediri, aut deficere, sed eos, qui ex naturalibus causis inferioribus, aut sub-lunariis proueniunt, de quibus cōstat, aliquando (licet raro) deficere, vt cōstat de hyemali frigore, & pluuiæ, de verna serenitate & calore, ac de procreatione fructuum, quæ nihilominus certitudinē naturalem habere dicūt, quamuis infimā, sufficientē tamen ad generādam naturalem scientiam. Hos igitur effectus, & per hanc certitudinem posse sane præcognoscere, & prænunciare astro-

logos, aio, quia causas habent certas, & determinatas, atque ex determinatione ad vnum operantes, quas (vti proportionatas) possent exploratas habere; sed addidi in vniuersali, quia effectus isti dupliciter sumi possunt, nempe in ordine ad totam terram, vel saltem ad regionem aliquam magnam eius, vt ad Europam, vel aliam eiusdem extensionis, aut similis, atque etiam in ordine ad magnū temporis spatium, vt ad annum, aut quid simile, aut in ordine ad vnā vel alteram prouinciā peculiarem, aut ciuitatem, & ad paruum, magisque determinatum tempus, nempe vnus diei, vel vnus Lunæ quadrantis: & modo priori vniuersaliter dicuntur considerari magis, vel minus, pro maiori, vel minori extensione: morbos igitur, tēpestates, sterilitatem terræ, aut terræ motus, iuxta priorem considerationem certo possunt præcognoscere, aut prænunciare; iuxta posteriorem vero, non certo, etiam certitudine naturali effectuum raro deficientium, sed sola probabilitate, etiam frequenter deficiente. Rationem vero huius differentiæ assigno, quia licet easdem habeant causas effectus isti, vtroque modo considerati: sed non eodē impedibiles, nam in ordine ad totam terram, vel maximā partem eius, & ad magnū temporis spatium raro impediuntur, frequenter vero ex toto, vel maxima ex parte, si in ordine ad vnā, vel alterā ciuitatem, ac terminos eius, vel etiam in ordine ad paruum, magisque determinatum tempus accipiuntur. Quod efficaciter potest à posteriori probari: nam experimur, rarissime contingere sterilitatem totius terræ, vel partis eius maximæ, vt quod fructus nullibi proflus procreentur, aut in tota Europa, quod per totam terram, aut Europam totam, pestis grassetur, vel pluuiæ deficient, in

verbis tribunt Beda, Iunolius, Eucherius, & D. Th. 1. p. q. 70. art. 1.

Circa secundū triplicem causam reddere possumus, ob quam non raro consonant astrologorum prædictiones euentibus futurorum, quamuis maiori ex parte mendaces, atque vanæ sint, sit autem prima, quam tradit Augustinus, 4. lib. confessionsum, capite 3. quia Deus aliquando certas hominum mentes sic excitat, quasi instinctu quodam sibi incognito, vt nescientes proferant, quæ consulentes proferant, quæ consulentes in ordine ad alios fines à Deo præstitutos audire oporteat. Quo fortassis modo sortes, quibus ethnici vti solebant, aliquando exhibebant futurorum significationem, sed casuale vtrumque reputandum est. Secundam causam affert etiam Diuus Augustinus, 5. libro de Ciuitate, capite 7. hisce verbis: *Non immerito traditur, cum Astrologi mirabiliter multa vera respondent, occulto instinctu fieri demonum, non hominum, quorum cura est, huius falsas, & noxias opiniones de astralibus satis inferere humanis mentibus, atque firmare, non horoscopi notati, & inspecti arte, quæ nulla est. Demones vero nec stellarum intuitu, nec aliunde futura contingentia, certo præcognoscere possunt, vt egregie Diuus Thomas, 1. parte, quæstione 75. articulo 1. ex communi scholasticorum consensu docet, & probat: nec proinde planetarij ex eorum suggestione, & ideo cuiusmodi prædictiones eis suggerunt, æquiuoca oratione, & quæ in diuersas partes interpretari potest, videntur, ita vt si res in oppositum euenierit, non ipsorum falsificati, aut ignorantiz adscribatur, sed interpretum inscitiz, tale fuit oraculum illud, quod Aeaci reddiderunt: *Aio te, Alcida, Romanos vincere posse.* Postrema causa, & forte non minus vera, est, quia ex multis prænunciatis, impossibile est, quin vnum, aut alterum casu eueniat: planetarij vero nimis multa*

quotidie prædicunt, (ex quibus licet casu, respectu prænunciationum eorum) plura tamen coincidunt cum his, quæ ex alijs causis eueniunt; bene igitur stare potest, quod fallaces sint eorum prædictiones, & nihilominus plura ex his, quæ prænunciant casu, & per accidens, coincidunt, cum euentibus per se intentis, & per se productis à proprijs causis.

CAPVT IV.

Textus Aristotelis.

Figuram autem sphericam necesse est habere cælum.

Breuis expositio textus.

Intendit Aristoteles capite præsentis docere, cuiusnam sit figuræ cæleste corpus, nec eget diuisione, quia in eo solum statuit vnicam conclusionem, eamque probat tribus argumentis. Conclusio talis est: Cælum habet sphericam, seu rotundam figuram; quam probat primo hac ratione; prima figura debetur primo corpori, sed cælum est primum corpus, cum sit omnium nobilissimum, ergo debetur ei prima figura: at spherica figura est prima, hoc est perfectissima omnium figurarum, tam earum, quæ in planis, quam quæ in solidis corporibus continentur, cum simplicior sit, vt pote vna tantum linea, aut vnica superficie constans, cui nihil addi potest, cum tamen aliæ figuræ pluribus contineantur lineis, aut superficiebus, vt patet: ergo hæc debetur cælesti corpori.

Secunda ratio procedit ex communi consensu Astrologorum, qui duplici via procedunt, in constituendis figuris,

nam quidam corpora diuidunt in superficies, ex quibus componi censent, & hi solam figuram sphericam, inter solidas, non resoluunt in plures superficies, cæteras vero in multas resoluunt, ut pyramidem in quatuor triangulares; alij vero ordinem figurarum assignant, secundum species numerorum, accommodando figuras numeris, iuxta quorum sententiam circulus, tanquam simplicissima figurarum, accommodatur unitati etiam simplicissimæ in genere numerorum; iuxta utramque igitur sententiam, spherica figura censetur simplicissima, ideoque prima, primoque corpori (quod est cæleste) debita, colligit Aristoteles ex rotunditate primi cœli cæteras cælestes sphaeras sub eo contentas, atque etiam elementaria corpora, eadem rotunda figura prædita esse, quia illud, quod rotundo adæquatur, eique contiguum est, & omni ex parte ab eo continetur, eiusdem figuræ debet esse: sed constat sic se habere sphaeras cælestes, respectu Lunaris sphaera, omnes ergo habent figuram sphericam.

Tertia ratio procedit ex motu hoc modo, corpus cæleste mouetur motu circulari, ita ut una eius pars succedat in spatio alterius; si igitur non haberet figuram circularem, sed aliquam ex rectis lineis, habentesque angulos inter sese distantes, fieret, ut in spatio vnus anguli alter succederet, & ideo spatium hoc nunc esset corpore plenum, nempe dum ipsum occupat angulum, & postmodum vacuum, cum iam non occupetur ab angulo, sed soli intervallo interiecto inter angulos correspondere, quare sequitur supra cælum dari locum, dari vacuum, dari spatium corporeum, in quo extendi possit corpus, quod constat esse

falsum, quia cum cælum sit vltimum ac supremum corpus, nihil horum supra aut extra ipsum dari potest, & eadem absurda sequi asserit, siue cælum dicatur habere onalem, siue pyramidalem, vel quamlibet aliam figuram ab spherica diuersam. Vrget deinde argumentum primo, quia euidens est, motum cœli esse omnium motuum velocissimum, quia minus tempus, quam cæteri consumit: necesse est ergo talem motum breuissimum fieri per breuissimam lineam, qualis est circularis, ex iis scilicet, quæ percurri possunt ab eodem puncto incipiendo, & ad idem redeundo; ergo cælum, quod ex propria natura in circulo velocissime fertur, circularem figuram habere oportet. Vrget secundo, quia licet elementa non sint inter sese continua, nihil vacuum inter ea reperitur, sed omni ex parte se contingunt, atque correspondent, aqua complectitur terram, aqua in aer, aerem in ignis, & concavum Lunæ omnia: sed constat de aqua & terra, esse corpora rotunda; de terra quidem experientia inferius ostendenda; de aqua vero probat, qui ad humiliorem semper locum confluit, neque vnquam quiescit, donec æque à centro mundi distet, & par debet esse ratio de aere, & igne, propter immediatam continentiam, necesse est ergo, cælum Lunæ omnia complectentem globosam habere figuram, & pariter superiores sphaeras; ex quibus inferit totum mundum sphaericum esse.

(.)

CAPVT V.

Textus Aristotelis.

Quoniam autem est dupliciter in circulo moueri, &c.

Breuis expositio textus.

Intendit Aristoteles capite præsentis causam reddere, ob quam motus cœli fiat versus anteriorem partem, hoc est, versus hemisphærium nostrum, hoc igitur inquit, & soluit, quia in sempiternis, quale est cœlum, ac motus eius, cum semper eodem modo se habeant, nihil casu fit, sed ex instituto naturæ omnia, aliquam igitur in eadem habere debent causam, cum nihil sit, quod causam non habeat, præter prima, à qua dependent omnia, quod igitur cœli sic moueatur, versus anteriorem partem, & non alio modo, causam aliquam habere necesse est, & eam merito inquit. Sed videri posset alicui, reprehensione dignum, talem causam adeo difficilem inuestigare velle: nam stultitiæ signum est, possibile existimare causas omnium, etiam difficile inuenire, vel certe arrogantis animi, qui se omnia explicaturum confidit. Respondet nihilominus non statim incusandos esse qui difficiles quæstiones excitant, sed inspiciendum, quo animo id faciant; nam si animo ostendendi ingenio, famamque inaniter occupandi, reprehensione digni erunt, si vero inueniendæ veritatis desiderio ducantur, maxima est habenda eis gratia, si quid ingenio, ac labore reperiant, quod aut verum sit, aut saltem vero simile videatur. Respondet igitur dubio proposito, asserens naturam semper intendere id, quod

optimum est, primaria scilicet intentione: nam contingit à primaria impediri, & tunc cum optima non possit, quasi secundaria intentione deteriora intendit, & facit, ut contingit in monstri productione; melius autem, ac præstantius reputatur, quod cœlum versus anteriorem partem, nostrumque hemisphærium, à dextro in sinistrum moueatur, quam modo opposito: nam dextrum digniorem partem denotat, à digniori vero motum incipere, in idemque peruenire præstantius est, & hæc est integra huius capitis sententia.

Sed aduersus eandem rationem dubitat D. Thomas, quia videtur in ea Aristoteles vitioso circulo uti; docuerat autem in superioribus; dextrum cœli in nostro Oriente esse, quia inde incipit motus eius, nunc vero probat, cælum moueri à nostro Oriente, quia ibi est dextrum, & respondet, distinctionem partium cœli, in ordine ad motum, causam esse, ob quam ab vna potius, quam ab altera incipiat motus; quam distinctionem efficit intelligentia, prius applicans virtutem vni, quam alteri, quod vero motus ab illa potius, quam ab alia incipiat, non causa, sed signum distinctionis earundem partium est, absque vitioso autem circulo fieri potest, ut id, quod prius à signo probatum est, rursus probetur per causam, quia probatio prior à posteriori procedit, posterior vero à priori, & hoc modo processit in præsentiarum Aristoteles, cum in superioribus à signo, vel effectu, & ideo à posteriori processerit.

Tractatus de figura, numero, ordine, & motibus corporum celestium.

QVÆSTIO I.

An celeste corpus sphericum, seu rotundum figuram præditum sit.

Magna fuit inter veteres Philosophos diffensio circa figuram cæli, vt Theodoretus in libro de materia, & mundo, atque etiam Plutarchus secundo libro de placitis Philosophorum testantur: nam quidam figuram, quasi oualem ei tribuebant, alij testudini similem, alij denique diuersas ab his, immo apud Sanctos Patres non fuit concors sententia; sed placet, varios omnes modos sentiendi ad duas extremas classes referre breuitatis gratia. Prior igitur sententia denegat cælo rotundam figuram, eique tribuit figuram potius cuiusdam tentorii, quam hemicycli vocant, aut forniciis, ita sensit expresse Diuus Chrysostomus homilia 14. & 17. epistolæ ad Hebræos, quibus locis reprehendit eos, qui rotundam ei concedunt ex illis verbis: *Tabernaculi vero, quod fixit Dominus*, sic loquens: *Vbi sunt, qui dicunt, moueri cælum, & qui pronuntiant sphericum esse, utraque enim hæc sunt sublata per verbum, fixit*. In eadem fere sententia fuit Diuus Basiliius, Homilia prima Hexameron post medium, vbi sic de cælo loquitur: *Desigura quoque satis sunt en, quæ idem ille dixit, Dei gloriam enarrando, qui constituit, inquit, cælum vt forniciem*. Quorum sententiam sequuntur alij sacrarum litterarum expositores, quos retulit Diuus Damascenus secundo libro Orthodoxæ fidei capite sexto, atque etiam Lactantius libro tertio diuinarum institutionum, capite vigesimo quarto, vbi deridet eos, qui cælum omni ex parte rotundum posuere: In quos aerius inuehitur Procopius Gazeus in Commentarijs super Genesim, capite primo & decimo septimo, exponens prima illa verba Genesim: *In principio creauit Deus cælum, & terram*. Afferentique eorum sententiam alienam esse à fide Catholica, ideo aduersus eam in primis vtuntur varijs sacræ paginæ testimonijs. Chrysostomus quidem obij-

cit verba illa, ex capite octauo epistolæ ad Hebræos: Alij vero alia expressiora ex Psalmo 103. *Extendens cælum sicut pellem*: Vbi pellis nomine idem, quod tentoriij designatur: quibus expressiora adhuc sunt alia ex capite quadragesimo Isaiæ: *Expandis cælos sicut tabernaculum ad habitandum*, Arguit deinde ratione Lactantius, quia si talis figuræ cælum foret, eandem haberet terra, quam constat, vndeque ab eo contineri, & quasi circumscribi, & propterea eiusdem est figuræ: quod ideo absurdum est, quia ex eo fieret corpora omnia, quæ apud nos sunt, seu opposita omnia pendere.

Secundo potest probari ex stellis fixis, de quibus experientia docet, non semper æque distare à terra, sed diuersis temporibus diuersam habere distantiam, quia dum prope Orizontem versantur, maiores apparent, cuius non potest alia ratio designari, nisi quia tunc propinquiore cernuntur: Sol præterea, & Luna nostris oculis non sub spherica figura; sed sub plana apparent, puro etiam, ac sereno aere: ergo non sunt rotunda corpora, sed alterius figuræ ex planis, & ex consequenti cælum, cuius partes sunt, vel cui affixa, vel saltem cui accommodata. Ac tandem si cælo tribuenda est rotunda figura, maxime propter rationem Aristotelis, quia sequeretur ex motu eius, extra cælum dari locum, & vacuum, sed nihil horum fieri sequeretur, si oualem haberet figuram, vel instar Cylin dri esset, nihil ergo obstat, quin aliquam ex his figuram habeat, potius quàm sphericam. Probatior minor, quia si in figura oui, uel Cylin dri designetur, axis ab vno apice ad alterum tractus, ita vt cælum circa vtrumque apicem, tanquam circa polos voluatur, nūquam dabitur locus, vel spatium, sine corpore, & ideo nec vacuum, vt consideranti patebit.

Vrgerique potest argumentum, quia capacissima figura debetur cælo, cum sub se complectatur totum inferiorem mundum, sed figura sphaerica secundum hanc extensionem, aut capacitatem est omnium minima, ut docet Archimedes in libro de Sphaeremetrus: ergo alia potius, quam sphaerica figura cælo tribuenda est, & forte quadrata erit congruentior, ob maiorem capacitatem, ac firmitatem, quarum ratione eam plures cælo concedunt Empyreo, ut in calce huiusce quaestionis videbitur. Et propter hæc fortasse dubius hæsit Diuus Augustinus libro secundo de Genesi ad literam, capite nono.

Posterior sententia asserit, cælum rotundum, seu sphaericum habere figuram omni ex parte perfectam: quæ ante tempora Aristotelis in Italiam inuexisse referunt Pythagoram, & in Ioniam Thalem Milesium, & hos secutos fuisse Babylonios, Chaldaeos, & Aegyptios: Prologum 3. capite primo editionis magnæ, Alfraganum differentia 2. atque etiam Platonem in Timæo. Postea vero Aristoteles in sua Schola Peripatetica eam ex professo docuit, atque probauit cap. 4. huius libri, à qua in nostram Theologicam ita emanauit, ut nemo dissentiente, eam amplectantur. Scholastici omnes, tam antiqui, quam recentiores. Sed prius eam sequutus fuit Cicero secundo libro de natura Deorum, & post ipsum Diuus Hieronymus in commentariis capite 5. epistola ad Ephesios, ubi grauiter eos reprehendit, qui cælum non omni ex parte rotundum faciunt, sed fornicis instar curuatum. Quam sententiam non solum ut probabiliorem, sed tanquam veram amplectimur, nec solum censemus, sacris literis non aduersari, sed efficaciter col. ex illis verb. Eccles. 1. *Sol occidit, & in locum suum reuertitur, ibique*

renascens gyrat per meridiem, & flexitur ad Aquilonem, lustrans uniuersa, in circuitu pergis spiritus, & in circulos suos reuertitur. Quæ omnia præstare nequaquam posset, nisi sphaericam figuram haberet. Valde etiam his similia sunt illa verba Ecclesiastici 24. ubi diuina sapientia loquens ait: *Gyrâ tali circuitui sola:* Præter rationes vero Aristotelis capite quarto, à nobis elucidatas, efficaciter probari potest ex astrorum motibus, hoc modo: euidens experientia docet stellas fixas circumdare terram, seruantes semper eandem distantiam inter sese, & eas, quæ prope Polum sunt, moueri in circulearem respectu eius, intra nostrum Horizontem, seruantes semper eandem distantiam ab stellis longius distantibus ab eodem polo, non secus ac mouentur clauis affixi corpori sphaerico apud nos; ergo motus eorum vere circularis est, & ex consequenti ipsæ circulearem figuram habent, & cælum, cui affiguntur, & Sol, & Luna mouentur, tam respectu terræ, quam maris, paulatim ascendentes ab Horizonte vsque ad medium cælum, deinde ad Occasum perueniunt, paulatim descendentes, à quo iterum ad ortum circulari motu redeunt; quod fieri repugnaret, nisi cœli quibus affiguntur perfecte rotundi forent, & vndique elementa complecterentur: quod euidenter ostenditur ex incrementis, ac decrementis Lunæ, siue enim corniculata sit, siue plena, siue ad plenilunium tendat, per incrementum lucis, siue ab eo deficit per decrements, semper crescit, atque decrescit circulariter illuminata à Sole, quod constat esse impossibile, nisi sit corpus circularis figura. Propterea in exemplum demonstrationis, quia à posteriori procedentis hanc demonstrationem attulit Aristoteles 1. libro de posteriori resolutione, cap. 10. Omne illud, quod in orbem augetur per illustrationem est

corpus sphæricum, sed Luna hoc modo augetur per illustrationem à Sole; ergo est corpus sphæricum, necesse est ergo, cælum, cui affixa est, corpus sphæricum esse. Et tandem experiëntia constat, diuersis motibus, & quodammodo oppositis moueri planetas, vt inferius explicabimus, & isti motus diuersi necessario fieri debent supra polos, vel partes eorundem cœlorum diuersas à Polis, super quos mouetur cælum syderum. Quod non posse fieri sine eo, vnde cœlorum penetratione, vel scissione, si figuræ ouales forent, vel instar cylindri, facile à quocunque intelligi potest, & solum posse saluari tales motus per circularem figuram sphæricam. Hanc igitur habere necessarium est.

Neque ea, quæ sententia opposita atulit, aliquid aduersus nostram efficiunt, & in primis non significatur tabernaculi, vel fornix, aut pellis nomine in scriptura figura cæli, sed officium, quasi dicatur, sicut tentorium tabernaculum, vel camera obregit ingredientem omnes, eos intra se recipiens, eodem pacto, cælum est quasi operimentum rerum omnium sub se degentium, & ideo veluti tabernaculum, siue tentorium, pellis, vel fornix. Nec etiam, cum dicitur Deum extendisse cælum, sicut pellem, designatur figura eius, sed facilitas condendi illud, & ideo sensus horum verborum est, quem D. Augustinus eadem verba exponens libr. de Genesi 2. ad litteram assert, tam facile Deo fuisse cœlum condere, quam facile nobis est, complicatam pellem, quam manu tenemus extendere. Quem etiam sensû indicauit plane Isaias ca. 41. hisce verbis: *Qui extendit veluti nihilum calos*, Sed nec ratio Lactantij aliquid probat: nam omnia corpora graui in nostro, vel opposito Hemisphærio degentia, suo pondere, & grauitate ad centrum mundi tendunt, à

quo non nisi ascendendo contra eandem eorum inclinationem diuelli possunt, quare non magis pendunt, quæ in terra consistunt apud antipodas, quam quæ apud nos, & re vera nihil reperitur pendens in vtroque Hemisphærio.

Ad secundum, negandum est, stellas in Horizonte minus à nobis distare, vel propinquiores esse, quam dum in medio cælo versantur, quin potius, vt ex astronomica proportionem ostenditur, plus distant in Horizonte. Quod vero maiores nobis appareant, concedimus, negamus tamen, rationem huius esse maiorem propinquitatem earum: sed densitas mediæ vaporum, atque exhalationum congerie causata, maiorem illam apparentiam afficit. Vt enim docet Aristoteles tertio libro Meteororum capite quarto, atque etiam Seneca libro naturalium questionum capite septimo, quo medium densius est, maiora, atque propinquiora videntur corpora omnia, quod docet experientia in his quæ per aquam cernuntur. Quod adeo verum est, vt etiam dum sunt in medio cælo, aliquando maiores, & postmodum minores nobis videantur iuxta maiorem, vel minorem vaporum copiam medio permixtam; quare maiores apparent hyemali, quam verno tempore, & flante austro, quam borea, quia plures ventus ille vapores excitat; Sol autem, & Luna plana quidem nobis apparent corpora, ob nimiam distantiam, propter quam facile visus decipitur circa figuram, quemadmodum circa magnitudinem: nam de vtroque isto sydere iudicat, minoris longe magnitudinis esse, quam terram, immo quam turrim, vel aliud corpus apud nos degens.

Ad tertium dicimus, non posse vlllo modo habere cælum figuram oualem, vel esse quasi cylindriū, quia repugnaret

Sub primo mobili, proprium motum cōficere inferiores sphaeras, cum super diuersos Polos a Polis primi mobilis moueri debeant, quin aut se perfringerent, aut mutuo se peruaderent, sitale figuram haberent. Et præterea talem figuram habere debet cælū in ordine ad motū, & ubicumque, & quomodocūque construantur Poli, non sequatur ex motu eius vacuum, quod patet non habere oualem, aut quamlibet aliam figuram præter rotundam. Quod vero additur, figuram sphaericam minimam esse inter omnes, distinguendum est, nam quoad loci occupationem, quam vocare possumus extrinsecam, siue externam capacitatem, verum est: quoad cavitatem vero, quæ vocari potest interna capacitas, potius est omnium capacissimā, & talem debuit habere capacitatem cælum potius, quàm priorem in ordine ad finem, & effectus, propter quos conditum fuit à Deo.

QVAESTIO II.

De numero caelestium sphaerarum.

PRæsupponendum est, ne in quæstione de nomine hæreamus, nomen cælum, quasi æquiuocum esse, plures, ac diuersas habens significationes: nam primo accipitur pro superiore parte aeris, iuxta illud Psalm. *Volucres cæli*. Secundo accipitur pro globo includendo omnes cælos, si plures sunt, idque frequenter in Scriptura vtente nomine singulari, vt dum dicitur Matthei 6. *Cælum, & terra transibunt*. Tertio ex multorum sententia accipitur pro corpore cælesti supremo, ac perfectissimō (quod Emphyreum vocant) vt cum dicitur Diuus Paulus assumptus ad tertium cælum 1. Cor. 15. Vltimo sumi-

tur pro quolibet orbe, seu sphaera cælesti mobili, vt Psalm. 148. *Laudate eum caliculatorum*: & iuxta hanc vltimam acceptiōnem procedit præsens controuersia de numero cælorum. Circa quam duo sunt hoc ordine discurrenda; primum an sphaeræ cælestes sint plures, vel vna tantum; postremum supposito quod sint plures, quo numero desiniantur.

Et circa primum tenet prior sententia, vnicam esse sphaeram cælestem, cui affixæ sunt stellæ, & cum quibus mouetur de Oriente ad Occidentem: habet vero in profunditate cavitates quasdam, canalibus similes, in quibus incluse sunt planetæ, & per quas mouentur, motu quidem proprio ab Occidente ad Orientem: ad motum vero totius cæli ab Oriente ad Occidentem: & motus prior est, quasi piscium, in mari. Ita sentit D. Chrysostomus homilia quarta in Genesim, vbi ait, eos, qui multos cælos dicere audent, diuinæ Scripturæ authoritati contradicere, cum Moyses vnum tantum cælum esse docuerit, ita scribens. *In principio creauit Deus cælum, & terram*. Cuius sententiæ adhæret Acacius in 1. cap. Genesim, & Andreas Calspinus lib. 3. Peripateticarum quæstionum, quæst. 4. & adhuc ex recentioribus non desunt, quibus placeat fundamentū huius sententiæ. Præter verba Scripturæ, videtur esse, quia varij motus cælestes, variæque influentiæ in hæ inferiora saluari possunt, cum vnico orbe cælesti modo explicato se habentes; ergo non debent plures admitti; nam res, præsertim grauissimæ, præcipuèque vniuersi partes, nõ debent sine grauissima, vtgentique necessitate multiplicari.

Communis tamen sententia scholæ tenet, plures esse orbis cælestes: ita senserunt omnes ferme antiquiores Philosophi. Aegyptij, Chaldaei, Locrensis Pythagoricus, Plato 10. libro de Republica,

Aristo-

Aristoteles 12. Metaphysicæ c.8. tex. 47. & ex sanctis Patribus omnes ferme, qui de hac re loquuntur. Aug. lib. 10. de Genesi, c. 29. & in Psal. 32. Ambrosius lib. 2. Hexameron, Damascenus 2. lib. Orthodoxæ fidei, cap. 6. & 7. D. Thom. 1. part. quæst. 11. in Genesi, & omnes quotquot cælum Empyreum ponunt: cum evidens sit, præter illud dari cælum stellatum, & id videntur Astronomi tanquam certum præsupponere. Quam sententiam imprimis colligo ex sacra Pagina, quæ multis in locis in plurali numero de cælo loquitur. Psalmo 148. *Laudate eum cæli calorum, & omnia, quæ super cælos sunt: Ecclesiast. 24. Ego feci, quod in cælis oriretur lumen indeficiens: Ad Ephesios 4. Ascendit super cælos cælorum,* sed ratione probatur ex motu Stellarum, & planetarum, nam planetæ in suo motu nec vllum inter sese, neque cum stellis ordinem seruant. Et ex priori sequitur non esse in eodem orbe, sed in diuersis modis motis, ex posteriori vero non esse in eodem orbe cum stellis, & ex utroque plures esse orbes cœlestes. At dicunt oppositæ sententiæ Patroni in eodem quidem orbe moueri stellas, atque planetas propriis motibus, atque etiam motu totius cæli, non ita ut ei sint affixæ: sed sicut pisces in mari aquam penetrando, seu peruadendo, nec enim ad vnum, nec alterum motum necesse est, esse cælo affixas, nam pisces in aqua vtrumque motum habent, etiam si non affigantur, sed discontinui sint, propriam quidem peruadendo, ac diuidendo aquam: & præterea mota aqua versus quamlibet differentiam loci eos secum rapit: ita ergo de stellis, ac planetis intelligi potest. Sed argumentum secundum probat, hoc esse falsum, & impossibile: nam vel stellæ mouentur diuidendo cælum, ut per quosdam circulos, & quasi canales, quos à na-

tura habet, sed vtrumque est falsum. Primum quidem, quia ex eo sequitur, cælum esse corruptibile, nam per diuisionem tandem corrumpitur corpus diuisum in minutissimas partes, præsertim si non sit fluidum & facile dissipabile. Quod non habere cælum docent verba illa Tob. cap. 37. quibus dicitur, cælum esse quasi acre fulum, quod est esse solidissimum corpus. Si vero moueretur non diuidendo cælum, sed quasi per canales, quos à natura habet, hinc quæram, an ciuitates illæ, siue canales sint vacui omni corpore, vel aliquo pleni. Si primum, dabitur vacuum in natura rerum, & contra totam Scholam Philosophicam, & efficacissimas rationes, quas suo loco attulimus. Si vero sint pleni corpore aliquo, aut tale corpus est eiusdem naturæ cum cælo, vel diuersæ, si eiusdem, falsum est, quod semper diuidatur per motum, quia sequitur esse corruptibile, si vero sit naturæ diuersæ, sequitur violentè ibi detineri. Dabitur ergo aliquid violentum à natura, atque etiam in eo statu perpetuo permanens, & vtrumque est falsum. Impugnatur tandem, quia stellæ in suo motu retinent eandem distantiam inter sese, sicut clauī affixi moti in corpore sphaerico: ergo necessario fatendum est, cælo affixas esse. Diuum autem Chrysostomum conatur exponere, & conciliare cum communi sententia D. Thom. 1. parte quæst. 68. arti. 4. *aiens*, nomine vnius cæli intelligere vnum corpus, quod est supra terram, & aquam, plures sphaeras particulares, atque distinctas continens, quas communis sententia aliorum Patrum in plurali numero plures cælos vocat. Sacre literæ iuxta proprietatem Hebraicæ linguæ, in qua magis consuetum est, cælum in numero plurali significari, quam in singulari, passim loquuntur in eodem

eodem plurali numero, cœlos cœlorum, ad diuinas laudes excitandas, quo pacto eas intelligit idem Chrysostomus.

Præsupposito ergo, quod plures sint sphaeræ cœlestes, quærimus secundo, quo numero definiantur, (de qua re se dubitasse asseruit Augustinus.) Et quidem duas tantum posuisse reperio. In qua sententia fuit D. Theodoretus, quæst. xi. in Genesim, ubi hæc verba scripsit: *Qui non credit secundum calum esse cœlam semitam, transgreditur qui vero plures nominare conatur, adhaeret fabulis, postposita Diuini spiritus doctrina: nam Moyses duos tantum cœlos numerat, alterum factum ante lucem, alterum factum post lucem ex natura aquarum.* Atque etiam D. Damascenus 2. lib. Orthodoxæ fidei, cap. 6. ubi ære excepto, duos tantum cœlos assignauit. Alij vero tres posuere, vt D. Ambrosius 2. libro Hexameron, capite etiam 2. ubi tertium cœlum negare se non posse ait, plures vero nō addit: quod videtur valde consentaneum doctrinæ Diui Pauli 2. ad Corinthios 12. sic de se loquentis: *Scio hominem raptum usque ad tertium calum.* Præsertim, si per tertium cœlum intelligatur Empyreum, vt D. Thomas cū alijs intelligit 2. 2. q. 174. art. 3. his verbis: *Es sic tertium calū dicitur Empyreum, quod dicitur tertium respectu calis aerei, & calis sydere, & respectu calis aquei, sine Crystallini, &c.* Consonat etiam rationi desumptæ ex illo, quod docet Aristoteles, libro 12. Metaphysicæ, capite 8. textu 48. videlicet, motum cœli esse propter motum astri ei affixi. Ex quo argui sic potest, supra cœlum Empyreum nullum est astrum, cum cœlum huc sit supremum: ergo nulla est sphaera cœlestis, nisi absque fine aliquo, & fundamentum velit quis eam ponere: ergo si Empyreum omnino est tertium, ultra quod non est aliud, tres dumtaxat numerari possunt sphaeræ cœlestes, vt sen-

tia D. Ambrosius.

Alii tandem, sphaeras octo numerandas censent: septem quidem; quibus septem planetæ affixæ sunt, videlicet, primam Lunæ, secundam Mercurij, Veneris tertiam, Quartam Solis, Matris quintam, Iouis sextam, Saturni septimam, octauam vero pro stellis, quas fixas vocant, quia in hac octaua sphaera firmiter insident, & motu eius mouentur, & propterea firmamentum vocatur. Quare de eis constat, distare plus à terra, quam planetas, hunc numerum sphaerarum cœlestium posuere omnes ferme Aegyptij, & Chaldaei, Timæus Locrensis Pythagoricus, Plato decimo libro de Republica, & tandem Aristoteles 12. libro Metaphysicæ cap. 8. textu 47. & sic omnes intellexerunt, cœlum sydereum, sicut est octauum, ita esse vltimum, aut etiam primum, & cum censuerint, moneri omnes, cœlum hoc vocarunt mobile primum, quod suo motu rapit cæteros, illosque motus complecti facit viginti quatuor horarum spatio, quamuis proprios motus tardiores habeant. Fundamentum huius sententiæ potissimum est, diuersi motus planetarū, qui continua obseruatione cognoscuntur: nam septem planetæ aliquando inter se separari conspiciuntur, atque etiam aliquando sibi viciniore fieri, vt in Sole, & Luna cunctis est manifestum, necesse est ergo, vel esse orbis distinctos, vel diuersis orbibus affixos esse, in quibus moueantur, quia repugnat in eodem motu eiusdem sphaeræ hanc diuersitatem, immo oppositionem inter partes reperiri, & numerus iste cœlestium orbium diu receptus fuit in Schola, sed progressu temporis Astronomi plures, vt Ptolemaeus Alexandrinus, Alphraganus, & alij diuturna obseruatione se cognouisse testati sunt, cœlum sydereum, seu firmamentum non nihil retrogredi versu

partem Occidentalem centum annis vno gradu, vnde collegerunt, non esse primum mobile, sed hoc motu se mouere ab Occidente in Orientem, sex millibus annorum perficiendo talem motum sibi proprium: motum vero diurnum ab alio corpore cælesti superiori habere, quia repugnat, motus adeo oppositos posse conuenire eidem corpori, nisi alter conueniat ei ex propria natura; alter vero quia rapiatur à corpore superiori, & propterea necessario addendum esse aliud cælum, quod sit primum mobile secum rapiens stellatum, & alios inferiores planetarum, eosque compellens ad compellendum suum motum spatio viginti quatuor horarum, quamuis proprios tardiores habeant. Post vero Astronomi posteriores, vt Thebitius, Alphonsus Hispaniarum Rex, Georgius Purbachius, & Ioannes Monte Regius, præter hos duos motus in eodem firmamento cognitos, tertium animaduenerunt, quem vocarunt accessus, & recessus, aut motum trepidationis, quia stellæ visæ sunt, quasi in vnam partem aliquando inclinare, videlicet versus vnum polum, quandoque versus alterum, qui motus non potest conuenire eidem cælo stellato (cui affixæ sunt stellæ) ex propria natura, cum habeat alterum ab Occidente in Orientem, quem absoluit triginta, & sex millibus annis; necesse est ergo supra ipsum ponere aliud cælum nouum, quod naturaliter moueatur motu trepidationis, & secum rapiat per talem motum cælum stellatum, quasi faciens ipsum trepidare, & supra nouum cælum trepidationis decimum, quod sit primum mobile perficiens motum proprium spatio viginti quatuor horarum, secumque rapiat inferiores orbés, eos faciens motu diurno moueri eodem modo. Præter hos vero decem orbés re-

stat cælum Empyreum immobile, quod completur numerus vndecimus à multis iam in Schola receptus.

Sed aduersus duos illos cælos superadditos, nonum videlicet, ac decimum obijciunt recentiores quidam hoc modo: etiamsi obseruationes Astronomorum de motu retrogrado cæli syderci, ac de quorundam astrorum trepidatione in eo veræ sint, non compellunt duos cælos addere. Sed potest quispiam excogitare, cælum hoc moueri à sua intelligentia vno quidem, atque eodem motu, sed ex illa parte retrogrado, atque etiam ex parte quarundam stellarum, quasi trepidante, & ita non erit necessarium, multiplicare duo alia corpora cælestia. Nihilominus obiectio hæc non habet difficile solutionem, hoc modo à posteriori ex effectibus explicandam: nam communis sententia ponens sphaeras septem prototidem planetis, & octauum cælum, cui affixæ sunt stellæ (quod vocat primum mobile) asserit, primum mobile suo motu rapere cælos omnes inferiores planetarum, efficereque, vt motu diurno secum moueantur. Quo supposito necessarium erit, omnes condiciones eius participare motus orbium inferiorum, in quibus planetæ insident, si igitur cum retrogradatione illa, & trepidatione mouetur primum mobile, necesse est eadem participare motum diurnum Solis, & Lunæ, aliorumque planetarum, qui cum sint terræ proximiores (præsertim Luna) conspiceremus in motu eius tales defectus, quos nemo Astronomi peritus adnotauit. Signum igitur est, non dari in eodem motu cæli syderci, sed in motu alterius corporis superioris, & ideo si veræ sint obseruationes, ex eis deducetur nouum, ac decimum cælum, multiplicandum supra octo, quæ Aristoteles

celes, & alij antiquiores Philosophi posuerunt.

Nihilominus nostra sententia est, valde probabile esse nouem duntaxat sphaeras cælestes ponendas esse, videlicet septem pro septem planetis, ita ut singuli in proprio, & cum proprio cælo moueantur: octauam sphaeram, in qua stellæ fixæ sint; & firmamentum, ac primum mobile vocetur, secum rapiens cælos planetarum, ut posuerunt Aristoteles, & cæteri antiquiores Philosophi; & tandem supra omnes cælum Empyreum, tanquam beatorum sedem, de quo nonnulla dicemus quæstione sequenti. Ratio autem, quæ me mouet, ad non multiplicandum duas illas sphaeras, est; primo, quia iuxta vniuersale illud principium, non sunt multiplicandæ entitates reales, maxime completæ sine vrgenti necessitate. Sed non affertur vrgens argumentum, quod probeatur duo illa cælestia corpora addenda esse, præter nouem enumerata: ergo non sunt multiplicanda. Minorem probo, quia solum multiplicata sunt propter Astronomorum testimonium asserentium, duos illos motus se obseruasse, nempe retrogradum firmamenti ab Occidente in Orientem, adeoque tardissimū, ut vnā circulationem non minus, quā sex millibus annorum spatio absoluat, deinde motum trepidationis, quem stellæ nunc accedendo, nunc vero recedendo à polis ostendunt, quos motus constat non posse naturaliter conuenire eidem firmamento, neque simul cum motu diurno ab Oriente in Occidentem, & propterea necessarium esse multiplicandum aliud cælum, cui vnus motus eorum conueniat naturaliter, & proinde aliud, quod sit primum mobile, & idemmet firmamentum cum cæteris

omnibus sphaeris inferioribus secum rapiat ab Oriente in Occidentem, compellens circulationem absolueri spatio viginti quatuor horarum; firmamentum vero, seu stellatum cælum; solum moueri naturaliter motu illo tardissimo.

Sed obseruatio vtræque cum primis lubrica est, & valde incerta, & parum probabilis, neque tanti momenti, ut cōpellat, duo cælestia corpora multiplicare: ergo non sunt propter eam multiplicanda. Probatur minor, quod incerta sit; quia motus est sensibile commune, circa quod passim sensus decipiuntur, præsertim ad maximam, & prope infinitam distantiam, qualis est ea, quæ versatur inter nos, & octauum cælum; ergo facile est vitiū in obseruationibus illis decipi, ita ut talibus motibus moueri stellæ iudicet, aut cælum ipsum, cum vere non moueantur; & hanc probationem minoris virgeo ex duobus, ex priori quidem, quia longe minus a nobis distat Sol, quam stellarum cælum; & tamen circa magnitudinem eius decipimur, iudicantes longe minorem esse, quia magnitudo commune sensibile est. & longe distans; ergo facilius decipi possunt Astrologi, circa motus illos particulares firmamenti, ac stellarum eius, iudicantes dari, cum non dentur. Ex secundo vero, quia motus, qui tribuitur firmamento, tanquam proprius tardissimus est, cum vnā circulationem non compleat minus, quam sex millium annorum spatio; ergo est imperceptibilis per sensum, præsertim ad tam magnam, & pene infinitam distantiam; quare repugnat, per sensum iudicare quod moueatur tali motu, & proinde quod eius ratione multiplicandum sit aliud cæleste corpus, quod sit primum mobile, ad cuius motum diurnum moueatur.

Et argumentum hoc fortius cōvincit,

de accessu, & recessu stellarum, quæ cum sint corpora in infinitum pene minora eodem firmamento, cui affixæ sunt, & motus earum non velocior, longe minus perceptibile erit per sensum.

Sed audio duplicem solutionem huius argumenti, quam pro Astrologis excogitare quis poterit: priorem quidē, quod licet tardissimus motus firmamenti, ac stellarum eius, non sit perceptibilis sensui, dum fit, aut statim, ac facta est aliqua eius pars, tamen post longum temporis intervallum percipit, quod aliquem (licet minimum) motum absoluerit, quem admodum constat nobis, arbuta crescere, quorum incrementum sensu non percipimus, dum fit, nihilominus elapso aliquo tempore creuisse cognoscimus, & iuxta philosophiæ principia, motu continuo, quamvis sensu imperceptibili. Sic ergo motum proprium firmamenti tardissimum non percipimus fieri, elapso tamen tempore aliquo, sensu percipere possumus, motum fuisse, & novam præsentiam, vel novum eius modum comparasse. Ex quo cognoscimus motum eius, & hoc modo potuit continua Astrologorum observatione colligi proprius firmamenti motus, quamlibet tardissimus, atque ex eo non moveri motu diurno tanquam sibi proprio, sed raptum ab alia superiori sphaera, necessario multiplicanda. Posterior solutio excogitari posset, quod licet visus per se non posset immediate percipere talem motum, potest tamen per instrumenta quædam arte fabricata: quibus mediis experientia constat, ad longe maiorem distantiam idem corpus, aut motum eius percipere: tantæ perfectæ ergo elaborari potuerunt similia instrumenta, ut eundem motum firmamenti (quantumlibet distantem) percipere eis medijs quispiam possit.

Nihilominus neutra harum solutionum vim argumenti diminuit; non prior, quia si una circuitio firmamenti eget sex millibus annis, impossibile est tempori viginti annorum, aut triginta correspondere partem ita notabilem eiusdem circulationis, quæ sensu percipi posset ab eodem nomine ad tam magnam distantiam; constat vero ab eodem non posse longiorem, magisque continuam observationem adhiberi, propter vitæ eius brevitatem, ab ea ætate mensurandam, à quâ potest observationem inchoare, in eamque terminandam, in qua visus debilitari solet: ergo impossibile censendum est, similem motum tardissimum per se, vel aliquam sui partem continua observatione percipi sensu. Quod argumentum virgientius probat de stellarum trepidatione, propter minorem longe earum magnitudinem, atque etiam propter motum illius stellarum (quam polum vocamus) respectu cuius desumitur accessus, & recessus earum: nam polum non est immobilis stella, cum moveatur ad motum cæli, cui affixa est; sed immobilis vocari solet, quia suo motu breve spatium percurrit, quod sufficit, ut fallax possit reputari observatio Astrologi putantis accessum, vel recessum apparentem stellarum ad polum, ex parte earum contingere, cum propter motum poli eisdem stellis adscribi possit. Posterior solutio longe debiliior est, quia etiam ad limitatam aliquam distantiam multum inveniunt talia instrumenta, & plane efficiant, ut corpus aliquod visu percipiatur, quod sine eorum adminiculo percipi non posset, cæterum ad tam magnam inter nos, & octavum cælum intercedentem, plane est impossibile, aliquid adminiculi præstare, ut considerati facile patebit, & hæc omnia non parum corroborare videtur motus eiusdem firmamenti ra-

pti à superiori corpore, quod isti addendum putant, nam per ipsum lubricus valde redditur proprius, magisque confirmitur, fitque ex consequenti minus perceptibilis ad tam magnam, & pene infinitam distantiam, cum sit tardissimus.

Secundum vero, quod in eadem minori argumenti dicitur, nempe observationem astronomicam tardissimi motus firmamenti, & trepidationis stellarum, non esse tanti momenti, ut propter eam probabilis efficiatur multiplicatio duarum sphaerarum, ex eo probanda est, quia motus caelestium corporum ex propria natura ordinantur ad influendum in sublunaria corpora. Sed ad talem influxum parum, aut nihil prodesse potest tardissimus ille motus firmamenti, & multo minus quarundam stellarum, nonnulla trepidatio ex paruo accessu, ac recessu ad polum causata, quare incredibile videtur, ob tam leues causas auctorem statueri duo caelestia corpora multiplicasse, cum per firmamentum, & ceteros orbes planetarum facile potuerit eisdem influxus praestare.

Denique etiam si demus illas tres motus differentias in caelo re vera deprehendi, non ideo cogimur, ad multiplicanda alia duo corpora caelestia: primo, quia forte tempore Platonis, & Aristotelis hae differentiae fuerunt notatae, quod negari nequit firmo fundamento, sine arrogancia astronomorum huius temporis, & tamen octonario coelorum numero contenti suere; non est ergo, cur nos compellat praedicta observatio (si datur) ad multiplicanda caelestia corpora, contra praedictos Philosophos.

Secundo, omnes illae differentiae recte possunt convenire eidem corpori ratione vnius tantum motus; ergo propter illas non sunt multiplicanda duo alia corpora caelestia. Antecedens probatur, quia

solum tribuitur caelo stellato motus ab Occasu in ortum ex eo, quod stellae illi affixae spatio viginti quatuor horarum non describunt circulum perfectum ad idem punctum deveniendo, sed quasi à tergo aliquantulum manent, ex quo loco rapiuntur alio die motu diurno, idemque quovis die contingit; sed hoc in vno tantum motu respectu vnius corporis tantum potest optime saluari, ex eo solum, quod per illum non perveniat corpus in spatio viginti quatuor horarum, ad idem punctum, absolviendo perfecte circulationem illa duratione, siue quia sic à natura statutum est, siue quia à corporibus inferioribus, quae secum rapit. primum mobile, aliquantulum retardatur motus illius, per impressionem impulsus, quasi contrarii, mediante illorum proprio motu contrario. Et similiter dicendum est de motu accessus, & recessus, seu de ista differentia motus (si datur) potest enim consistere in eodem motu primi mobilis facto per lineam gyrationis, ita ut ponamus in octava sphaera, vel in caelo Empyreo superiori circulum Zodiacum tot gradus continentem, quot stellae fixae declinare videntur, tum ad Austrum, tum ad Septentrionem, quem circulum Zodiacum peragrare poterunt stellae fixae per lineam gyrationis, spatio septem millium annorum, sicut Sol ex communi sententia, dum per lineam gyrationis vnicuius motu fertur, spatium vnius anni totum Zodiacum suum perfulsat, declinando interdum ad Austrum, interdum ad Septentrionem: nullum autem est fundamentum asserendi, octavarum coelum moveri natura sua per lineam perfecte circularem, quae ab eodem in idem omnino punctum redeat; siquidem nunquam id de facto contingit: neque Aristoteles unquam id contendit, ut legenti constabit. Mitto quod alij hic indi-

Psalmi 123. Ad te levavi oculos meos, qui habitas in caelis. Theodoretus quæstio. 11. in Genesim, Athanasius, Chrysostomus, Theophil. in illa verba octavi capitis Epistolæ ad Hebræos: *Minister sanctorum, & tabernaculi veri, quod fixis Dominus: videntur de cælo Empyreæ accipere.* Rupertus tandem libro 1. in Genes. c. 6.

Circa quidditatem, vel essentiam cœli Empyreæ, conveniunt omnes, esse compositam ex materia & forma, cum sit certum (præsupposito quod sit) habere quantitatem; esse accommodata sedem corporum beatorum. Materia verò & forma eius longe differat: rationis est à materia & forma aliorum corporum cælestium, ac maioris longe perfectionis. Quod ex tribus efficaciter colligitur, nempe ex fine, in quem inferius dicitur factum esse à Deo, nempe, ut sit quasi domus Dei, hoc est, beatorum domicilium, in quo Deus per claram visionem eis se ostendit, cui additur in eo etiam cōditos fuisse Angelos, ut communis sententia scholasticorum omnium tenet. Neque desunt qui affirmant, propterea Angelos vocatos fuisse à Deo astra matutina huius perfectissimi cœli Job. 38. illis verbis: *quibus cum interrogat: Ubi eras, cum me laudarent Astra matutina, & jubilarent omnes filii Dei?* & ita sua præsentia illum illustrare.

Colligit iter secundo, ex supremo loco non nisi perfectissimo omnium corpori naturaliter debito, atque etiam ex perfectissima luce, quæ pollet, alterius quidem conditionis, ac superioris ordinis, respectu lucis Solaris, & aliorum corporum, valde simili luce beatorum corporum, cum sit eorum accommodatissima sedes, quæ proprietates eius est, perfectissimam naturam illius indicans, & ab hac proprietate vocatum est Empyreum, hoc est igneam, non à calore ni-

mio, sed ab eximia luce: & tandem ex immobilitate, nam adhuc ea inclinatione, quam cætera corpora cælestia habent ad motum, carere docent omnes. Constat vero, magnam perfectionem esse à motu penitus absoluti, & esse quasi omnino à mutatione liberum, sicut status beatorum, quibus sedem præstat, immutabilis, atque æternus est ex propria conditione, sed si adeo magna, atque eximia luce ex propria natura splendet, quo fieri potest, ut ipsum oculis non inspiciamus: & ideo evidens nobis sit, quod sit in rerum natura.

Respondet Richardus in 2. distinct. 2. quæst. 2. ad 3. principalem causam esse, quod lux eius, quia perfectissima, excedit vim nostræ potentie visus, & cum solis oculis gloriosi corporis proportionem habet, vel quia cœlum crystallinum sua densitate impedit, ne videatur à nobis, propter nimiam distantiam, ac tandem, quia subtrahitur à Deo concursus generalis, ne à nobis videatur. Alij vero dicunt rationem esse, quia solum ex parte interna diaphanum est, ex parte vero externa nos respiciente nimis densum: & hanc densitatem impedire, nec ad nos lucem effundat. Sed rationes istæ ex parte miraculosæ sunt, ex parte non consonant naturæ huius corporis, atque ex parte sunt insufficientes: quare melius respondet Dr. Thomas 1. parte, quæst. 66. artic. 3. ad 4. his verbis: *Potest aliter dici, quod habeat cœlum Empyreum lucem non condensatam, ut radios emittat, sicut corpus Solis, sed magis subtilem, vel habeat claritatem gloria, quæ non est conformis cum claritate naturali.*

Circa finem, in quem fuerit à Deo conditum cœlum Empyreum, cœpinus iam ostendere, cuius rei gratia factum fuerit ad supremum hoc cæleste corpus, videlicet, ut quasi Theatrum sit ad

recipiendi beata corpora in suis distinctis sedibus & veluti beatorum curia, & hunc esse præcipuum finem, propter quæ creatum sit à Deo, certum est apud nos. Sed an simul, vel ex consequenti fuerit ordinatum ad præstandum influxum aliquem circa reliqua corpora, vel nullum prorsus habeat, quætionem habet, & prior sententia denegat omnem influxum, primo, quia ex fine, in quem condita est res à Deo, colligi debet operatio eius, sed celum hoc non est conditum propter inferiora corpora, sed in gratiam rerum superioris, ac supernaturalis ordinis, nempe, Angelorum & hominum beatorum, ut quasi condigna sit sedes eorum: ergo nullam operationem, vel influxum habet circa inferiora corpora: nam si aliquem haberet, ex hac parte diceretur in eorum obsequium conditum, atque ut eis deferuiret, quod videtur dignitati eius derogare.

Secundo, quia corpora cælestia nec mouent, nec omnino agunt, nisi ab alio mota, cum motus, ut minimum, sit eis conditio agendi, ut superius à nobis statutum est, & ex se principio motus actiuo careant: sed celum Empyreum ex propria natura est immobile, ut omnes statuunt: ergo nullum potest influxum habere circa alia corpora. Nec potest excogitari, qualisnam sit hic influxus, aut operatio, nisi prorsus diuinando. Et hanc sententiam tenuit D. Thomas in 2. dist. q. 2. ad tertium, Alexander secunda parte, quæst. 47. & plures alij ex recentioribus eam sequuntur. Et ipse etiam Diuus Thomas 1. parte q. 66. art. 3. ad 2. testatur, eam esse satis probabilem.

Posterior sententia, influxum aliquem circa alia corpora ei concedit, quam probabiliorē censet D. Thomas loco proxime citato, atque etiam quodlibeto 6. art. decimonono, eamque sequitur Ma-

gnus Albertus in tract. de quatuor communibus, q. 4. art. 14. Macrobius, in 2. dist. 14. Durandus, dist. 2. quæst. 2. Et Richardus, quæst. 3. circa tertium principale: & quidam alij, quos refert ipse: atque etiam Bonauentura, in 2. dist. 2. parte 2. art. 1. & quæst. 2. numero 43. à quibus diuerso modo explicatur influxus iste; nam illi, quos Richardus retulit, empyreo tribuunt diuersitatem quorundam effectuum, qui in diuersis terræ partibus æqualiter ab utroque polo distantibus æquantur, quia non possunt tales effectus astris, vel coelis mobilibus adscribi: nam si ex horum influxu procederent, necesse foret, in toto illo climata contingere. Illi, vero, quorum Bonauentura meminit, voluerunt circa nobilissimum corpus sublunare, nempe humanum, agere, quemadmodum empyreum ipsum nobilissimum omnium superiorum est, ita ut materiam præparet ad infusionem animæ rationalis, sicut alia corpora cælestia inferiora eandem disponunt pro introductione animæ vegetatiuæ, & sensitiuæ, & tandem D. Thomas hisce verbis explicat influxum cæli empyrei, 1. parte, quæst. 66. art. 3. ad 2. Potest dici, quod influit in primum calum, quod mouetur: non aliquid transiens. & adueniens per motum, sed aliquid fixum, & stabile. puta virtutem, continendi, & causandi, vel aliquid huiusmodi ad dignitatem pertinens. Probat Diuus Thomas primo, quia res quælibet facta est propter aliquam operationem, ut docet plane Aristoteles, lib. 2. de celo, cap. 3. textu 17. & 1. Ethicorum, cap. 7. & 9. atque etiam 9. Metaphysicæ, c. 9. textu 91. quod alij verbis docuit D. Damascenus 2. lib. orth. fidei, cap. 23. incongruum esse affirmans, aliquam dari in mundo substantiam penitus otiosam, hoc est, omni operatione vacantem, necesse est ergo, celo empyreo aliquam operationem tribuere; & transeuntem quidem, cum

imma-

immanentis non sit capax, circa alia igitur corpora operabitur, vel otiosum erit, quod non est admittendum.

Secundo, quia partes vniuersi habent inter sese connexionem, & inferiora per superiora reguntur, & administrantur: sed administratio non est intelligibilis, nisi media operatione, & influxu, ergo cum empyreum sit pars vniuersi, & perfectissima quidem, necesse est ab ea dependere, ac regi aliquo modo inferiora corpora, quod non bene intelligitur, nisi media operatione, & influxu eius.

Nostra in hac re sententia duabus assertionibus aperienda est. Prima, certum est hoc cælum aliquam operationem habere, & de operatione, quæ sit simplex emanatio, vel resultantia effectus à causa, certum est, non dari creaturam ea carentem, quia nulla datur substantia creata accidentium incapax, quia intrinseca est imperfectio eius, esse per accidentia perfectibilem, qua solus Deus caret: sed intima accidentia substantiæ, per quæ perficitur media emanatione ab eius essentia, sunt proprietates eius, quæ proximè oriuntur ab eadem essentia, ratiōnam ab efficiēti, ergo nequit creata substantia carere operatione, pro vt simplicem emanationem comprehendit, & propter hanc saltem cōdita dicitur, hoc est, vt se per eam perficiat. Cum ergo certum sit cœlux hoc, quantumlibet perfectissimum, habere essentiam specificam, certum esse debet, habere proprietates, quæ sint accidentia ab ea emanantes, ac proinde necesse est, habere operationem, prout comprehendit simplicem emanationem, quæ est quasi actio immanens.

Affertio secunda. Valde probabile nobis videtur, quod habeat veram ac propriam operationem, circa aliquod corpus se inferius, ac proprium influxum.

Probatur vtrumque hoc modo: omnes, quotquot cælum empyreum posuerunt, censent esse omnium perfectissimum, cui ideo supremum locum concedunt: deinde esse lucidissimum, non solum, quia longe maiorem lucem habet quam Sol, sed quia longe perfectiorem, & quasi ordinis superioris, valde similem luci beatorum corporum, ratione cuius congruū, ac accommodatissimum eorum domicilium est, ergo valde probabile est, quod primum cælum, & forte plures alios eximia luce perfundat, quia cum sit corporea, non videtur negandum quod inferiores cœli talis illius actionis sint capaces, eamque recipiant intensiorem quidem, vel remissiorem, iuxta maiorem propinquitatem, vel elongationem; & cum illuminatione hæc sit vera, ac propria operatio, & lumen productum realis effectus in eis receptus, effectiueque productus à cælo empyreo, propriè etiā dicitur influere in inferiora corpora.

An vero, propter illuminationem, aliam habeat operationem, quam ponunt alie opinioniones, lubricum est, & mihi valde incertum, ita vt diuinare videatur eas illi tribuere: nam specialis ille influxus, circa introductionem animæ rationalis in corpore nullo fundamento innititur, quia ita posset quispiam dicere, quod ad conseruationem hominis specialem influxum præstet, vel ad conseruationem aliarum specierum, influxus etiam pro effectuum varietate in hac, vel illa terræ regione producendorum, porius quam in alia, virtutibus stellarum tribui potest, non Solis, sed modificatis per diuersam proprietatem, aut virtutem, in his terræ partibus existentem, & non in alijs, quare non erit pro his effectibus necessarius influxus empyrei. Quod vero D. Thom. docet, empyreum influere in cælum sibi proximum aliquid fixum, & stabile, vt

virtutem continendi, & causandi, vel aliquid huiusmodi, ad illuminationem à nobis explicatam referri debet, per quā forte augetur virtus eiusdem cœli, ita ut influxum aliquem habeat in inferiora corpora, quem non haberet, vel non ita perfectè, nisi per lumen ab empyreo receptum. Vnde fit, nostram sententiam, esse valde consentaneam Diuo Thomæ, & argumentis ab eo adductis eam plane confirmari, ut consideranti facile constabit. Argumentis vero aliarum opinionum negauimus effectuum illorum varietatem Empyreo tribuendam.

Restat nunc, argumenta primæ opinionis denegantis Empyreo omnem influxum, soluere, & antecedens prioris, quod Empyreum non sit factum propter inferiora corpora, distinguendum est, nam propter illam, tanquam propter præcipuum finem, verum est, quia finis præcipuus, cuius gratia Deus illud condidit potius fuit, ut cōgrua sedes, condignumque domicilium omnium beatorum foret, & quasi curia, aut cinitas Regia: consequenter vero, quia pars vniuersi est, cæteris partibus aliquomodo vniri debuit, & nō nisi media aliqua operatione transeunti circa reliquas partes, vel aliquam illarum fieri potest, ex qua nō potest dici, in obsequium earum factum, cum per illam potius ab eo perficiantur, quam ipsum ab eis. Si vero in obsequium totius vniuersi factum fuisse velit quis concedere, nihil ex eo imperfectionis contrahet: tum quia totum vniuersum Empyreo perfectius iudicatur, sicut totum qualibet eius parte, utpote eam cum cæteris omnibus includens; tum etiam, quia beati omnes, tam homines, quā Angeli ad vniuersum, tanquam partes eius pertinere est in aperto: cum ergo conditum fuerit Empyreum in obsequiū eorum, mirum non est, immo necessariū

in obsequiū vniuersi cōditum fuisse, neutrum namque dignitati eius derogat.

Maior vero posterioris argumenti, quod corpora cælestia nihil omnino agant, nisi mota ab alio, plane falsa est, cum certo teneamus, illuminatum Solem omnino in motum localiter post diem iudicii, & superius ostenderimus, cælestia corpora non solum medio motu locali agere in inferiora corpora, sed cessante omnino motu eorum. Quod vero vulgo dici, solet nullum corpus mouere non motum, interpretantur Patres Conimbricenses 2. lib. de cœlo cap. 3. qu. 2. art. 2. asserentes, necessarium non esse, quod actū moueatur, ut aliud moueat: sed quod moueri possit. Empyreum vero, licet non moueatur, potest tamen moueri, sed id sufficere, ut aliquo modo in inferiora influat; verum non est necessarium per locum ab intrinseco, ut vnum corpus moueat aliud, quod ipsummet mouens possit moueri: hoc est, ut aliquam habeat naturalem inclinationem actiuam, aut passiuam ad motum, quia mouens, ut mouens, vel agens, ut agens, non mouetur, ut docet expresse Aristoteles, 3. lib. Physicorum, inde probans, quod actio non sit in agente, sed in passio, ex quo sequitur, nō esse necessarium, per locum ab intrinseco mouens moueri posse, quia aliud mouere nihil ponit intrinsecum in mouente, hoc est, nullum actum, nec vllam potetiam; ergo nec dicit necessariam connexionem, cum motione passiuā, neque potentia eius. Quod etiam conuincitur exemplo Dei, & Angelorum; nam Deus propriissime dicitur mouere omnia; & in ea agere, & tamen nec mouetur ipse, nec moueri potest: Angeli etiam mouent corpora cælestia, & nec mouentur ipsi, nec habent vllam inclinationem ad motum huiusmodi: ex quibus infero, quod etiam si per impossibi-

bile excogitemus, vnum corpus nullo modo posse moueri à se, nec ab alio per se, nec per accedens, nihilominus posset aliud moueri: vniuersalis ergo illa propositio falsa probatur, & propterea non repugnat empyreum omnino immotum in inferiora agere.

Præterea assero, cælum empyreum nullam prorsus inclinationem habere ad motum localem, sed immobile esse localiter, ex propria natura, & solum præter naturam moueri posse: quia cum creatura sit, potentiam obedientialem habet respectu Dei, vt ab eo moueatur; Angelum vero arbitror non posse eum mouere per virtutem naturalem, quia cum sit ex propria natura omnium beatorum sedes: non subditur virtuti naturali Angelorum, quantum ad motum localem; nam vniuersale bonum totius curiæ celestis, quale est immobilitas, & quietum omnium beatorum domicilium, superioris ordinis est, respectu naturalis virtutis Angelorum, valdeque eam excedit: sicut extrahere integrum elementum, aut celeste corpus à propria sede, naturales vires vnius Angeli, imo, & omnium, superat, eo modo, quo libro 4. Physicorum ostendimus, easdem superare, quod vacuum efficiat.

Circa figuram cœli empyrei non conueniunt recentiores pauci, qui de ea loquuntur, sed quidam asserunt, non esse rotundum, sicut cœlestia corpora, quæ mouentur, quod videntur colligere ex illo Apocalypsis 21. *Ciuitas in quadra posita est.* Nomine enim ciuitatis cælum videtur intelligendum, cui additur magis esse accommodatam pro beatorum sede quadratam figuram, quam circularem, maiorisque capacitatis ad continendum tam magnam corporum multitudinem. Et hanc partem sequuntur Patres Co-

nimbricenses, 2. libro de cœlo, capite 5. quaestione 1. articulo 2. Alij vero non putant, argumenta hæc probare, diuina sam figuram tribuendam esse huic cœlo à circulari, quæ prædicta sunt alia, sed omnia esse debere eiudem circularis figuræ, cum sint quasi vnus globus, & præterea, quia supposito, quod empyreum aliquo modo influit in inferiora, quamuis non medio motu accommodatior est figura circularis, ad influendum, quia cætera, circa quæ influit, æqualiter, aut saltem secundum proportionem, eius influxum recipere poterunt; constat vero non posse, si quadratam figuram habeat. Ego vero vtramque partem valde incertam iudico, & argumenta earum valde infirma, quæ ideo cuique facile soluenda relinquo, & liberam electionem vtriusque partis.

QVÆSTIO IV.

An quosdam eleuatiore sunt corpora celestia, eo sint natura perfectiora.

PRæsupponit præsens controuersia ordinem cœlorum, secundum situm, quem licet varium, & diuersum posuerunt antiquiores Philosophi, Astrologi ac Mathematici, inualuit iam in schola, & tanquam communis sententia in explicatione sphaeræ recepta est ea, quæ talem ordinem situs in eis statuit, vt infimum sit cœlum Lunæ, secundum Mercurij, tertium Veneris, quartum Solis, quintum Martis, sextum Iouis, septimum Saturni, octauum firmamentum, ita vo-

2. libro de celo, capite 5. quæst. articulo. Addunt tamen aqua forte probabilitate dici posse, inter omnes sphaeras eundem esse ordinem dignitatis, ac perfectionis, non includendo planetas, quia valde probabile est, Solem non esse continuum eidem orbi, cum quo mouetur, sed contiguum duntaxat, nec esse eiusdem speciei, sed diuersæ, & nobilioris longe naturæ; & propterea Sol, quamuis perfectior sit cunctis orbibus mobilibus, atque etiam cunctis planeris, quæ in eis, & cum eis mouentur: orbis tamen solaris eundem cum cæteris situs, & dignitatis seruat ordinem.

Secunda sententia absolute docet, inter orbés cælestes, & planetas eundem esse ordinem perfectionis, ac situs. Hanc amplecti videtur Diuus Thomas 12. libro Metaphysicæ ad tex. 44. & cum eo alij: quam iam primis colligunt ex doctrina D. Dionysij 6. capite cælestis Hierarchiæ, & ex Aristotele 4. lib. Physicorum, text. 49. hoc modis. Idem ordo qui reperitur inter ea, ex quibus constat superior mundus, nempe, Angelicus, & inferior, nempe, elementaris, reperiri debet inter ea, ex quibus constat mundus medius, nempe, cælestis, sed inter ea, ex quibus componitur mundus Angelicus, & inter ea, ex quibus componitur elementaris, idem est ordo situs, & perfectionis: ergo idem etiam esse debet inter corpora cælestia: probatur minor, quia suprema Hierarchia in ordine est etiam perfectissime suprema, & eodem modo media, & infima apud D. Dionysium, & apud Aristotelem idem est ordo situs, & dignitatis inter elementares: nam ignis situ excellens est omnium perfectissimus, & sicut terra obtinet infimum locum, sic etiam est omnium imperfectissima. Aristoteles 12. Metaphysicæ capit. 8. textu. 44. docet expresse ordinem intelligentiarum

mouentium cælestes sphaeras, esse secundum ordinem motuum, & mobiliū, ita ut pro cuiusque sphaeræ natura suus respondeat motor, nempe inferiori ac imperfectiori inferior ac imperfectior, superiori vero, ac perfectiori superior, ac perfectior motor: sentit igitur aperte eundem esse ordinem situs, & dignitatis inter omnes sphaeras cælestes: nam valde incongruum foret, & Angelorum dignitati dissonum, quod perfectior moueret imperfectiorem, atque inferiorem sphaeram, & imperfectior superiorem, ac perfectiorem.

Probatur ratione: primo ex effectu: nam eo dignior est causa, quo digniores producit effectus, cum in eius virtute contineri debeant: sed quo planetæ eleuationem suam habent, eo nobiliores edunt effectus, & pariter sphaeræ, quibus insident (si istæ habent distinctum influxum a planeris:) ergo idem prorsus est ordo dignitatis, & situs inter eos. Probatur minor, quia astrologi tribuunt Saturno vim conseruandi res fixas, & permanentes; & inclinandi ad altissimarum rerum contemplationem, iuxta propriam capacitatem: Marti vero fortibus viris præsidere, quos nobilissimos effectus esse, per se constat.

Secundo, corpus, quod continet aliud, comparatur ad illud, sicut forma ad materiam, & ex consequenti, tanquam dignius inferiori, ut testis est Aristoteles 4. lib. Physicorum, cap. 5. textu 49. ex quo colligit, elementum, quo superius est: eo est nobilioris naturæ, quia inferius continetur: sed sphaera superior, atque etiam planeta continet, ac circundat inferiorem non secus atque elementum superius: ergo necesse est nobiliorem esse, & proinde eundem esse ordinem situs, & nobilitatis inter omnes. Urgeo argumentum ex firmamento, seu stellata sphaera,

variis stellis prædita, esse An, visuque insignibus atque etiam ex Zodiaco circulo duodecim signis splendente, sub quo planetæ omnes incedunt, & unde conservatio omnium rerum corruptibilium, omnium temporum vicissitudines, totius terræ fructus, animalium omnium procreatio, ac denique totus hic mundus inferior dependet, quod proinde nobilius multo esse debet cæteris omnibus sphaeris inferioribus, atque etiam planetis omnibus in eis, & cum eis moris. Cuius etiam supremam dignitatem colligere licet ex dignitate suprema motus, per quem cæteras omnes sphaeras, ac planetas secum rapit, & motum diurnum explet facit. Eodemque argumento probatur de reliquis iuxta ordinem situs, qui idem proinde erit, ac dignitatis inter omnes, nulla sphaera, nulloque planeta excepto.

Nostra sententia asserit, eundem esse situs, ac dignitatis ordinem, inter sphaeras cælestes, secus vero inter astra: ita autem nobis sentiendum esse iudicamus, quia efficaciora nobis videatur argumenta posterioris sententiæ, quantum pertinet ad ordinem sphaerarum, quarum superiores continent, atque comprehendunt inferiores, quod non videtur stare posse, nisi nobiliores sint, cum naturalis comprehensio maiorem perfectionem importet, ut in elementis est manifestum. Excogitare vero, quod Deus fecerit sphaeram Solis quantitate minorem, dignitate vero, aut perfectione superiorem, fundamento rationis caret, quia si maior capacitatis superiorum postulat maiorem perfectionem, aut maior perfectio maiorem capacitatem, & sphaera Solis perfectior est superioribus, ex propria natura postulabat capacitatem maiorem: quare necesse est tateri, non esse factam à Deo cum ea quantitate, quam natura eius postulabat, quod sine miraculo non

potuit contingere, miracula vero in naturali rerum conditione ponere, alienum est à recta Philosophia.

Cæteris quoque argumentis non bene potest transiri, quantum ad ordinem sphaerarum pertinet, ut ea percurrenti facile constabit, & propterea iudicamus, quantum ad hanc partem, discedendum esse à priori sententia. A posteriori vero sententia discedendum duxi, quantum ad planetas: inter quos non videtur nobis necessarium, eundem esse ordinem situs, & perfectionis, nam de singulis stellis fixis certum mihi videtur, & a nemine in dubium reuocatum, nobilitate vincia quocunque planeta, ut ostendunt nobiliores atque euidentiores effectus, quos planeta edunt, & quos nemo concedit stellis singulis firmamenti, neque alio tanta perfectionis, & tamen ista situ excellunt omnes planetas. Et tandem cum Sole nemo audebit comparare quamlibet stellam firmamenti, quam tamen secundum ordinem situs eo superiorem novit: non est ergo necessarium, eundem esse ordinem situs, & dignitatis inter planetas. Cui addo, nec inter eos unum continere alterum, eumve comprehendere, ut propterea iudicandum sit eum nobilitate vincere, sicut inter sphaeras contingit. Bene ergo potuit perfectior planeta in loco inferiore collocari, absque præiudicio suæ nobilitatis, quia partes ex propria natura ordinantur ad perfectionem, & bonum totius, cuius gratia fiunt, & sunt quidem propter operationem propriam, iuxta proloquium Aristotelis, ut per eam totum ipsum perficiant. Talis ergo situs debetur cuique planeta in uniuerso, qualis congruit exercitio propriæ operationis, & iste est convenientiens propriæ perfectioni, multitudo itaque, varietas, & excellentia operationum solarium, quasi medium locum

384

postulat in vniuerso; nam si superiorem haberet, nec illuminare, neque suo calore fouere posset sublunaria corpora, sed remitte quidem propter nimiam distantiam; quare frigererent omnia, & caloris defectu perirent, neque possent vitales operationes fieri, nec ideo species viuientium corporum conseruari, neque homines lucis defectu proprias exercere operationes; ergo sicut iste naturalis est ei, quem admodum naturale est sua virtute vniuersale bonum totius vniuersi respicere, & quantum potest iuuare, ac perficere, & ex consequenti bonum singularum partium, quibus constat.

Et hæc multitudo, varietas, atque excellentia operationum, & effectuum plane conuincit nobilitatem naturæ Solaris præ cæteris astris, & sphaeris. Quod est enim corpus coeleste? quod astrum? quis planeta? quem sua operatione, atque effectui Sol non perficiat? nullum profecto: coelestes omnes sphaeras, planetas omnes, omniaque astra, suo lumine perfundit, atque collustrat, vsque adeo, ut non pauci arbitrentur, nec micam luminis à se habere, sed quidquid habent, à Sole mendicare. Quod est etiam sublunare corpus, quod ab initio suæ generationis non incipiat inuari, foueri, & perfici à Sole? Immo, quod Sole deficiente, produci posset in natura rerum? Atque etiam iam productum conseruari? nullum profecto. De homine ipso creaturarum omnium corporearum perfectissimo protulit Aristoteles secundo libro Physicorum, non à solo parente, sed à Sole simul progeneri, ita ut quasi alterum eius parentem eum vocare possumus. Audiamus sacram paginam Solis excellentiam his verbis egregie extollentem. Ecclesiast. 43. Sol in aspectu annūciāns in extrā, vns ad mirabile, opus excelsum, in meridiano exurit terram, & in conspectu ardoris eius quis poterit sustinere?

& paucis interpositis: *Magnus Dominus, qui fecit illum.* Audiamus etiam D. Dionysium, eximium Philosophum, atque præclarum Theologum, 4. cap. de diuinis nominibus, non longe à principio, eiusdem Solis encomia, sic prosequentem: *Ita & diuine bonitatis manifesta imago, magnus iste, & totus splendens, & superlucens Sol, secundum multam resonantiam boni. Omnia quacunque participare ipso possunt, illuminat, & superextensum habet lumen ad omnem extendens visibilem, & sursum propriorum radiorum splendores: & post pauca addit, Sed & generationem visibilium corporum conseruat, ad vitam mouet, & nutrit, & augeat, & perficiat, & mundat, & renouat.* Quibus ad solis naturam commendandam, & super astra omnia, caelestiaque corpora efferendam, nihil elegantius, nihil sapientius proferri potuit. Quos omnes effectus non sola fide sapientium hominum, sed eundem experientia nouimus: de cæteris vero astris, planetis, atque corporibus caelestibus, nectot, nectam varios, neque tanta nobilitatis experti sumus; neque tantorum virorum testimonio comprobare possumus. Cum ergo ex effectuum nobilitate mensurari debeat nobilitas causæ, sequitur, astrum Solis, à quo emanant, primum nobilitatis locum obtinere inter astra omnia, planetas omnes, omniaque caelestia corpora: sed constat non habere supremum situm, ergo dicamus necesse est, non esse eundem ordinem nobilitatis, & situs inter planetas, nec inter planetas, stellas, & sphaeras, caelestes, quamuis facta comparatione inter solas sphaeras idē sit.

Neque argumenta aliarum opinionum aliquid efficiunt: priores quidem probant tantum de Solis non eodem modo ordinari cum cæteris planetis, aut sphaeris caelestibus, secundum situm, ac secundum nobilitatem: de sphaera tamē eius comparatione aliarum non probant esse nobiliorem, quia neque est certū So-

lem esse partem eius, neque ei continuum, sed nec eiusdem speciei, quæ probare oportebat, ut probaretur, non esse eundem ordinem situs, & perfectionis inter sphaeras cælestes. Quod intelligo, etiam si quantum cælum tribus orbibus constet, ut asserit hæc sententia, de quibus omnibus mox erit statuendum.

Argumenta etiam posterioris sententiae maiori ex parte solum probant facta comparatione inter solas sphaeras. Quæ vero de peculiaribus, atque excellentioribus effectibus aliorum planetarum assumunt astrologi ad probandum, nobiliores esse Sole, commentitia plane sūt, (ut bene adnotarunt Patres Conimbricenses secundo libro de cælo, capitulo 5. quæst. secunda, art. 3. & licet vera forent, falsum tamen, quod nobiliores effectibus à Sole emanantibus: nam vniuersaliores sunt isti, cum non solum ad inferiorem mundum, sed ad superiorem quoque extendantur, & modo longe nobiliori eos producit Sol, quam firmamentum cum suis stellis producat alios.

Quod etiam de signis Zodiaci asserunt confirmat potius maiorem nobilitatem Solis supra firmamentum, & stellæ eius, cum effecta illa, quæ ex eis sequuntur, Soli potius nobiliori modo adscribi debeant, quam firmamento, atque stellis eius. Ac tandem, quod de perfectione continentis, aut comprehendentis corpus supra contentum, vel comprehensum asserunt, probat quidem, sed de solis sphaeris, inter quas contentia, ac circumscriptio locum habet, non tamen de planetis, quæ neque se continent, nec circumscribunt (ut satis per se est manifestum) sed nec est certum, sed valde dubium, quod continui sint cum sphaeris, & ideo tanquam partes earum se habeant, ut propterea sequatur superiorem sphaeram eo ipso, quod inferiorem continet

planetam ei continuum, ac eius partem contingat: sed probabilius forte est oppositum; quare neque ex hac parte probatur, eundem esse ordinem situs, & nobilitatis, facta comparatione planetarum cum sphaeris, sed de his plenius, & planius mox loquemur. Et de distinctione specificæ orbium, & astorum dicemus paulo inferius.

QVÆSTIO V.

An quodlibet caleste corpus sub primo mobili contentum duplici motu moveatur.

Communis est sententia Astrologorum, & Philosophorum, cælestes sphaeras præter primam duplici agitari latione, altera, quæ à primi mobili rapiuntur; altera, per impetum à propria intelligentia impressum. Manifesto enim experimento compertum est, Solem, Lunam, & cæteros planetas ab Oriente in Occidens motu diurno cieri: ad sensum enim constat, tam stellæ fixas, quàm errantes ob ortu supra nostrum Horizontem ascendere, pergere deinde in Occasum, & iterum in Oriente, nasci. Sed non minus exploratum est, dissimili quodam gradu retromeari, & non semper ab eodem Orientis puncto ascendere per nostrum Horizontem, sed modo ab vno, postea tardius ab alio mutata inter se, & cū stellis distantia; quod quidem nequit contingere, nisi præter motum raptus primi mobilis aliis propriis, & distinctis inæqualiter planetarum orbes pergant. Hæc tamen communis sententia non eodem modo ab omnibus intelligitur. Quidam enim vulgari trutina re expendentes existimant, inferiores orbes duplici motu distig-

Distinctio, & quasi modo opposito simul in orbem clerisita vt proprio motu, à propria intelligentia in Orientem tendant, ac simul ab intelligentia primi mobilis motrice in contrariam partem versus Occidentem rapiantur. Ita ex telescioribus multi, quos sequi videntur Patres Cômbricenses hic cap. 5. quest. 4. re. 1. qui omnes sibi habuerunt persuasû, hunc esse sensum communis sententiæ Sancti Thomæ, Doctorumque omnium mentem. Quorum fundamētum est, quia aliter non apparet, quæ ratione stare possent ea, quæ in cælis perspicuè deprehendi diximus.

Alii tamen propius ad veritatem accedentes ita communem sententiam intelligunt, vt quilibet orbis inferior in rigore & proprietate physica vnico dûtaxat motu moueatur, qui tamen à duplici virtute motrice opposita, seu à duplici intelligentia è contrario impellente procedat, propria altera Orientem versus imprimente impetum, altera primi mobilis in contrarium rapiente. Et prior pars statim probabitur. Secundam vero ita suadere conantur, quia nisi hoc deatur, intelligi nequit communis sententia adstruens singulam inferiorem sphæram duplici motu rotari, quam tradit expresse Aristoteles hoc 2. libro capite 2. textu. 16. & capite 6. textu 35. & capite 12. textu 60. Diuus Thomas ibidem, lectione 17. & 18. & omnes Philosophi, & Astrologi plane supponunt, quos citant Patres Cômbricenses supra, & Pater Olavius in capite 1. sphære à pagina 51. immo nec alia via cõstare possunt diuersi stellarum aspectus, coitus, & distantie. Si enim motu tantum raptus ferrentur, æquabiliter semper, motuque, & distantia vniformi procederent. Cum tamen Astrologi certissime obseruauerint, planetas non semper in eodem puncto Ori-

zontis oriri, sed nunc iuxta lineam æquinoctialem. nunc vltra, citraue, nec semper eodem temporis momento, sed tardius semper, ac denique inæquali inter se, & cum stellis fixis distantia id quod stare nequit, nisi præter impetum primi mobilis aliud à propriis intelligentiis versus ortum inæqualiter inferioribus sphæris imprimatur.

Nostra in hac re sententia duplici assertionem explicanda est, Prima sit, inferiores sphære propriè non mouentur simul duplici motu Physico. Hæc conclusio est Doctorum seculi sententiæ cõtra primam quæ hac ratione efficaciter probatur: Motus localis est acquisitio localis præsentis, aut diuersi modi præsentis, sed inferior orbis nõ adquiret plures præsentias simul, aut plures positiones partium in loco, sed vnica tantum versus Occidens, igitur nõ nisi vnico motu mouetur. Perspicua est consecutio: quia nequit simul ab eodem corpore eadem præsentia acquiri duplici motu opposito, aut quasi opposito, neque id intelligi potest. Minor probatur: ex communi enim omnium sententia non potest idem corpus naturæ viribus habere simul duas præsentias locales, aut duas diuersas positiones in eadem præsentia, sicut nec duo loca, igitur neque potest simul eas acquirere, quod tantum haberi repugnat, ita & acquiri. Nequit igitur hoc contingere, nisi cessante aliquo motu eo tempore, quo per alium quasi oppositum orbis tendat in partem oppositam. Hoc vero nullus dixit, dicereturque sine villo fundamento contra experientiam, quæ constat; semper orbem in occasum moueri, & contra rationem, cum semper eadem proportionem impellantur orbes, ac proinde eadè ratione æquabiliter debeant semper moueri: Confirmatur quia inferior orbis nunquam reperitur simul præsens duobus spatijs totalibus,

aut partialibus, sed in vno tantum spatio, eademque positione vt perspicue observant astrologi, ergo neque acquirit simul duas presentias, seu duos presentiarum modos, duove loca: si enim duo simul adquireret, duo simul habere aliquando deprehenderetur. Ergo non mouetur simul duplici motu distincto.

Affertio secunda: idem motus inferiorum orbium provenit à propria intelligentia, & ab intelligentia motrice primi mobilis, ita tamen, vt intelligentia propria non versis ortum, sed in occasum impellat. Prior conclusionis pars est auctororum secundæ sententiæ, & valde communis contra Vallesium 3. Physicorum capite 5. & nonnullos recentiores. Probatur, quia nō possunt non inferiores sphæræ rapi motu primi mobilis, cum illud concitatissime moueatur, & inferiores res orbes perfectè comprehendit, qui vt pote primo proximi, & contigui, solidæque naturæ apprimè capaces sunt impetus recipiendi, vt cum illo circumuoluantur: Mouentur ergo inferiores orbes ab intelligentia primi, id quod in ore omnium Philosophorum, & Mathematicorum frequentissimè est, & hac de causa octaua, seu decima sphæra primum mobile nuncupatur. At inferior sphæra etiam circumuoluitur à propria intelligentia, igitur illius motus ab utraque intelligentia procedit. Minor inconfessa est apud omnes constituentes tot motrices virtutes, quot sunt orbes coelestes: & ex eo constat, quia, vt infra dicemus, nequeunt ab vna eademque intelligentia tot orbes tam vātræ molis simul diuersimodè rotare. Et vterius demonstratur, quia si inferiores sphæræ solo primi mobilis raptu veherentur, æquabili, aut proportionata celeritate inter se, & cum illo rotari necessarium foret, cum eodem

modo semper raperentur, ac proinde sēper planetæ inferioribus sphæris affixi ab eodem Orizontis puncto ascenderent, & eorū quilibet eandē semper seruaret eū aliis distantiam, quoad punctum natiuitatis, & lineam, per quam pergit, cuius oppositum euidentibus obseruationibus Mathematici experiuntur. Fateatur ergo necesse est, inferiorū sphærarum motus non à solo primi mobilis, nec à solo proprio, sed ab utroque provenire.

Posterior pars nostræ assertionis, quā Vallesius supra cum alijs recentioribus contra plures alios tradidit, hac efficaciter ratione à nobis probatur: Non est necessarius impetus à propria intelligentia impressus inferiori orbi versis ortum, sed sat est impulsus eiusdem in Occidentalem plagam impellens, & hic est naturæ cœli magis consentaneus, igitur hic, & non ille ponendus est. Antecedens, quoad priorem partem, probatur, & explicatur, quia ideo impulsus ille ponitur à suis auctoribus, quia inferior orbis retrorahit deprehenditur comparatione primi mobilis; seu (quod in idem recidit) planeta illi insidens relatè ad inerrantem stellam: sed hoc stare potest ex eo solum, quod impetus illi impressus à primo mobili, & propria intelligentia non adeo efficax sit ad illum circumuoluentum, ac impetus illatus ipsi primo mobili ad huius volutionem, vt per se patet: igitur impulsus ille versis ortum necessarius non est; vterque tamen ille impetus efficit motum in occasum non per eandem lineam, & in eisdem polis, ac primum mobile: quamuis enim ad id inclinet rapientis imperus; attemperatur tamen impetu propriæ intelligentiæ illius sphæræ inferioris, per lineam gyrationis mouere conantis, quæ etiam omnino id non assequitur, sed ex utroque impetu quasi attemperato per lineam aliquam.

aliquam gyratiuam mediam inter lineâ primî mobilis, & propriam particularis sphæræ hæc fertur, non eadem, qua primû mobile, velocitate: quæ attemperatio specialis diuersaque est pro qualibet inferiori sphæra, quia quælibet speciali impetu, specialique via à propria intelligentia impellitur, & ideo quælibet sphæra propriis polis, & per propriam lineam, propriaque velocitate in orbem fertur: quæ omnia pro influxuum diuersitate congruenter attemperata sunt.

Secunda illius antecedentis pars de congruitate huius impulsus probatur primo, quia impetus ille versus ortum impressus aliquo modo esset contrarius impulsui à primò mobili impresso versus occasum, utpote in contrariam partem inclinans, quæ contrarietas, & pugnarum consentanea est corpori incorruptibili, qualibet alia contrarietate experti. Deinde ille impetus perpetuo fraudaretur suo effectu per se, cum nunquam cœlestis sphaera moueatur proprie versus Orientem, siquidem semper voluitur in occasum, & nequit simul in duas partes, præsertim oppositas ferri, ut prima assertione ostendimus. Denique si intelligentiæ inferiorum orbium illos impellerent in Orientem, non possent non multum retardare primû mobile, cum illi contigui sint, (ob quod ab ipso rapiuntur) ingentis magnitudinis, & vehementer in contrariam partem impendentes; quod quidem non deprehenditur, parum enim detinetur, ne absoluat perfecte circulationem spatio viginti quatuor horarum; id quod prouenit ex eo, quod inferiores orbis non nihil obfistunt per impetus sibi impressos, ne à propria linea gyratiua, per quam moueri exigunt ad lineam primî mobilis extrahantur, cuius ratione media pergunt viâ, ut diximus. Et sane in-

credibile est, & sine vrgenti necessitate nequaquam adstruendum, intelligentiam primî mobilis motricem non solum rotare ingentem illam magnitudinem sui orbis, & simul rapere vastam reliquam molem inferiorum omnium sphærarum, sed etiam id præstare contra oppositos impetus ab aliis motricibus intelligentiis impressos. Est enim magna nimis perfectio limitatæ creaturæ cœcellos prætergrediens.

Ex dictis ad argumenta in contrarium adducta satis constat, iam enim demonstrauimus qua ratione diuersas planetarum distantias, & coitu inter se, & cum stellis fixis, motuum etiam inæqualitatem constare possint, & reduci optimè in duplicem illum impetum cuiuslibet inferiori orbi à duplici intelligentia versus occasum impressum, ob cuius diuersitatem dispari claritate in diuersisque Polis, quælibet inferiori sphæra intra superioris ambitum, & cauitatem in Orientalem plagam pergit, hac ratione intelligendi sunt antiqui Doctores, præsertim Aristoteles, & Diuus Thomas, qui in vniuersum asseruerunt, inferiores sphæras duplici motu moueri, quia scilicet à duplici virtute motrice, propria, & rapientis orbis, partim per lineam huius, partim per propriâ, hoc est, per mediâ inter veramque ob vtriusque impetus attemperationem cientur, est enim diuersus motus, & per diuersam lineam, ac esset, si à sola propria intelligentia, aut solo primî mobilis raptu rotaretur, quod videtur expressisse Aristoteles textu illo 35. relato pro secunda sententiâ hisce verbis: *In his enim, quæ sunt sub illo (id est, primo celo) plures rationes in vnam iam conuenire.* Ac si diceret, est vnus motus inferioris sphæræ à virtute tamen composita ex duabus diuersum motum seorsum postulantibus. Nonnunquam etiam

Aristoteles, & Diuus Thomas tum citatis locis, tum alibi plures motus attribunt cuilibet inferiori orbi totali scilicet, qui componitur ex pluribus partialibus, quorum cuilibet suus proprius motus conuenit, & ideo omnes simul totali orbi dicuntur conuenire. Et similiter cum docent, has sphaeras in Orientem etiam ferri propriæ intelligentiæ impetu, ex eo id affirmant, quia licet hæc ia occasum impellat, segniori tamen impetu, & per specialem lineam gyrationam, qua propter minori velocitate orbis circumferatur, ac proinde comparatione primi mobilis celerius pergentis, è contrario moueri, & retromeari dicitur eo modo, quo debilis potentia positiua relate ad perfectam potentiam impotentia nuncupatur, & aliquo modo contraria. Nec aliquid vnquam dictis aduersum in his Doctoribus per oñium consultijs inuenire potui.

QVAESTIO VI.

An planeta seu errantes stella, sint partes continua, componentes orbes, quibus insident, & ad motum eorum moueantur.

Rationem dubitandi præbuerunt planetæ, propter difformitatem quandam in propriis eorum motibus ostensam, quam non ostendunt firmamenti astraratione cuius difformitatis, nunc propinquiores terræ, nunc vero remotiores ab ea apparent, & ex consequenti, nunc maiores, nunc vero minores. Vt igitur Phænomenas has, seu apparationes saluare possint astronomi, singulis planetis concesserunt peculiare orbes, ac discontinuos inter sese, & à principali, eoque minores, ex quibusque idem præcipuus quodammodo componatur; ac

tandem, quia propriis motibus ac distinctis à motu eius moueantur, non tamen eccentricos, sed concentricos, hoc est, habentes eundem centrum aliorum orbium, qui est centrum totius mundi. Pro hac sententia citantur Eudoxius, Calleppus, Ciuillus, Thiletus in libris de cælo: Fracastorius, in libro de homocentricis, Auerroes sæpe, immo & Aristoteles 2. libr. Metaphysicæ, text. 45. & 46. Astrologorum sententias recitauit, & hæc est prima sententia.

Alij vero putantes Phænomenas omnes, seu varias apparitiones non posse saluari per solas orbes proprios, ac discontinuos concentricos, posuerunt eos eccentricos, hoc est, diuersum centrum habentes inter sese, & à communi totius mundi, addideruntque ita hosce minores orbes se habere respectu planetæ, ut vnus eorum sit ei proprius, cui insit. Iste minor orbis vocatur quasi sphaerula, aut epicyclus, in quo mouetur planeta, ab Oriente in Occidentem habens motum eius tanquam proprium. Et hæc est 2. sententia.

Alij tandem, & non pauci, Phænomenas omnes, seu varias planetarum apparitiones veras esse negant, sed apparentes tantum esse censent ex variis modis, quibus vapores inter planetam, & visum intercedunt, quorum ratione decepti, videntur sibi propinquiores interdum, & maiores, interdum vero remotiores, & minores, ac propterea non esse propter illas multiplicandos orbes planetarum, aut ponendos plures, quasi partiales, ex quibus singuli eorum orbes componantur, quia non sunt multiplicanda corpora (præsertim incorruptibilia, & adeo perfecta) sine vrgenti necessitate, quæ non probatur ad esse in re præsentia.

Vt autem veram in re diffieili sententiam statuamus, explicare oportet quomodo

387

nam modo excogitari possit compositio hæc eiusdem totalis orbis, ex multis partialibus motui planetæ ita accommodata, ut per eam saluari possint vniuersæ apparitiones, circa eum contingentes, ita ergo excogitatur ab omnibus ferme Astronomis peritis, ut quilibet orbis cuiuscumque planetæ compositus sit ex tribus saltem minoribus orbibus, quasi partialibus, discontinuis, & inæqualibus inter sese, quia prius continetur quodammodo ab alio, & necesse est, contentum minorem esse continente. Ex his autem tribus orbibus vnus dicitur eccentricus simpliciter, quia vtraque eius superficies, tam concaua quam connexa, habet centrum diuersum à centro sui orbis totalis ac totius mundi, habetque iste idem orbis eandem profunditatem, seu grossitiem omni ex parte, atque immensus est intra profunditatem, atque grossitiem sui orbis totalis, vocaturque deferens planetam, vel cui planeta proxime insidet. Hunc orbem simpliciter eccentricum circundant duo alii orbis, etiam partiales, vnus versus conuexum eius, & alter versus concauum, sed diuersæ profunditatis, aut grossitiei ambo: nam superior necessario est valde tenuis ex ea parte, quæ eccentricus orbis quem circundat, maximè à centro mundi distat, maximam vero profunditatem habet ex parte opposita: E contrario vero inferior orbis, & quasi concauus, & internus, & ita sit, ut conuexa superficies superioris orbis, & concaua inferioris; idem centrum habeant, quod totalis orbis planetæ, centrum videlicet totius mundi; concaua vero superioris, & conuexa inferioris idem habent centrum, quod orbis simpliciter eccentricus, quem circundant, ratione cuius hi duo extremi orbis eccentricum circumscribentes dici solent eccentrici secundum quid, quia secū-

dum vnā tantum superficiem diuersum centrum habent à centro mundi, hi etiam duo orbis non mouentur motu eiusdem eccentrici, aut planetæ ab eo delati, sed motu alio diuerso. Et tandem in eodem eccentrico planetam deferente datur rotunda quædam pars omnino solida, ac rotunda, quasi paruulus quidam orbiculus, quem epicyclum vocant, & in quo planeta reuoluitur ab Oriente in Occidentem; eiusmodi autem epicyclos attribuendos esse censent astronomi, omnibus planetis, propter Solem, cui sufficere arbitrantur orbis proprii, quorum ratione sufficienter saluantur omnes apparitiones eius. Lunæ vero ac Mercurio tribuunt motus alios, de quibus curandum non est.

Hanc vero compositionem orbium planetarum recentiores tertix sententix existimant, non esse necessariam pro motibus eorundem planetarum: alij tamen omnino impossibilem: probatur hoc primo, nam positis duobus his orbiculis eccentricis, & inæqualis grossici, sequitur ex motu eorum penetratio, vel scissio vtriusque, vel certe admittendum esse vacuum; probatur consequentia, quia, cum vtrumque moueatur, necesse est, partes grossiores aliquando coniungi, & aliquando etiam partes delicatiores, & aliquando etiā vtrasque separari, sed non possunt coniungi nisi ex parte se penetrando; cum non detur spatium sufficiens in quo simul extendantur, sed eandem saltem partem idem spatium occupare, necessarium sit, quod est ex parte se penetrare: dum vero coniungantur tenuiores partes, minus spatium, quā grossiores occupabunt, immo quā grossiores vnus, & tenuiores alterius in alia parte motus cōiunctæ: ex quo constat sequi, aliquam partem spatij occupatam in concursu grossiorū vtriusque, vel gross-

Oppositum à nobis mox adhibenda ostendunt. Quod vero necessario ponenda sit, non solum secundum orbis concentricos, sed etiam secundum epicyclos, probant Astronomi manifestis experimentis, nam Sol, & Luna, ut sæpe observatum à se esse testantur, atque etiam cæteri planetæ, nunc remotiores à terra, nunc vero propinquiore visuntur, & consequenter, nunc maiores, nunc minores, eorumque motus nunc velociore, nunc tardiores: cum certum sit eo maius apparere corpus, quoad minorem distantiam cernitur, & contrarius, quoad maiorem, eiusque motus tardior videtur ad maiorem distantiam, & ad minorem velocior, sed impossibile id foret, si solo motu sui orbis mouerentur: nam tunc eodem semper modo distarent à terra, & semper sub eadem magnitudinis specie cernerentur, ut ostendit Hellæ fixæ, quarum nulla magis, aut minus distans à terra apparet, & ideo, nec vno tempore maior quam alio: necesse est ergo proprio motu moveri planetas, & circa diuersum centrum à centro totius mundi, quod nisi ponantur orbis eccentrici, patet esse impossibile. Maior vero probatur, nam Sol existens in Capricornio, aut in alijs signis australibus maior apparet, quam cum in Cancro, vel in alijs signis Aquilonaribus existit: hæc vero inæqualitas paulatim tollitur, pro ut à prædictis signis recedit, ergo magis distat à terra, dum in his signis versatur, dum vero in illis propinquior est.

Sed respondent aduersarij, has apparentias non provenire ex maiori, vel minori distantia planetarum à terra, sed quia vapores, qui inter Solem & visum nostrum interponuntur, disgregant radijs visuales, ut contingit diebus æstatis, cum Sol in ortu apparet maior, quam in meridie. Contra hoc tamen est, quia ap-

parentiæ istæ cōtingunt serenissimo celo, ac medio à vaporibus emundato, ac tandem planeta eandem elevationem habente supra Horizontem, ac propterea æstiuo tempore semper contingit caliginosum esse cœlum, & medium magis turbatum, ac permixtum vaporibus, quam hyemali; ergo maior deberet apparere Sol in Cancro, quam in Capricornio, quod constat esse falsum: Necessario ergo faciendum est, hanc inæqualitatem magnitudinis, sub qua apparet Sol, provenire ex eo, quod dum minor apparet, existat in parte orbis eccentrici, quæ circumscribit partem grossiorem orbis cōtenti inferioris: quando vero maior in parte continente oppositam, & minus crassam partem eiusdem orbis.

Secunda experientia est, quia Sol plures dies insumit, dum percurrit signa borealia ab æquinoctio verno vsque ad autumnale, à die videlicet vigesimo Martij, vsque ad vigesimum quartum Septembris, quam dum percurrit Australia, tempore hyemali. Nam in prioribus signis insumit centum octuaginta septem dies, in posterioribus verò centum septuaginta octo, quod non potest esse, nisi moveatur in aliquo orbe eccentrico circa terram, ita ut maior pars illius respondeat maiori parti terræ, quam opposita, ergo necesse est, orbis eccentricis admittere. Quod vero Soli orbis eccentrici non sufficiant ad saluandas omnes Phænomenas, seu apparitiones varias planetarum, sed necessariū sit præter illos, addere spirulas, seu epicyclos, probatur tertio experientia, quia cæteri planetæ (præter Solem) existentes in puncto auxi eccentrici, hoc est in puncto à terra remotissimo, non semper eodem modo se habent ad terram, sed modo sublimiores, modo vero humiliores visuntur, & ex consequenti, nunc diametri eorum maio-

maiores, nunc vero minores, & pariter ipsimet planetæ, ac præterea motus eorum velociores, aut minoris velocitatis. Sed tanta hæc varietas non potest ratione solius eccentrici saluari, quia cum aux eccentrici semper sit in eadem distantia à terra, planeta in eo existens semper eodem modo appareret, quoad supradicta omnia, & planeta idem in aux existens deberet esse à terra remotissimus, & aux opposito propinquissimus: Cum ergo aliquando remotior, aliquando propinquior in aux eccentrici appareat, necesse est, sphaerulam, seu epicyclum ponere immersum intra profunditatem, seu crassitiem eccentrici, ad cuius motum planeta reuoluatur, & ita possit tam varijs modis apparere iuxta diuersitatem partium motus eiusdem epicycli sibi proprij.

Tertia experientia pro confirmandis epicyclis sumitur ex duplici ecclypsi lunari, quæ contigisse referunt Astronomi, Sole, & Luna in eodem situ manentibus, ita ut in utraque Sol eandem distantiam habuerit à terra, atque adeo eandem utrobique terra umbram protexerit. Obseruauerunt autem vnam ecclypsin maiorem fuisse, & plusquam alteram durasse. Ex quibus argumentum satis efficax deducitur: maior, vel minor duratio ecclypsis provenit ab ingressu Lunæ in maiorem, vel minorem umbram terræ; sed in utraq; ecclypsi eadem fuit umbra terræ, cū ponatur Sol æqualiter à terra remotus, necesse ergo fuit, Lunā in vna ecclypsi min⁹ fuisse à terra remotā, in altera verò longius à terra distasse; cuius ea est perspicua ratio, quia cum umbra terræ fiat ad modū pyramidis, necesse est, eo ampliorē relinqui, quo propinquior terra sit, & eo angustiorē, quo remotior: quo sit, ut quo propinquior terræ fuerit Luna, eo maiorē pertrāseat umbrā, mino-

rem vero, quod longius à terra recedit: & hinc procedit inæqualitas ecclypsum, quoad magnitudinem, & durationē, sed constat Lunam (ut in Theorica planetarum declaratur) ex Sola ratione sui eccentrici, non posse eiusmodi inæqualitates ecclypsim pati, quia ratione illius in omni ecclypsi eandem habet distantiam à terra, cum semper tam in coniunctione eius cum Sole, in qua fit ecclypsis Solis) quam in oppositione (in qua fit ecclypsis Lunæ in aux sui eccentrici existat; necessarium est ergo, præter eccentricum epicyclum ponere, ut ratione peculiaris motus, quem in eo habet planeta, saluetur diuersa distantia eius à terra, etiam si in eodem eccentrici aux permaneat, & ex hac diuersa distantia amplior, vel angustior umbra, ac tandē maior, atque proxior ecclypsis, aut minor, & breuior.

Quod potest corroborari ex his, quæ refert Clavius noster in sua sphaera, à fol. 443. vsq; ad 449. se vidisse duas ecclypses: priorem in Civitate Conimbrica Anno millesimo quingentesimo quinquagesimo nono circa meridiem, in qua directē interponebatur Luna inter visum, & Solem, ita ut Solem integrum non per minimum tempus contegeret, fueruntque tenebræ quodammodo maiores, quam nocturnæ, neque ubi quis pedem poneret, videre poterat, & clarissimè apparebat stellæ in cælo; & quod mirabilius erat, aures ex aere in terram præ horrore ex tanta terræ obscuritate incusso decidebant. Alia fuit Romæ anno 1567. etiam circa meridiem, in qua etsi Luna inter Solem, & visum interponeretur, non tamen ita ut totum Solem obscuraret, sed (quod nunquam fortasse alias evenit) relinquebatur in Sole circulus quidam, vndique totam Lunam ambiens. Ex quibus colligitur primo, Lunam, & Solem

in his ecclipsibus non habuisse eandem distantiam à terra, nec inter sese, alioqui eodem modo in vtraque ecclipsi obscurarentur, vt à perspectiuis clare demonstratur. Secundo, colligitur nec moueri esse in motibus suorum orbium totaliū, tanquam proprijs, sed minores alios (vt sic loquamur) habere, & circa diuersum centrum à comuni totius mundi, quod non est possibile, nisi præter totales orbis eis proprios, ponamus eccentricum simpliciter, & duos alios minores orbis, ex parte etiam, ac secundum quid eccentricos iam à nobis expositos. Tertiò tandem colligitur, præter hos tres orbis eccentricos, ponendam esse in medio orbe simpliciter eccentrico sphaerulam quandam in profunditate, seu grossitie eius immersam, quæ proprio motu moueatur ab Oriente in Occidentem, & in qua planeta infideat, & cum qua circumuoluatur. Quibus positis Phænomena omnes, seu apparitiones variz planetarum non solum in suis motibus ostense, sed etiam ecclipses, & varij modi earum saluantur. Ex his autem partialibus orbibus componi quodammodo dicuntur orbis totales planetarum, propter ordinem, quem cum eis seruant, & quia in profunditate, seu grossitie eorum vniuersi ponuntur, & à motu eius suo modo dependent. Quod quidem, vt à nobis explicarum, licet euidentius non sit, est tamen valde probabile, & in continua obseruatione Astronomorum fundatū, quæ circa effectus à nobis perceptibiles per sensus vertatur, & ideo fidem meretur efficere, id quod ex solutione argumentorum magis constabit.

Ad primum igitur negandū est ex eccentricorum motu sequi penetrationem aut scissionem eorum secundum aliquas partes; aut etiam ex parte dari vacuum: &

huius ratio est, quia non ita mouentur, vt aliquando debeant coniungi in eadem parte spatij grossiores partes vtriusque, aut grossiores vnus cum delicatioribus alterius, sed proportionaliter ita simul mouentur orbis isti, quasi partiales ad motum totalis, vt partes grossiores vnus semper subsint delicatioribus alterius, atque etiam è conuerso, cum regularissimus sit, & vniuersalis earum motus, eisque iuxta propriam naturam conuenit. Et tali autem motu facile quicquid intelligat, nullum ex illatis incommodis in argumento sequi.

Ad secundum neganda est consequentia, quod ex eccentricis sequatur moueri cælestia corpora motu recto, nam ad motum rectum non satis est, corpus motum habere, vel acquirere diuersam distantiam à terra, vel ab alio corpore extrinseco, sed requiritur, quod per lineam rectam eam consequatur, cum notum sit ex eodem Aristotele, atque eodem loco in argumento citato, motum rectum esse, qui per lineam rectam fit. Orbis vero eccentrici non mouentur per lineam rectam, sed per circularem, non tamen circa centrum mundi, sed circa proprium. Et præterea habent partes quoddam grossiores, tenuiores vero alias, & ratione vtriusque acquirunt per motum circularem diuersam distantiam, non quidem à proprio centro, circa quod mouentur, nam hoc pugnaret cum motu circulari, sed à terra, vel à centro eius quibus non commensuratur circularis eorum motus. Negandum est igitur, moueri ab vno loco, seu spatio in aliud, sed mouentur ab eodem in idem, vt postulat motus circularis, sic autem moti acquirere possunt diuersam distantiam à terra.

Ad aliud vero, quo idem argumentum vrgetur, respondeo, non posse Lunam

in circulo motam in proprio epicyclo nunc unam, nunc vero alteram faciem nobis ostendere, sed semper, & necessario eandem: nā cum voluatur in circulo circa propriū cētrū proprio motui proportionatur, necesse est, instabili quodā libramēto permanere semper; D. autem Thomas pro hac sententia relatus nihil asserendo docet, sed referendo Astrologorum sententiam loquitur semper, & nunquam eam refutando, vt ex eisdem locis in argumento citatis facile constare cuiq; poterit.

Argumento tandem aliorum: respondetur, varijs obseruationibus astronomis compertum esse, Lunam aliquando existentem in eodem puncto à terra remotissimo, non eandem ab illo habuisse distantiam, nec eiusdem magnitudinis apparuisse, & pariter in eodem puncto epicycli terræ propinquissimo, quæ etiam in alijs planetis obseruata sunt, atque reperta, Immo Clauius noster in sua sphaera, folio 444. testatur se vidisse paucis annis elapsis Martem sub tanta magnitudine, vt duplo maior tunc cœlo serenissimo appareret, quàm alio tempore, ita vt multi mirarentur, existimantes, nouum in cœlo sydus effulxisse, quæ nec in solis eccentricis, nec in solis epicyclis referri potest, sed necesse est, in vtrosq; referri, vt probauimus.

QVAESTIO VII.

An omnes celestes orbes sint inter se coniugii, nullo alio corpore interiacente.

Quamuis controuersia hæc ad interpretes sacræ Scripturæ spectare videatur, quatenus ex diuersis scripturæ

locis ortum ducitur non tamen est à Philosophis aliena, quorum partes sunt, naturam & situm cœli inuestigare. In qua controuersia duæ sunt præcipuæ sententiæ extremè oppositæ.

Prima negat contiguitatem omnium orbium cælestium admittens veras ac elementares aquas inter omnes orbes mobiles, & cælum Empyreum, quas dicitur diuidere ab aquis permeantibus terram, totus globus cælestis mobilis. Ita sentit Pater Molina, 1. parte disput. 10. de opere sex dierum: & videtur manifesta sententia multorum Patrum: sic Iustinus Martyr, in responsione ad quæstionem 93. Orthodoxorum, Basilus homilia 3. Hexameron, Theodoretus, qu. 11. in Genesim, Ambrosius, 2. libro Hexameron, cap. 3. Chrysostomus, homil. 4. in Genesim, Hilarius in illa verba Psalm. 135. Qui fecit cœlos in intellectu, Genadius, & Siueria referri à Lypomane in illa verba, Genesis 1. *Fiat firmamentum in medio aquarum, &c.* ac tandem Augustinus 2. super Genesim ad litteram, his verbis: *Quomodo autem, & quales aqua ibi sint, esse eas ibi minime dubitamus: maior est quippe huius Scripturæ autoritas, quam omnis humani ingenij capacitas.* Fundamentum huius sententiæ sunt expressa sacræ Paginæ testimonia, quæ supra cœlos aquas constituunt; & cum supra Empyreum consistere non valeant, sic consequens, vt inter ipsum, & alium cælestem globum mobilem eas intercipi fateamur. Danielis 3. *Benedicite aqua omnes, quæ super cælum sunt, Dominum: Psalm. 148. Laudate eum cali calorum, & aqua, quæ super calos sunt.* Et Psalm. 103. *Extendens cælum, sicut pellem, qui tegit aquas superiora eius.* Præterea firmamenti nomine in Scriptura intelligitur cælum stellatum, vt constat ex cap. 1. Genesis: *Vocauit Deus firmamentum cæli.* Et rursus: *Fiant luminaria in firmamento cæli.* Ac tandem. *Fecitque Deus luminaria magna: luminare maius, vt præset diei, & luminare mi-*

nna, ut praeffet nocti: & Stellae. & posuit eas in firmamento caeli, ut lucerent super terram. At firmamentum mediat inter aquas, eadem Scriptura ibidem testante, illis verbis: *Fiat firmamentum in medio aquarum, & diuidat aquas ab aquis.* Igitur inter Empyreum coelum, & octauam sphaeram, verè intercipiuntur aquae. Quod vrget Pater Molina supra ex eo, quod si in citatis verbis non intelligantur verè aquae elementares, non stabit veritas, proprietates, & sinceritas Scripturae, sed violentia illi inferretur, si quidem vox aquae ex propria impositione significans elementares, ac veras aquas, à propria significatione extrahitur ad tropam, figuram, & metaphoricum sensum: quod si liceret, nihil stabile permanebit in Scriptura, nec vili ex illo dogma poterit firmo argumento probari. Quae doctrina praeterim vim habet in praesenti, cū omnia relata testimonia possint sine vilo incommodo de veris aquis intelligi: licet enim aquae elementares, & corruptibiles inter caelos ponantur, & ideo alterentur, non ideo consequens necessario sit, ut corruptioni subdantur, siue propter ipsarum resistantiam, ratione multitudinis materiae; siue ob qualitatem à Deo impressam, vel denique denegante Deo suum concursum actionem ad corruptionem ex aliquo occulto fine. Neque etiam sequitur, ibi esse violentas, solum enim tendent in locum firmamenti; nullum namque elementum grauitat, aut leuitat, nisi infra orbem Lunae constitutum: Nihil igitur obstat, quominus loca Scripturae in sensu huius sententiae intelligantur, ac proinde sic intelligi debent.

Quae sententia intelligitur à finis patris, de aquis elementaribus initio supra octauam sphaeram, à Deo constitutis, non quasi ex continua vaporum elenatione ibi in dies generentur, ut impro-

babilis quaedam opinio adstruxit; quam tetigit Augustinus 2. super Genesim ad litteram cap. 4. & Diuus Thomas 1. parte, quaestione. 68. art. 2. ad finem breuissime retulit, & sufficienter refutauit his verbis: *Dicere enim quod aquae vaporaliè resolutae eleuentur supra calum Sydereum, ut quidam dixerunt, quorum opinionem tangit Augustinus 2. super Genesim ad litteram, est omnino impossibile, sum propter soliditatem calis, tum propter regionem ignis mediam, quae huiusmodi vapores consumeret, tum quia locus, quo feruntur leuia, & rara, est infra concuum orbis Lunae, tum etiam quia sensibiliter apparet, vapores non eleuari vsque ad cacumina quorundam montium: quod etiam dicunt isti de rarefactione corporum in infinitum propter hoc, quod corpus est in infinitum diuisibile, (ut ideo vapores ad summam raritatem producti supra caelos eleuari possint) vanum est: non enim corpus naturale in infinitum diuiditur, aut rarefit, vsque ad certum terminum.*

Probabilior tamen, & communis sententia tenet, supra caelestia corpora, aut inter vnum, & aliud, nec aquam, nec corpus aliud extraneum reperiri, sed immediate esse contigua. Sic scholastici communiter in 2. distinct. 14. D. Thom. q. 1. art. 1. Bonau. art. 1. Durand. qu. 1. Albert. Mag. art. 1. & plures alij, ibidem. Aegidius 2. lib. Hexameron, c. 14. Lyran. Abulensis, Caietanus, & Catherinus in cap. 1. Genesis, & idem D. Thom. 1. p. q. 68. art. 1. cum alijs. Probatur ex ordine, ac dispositione vniuersi, iuxta quam corruptibilia omnia, & elementaria corpora infra orbem Lunae collocata sunt, vnde sublunaria dicta. Pugnat igitur cum hac dispositione, eorum aliquod intra vnum & alterum caelum fuisse interiectum, incorruptibile vero corpus, praeter caelum nullus agnouit. Praeterea, si aquae vere inter caelos continerentur, elementares forent: cū nemo alias praeter elementares à Deo fuis-

conditas excogitauerit, neq; ad id extet fundamentum aliquod, sed hoc pugnat naturæ earum, ortus & interitus capaci, quæ proinde calore cælesti alteraretur, ac solueretur, nec non ex earum materia aliud generaretur corpus, aut ipsa omni forma orbata maneret, quod natura rerum, & ordo non patitur. Nec prodest subterfugium nostri Molinæ. Nam si sua natura relinquantur aquæ, non possunt non nimio calore dissolui ex parte saltē, ac proinde ibi essēt generationes, & corruptiones. Multitudo vero materiæ prodesse poterit solum, ne tantum diminuatur, vel etiam, vt continua reactione in contrarium partes deperditas restaurēt. Afferere vero; Deum qualitatem aliquā restituiam aquis illis tribuisse, vel continuo proprium concurrere ad aquarum alterationem cælo subtrahere, & liberum est, & parum philosophicum, cum miraculum in prima rerum naturalium conditione admittat contra omnes: & præterea nulla ratione necessariū, vt infra videbim⁹, ac proinde hoc solo titulo refellendum. Denique id ipsum confirmatur, quia aquæ supra cælum non possent non violenter, & contra propriam naturam detineri, vt pote extra centrū, in quod natura sua propendunt, sicut alia aquæ elementares, cum eiusdem omnino naturæ sine dubio essent; perpetuā vero, aut diuturnam valde violentiā rebus naturalibus concedere, est à ratione. Nec satisfacit solutio P. Mol. scilicet, hoc solum connenire corporibus elementaribus sub cælo Lunæ constitutis, quia vbicunque corpora collocentur, eiusdē remanent naturæ, & conditionis naturalis, sed esse sub alijs corporibus exigūt natura sua corpora grauiora, sicut leuiora constitui super grauiā, vel minus leuiāgitur aquæ elementares ex natura

sua postulant collocari sub elementis ignis, & aeris, & dum extra hunc strū detinentur, patiuntur violentiam contra internum impetum, & tendentiam in proprium locum; quod concedendum nequaquam est, maxime cū nulla appareat vtilitas, nullus eluceat finis, in quem huiusmodi aquæ, à proprijs locis extractæ, supra cælum fuerint relegate. Nam, quod nonnulli excogitarunt, relati a Beda in libro de natura rerum, vt testis est Petr. Pereira 1. commentariorum in Genesim, versicul: 6. quibus accessit grauis quidam Doctor, referente Abulēse in ca. 7. Genesis, videlicet, Deum intra cælum seruasse aquas pro inundatione terræ efficienda, tempore diluuij, signum profecto est. Nā in primis, cum iam tēpus diluuij præterierit, dilapsæ essent huiusmodi aquæ, ac proinde modo nō essēt intra cælū, vt prima opinio asseuerat, & ideo ineptē, immo falso, nunc ad diuinas laudes in Scriptura innuātūr aquæ, quæ super cælos sunt: deinde earū aquarum locus perpetuo vacuus persisteret, cu aquæ diluuij causa illū relinquerēt, & non sit aliud corpus potens eum replere præter cælū, q̄ nequit hoc præstare, nisi aut derelictione proprij loci, aut per refractionem, quorū neutrum naturaliter cælo conuenire pōt, vt ex supradictis cōstat. Præterea ad inundationē terræ, hoc nō est necessarium, cum hæc optimē potuerit accidere ex effluxione aquarū maris, fontium, & fluminum supra terræ superficiē, & etiā per ingentē, & assiduā pluuiā ē media aeris regione cōtinuo aquis dilapsis. Vterius, si tanta aquarū copia ē cælo decēdisset, nō posset nō subito extingui tota sphaera ignis in itinere obuiā facta. Deniq; nō possent aquæ in terrā defluere ad efficiendū diluuium, nisi dirumpendo cælū, vel ipsum penetrando, cum

eum alias nullus illis posset aditus patere; vtrūq; vero naturaliter est impossibile, ac proinde placitū hoc plane improbabile.

Nec minus probandum est, quod venerabili Bedæ supra magis placuit, nempe, aquas supra orbem stellarum sitas fuisse, ad temperandum ardorem stellarum: sine fundamento enim, & contra rationem est, syderibus ardorem tribuere, alias incorruptibiles non essent ex propria natura, cum istæ qualitates ad corruptionem disponant subiectum, ut in superioribus diximus: solum ergo continetur in stellis eminenter, secus etiam Saturno insideret summa frigiditas formaliter, pro qua temperandi præparari debuisset inter eosdem exlos elementaris ignis, & idem est de alijs planetis. Effer igitur in cælis continua actio, & reactio contraria, ac proinde substantialis transmutatio, & frequens vicissitudo generationum, & corruptionum contra experientiam, & communem sensum.

Supereſt, ut argumenta primæ sententiæ diſnuamus, & simul aperiamus perspicue verum sensum locorum Scripturæ quæ in variis sententiis auctores adhuc nostræ opinionis distaxerunt. Nam Bonaventura, Durandus, Albertus, & plures alij ex supracitatis, ita explicant, ut aquæ, vel aquarū nomine intelligatur in Scriptura locis citatis, & similibus cælum crystallinum, situm supra ocliuam sphaeram, quæ vocatur firmamentum, siue ipsum solum, siue etiam cum alijs planetarum orbibus, & hoc firmamentum dicitur, diuidere aquas ab aquis, id est, veras aquas elementares, & sublunares à cælo illo crystallino, quod aqueū, siue aqua appellatur æquiuocè, propter similitudinē cū veris aquis, eo quod persfluidū, & diaphanū sit omni ex parte, secus quā alij inferiores orbcs stellis, & planetis distincti.

Sed tamen hic sensus nobis non placeat, quippe, qui multa continet diffici-

lia. Et imprimis falso innititur fundamentum, si præponens supra Stellatum cælum esse corpora alia cælestia præter empyreum, quod in superioribus falsitatis conuincimus. Immo & si admitteremus, dari huiusmodi cæleste corpus supra octauam sphaeram, saltem hoc non est certum, sed valde dubium, & non solum rudi illi populo, cui alloquebatur Moyses verum maiori, ac meliori Philosophorum parti, & antiquitati omni prorsus ignotū. Quo ergo pacto credi potest certissimam rem per eam, de qua valde dubium est, vel ignotum omnino, an fuerit à Deo condita, enarratam, & explicatam fuisse à sacro scriptore? Præterea hæc explicatio obſcuriſſimus redditur contextus sacer, creationem describens, in eo enim tripliciter variaretur significatio vocis aquæ: nā cum primo dicitur: *Spiritus Domini ferebatur super aquas*; aquarum nomine intelligunt Doctores isti materiam primā, seu corpulentam quandam massam: & cū dicitur: *Fiat firmamentum in medio aquarum*: eodem nomine agnoscunt nonum cælum: cum autem subiungitur: *Congregentur aquæ, quæ sub cælo sunt, in locum unū*, planè est sermo de elemento aquæ, quod quidem in re tam grani, ac rudi populo enarrata, ab Scriptore canonico, admittendū nō est.

Denique similitudo illa adducta inter nonam sphaeram, & elementarem aquam parui momenti est, cum ea omnia, in quibus similitudo consistere dicitur, in alijs etiam octo inferioribus orbibus reperiantur; cum omnes sint lucidiores, & magis diaphani, quam aqua, eiusdem etiam rationis & apparentiæ, secundum omnes suas partes: & saltem eadem prorsus ratio erat de decima sphaera iuxta eorundē opinionem, immo & de cælo Empyreo, ut constat, nulla ergo specialis similitudinis ratio est in noua, ac in alijs sphaeris cælestibus.

Item secundo argumento adducto refutatur sententia Origenis. Homilia in Genesim non longe à principio, intelligentis nomine aquarum existentium super celos substantias Angelicas, eo quod ad diuinas laudes excitetur, quarum materiales aquæ capaces non sunt: quæ sententia ab omnibus reicitur. Epiphanius Epist. ad Ioann. Hierosoly. nitantum, & Hieronymus Epistola ad Pammachium, eam, ut errorem, referunt, Aug. cum id docuerit 13. confessionum cap. 15. tanquam inconsideratè dictum, retrahit 2. lib. retractionum c. 6. & D. Basilius homilia. 3. in Gen. tacito astoris nomine, eam quasi somnium, anilemque fabulam refellit, infert enim verbis manifestam vim, trahens ea ad sensum, non modo non intantum, sed neque vlla ratione cum antecedentibus, & consequentibus coherentè, ut legenti constabit. Et manifestè reuincitur ex cantico trium puerù, vbi postquàm inuitantur Angeli ad laudandù Deù, deinde memorantur aquarù, *Quæ super celos sũt*, cum aliis creaturis, quæ etià si rationis expertes, dicuntur laudare Deum, quatenus sua perfectione, varietate, & pulchritudine, Deù auctoram commendant, & ad ipsius laudes creaturas ratione pollentes prouocant, quod ex mente Damasceni egregie docet D. Thom. de spiritual. creat. art. 6. ad 14. his verbis.

Ad decimum quartum dicendum, quod secundum Damascenum (scilicet libr. 2. cap. 6. in fine) celi dicuntur enarrare gloriam Dei, laudare, & exultare materialiter, in quantum sunt hominibus materia laudandi, vel enarrandi, vel exultandi. Similia inueniuntur in Scripturis de montibus, & collibus, & aliis inanimatis creaturis, & iuxta placitum Origenis, nomine torris, glaciè, & reliquorum non viuientium, & expertum rationis, quæ ad laudes Dei inuitantur, deberemus in-

telligere alias creaturas rationales, quæ solè laudandi Deum propriè capaces sunt, quod est absurdum.

Consequens ergo fit, ut cum pluribus de totibus nomine aquarù in Scriptura, veras ac elementares aquas intelligamus, ut nomen ipsum præ se fert, quod non est cur à propria significatione in alienos, atq; etiam extortos significatus extrahatur, ut bene admonet Pater Molina supra, siquidem cum omni proprietate accipi potest, ac proinde ut sonat, sumi debet iuxta regulam Augustini interpretibus Scripturæ sacris familiarem. Quapropter veræ, ac elementares aquæ sunt, quæ dicuntur esse super celos, & à terrestribus aquis per firmamentum diuidi. Pro cuius intelligentia scire oportet, *firmamentum* in sacra pagina propriè accipi nunc pro aggregato ex omnibus orbibus cælestibus mobilibus cum elemento ignis, & aeris, nunc vero pro aliqua parte huius aggregati: quæ etiam ratione non semel usurpatur celum, quod tradit D. Thom. 1. parte quæst. 68. art. 1. adducens verba Augustini ex 2. super Genesim ad litteram, commendantia hanc positionem hoc modo: *Hanc considerationem laude dignissimam iudico*, & expressius in solutione ad primum. Idem expressit D. Hieronymus Epist. 85. ad Oceanum his verbis: *Inter celum & terram medium exstruit firmamentum*, &c. Rupertus 1. libro de Trinitate capite 22. sic inquit: *Firmamentum non solidum quid, aut durum, ut vulgo putatur, sed aer est extensus*, &c. Et statim: *Scriptura illud firmamentum nuncupans, videlicet, eo quod diuidat aquas ab aquis*: Beda in Genesim asserit, pro toto prædicto spatio accipi firmamentum in historia creationis. Sequitur Durandus in 2. dist. 24. Eugub. in cosmopœia, Cæteranus in 1. caput Genesim, ex nostris Pater Pereira lib. 1. in Genesim. Et Pater Suarez 1. tomo Metaphysicæ disputatione 13.

sectione

sectione 22. & vox firmamentum in Hebræo, ut apud peritos linguæ constat, significat extensionem, & quasi expansionem, explanationem, & explanationem eius, quod complicatum erat: id quod egregie explicuit Regius Pfalter, Psalmio 13. *Extendens calum sicut pellem*, hoc est sicut tabernaculum, quia vocis significationem expresserunt septuaginta interpretes, quod toti illi quasi aggregato, & cuilibet parti competit. Quæ eadem vox Hebræa, teste Lypomano, Catena in caput primum Genes. Interdum etiam significat stabilitatem, seu firmamentum: quo sensu Psalmio 103. dicitur. *Terminum posuisti* (scilicet aquis maris) *quem non transgredientur*. Et ideo Septuaginta transtulerunt illud verbum Hebræum per Græcum significans, dans firmitatem, & vulgatus vertit *firmans*. Vtrumque egregie complectitur Augustinus 1. super Genesim ad litteram capite 10. his verbis: *Nec nomen firmamenti cogit, ut scire calum putemus, firmamentum enim non propter stationem, sed propter firmitatem, aut propter intransgressibilem terminum superiorum, & inferiorum aquarum intelligere licet: quæ iuxta statim dicenda accipienda sunt*. Ratio igitur firmamenti proprie convenit secundum vtramque significationem toti huic globo inter cælum Ænpyreum, & terram intercepto, ut illum consideranti per se constabit. Et proprie etiam convenit infimæ regioni aeris nebulosæ dictæ, ob ingentem vaporem, & exhalationum admixtionem in ea errantem. Est enim expansio maxima, in qua aues, homines, & bruta, quasi in quodam tentorio degunt. Est præterea immobilis intercepto, & fixus, seu fixus, & stabilis terminus, non immobilitate partium, sed quasi æquivalencia, & positione totius sphaeræ partialis aeris, inter aquas terrestres, & æreas, hoc est inter aquas regentes terram, vel aliquam illius partem, & eas quæ in

media aeris regione ex continua vaporum elevatione indefinenter generantur. De hac itaque regione aeris propriè dicitur firmamentum, & hoc est firmamentum, secundo die factum, in medio aquarum, diuidens aquas ab aquis, immediate utrasque attingendo, propriissimè, & in rigorosa significatione. Idem firmamentum vocavit Deus cælum, ibi enim nequit intelligi de aliquo orbe cælesti, cum secundum probabiliorem sententiam, iam omnes præsupponerentur facti primo die. Dicitur vero cælum (cuius sunt aues) per accommodationem, signanter tamen, ut egregie Divus Thomas 1. parte quæst. 68. artic. 1. ad 1. hisce verbis: *Per firmamentum vero secundo die factum intelligitur spatium aeris, in quo nubes condensantur, quod etiam cælum æquivoce dicitur*, & ideo ad æquivocationem designandam signanter dicitur, *vocavit Deus firmamentum cælum*, &c. Nomine igitur firmamenti videtur lacer Textus pro diversis eius partibus, ita ut ex antecedentibus, & consequentibus semper possit intelligi, pro qua parte accipiat, & ita tollatur æquivocatio, ut dum dicitur, Deus stellas in firmamento posuisse, sumatur duntaxat pro cælo stellato: dum dicitur Solem, & Lunam collocasse in firmamento, accipiat pro primo, & quarto orbe: cum autem asseritur, factum fuisse firmamentum in medio aquarum, aut dividere aquas ab aquis, intelligenda venit infima pars aeris; & idem dicendum est de cælo, ut scilicet nunc pro vno, nunc pro alio sumatur corpore, ex determinatione antecedentium, & consequentium, sublata æquivocatione, ut dum dicitur, Deus principio condidisse cælum, pro omnibus corporibus incorruptibilibus simul, pro aliquo vero eorum speciatim, cum illius proprietates exprimitur, ut cælum Lunæ, Solis,

Solis, stellarum, cæli ætherum pro Em-pyreo, aut omnibus incorruptibilibus: cum autem firmamentum secunda die factum, & diuidens aquas ab aquis, nuncupatur cælum, & supra cælos dicitur esse aquas, & in cælo aues degere, manifestum est, non pro æthereo cælo, sed pro aereo viurpari, cum æthereum cælum aues nō pertingant, & aquæ non possint supra cælos locari. Ponitur autem aliquando nomen cælum in plurali, etiam si vnum tantum corpus significet, iuxta Hebraicam Phrasim, quia hoc nomen in lingua Hebræa singulari caret. Diciturque hoc firmamentum, & cælum, eodem secundo die, quo factum est, aquas diuissæ, vel quia simul aquas, seu nubes in media regione aeris, à Deo collocatæ sunt, pro similibus generandis, vel quia statim eleuati sunt aliqui vapores, & in nubes condensati, non enim sufficit, ad veritatem Scripturæ asserentis, firmamentum diuidere aquas ab aquis (vt putauit Pater Pereira supra) futuras esse postea aquas in regione aerea, quas firmamentum diuideret à terreneis tribus.

Ex quibus iam constat ad argumenta prioris sententiæ, & in primis Patres ibi relati, iuxta ea, quæ diximus, cum pluribus Patribus, & Doctõibus, de acceptiõibus firmamenti, & cæli explicari optime possunt, vt legenti constabit. Ex eisdem etiam perspicue constat, verus, & germanus sensus locorum sacræ Scripturæ, in quibus cælum, & firmamentum manifestè accipiuntur aliquando pro incorruptibili sphaera, vna, vel pluribus, nonnunquam vero pro sphaera, aut regione aeris, præsertim infima, vt in superioribus ostendimus. Fatemur ergo, in Scriptura aquarum nomine veras, & elementares aquas intelligi: inficiamur tamen eas esse supra cælum æthereum, sed supra aerem tantum, supra infimam scilicet

cet aeris regionem, vt explicatum est. Quæ vero addit doctissimus Pater Molina, & falsa sunt, & supra à nobis refutata.

QVAESTIO VIII.

Antelestia corpora moueantur à propria forma substantiali, vel ab intelligentia.

PRæsupponit quæstio moueri cœlestia corpora motu circulari, quod manifestum est, ex motu stellarum, quæ eis insident, quas moueri videmus, seruata scilicet eadem distantia inter sese, quod constat, non posse fieri, nisi corpus ipsum cœleste, cui affixæ sunt motu circulari, euolueretur. Quod enim immoto cælo nō moueantur, vt quidam decepti crediderunt, hac ratione conuincitur, si stella mouetur immoto orbe, vel mouetur intra proprium orbem, aut superficiem eius, sed ex utroque sequitur, aperte dari vacuum: ergo. Probatur minor, quia si intra proprium orbem mouetur, necessesse est, vnum locum relinquere, & ad alterum se transferre per motum. Constat vero, non dari corpus aliud, à quo relictus locus repleatur, permanebit igitur vacuum: Et patet, si moueatur per superficiem proprii orbis: nam inter illā, & superficiem alterius orbis immediati permanebit vacuum spatium, per quod mouetur, cum nec detur corpus, à quo repleatur.

Quo præsupposito, in dubium reuocat, an moueatur cælum virtute formæ substantialis propriæ, tanquam principij efficientis intrinseci, vel solum ab intelligentia, tanquam à principio externo, & quod priori modo moueantur, sicut viuientia effectiue à propria anima mouen-

aur. Docuerunt nonnulli, quos Diuus Bonauentura in 2. distinct. 14. artic. 3. quæst. 2. retulit, & sequutus est Albertus Saxonie 8. lib. Physicorum, quæst. vltima cui principio intrinseco alij ex antiquioribus Philosophis à Conimbricensibus citati 2. lib. de cœlo cap. 15. quæst. 5. artic. 2. atque etiam Vallesius controuersia 11. ad tyrones post medium, addiderunt intelligentiam, ita vt, vel motus idem, partim ab interno procederet, vel certè motus vnus à dextera ad leuam ab intelligentia, alter vero à leua ad dexteram à propria forma, vt asseruerunt alij. Probatur primo, quia si forma cœlestis non præstat efficientiam ad motum; ergo nullum cōcursum præstare potest, & sic erit otiosa, & ex consequenti frustra eidem corpori concessa: Probatur sequela prior, quia præter actiū concui sum, solum potest præstare passiuum; nam ad motum, nec finalem, nec formalem, præstare manifestum est: Sed passiuum concursum sola materia præstat, cum sit materialis causæ proprius, ergo nullum præstabit forma. Probat Vallesius secundo, quia corpora graua, & leuia ignobiliora sunt cœlestibus: sed valde probabile est, moueri à propriis formis, tanquam à principiis efficientibus internis: ergo probabilis erit, hoc idem orbibus cœlestibus esse cōcedendum, præsertim apud Aristotelem, qui intelligentias veras eorum formas esse videtur docuisse.

Opposita sententia, quod cœlestia corpora non moueantur à principio interno effectiuo, sed ab externo, duntaxat, quod est Angelus, seu intelligentia, communis est in vt. aq. Schola, Theologica, ac Philosophica; quantum ad vt. amque partem, vt optimè adnotauit Pereira noster, lib. 1. suæ Philosophiæ cap. 1. lib. 2. in Genesim, quæst. 6. asserens, quasi per maius radium fuisse inter antiquos

Philosophos, & postea à Theologis acceptam, quod certè magnum est veritatis argumentum, ipse tertium eius rei, quæ non potest euidenti argumento conuinci. Eam enim tenuit in primis Diuus Thomas, quæst. 6. de potentia art. 3. & 1. parte, q. 70. art. 3. Diuus Bonauentura in 2. distinct. 14. art. 3. quæst. 2. Scotus ibidem quæst. 1. Durandus, quæst. 2. Aegidius quæst. 5. Albertus Magnus artic. 6. & 12. Metaphysicæ tractatu 2. cap. 10. Capiculus in 2. disputatione 9. quæst. 1. artic. 3. Ferrariensis 5. contra Gentes, cap. 46. Scotus 2. libro Physicorum quæstio. 11. ibidem, Pater Toletus, & patres Conimbricenses 2. libro de cœlo, cap. 5. quæst. 5. Pater Suar. tomo 1. Metaphysicæ disputatione 18. Sectione 3. numero 36. iuxta quam duo asserimus. Primum est, non esse possibilem naturaliter potentiam, aut formam intrinsecam, à qua cœlum effectiuè se moueat, quod probauit D. Thomas 3. contra Gentes cap. 23. ratione 4. hoc argumento. Motus localis non potest emanare à forma, tanquam à principio efficiente, nisi terminatus, per talem motum per se comparatus, sit debitus formæ eius, vel certè eidem corpori, ratione talis formæ, vt euidenti inductione probari potest, per singulos motus locales elementorum, & aliorum corporum discurrente, & ratio id ostendit; quia inclinatio actiua in motum, & speciem capit à termino naturaliter debito, tanquam à proprio actu, per quem perficitur, sed constat, nullum præsentiam, vel modum eius, quem potest cœlum acquirere per motum, esse ei debitum ratione suæ formæ satis perfecte per eam, quam habet supra omnia alia corpora, & ideo nullam aliam desiderantem, cum omnes sint eiusdem omnino rationis, ergo non potest esse motus cœlo naturalis ratione suæ formæ, tanquam principio efficiente eius: sed non

potest naturaliter dari potentia intrinseca ad motum, si is non sit naturaliter debitus mobili, ergo non est possibilis naturaliter talis potentia intrinseca cælo. Neque sit satis argumento si dicatur, non esse cælo motum debitum ratione termini, sed ut eo medio fiat proximum inferioribus corporibus, ut ita approximatam possit influxum habere circa illa, & ea perficere, atque etiam se ipsum, in quantum virtutes eius per exercitium suorum actuum perficiuntur. Hoc inquam, non satisfacit, quia potentia motiva localis solum potest respicere per se præsentiam in loco, vel spatio loci, & solum per eam perfici, quemadmodum potentia calefactiva solum calorem, & ideo solum ordinatur per se ad calefactionem: cæteri vero motus, vel actiones, & earum termini extra rationem eius sunt, & per accidens ad illam se habent: ergo cum non possit esse debita cælo alia præsentia localis, erit impossibile dari potentia ad illam cælo intrinsecam; cum hæc nihil præter præsentiam localem secundum se respiciat. Nam quod corpus localiter motum fiat præsens his, aut illis temporibus, & quod præsens possit alterare, corrumpere, vel generare, per accidens omnino est, respectu eiusdem localis motus, aut motivæ potentiz, quæ ex hoc nihil prorsus variatur, & per se solum ordinatur ad perficiendum proprium corpus, cui concessa, & debita est. Est enim motus ex Aristotele 3. libro Physicorum textu 17. actus mobilis, prout mobile existit, id est, qui solum per se ordinatur ad perficiendum corpus, in ordine ad proprium terminum. Ergo idem est, non esse talem terminum per se potentiz debitum, aut corpori, & non esse possibilem talem motum, aut potentiam motivam ad eum adquirendum.

Probatur tandem idem assertum, quia

impossibile est, corpus esse violententer in loco sibi naturaliter debito, cum sit naturæ eius consentaneus: sed id sequitur in cælo, si ei concedatur virtus à qua effectivè moveatur: ergo contradictionem implicat dari, vel ab ea moveri. Probatur minor, quia cum talis virtus, & motus, ab ea eliciendus sit naturalis; eo ipso, quod ab ea cessaverit, permanebit in eodem loco violententer, cum permaneat cōtra impetum propriæ inclinationis: erit ergo in statu violento, quamdiu in eodem loco, aut in eadem præsentia sibi debita, aut modo illius permanferit: siquidem qualibet præsentia, aut modo illius dato ab interno impetu, aliam præsentiam, vel modum adipisci conatur: & ideo contra internum impetum ea caret, ac proinde cum violentia. Et virgeo argumentum hoc modo: Repugnat dari naturalem inclinationem ad actum, vel motum, nisi respectu alicuius formæ determinatæ, vel termini per eum comparandis: cum motus ex propria essentia sit fieri alicuius termini; sed motus circularis cæli non tendit in aliquem determinatum terminum, vel præsentiam, quia cæli in nullam determinatam inclinatur, nec in vlla quiescit, sed solum postulat supremam, respectu omnium corporum, quam constat habere, etiam si non moveatur, & quam habuit in primo instanti, in quo conditum est à Deo, in quo non movebatur: ergo repugnat dari naturalem inclinationem effectivam in cælo ad motum.

Secundum assertum; orbes cœlestes à forma extrinseca moventur, nempe ab intelligentijs: sic vnanimiter omnes citati supra, ex quibus Divus Thomas opusculo 10. artic. 3. & opusculo 11. artic. 2. docet esse omnino certam sententiam, & Physicis rationibus demonstratam; & de potentia, questione 6. articulo 3. inquit: fidei sententiam esse, quod substantiæ separa-

separatz, siue Angeli, moueant corpora
cœlestia. Bonauentura supra vocat sen-
tentiam fidei consentaneam, illam statu-
it Aristoteles 8. Physicorum, capite 6. tex-
tu 52. & libro 12. Metaphysicæ capite 8.
text. 43. Plato 1. de legibus, cum reliquis
ferme omnibus vtriusque Scholæ; qui eā
confirmarunt, ex ordine inter res crea-
tas constituto, qui in eo maximè positus
est, quod inferiora per superiora in pro-
priis functionibus regantur, & corpora-
lis creatura coniungatur cum spirituali;
atq; adeo, sicut in paruo mundo, homine
videlicet, corpus per spiritum gubernat-
ur, simili modo in maiori mundo contin-
gat. Quæ ratio probata est sacris etiam
Doctoribus, ex quibus ea videntur D. Bo-
nyfius cap. 5. cœlestis Hierarchiæ, & de
Diuinis nominibus capite Octauo, D.
Gregorius quarto Dialogorum, capite 4.
D. Augustin. tertio de Trinitate capite 4.
cum aliis. Idem etiam Philosophi sibi ha-
buerunt persuasum. Quia cum cœlestium
orbium motus, miræque qualitate, & cō-
stantia, perfici observarent, non nisi ab
intelligentijs à materiæ concretionem se-
motis, circumuolut corpora cœlestia,
consulto iudicauerunt: immo hinc illi adi-
tum ad intelligentiarum noticiam inue-
nere, qui fere omni ex parte præclusus il-
lis esset, solis principijs Philosophicis
ducti, si nullam haberent efficientiam,
circa motus cœlestium orbium, cum nec
ex causa, vel alijs effectibus; in Angelorū
noticiam possent ritè peruenire, nec alias
constaret connexio rerum sensibilium,
seu intelligibilium, seu mundi corporei
& incorporei, quam fateri necesse est.

Quod etiam confirmatur ex illo Iob 9.
capite: *Sub quo currantur, qui portant orbem.*
Iuxta quorundam interpretationem, qui
id de Angelis intelligunt suo motu cœ-
lestem mundum cōg. p. o. cir. cumuol-
uentibus. Et de eisdem non incongruè in-

telligi potest illud eiusdem Iob capite
26 *Columna calicō tremiscunt, & pauent ad nu-
tum eius.* Et aliud ex capite 38. *Cum me lau-
datis astramutina, & iubilatis omnes filii Dei.*
Hic denique videntur esse virtutes cœlo-
rum, quæ in die iudicij mouebuntur iux-
ta Matth. 24. subiungo vltimam, & effica-
cem rationem hoc modo: Corpora cœle-
stia motu circulari perpetuo euoluuntur,
vt in principio quæstionis communi
consensu, & manifesta experientia stabi-
lium reliquimus, sed non mouentur à
Principio sibi iatrinseco, vt etiam in pri-
mo asserto efficacibus rationibus proba-
tum manet. Igitur euident est, moueri à
principio extrinseco, seu assistente for-
ma; siquidem nullum est medium inter
principium intrinsecum, & extrinsecum.
At hoc principium extrinsecum motus
cœli nullum aliud congruenter potest
esse, nisi Angelus. Ergo ipse est principi-
um efficiens cœlestis motus. Hæc vltima
minor, in qua est difficultas, probatur;
quia hoc principium nequit esse corpo-
reum, cum nullum eiusmodi naturaliter
sit supra cœlum, neque in ipso cœlo esse
queat, sine penetratione viribus naturæ
impossibili, siquidem tam ipsum, quàm
cœlum proprijs quantitatibus dimensionibus
prædictum foret. A corpore vero a-
liquo sublunari cœlum localiter moue-
ri, & merum figmentum à nullo vnquam
excogitatum, & plane absurdum esse,
quis non videat? Superest ergo, vt
à substantia aliqua perfecta à mate-
ria, & corpore immuni cœlum circum-
agatur. Hæc autem non est Deus ip-
se se solo, quandoquidem hoc per An-
gelos præstare optime potest, sicut in-
numera alia munia, & officia per suas
creaturas, ipso cum illis concurren-
te, administrat. Quod naturis rerum,
ordini, & connexioni vniuersi valdè

congruit: per Angelos ergo id præstat, cum non supersit alia substantia spiritus completa ad id minus exequendum. Angelos vero posse propria viiute mouere localiter cælos in confesso apud omnes est. Sunt enim insignis virtutis, & efficacitatis, & quibus, ut pote longe perfectioribus, subduntur omnia corpora, saltem quoad motum localem. Concludamus igitur, cælestes orbes à formis extrinsece assistentibus, seu ab intelligentiis localiter moueri.

Superest, ut argumenta prioris sententiæ diluamus: Ad primum negamus, formam cæli esse frustra, etiã si non sit principium efficiens localis motus, plura enim alia munera habet in genere causæ formalis, & efficientis etiam. Constituit namque simul cum materia compositum cæleste, & est principium efficiens saltem instrumentale naturalium, passionum, & proprietatum cæli, nec nõ mediis propriis potentis, & qualitativis actiuis effectiue concurrat ad plures effectus, qui cælo attribuntur,

Ad secundum, concesso antecedenti, neganda est consequentia. Non enim negamus corporibus cælestibus potentiam internam effectiuam motus localis, propter eorum imperfectionem, sed quia naturaliter non possunt non esse in proprio loco; neque ab illo extrahi queunt. Virtus autem motiua maximè in non uiuentibus, solum potest esse ad adquirendum proprium locum, & alias nunquam esset cælum in statu naturali, sed in violento, ut supra probauimus, necesse ergo est, ut cælestia corpora tantum moueantur ab intelligentijs, quas formas solum extrinsecas, & cælo assistentes posuit Aristoteles, ut legenti constabit. Cum quo tamen stat, quod naturaliter moueantur, quia ut partes vniuersi natu-

raliter habent propensionem, ut à potentia naturali perfectioris ordinis in bonum inferiorem circumuoluantur. Quam inferiorum gubernationem, & exteriorum exequutionem, sphaeris cælestibus Deus commisit, ipso cum ipsis concurrente, semper tamen internam earundem directionem sibi referuauit. Quo sensu intelligitur illud Tob 33. *Quem constitui alium super terram, aut quem posui super orbem, quem fabricatus est, &c.* Et in eodem sensu loquitur Diuus Gregorius ibi, & Boetius libro 4. de consolatione Philosoph. prosa 4.

QVAESTIO IX.

An quilibet orbis cælestis à propria intelligentia moueatur.

Quamuis præcedenti quæstione stabilitum, sit orbes cælestes ab intelligentijs moueri, adhuc sciscitandum relinquitur, an ab vna omnes, vel singuli singulis cæantur, quod in præsentem examinandum proponimus.

Sed antequam in hac re varias proponamus sententiã, nonnulla tanquam certa iam apud omnes præmittenda sunt, ut clarius postea & inoffenso pede curramus. Primum statuendum est, Deum se solo non mouere aliquod cæleste corpus, quod ut certum supponunt omnes Doctores, communiter cum Bonauentura in 2. distinctione 14. articulo 4. quæstione 1. & D. Thomas opusculo 17. capite 12. in vniuersum asserente, nullum corpus moueri immediate à solo Deo, quoad motus, qui facultati naturæ subduntur. Cuius ratio sumitur ex ordine diuinæ sapient. & providentiæ, quem supra ex patribus Gregor. Dionysio, Augustino.

gustin. & illis ratum, & firmum esse diximus, ut scilicet in a medijs, id est, corpora sublunaria à celestibus, & media à summis, hoc est, celestia ab Angelis moueantur. Sine fundamento autem ab hoc ordine primum mobile, aliudve corpus celeste, exciperetur; maximè cum altioris ordinis munera, qualia sunt, quæ ad intellectum illustrandum, & excitandū voluntatem spectant, ipsis Angelis, immo & hominibus Deus sæpe commiserit. Cum igitur possit Deus per Angelum primum mobile rotare, sicut Angelorum opera cæteras sphaeras circumuoluit, si quidem hoc non excedit virtutem Angelicam, ut supra ex communi consensu diximus, sine ullo prius fundamento, immo plane contra rationem inficiabitur quis, motum primi mobilis ab Angelo provenire. Quapropter in hoc plane errant Aristoteles, existimās motorem primi mobilis specialem, & immediatum esse Deum. Vt testatur Plerho. capit. 2. libro de ijs, quibus Aristoteles à Platone dissidet. Alexander, & Simplicius 8. Physicorum, Diuus Thomas 12. Metaphysicæ ad textū 36. & alij, quos citant, & sequuntur Patres Comimbrienses in 2. de celo capite 5, quæstione 6. art. 2. & constat ex 8. Physicorum, capite ultimo, ubi docet; Deum in parte supremi globi, quæ velocius agitur, insidere; quia scilicet eiusmodi motus ab eo efficitur. Præterea apud Aristotelem, primus motor est omnis mutationis expers, quod soli Deo conuenit, dande 8. Physicorum ex motu primi orbis, primum, semperterminque motorem intulit, & 12. Metaphysicæ capit. 8. textu 45. inter intelligentias mouentes cælum, Deū recensuit. Non me latet, Auicenam, Bonauenturam, Aureolum, Scotum, Heruzum, & Ferrariensem, relatos à Comimbriensibus, maiori pietate, quam

probabilitate ductos asseruisse, Aristotelem motum primæ sphaeræ Deo adscribere, non ut efficiens immediato, sed tāquam finem, eo quod 12. Metaphysicæ capite 7. textu 38. dixerit, Deum mouere primum orbem, ut id, quod amatur. Verū loca à nobis allata adeo expressa sunt, ut interpretationem non patiantur. Citatus vero ab his Doctoribus adstruit, Deum appeti, ut rerum omnium finem; quæ ratio communis est, respectu omnium motuum, & non excludit motionem causæ electricis.

Secundo animaduertendum est, fuisse sententiam Abulensis ad caput 22. Exodi, quæstione 5. existimantis, fieri nequam posse, ut Deus corpus aliquod se solo moueat; ducebatur autem in eam sententiam, quia cum motus localis sit quidpiam imperfectum, ut pote actus entis in potentia, si immediate à Deo solo procederet, aliqua actio diuina imperfecta esset, quod est plane absurdum, & impium. Et confirmari potest, quia infinita virtus mouet puncto temporis, teste Aristotele 8. Physicorum capite 10. textu 78. cum infinita proportionem exsuperet quamlibet vim motricem creatam, ac motus localis ex sua natura tempus exigat implicationem ergo inuoluit, fieri à Deo, sed tamen hanc sententiam erroris nomine coarguit Diuus Thomas 1. parte quæstione 105. articulo 2. & nulla prorsus ratione sustineri valet. Nequit enim sine errore negari posse Deum per se immediate efficere omnes determinatos effectus naturales, quos secundæ causæ naturales efficienter edunt; cum ipse earum omnium virtutem, & efficacitatem in se excellentiori modo contineat. Et si rationes Abulensis aliquid conuincerent, probarent sane de omnibus quibuscumque mutationibus, cum omnibus sit intrinseca imperfectio viæ, & tendentiæ

In terminum; ac proinde nihil prorsus Deus extra se vnquam produxisset, cum nequeat intelligi aliquid produci sine aliqua actione, seu mutatione, saltē laxē sumpta. Ac proinde prædictæ rationes nullius momenti sunt. Licet enim motus sit quid imperfectum, quia est via, & subiectū cōstituit in potētia, tamē in suo genere perfectū est; habens sc. perfectiōnē suæ naturæ cōgruentē, & ideo nullā dicit imperfectionem in agente, sed in mobili, vt per se patet. Aristoteles item solum ibi loquitur de virtute infinita ex necessitate mouente, ac proinde tota necessario applicata: non de libera exhibente concursus, iuxta exigentiam effectus producendi.

His præmissis fuit quorundam opinio, teste Fracastorio in suis homocentricis cap. 7. sectione 1. existimantium, vniuersam cælorum machinam ab eadem intelligentia circumuolui; quæ his argumentis potest confirmari. Primo, quia intelligentia mouens cælum, præstantioris lōge naturæ est, vt pote totalis, & completa substantia, quam rationalis anima incompleta, & partialis, at vna & eadem animalia rationalis simul administrationes magis diuersas, quam sint motus cælestium orbium: ergo faciliori negotio, hos omnes pariter præstare poterit eadem intelligentia. Minor probatur, quia ipsamet anima rationalis secundum gradum vegetandi, coquit cibum in ventriculo, recoquit in iecore, & venis, & tandem in substantiam viuētis conuertit. Præterea eadem, secundum gradum sentiendi, sensuum operationes elicit, & corpus localiter mouet, ac deniq; secundum intelligendi gradum spirituales operationes appetendi, & intelligendi habet: quæ omnia diuersæ speciei, & generis sunt. Cum tamen omnes motus

locales cælorum eandem fortiantur rationem, & speciem ab eadem præsentia eodem circulari modo aduicta, emendicatam. Igitur, si illa, quæ magis diuersa, & magis etiam perfecta sunt, anima rationalis valet attingere: non est cur intelligentiam perfectiorem valde ea, quæ minoris perfectiōnis, & discriminis inter se sūt, exquiri posse inficiemur. Quod si intelligentia vna id valet efficere, plures vt pote superflue non sunt, ad id minus designatæ.

Secundo, cælum nulla ratione resistit intelligentiæ mouenti; ac proinde non plus vna, quam plures sphaeræ conatui Angeli obstitunt: ergo quælibet vis motiua sat erit ad cælorum omnium conuersionem efficiendam, vbi enim nulla adest repugnantia, à qualibet virtute etiam minima procedit actio. Antecedens probatur, quia non apparet, quia ratione possit corpus resistere, nisi per grauitatem, vel leuitatem, aut etiam per impulsu contrarium, sibi impressu, corpora autem cælestia non sunt grauitate, aut lenitate prædita, vt in superioribus diximus, neq; impulsu aliunde habent, quā ab intelligentia; ergo ex se non habent, quo resistant virtuti impellenti Angeli, alias defatigaretur intelligentia mouēs, quæ proinde non potiretur beatitudine, quæ secretis malis omnibus, bonorum omnium complexio est. Quod plane est absurdum: concludamus ergo, omnia cælestia corpora ab vna eademq; intelligentia in orbem citri.

Opposita tamen sententia vera est, & expressa ab Aristotele. 12. Metaphysicæ capitul. 8. à textu. 47. vbi tot enumerat intelligentias motrices, quot orbis cælestes. Eandem sententiam supponunt

ponunt semper Theologi, & sequuntur etiam omnes Philosophi. Ratio efficax illius est, quia Angelus habet determinatam sphaeram spatij, in qua potest esse præsens, maiorem, vel minorem, iuxta propriam naturæ perfectionem, ut docent Theologi, in 1. distinct. 37. & 1. par. quæst. 52. unde ex eorum, & multorum Patrum sententia neque Angelus in cælo simul, & terra esse, ergo non potest idem Angelus simul omnibus cælestibus orbibus adesse, sed non potest eos impellere, & mouere, nisi eis adsit, ut per se patet. Quamvis enim necessarium non sit Angelum impellentem coniunctum, & immediatum esse, in meditatione suppositi, ut aiunt, omnibus partibus mobilis, sed sufficiat ei coniungi in certo situ, & inde imperum toti sphaeræ communicare, tamen nec fieri, nec intelligi potest, ut ab eodem situ omnes orbes simul diverso modo & pro diuersis motibus compellat, cum stare non possit, quod imperus, seu impulsus corpori distanti imprimitur, quin corpori medio capaci etiam communicetur, ac proinde illud eodem motu ac aliud distans moueatur, & ideo primum mobile cui intelligentia insidere diceretur, simul cum proprio motu, omnium aliarum sphaerarum motibus ageretur, quod & inauditum est, & experimento manifesto contrarium. Quod si quis dicat, Angelum, licet eadem præsentia non possit adesse omnibus cælestibus sphaeris, ac proinde nec eadem existente omnes ad motum impellere, posse tamen eundem, multiplicatis præsentis, cui libet orbi, & omnibus simul saltem secundum aliquam partem determinatam assilire, & imperum inferre. Si hoc, inquam, dixerit non nemo, facile poterit explodi, quia etiam si aliqui existiment, posse Angelum simul esse in duobus locis, in adequatis per contactum.

virtutis, ut ipsi loquuntur, hoc est, ita ut moueat corpora in duabus ultimis, & oppositis partibus spatij, cui adest, sine eo quod in medio illius spatij virtutem applicet, & moueat; nec nullus ferè hucusque asseruit, nec sustinere licet, posse eundem Angelum naturaliter simul adesse pluribus spatijs adequatis suæ virtuti, & in eis corpus agitare, & alias nullum illorum esset adequatum, quandoquidem ultra illud ad aliud se extenderet virtus Angelica: & ideo plures Sancti Patres existimarunt, non posse esse simul Angelum præsentem terræ, & cælo, quod de vna, & pluribus præsentis intellexerunt, secus si pluribus præsentis adequatis id posset contingere naturaliter, non bene inferrent Patres ex eo, quod Angeli in terra nonnunquam appareant, localiter intelligentiam moueri, quod ipsi intendebant: immo etsi præsentia distincta in adequata essent, extra spatium tamen adequatum, quia inde etiam sequeretur, per illas posse Angelum simul esse in cælo, & in terra contra Patres, & licet præsentia in adequata distincta in eodem spatio adequato continerentur, non posset vnus Angelus naturaliter illis affici simul, sicut nec id habere potest naturæ viribus idem corpus ex omnium sententia, vni enim rei vna tantum præsentia naturaliter debetur. Ad supernaturalem autem virtutem confugere in naturalium rerum dispositione, & administratione, nec licet, nec decet Philosophum, Confirmatur præterea, quia virtus Angeli finita est, & limitata, ut pote ortum ducens à limitata, & finita natura, & quæ non valet quemlibet effectum attingere. Cum igitur tam insignis, & multiplex sit omnium cælestium sphaerarum motus, non est, cure eidem virtuti adscribatur: maxime, quia licet daremus omnes, vel:

vel plures cælestes orbes ab eadem intelligentia simul moueri posse, congruentius tamen naturæ est, plures effectus totales, & perfectos, pluribus causis attribueretur: & ideo magis consonat naturis rerum, ut Deus cuilibet orbi cælesti suū Angelum motorem designauerit, quandoquidem cuilibet homini suum constituit Deus Angelum Custodem, cum tamē illud vniuersalius bonum sit, ut pote ad plura se extendens, — quæ est ratio Diui Thomæ de spiritualibus creaturis artic. 6. ad 1. Denique scripturæ loca, quæ adstruere videntur intelligentias motrices cælorum, eadem similiter adstruunt ipsarum pluralitatem. Concludamus igitur, tot esse intelligentias mouentes cælos, quot sunt sphæræ mobiles.

Hoc vero duobus modis intelligi potest, aut ita, ut non plures constituantur Angeli, cælorum motores, quàm constituuntur orbes, quasi completi, & totales, octo videlicet iuxta nostram sententiam; seu decem, vel vndecim, secundum aliorum placitum; aut potius ita, ut tot adstruantur intelligentiæ mouentes, quot designantur orbes quasi partiales; eccentrici, scilicet, concentrici, & deferētes. Et priorem partem id confirmat, quod pro vno corpore completo vna videtur sufficere virtus motiua, maxime perfectioris, & altioris longè ordinis, sicut ad motum localem totius animalis, etiam secundum diuersas sui partes, factis superque est vna, & eadem vis motrix ipsius. Denique argumenta supra allata, quæ intelligentiarum motricium multitudinem suadent, non plures, quàm totales orbes conuincunt. Verosimilius nihilominus mihi apparet, placitum Aristotelis 12. Metaphysicæ cap. 8. & aliorum fere omnium Philosophorum, constituentium singulas intelligentias motrices pro singulis sphæris minoribus, seu

minus præcipuis constantibus maiores, & principales orbes. Huius asserti fundamentum, præter Philosophorum, & Astronomorum immo, & Theologorum auctoritatem, illud debet esse, quia ex co-sphæræ istæ minores, & quasi partiales distinguuntur, quia diuerse percipiuntur situs positiones, aspectus, & distantie Astrorum inter se, & quoad nos. Hæc vero omnia nequeunt nisi in diuersis orbibus constare: sed hoc idem conuincit, has sphæras minus præcipuas diuersis motibus per se moueri, siquidē per proprios motus diuersos hunc altiorum aspectum diuersum efficiunt. Consequens ergo necessario fit has omnes minores sphæras proprijs motibus, & inter se diuersis cieri; sed non possunt hi motus, & diuersi orbium quasi partialium ab eadem intelligentia causari, à qua orbis totalis circumuoluitur: ergo tot ponendæ sunt intelligentiæ motrices, quot sphæræ minores constituuntur. Sublump-tio hæc vltima, in qua tantum potest esse difficultas, efficaciter probatur eadem fere rationē, qua supra itabilitum reliquimus, ad r. attendas esse plures intelligentias cælorum motrices. Quia scilicet huiusmodi effectus distincti distinctas etiam causas per se exigunt, maxime cum virtus Angeli mouentis suis sit circumscripta cancellis, quæ proinde effectus adeo diuersos non valet attingere, Præterea nequit idem Angelus, naturæ viribus simul esse præsens omnibus minoribus sphæris constantibus eundem, totalem & maiorem orbem; neque eadem præsentia, cum per hanc tam vasto spatio respondere, tam ingenti molitudine quari non possit: alias simul vna præsentia cælo, & terræ adesset, contra communē sensum Patrum, neq; distinctis præsentijs, cum has simul eide rei nullus communi naturæ lege conceda-

Sed

Sed non potest Angelus has sphaeras simul impellere, nisi cuilibet secundum aliquam saltem partem assisat. Si enim vni mediante alia impetum imprimeret, non posset non sphaera illi mediae eisdem impetum, & motum communicare, siquidem illius capax est: ac proinde illa cietur simul omnibus motibus, quibus aguntur aliae sphaerae, quae ab illa media intelligentia impelluntur, quod inauditum est, & plane falsum. Fateamur igitur, necesse est, tot esse intelligentias motrices orbium, quot sunt minores sphaerae inter se distinctae, quarum numerum assignandum astronomis relinquamus, ex quibus alij quadraginta septem; alij quinquaginta quinque, alij aliter enumerant, dummodo nobiscum tantum agnoscant octo maiores orbis, qui circulariter ferantur. Quae vero opposito modo philosophandi adduximus parum vrigent. Propter diuersitatem enim, & distantiam harum sphaerarum necessario exigunt, distinctas virtutes motrices pro diuersis motibus, ut probauimus; nec in hoc dissimilis est ratio de maioribus, & minoribus sphaeris, de virtute autem motrice animalis alia est ratio, eo quod cuilibet parti mobilis debite est approximated, quod virtuti motrici coelorum non contingit, ut satis ostendimus.

Hic tamen animaduertendum duxi, Christiano Philosopho non sufficere eas tantum intelligentias agnoscere, quae caelestibus sphaeris circumuoluendis assisunt, quarum numero contentus fuit Aristoteles 12. Metaphysicae, tex. 47. & 48. in quo etsi lapsus, venia tamen dignus est, cum ex solis principiis naturalibus, quibus ipse ducebatur, vix aliud colligi possit. Nobis vero Scholasticorum, & Sanctorum Patrum consensus, & ipsa fidei veritas contrarium suadet. Quod aperte sumitur ex Iob. 25. *Nunquid est in-*

meus militum eius? Apocalypsis ubi dicitur Angelorum numerus esse *millia millium*, & idem ostenditur ex custodia Angelorum, singulis enim hominibus singuli Angeli Custodes deputantur, ut constat ex Mat. 8. *Angeli eorum semper vident faciem Patris mei*, adiuncta Sanctorum Patrum expositione, & traditione Ecclesiae. Et ratio id ipsum comprobatur. Natura enim rerum suo iure exigere videtur, ne substantiae spirituales completae tam paruo numero claudantur, siquidem eademmet in rebus materialibus perfectione valde dissimilibus, maiorem pluralitatem, & numerum assequitur. Sed hoc verius confirmare caelestis disciplina ratio non postulat, & ideo Theologis missum facimus, qui cum Diuo Thoma 3. parte qu. 50. art. 3. & alijs locis id ex iustitico versant. Illud autem silentio praeter eundem non est, videlicet, Angelos caelestium orbium motores esse ex ordine virtutum. Distinguuntur enim Angeli ex sententia Theologorum, & Sanctorum Patrum iuxta doctrinam Diui Dionysij cap. 6. & 7. caelestis Hierarchiae, in tres Hierarchias, quarum prima proprium est illuminari, & doceri à Deo, ipsique intimius adherere cognitione, & amore, partiturque in tres ordines, seu Choros, in Seraphinos scilicet, Cherubinos, & Thronos. Tertia autem proprium est, homines custodire, & instituere, quae etiam complectitur alios tres ordines, videlicet, Principatus, Aerarchos & Angelos. Secunda denique est, quae immediate illuminatur à prima de vniuersalibus rebus, quae ad hominum gubernationem pertinent, & potestatem habet in Angelos tertiae Hierarchiae, illis iniungens, quae ab ipsis executioni mandanda sunt, quae similiter amplectitur tres Angelorum ordines. Dominatio nempè, quae nullum immediatè mi-

ministerium exequuntur, sed dominiū, & potestatem exercent circa duos alios ordines eiusdem Ierarchiæ, & circa omnes tertius. Tertius ordo est, Potestatum, quæ gubernandi potentiam habent, tantum circa Angelos tertie Ierarchiæ; secundus vero Angelorum ordo, & medius huius Ierarchiæ est eorum Angelorum, qui ea exequuntur munera, quæ ad totius vniuersi ordinem, & communem omnium causarum dispositionem pertinent, ad quæ magna virtus requiritur, & ideo hi Angeli virtutes appellantur: ex hoc igitur ordine dicimus, esse intelligentias rotantes cælos, ut probabile visum est Diuo Thomæ 3. contra Gentes cap. 80. & opuscul. 10. artic. 16. & sumitur ex Dionysio supra cap. 8. dicente: Virtutum nomen diuinam quandam, & inconcussam vim ad celestes operationes obeundas præ se ferre: & ratio est, quia motus orbium celestium maxime pertinent ad communem mundi ordinem, & gubernationem, quæ Angelis huius ordinis à Deo commissæ dicitur. Idem colligitur ex illo Præfatij, *Cæli calorumque virtutes*, & ex 24. Matt. *Virtutes calorum mouebuntur*, quo loco virtutum nomine Angelos cælorum motores significari dicit Diuus Thomas ibi.

Argumenta autem adducta pro sententia negante pluralitatem intelligentiarum mouentium cælestes orbis faciliem habent solutionem. Ad primum fatemur ingenue intelligentias cælorum motrices perfectiores longè naturæ esse, quàm animam rationalem, & hanc etiam functiones perfectioris, & magis inter se dissidentes, quàm sint cælorum motus habere. Inficiamur tamen eandem intelligentiam posse simul rotare omnes celestes sphaeras, non enim eadem proportio Angeli ad cælestia corpora, & animæ ra-

tionalis ad suum corpus: nam anima rationalis eadem indiuisibilis immediate informat corpus, & singulas eius partes, vnde recte & absque vlla confusione potest in diuersis partibus, & per diuersas potentias, omnia illa munera quæ quantumuis diuersa præstare. Angelus vero nequit esse præsens secundum substantiam omnibus cælestibus sphaeris, sed insitit quodam determinato, ex quo si diuerso modo ad diuersos motus cælos impelleret, non motus, sed tumultus potius cælestium orbium sequeretur.

Ad secundum distinguendum est antecedens, iuxta doctrinam Sancti Thomæ de potentia, quæstione 3. art. 4. ad 16. quia etsi cælum non restat virtuti mouenti per aliquam qualitatem in contrarium impellentem, sicut lapis resistit proicienti sursum: obstitit tamen quadam resistencia, quæ in improporzione consistit, quia scilicet corpus, aut corpora pro sua magnitudine, & distantia maiorem impetum, & maiorem adproximationem virtutis impellentis exigunt, & hac ratione concedendum est, omnes celestes orbis simul vni Angelo resistere, si omnes simul rotare tentaret. Ex hac tamen resistencia nulla sequeretur defatigatio intelligentiæ, cum sit omnino corporis expertus, defatigatio enim, aut lassitudo provenit ex resolutione membrorum, & spirituum, quorum ministerio motus exercetur. Plura hic supererant explicanda, quæ

quæstionibus sequentibus

examinanda veniant.

(.)

QVÆ-

QVAESTIO X.

Qua facultate caelestes orbes ab intelligentiis moueantur.

Explicuimus in superioribus, quænam, & quæ virtutes cælorum matrices sint: explicandum superest, quæ ratione, id est, quæ facultate, seu virtute hoc munus exequantur, id quod in præsentiarum enodare conabimur.

Et in præsentī controuersia prima sententia adstruit, potentiam, quæ Angelus localiter mouet cælum, aut aliud corpus esse idem cum intellectu, & voluntate ipsius, quatenus ad motum referuntur. Hanc amplectitur Auerroes 12. Metaphysicæ commentario 36. Argentina distinct. 8. quæst. 1. art. 1. Bassol. disputatione 14. quæst. 2. Capreolus distinct. 7. quæst. 2. art. 1. Heruuzus distinct. 14. quæst. 1. art. 7. Soncinus 12. Metaphysicæ quæst. 35. & hanc sententiam valde probabilem iudicant Patres Conimbricenses 2. de cælo capite 5. quæst. 7. art. 1. & tutatur Pater Vazquez 1. parte disputatione 102. capit. 3. & 4. & disputatione 218. cap. 3. in fine; & Zumel 1. parte. Fauet Pater Molina 2. part. quæst. 54. in art. 5. fauent alij, qui cum Scor, Ferrara, & Canar. existimant in Deo potentiam non distingui ab intellectu, & voluntate, quos refert & sequitur Pater Vazquez primo loco citato. Fauet denique Diuus Thomas locis infra citandis, cum aliquibus recentioribus.

Quæ sententia suaderi potest his rationibus primo, quia iuxta commune proloquium, ea, quæ in inferioribus dispersa sunt, colliguntur in superioribus,

cum hoc ad perfectionem pertineat, ut constat in sensibus externis comparatione interni, & in his omnibus comparatione vnus intellectus. Igitur vis motiua, quæ in nobis distincta est ab intellectu, & voluntate in Angelis ut pote superioribus, & perfectioribus cum intellectu, & voluntate coincidet, maximè, cum non videatur assignabilis alia potentia naturalis operatiua in rebus spiritualibus præter intellectum, & voluntatem, & ideo Aristoteles 1. Ethicorum has duas tantum potentias intellectuales constituit, per intellectuales idem intelligens, ac spirituales, & hæc certè sufficere videtur ad motum, si enim intellectus imperet, & voluntas exequatur illius imperium, planè sequitur effectus: frustra ergo queritur alia facultas motrix præter istas. Præterea arguit Pater Vazquez, disputatione 102. capite 3. quia inseparatis à materia frustra ponitur alia potentia motiua præter eam, quæ est in corpore mobilis: ergo tantum illis superest intellectus, & voluntas. Antecedens probatur ex Aristotele 3. de anima, ubi definiens, quæ sit potentia secundum locum in anima, sic ait: *Hæc igitur animo, intellectus, & appetitus mouendi, motu dicto principia sunt*, & statim ad statim ad vnum hæc duo reducens subiungit: *unum igitur est id, quod mouet ipsum, inquam, appetitus*: Et circa finem capitis addit: *Id vero quod mouet, atque mouetur, quia ipsum principium appetendi, id autem, quod mouetur, est animal ipsum, at, quo mouet, appetitus, ut instrumentum id iam corpori tribuitur*. Ex mente ergo Aristot. in separatis à materia non est aliud principium motus præter appetitum, & voluntatem, licet quando corpori adiunguntur, exigant in ipso corpore instrumentum aliquod motus. Rursus facultas exequens ab intellectu, & appetitu, distincta ideo ponitur, ut illis pareat, & non nisi ad nutum appetitus operetur, sed

hæc subiectio nequit intelligi in simplicissima substantia, qualis est Angelus, quâvis in composita, vt homine, bene intelligatur: ergo non est ponenda talis potentia distincta. Denique in Deo non est talis potentia distincta formaliter ab intellectu, & voluntate, sed his præcisè coalescit omnipotentia, vt cum multis docet Pater Vazquez supra: ergo non est necessario ponenda hæc distinctio realis potentiarum in Angelo. Antecedens præter dicta probatur, quia talis distinctio omnipotentia à voluntate imperfectionem Deo affert. Fit enim inde concipi voluntatem diuinam à nobis sine virtute perfectâ, cû alia facultas nostro modo concipiendi superaddatur, qua vt instrumentum operetur, & sanè perfectior conciperetur voluntas Dei, ita vt quidquid velit facere, per se ipsa assequatur: ergo non est ponenda alia facultas in Angelo; eadem namque videtur ratio. Et huius sententia videtur fauere Diuus Thomas, quatenus 1. part. quæst. 25. artic. 1. ad 4. postquam etiam si oppositum primo docuerit, statim subiungit: *Vel dicendum scientiam, vel voluntatem diuinam, secundum quod est principium effectuum, habere rationem potentia. Et quæstione 54. artic. 5. sic, unde de viribus animæ non possunt eis (id est, Angelis) competere, nisi intellectus, & voluntas, & quæstione 78 articulo 1. ad 3. Dicendum, quod in Angelis non est alia vis, quam natura intellectiva, & voluntas, quæ ad intellectum consequitur. Et clarius quæstione 16. de malo, articulo 1. ad 14. his verbis: Ad decimum quartum dicendum, quod in Angelo, aut Damone non est alia potentia, neque operatio, nisi intellectus, & voluntas, & statim: Vnde nulla virtus, seu potentia in Angelo potest esse, nisi pertinet ad apprehensionem, vel appetitum intellectualem: non autem est inconueniens, quod Angeli aliqua corpora solo imperio voluntatis moueant motu diuturno locali. Videmus enim quod anima hu-*

mana solo intellectu, & voluntate mouet corpus sibi unitum.

Denique de spiritualibus creationibus articulo 6. ad 8. sic habet: *Probabiliter dicitur, quod imperio voluntatis substantialis mouet corpus celeste. Et statim, Quod ei obedire ad nutum possit secundum transmutationem localem, & in nobis apparet, in quibus statim ad imperium voluntatis sequitur motus corporalium membrorum.*

Quamuis relata sententia, mihi satis probabilis videtur, probabilior tamen apparet opposita, quæ potentiam motiuam Angeli ab intellectu, & voluntate ipsius realiter distinctam agnoscit. Vt certum diximus tractatu de anima separata quæstione octaua. Eam sustinent Henricus, Quodlibeto 13. quæstione sexta, Anreolus apud Capreolum in secunda distinctione septima; quæstione secunda, articulo primo. Macrobius in prima distinctione 42. quæstione quinta. Godophredus, Quodlibeto 1. quæstione 4. Pater Suarez quæst. 2. Metaphysicæ disputatione 35. Sectione 6. numero 22. Patres Coninbricenses 2. de celo, capite 5. quæstione 7. articulo 2. cum Caietano 1. parte, quæstione 54. articulo 5. illam veriore, & probabiliorē censet, etsi Caietanus iudicauerit, & potentiam in Deo non differere formaliter ab intellectu, & voluntate diuina. Quam sententiam facilius amplectuntur plures, qui cum Durando in 1. distinctione 58. quæstione 1. & Patre Suarez supra disputatione 30. Sectione 17. numero 45. constituit in Deo potentiam formaliter, aut ex natura rei ab intellectu, & voluntate diuersam; quibus multum fauet Diuus Thomas 1. parte quæstione 19. articulo 4. ad 4. & expressius quæstione 25. articulo 1. ad 4. vbi sic scribit,

Potentia non ponitur in Deo, & ut aliquid differens à scientia, & voluntate secundum rem, sed solum secundum rationem, in quantum potentia importat rationem principij executionis id, quod voluntas imperat, & ad quod scientia dirigit. Et idem reperit ibidem articulo 5. ad 1. si enim in Deo potentia distinguitur ab intellectu, & voluntate, quia licet hæc sit infinitas efficacitatis, non intelligitur operari ad extra eo ipso, quod vult, nisi nostro modo concipiendi applicet potentiam quasi executricem, potiori iure denegandum erit voluntati creatæ Angeli posse per suum velle immutare res alias, & expresse docet nostram sententiam, quæst. 6. de potentia, articulo 7. ad 12. quod argumentum contendebar, Angelum solo suæ imperio voluntatis posse corpus mouere. Et D. Thom. respondet his verbis: *Ad duodecimum dicendum, quod imperium Angeli requirit executionem virtutis, unde oportet, quod sit quidam tactus spiritalis ad corpus, quod mouet. Item habet quoddamlibet 9. artic. 10. ad 2. Dicendum, quod Angelus agit in hæc corpora mouendo ea localiter per imperium: sed imperium non dicitur hic sine virtute actiua.*

Probatur efficaciter nostra sententia ratione. Primo, quia nulla potentia valet naturaliter, immò neque lege absoluta Dei, vagari extra suum proprium obiectum, & modum proprium versandi, & attingendi illud: sed motus localis non continetur intra obiectum intellectus, & voluntatis Angeli, nec intra modos operandi harum potentiarum: ergo nequit vlla ratione fieri ab his facultatibus, sed alia distincta necessario constituenda est. Maior syllogismi per se est manifesta, & recepta ab omnibus; vni-
ca enim ratio constituendi, & distinguendi potentias emendicatur ex diuerso modo attingendi obiectum, seu quod idem est, ex distincto obiecto formali: hoc siquidem dat speciem, & distinctionem, quamlibet vero rem perfectione

propriæ speciei circumscribi necesse est. Vnde nec visus sonitum, neque auditus colorem vllatenus percipere valent: Minor vero non minus perspicue demonstratur. Quia ratio motus in nobis constituit, & dat speciem potentia motricis essentialiter, & genere diuersa ab intellectu, & voluntate. Et ideo non continetur, nec contineri potest intra limites obiecti intellectus nostri, & voluntatis, vt omnes pleno ore farentur. At intellectus, & voluntas intelligentia sunt eiusdem rationis specificæ, aut saltem genericæ cum nostris, quandoquidem eandem veritatem, & bonitatem eodem modo saltem generico respiciunt. Igitur intelligi nequit, motum contineri intra cancellos harum facultatum Angeli, ac proinde ab illis procedere.

Nèque eluditur vis argumenti, si quis dixerit, motum localem habere in se rationem veri, & boni, sub quibus possit contineri sub obiectis intellectus, & voluntatis, & ab his facultatibus attingi: quia si hoc sufficeret, idem intellectus posset elicere omnes operationes voluntatis sensuum, & aliarum omnium facultatum, si quidem omnes, & earum obiecta ab intellectu attingi possunt, sub ratione veri, & idem contingeret in voluntate, quod figmentum nullus vnquam excogitauit. Inutilis ergo est illa identitas realis, sed attendi debet specialis ratio obiecti, aut effectus, sub qua nullo modo localis motus ad obiectum intellectus, & voluntatis spectat.

Secundo, diuersitas actionum, & modi operandi distinctionem facultatum, à quibus proueniunt, constituunt, aut certe denotant perspicue, sed ea est diuersitas intellectiōnis, & volitionis à motu locali, quæ sufficiat assignare principia

omnino distincta; hæc igitur in Angelo necessario admittenda sunt. Minor, in qua est difficultas elucidatur facile, & in primis in nobis eadem operationum diuersitas facit, ad plures facultates distinctas constituendas: ergo & ubicumque. Cum iuxta tritum illud prologium idem, inquantum idem est, semper sit natum facere idem. Deinde, motio localis est actio transiens, constituens suum obiectum in rerum natura, volitio vero, & intellectus neutrum habent, & certe non minus distinctæ actiones sunt mouere, & velle, quàm velle, & intelligere. Immo illæ maiorem inter se distinctionem vendicant propter, duo nuper dicta. Si ergo diuersitas volitionis, & intellectus requirit duas potentias diuersas, potiori iure id exiger illarum, & motionis distinctio. Et alius anima rationalis per suum velle sine vlla facultate motiua proprium corpus sibi coniunctum mouebit, quia licet minoris virtutis sit, quàm Angelus, maius tamen habet dominium in illud, & maiorem cum illo proportionem, ac proinde sine fundamento id negaret, quod omnes communiter merito inficiantur. Vt diximus 3. de anima in capitulo. quæst. 2.

Tertio probatur, quia intelligentia nequit efficere motum orbis celestis per suum velle, tanquam per actionem, quia nec ipsum velle potest esse motio ipsa localis, cum essentialiter distinguantur, sicut termini ipsi, præsentia scilicet, & amor, & diuersis inhæreant subiectis, nempe voluntati, & mobili: neque minus potest esse productio motus localis, cum hic sit actio, cuius non datur alia actio, & terminus essentialis volitionis sit amor. Et idem argumentum potest confici de intellectu intellectus. Sed neque potest Angelus causare motum localem, per ipsam potentiam voluntatis,

& intellectus, quia hæc nequaquam valent elicere, nisi volitionem, & intellectus permittentes, nec aliud intelligi potest, cum tota essentia voluntatis, & intellectus, per quam ab aliis facultatibus distinguuntur, ita sit in eo præcisè, quod possint velle, & intelligere; quæ quidem magis distant à motione locali, quàm inter se, cum illa sit transiens, factiua termini, tendens non in obiectum, sed in effectum, & per se non vitalis, secus volitio, & intellectus, quæ etiam magis inter se connectuntur, & subordinantur, quàm latitio, & volitio: igitur si velle, & intelligere duo principia exigunt, potiori iure suum principium distinctum motus localis, seu impulsus ad illum exigit, Et: saltem non potest idem motus localis ab utraque ista potentia elici, vt censet opposita sententia, quia cum motus sit vna, & eadem actio, quæ est egressus effectus ab agente, nullatenus naturaliter potest à duplici causa totali pendere; dicere autem à qualibet istarum facultatum procedere potentialem actionem, & idem totalem coalescere, nullus est momenti, quia intelligibile non est, quomodo ab intellectu, & voluntate, essentialiter diuersis, proueniant partiales actiones eiusdem prorsus naturæ, & rationis, constituentes entitatem aliquam totalem, homogeneam, qualis est motus localis cæli, aut alterius corporis mobilis.

Quarto denique nostra sententia stabilitur ab absurdo, quia si Angelus cælum circumuolueret per intellectum, & voluntatem præcisè, fieret inde, vt ex qualibet distantia illud mouere posset; per has enim facultates æqualiter se habet intelligentia ad res distantes, & propinquas, vt per se patet: consequens vero nullus admittet, omnes enim requirunt determinatam, & proportionatam di-

stantiam

stantiam, ut posset Angelus orbem rotare, & ideo vocant intelligentiam formam assistentem, seu adhaerentem, quod frustra confingeretur, si ex qualibet distantia id posset exequi. Ex eo igitur præcise, quod Angelus velit efficaciter mouere sphaeram, nisi addatur vis motrix distincta, nulla ratione mouebit, sicut ex eo quod efficaciter velit intelligere, id non consequitur, nisi per superadditam, & distinctam facultatem intellectricem. Et quod diximus de virtute motrice Angeli comparatione cæli, aut alterius corporis, dicendum similiter videtur, respectu nigus localis, ipsiusmet intelligentiz, ut pleraque ex supradictis manifestè conuincere videntur.

Argumenta vero prioris sententiæ parum negotij nobis facessant. Ad primum respondeo, illud principium non esse in vniuersum verum, alioquin intellectus, & voluntas, quæ in hoc distinguuntur, subirent in Angelo vnius potentiz rationem, quod nullus admittet. Collecto ergo illa, & vniò solum accidit frequenter, & cum eam rerum natura patitur, quod in præsentia non contingit, ut ex dictis constat. Ad confirmationem vero iam assignauimus, potentiam motiuam ab intellectu, & voluntate ex obiecto, actu, & modo operandi distinctam, & eam esse necessariam, manifestis rationibus conuicimus: Aristoteles autem tantum meminit intellectus, & voluntatis, cum potentias spirituales, seu intellectuales recensuit, quia hæc tantum propriæ sunt substantiæ spiritualis, cum tamen vis motrix etiam corpori insideat, & non solum spiritui.

Ad secundum negamus antecedens, & ad illius confirmationem dicimus, Aristotelem vocare appetitum principium motus animalis imperans, & dirigens non proximum, & exequens, ut ex verbis

illius patet, id quod nos, ut verissimum amplectimur. Ad aliud etiam inficiamur, non posse intelligi subiectionem potentiz motiue ad intellectum, & voluntatem in simplici substantia, quin potius optime intelligitur, sicut in eadem substantia agnoscitur subiectio, & subordinatio intellectus ad voluntatem.

Ad vltimum posset aliquis respondere, concessio antecedenti, negatio consequentiæ; est enim diuersa ratio in Deo, & creaturis propter summam Dei perfectionem, & simplicitatem; etenim huiusmodi argumentandi genus à diuinis ad creata, parui momenti esse solet. Et ideo Gaieranus primum concessit, explositque secundum, ut supra retulimus. Nos autem cum Durando, Patre Lua, & aliis, immo & cum sancto Thoma supra, non admittimus antecedens: & ea, quibus stabilitam relinquimus distinctionem realem facultatis motricis Angeli ab intellectu, & appetitu ipsius, suadent efficaciter, distinctionem formalem per nostrum intellectum, inter omnipotentiam Dei, & intellectum, ac voluntatem eiusdem, ut consideranti constabit. Ad confirmationem autem negamus, ex nostra distinctione inferri, voluntatem diuinam non esse, aut non concipi omnino perfectam: quin immo perfectissima est, & concipitur in ratione voluntatis, cum realiter, & identice claudat omnem perfectionem diuinam, & formaliter concipiatur; potens attingere perfectissimo modo quamlibet rationem obiecti voluntatis, in quo summa eius perfectio sita est, non in eo, quod ultra obiectum voluntatis diuagetur, & per summe conceptum intelligatur exequi quicquid efficaciter vult. Alioquin perfectio voluntatis diuinæ, ut per se ipsam formaliter intelligeret, cum intelligere efficaciter vult, & non per intellectum, quod plane est falsum: & tamen

non minus distat obiectum actus, & modus operandi potentie executricis ab obiecto, actu, & modo operandi voluntatis, quam ab his differt obiectum actus, & modus operandi intellectus, ut ex dictis manifestè liquet. Non est ergo de perfectione formali voluntatis diuine, posse se ipsa formaliter, & proxime res executioni mandare, cum hoc sit extra suum obiectum formalem, & proprium modum operandi. Ac proinde in Angelo hoc non pertinet ad eandem facultatem voluntatis, sed ad aliam distinctam.

Tassimoniam denique sancti Thomæ non suffragantur prior sententia, & in illa solutione, nobis fauet, ut fatetur Pater Vazquez. In primis enim loquitur de Deo, de quo non est eadem omnino ratio ac de Angelo, ut ex Caietano, diximus; deinde primo loco, ut vidimus, nostram doctrinam disertis verbis tradit, tanquam veritatem scilicet, & postea aliam solutionem iuxta oppositam sententiam, probabilem adducit, ut sæpe fieri solet. Denique illa verba intelligi possunt, ita ut sensus sit intellectus, & voluntatem diuinam, habere rationem potentie non formaliter, sed realiter, ideo enim dicis, eas facultates habere rationem potentie, secundum quod sunt principium effectuum, id est, non ut tales potentie sunt, sed sub alia ratione formali, quo tantummodo facultates, & attributa in Deo distinguuntur, in doctrina Diui Thomæ, vel potius intendit, eas facultates formaliter habere suum potentie & causalitatis executricis modum, non proxime, & immediate exequendo, sed quasi mediate imperando, & dirigendo. Et hic videtur germinans sensus illorum verborum. Ad secundum responderetur, sensum esse de viribus anime tantum, Angelo competere intellectum, & voluntatem,

id est, ea ratione, qua sunt in anima, in qua illæ solum spirituales sunt, aliæ autem materiales, quæ Angelo non conueniunt, ac si diceret, Angelo solum conueniunt facultates spirituales, at ex his duæ tantum sunt in anima, ergo ex facultatibus anime duæ solum Angelo competunt.

Tertium minoris momenti est. solum enim contendit D. Thomas non esse in Angelis vires sensitiuas & nutritiuas, sicut habet anima rationalis in corpore, sed tantum intellectiuas, hoc est, spirituales, quapropter Angelus appellari potest mens, & intellectus, secus quam anima. Duo postrema loca Diui Thomæ magis urgere videntur, verum cum in alijs adductis pro nostra sententia, illi expresse subscripserit, conandum nobis est, ea in bonum sensum interpretari, ne admittamus, Doctorem Angelicum adhuc iuniorum contrariū sibi extitisse, & ideo ad illud ex solutione ad 14. respondemus, ibi solum negasse Diuum Thomam, Angelis facultatem naturalem, quæ scilicet non feratur ductu rationis, & imperio voluntatis, atque adeo omnis facultas, & operatio Angeli reducitur à D. Thoma, ad intellectum, & voluntatem elicitiue, seu imperatiue, & propterea in sequentibus verbis solum dicit, nullam vim esse in Angelo, quæ non pertineat ad apprehensionem, & appetitum, hoc est, quæ horum directionem fugiat; qua ratione dicitur Angelus, moueri solo suo imperio; quia scilicet, vult applicare potentiam executricem motus, sibi omnino subiectam, & hunc esse sensum huius loci ex eo mihi habeo persuasum, quod illum confirmat, quia anima humana solo intellectu, & voluntate mouet corpus sibi unitum, cum tamen ex communi omnium sententia anima moueat localiter corpus, per virtutem motricem superadditam. In ultimo autem loco tantum docet Diuus Thomas

mas probabiliter illud dici, quod nos fateamur, & eadem prorsus ratione, quæ præcedens exponi potest: nam illud etiam confirmat ex eo, quod in nobis ad imperium voluntatis sequitur statim motus membrorum, quod sine motrice facultate ab intellectu, & voluntate distincta non enenit.

QVAESTIO XI.

Quomodo sphaera caelestes ab intelligentiis rotentur.

IN hac quæstione nonnulla venient discutienda, quæ ad doctrinæ traditæ perfectionem desiderari videbantur, ne in aliquo studiosis nostris deficiamus, ex quibus vnum, vel alterum verbum à Doctoribus obiter prolatum reperies. Primum, & præcipuū examinandum nobis erit, quo impetu intelligentia cælum circumuoluat, deinde quo operandi modo, naturali scilicet, an libero. Tertium denique qua applicatione, & præsentia id exequatur.

Circa priorem quæstionis partem est prima opinio asserentium, intelligentiam efficere motum localem, per impulsu mobili impressum. Ità docet Pater Ludouicus Molina 1. part. quæst. 45. artic. 5. & obiter indicant Patres Conimbricenses 2. de cælo, capite 5. quæst. 5. articulo 4. in fi. sequuntur aliqui recentiores. Quam sententiam probabilem iudicat Pater Suarez, tom. 2. Metaphysicæ disput. 35. sessione 6. num. 24. & eam P. Moli. intelligit tam de motu ipsiusmet Angeli, quam rei externæ. Alij sine distinctione loquuntur. Hæc sententia probari potest ex Sancto Thoma de spiritualibus creaturis: art. 6. ad 13. vbi sic habet. *Dicendum, quod corpus caeleste, in quantum mou-*

etur à substantia spirituali: est instrumentum diu sicut ferrum artii, &c. At instrumenta artis mouentur per impulsu impressu ab artifice: ergo ex mente Diui Thomæ cælum mouetur à sua intelligentia per impulsu, & idem potest colligi ex corpore articuli quatenus dicitur, Angelos vñiri cælis per modum, quo motor vñitur mobili, scilicet, in motoribus inferioribus, qui certe per impulsu corpora mouent localiter. Ratione etiam confirmari potest, quia proprius modus mouendi localiter ab extrinseco, est per impulsu, vt in nobis patet. Sed intelligentia est motor cæli extrinsecus, igitur per impulsu cælum impellet, maxime cum cælum non minus sit impulsu capax, quàm aliud corpus inferius, & non appareat, quàm alia ratione possit à motore impelli.

Secunda sententia est, Angelum mobili assistentem non imprimere illi impulsu, sed motum ipsum immediate. Hanc amplectitur Pater Suarez loco citato numero 25. & videtur sententia Diui Thomæ, supra, artic. illo 6. ad 9. vbi hæc habet verba: *Substantia spiritualis qua mouet caelestia corpora vñitur eis secundum moueri tantum.* Si autem intelligentia impulsu sphaeræ imprimeret, non secundum moueri tantum ei vñiretur, sed in actu primo etiam, & per modum potentia, per impulsu diceretur vñita contra D. Thomam. Fundamentum huius sententia, est, quia impulsu solum adstruitur, vt instrumentum mouentis separati à mobili: at Angelus sphaeræ mouendæ adest, igitur necessarius non est impulsu, ac proinde inficiandus. Et hac ratione melius defenditur communis sententia scholasticorum cum Diuo Thoma affirmans, corpora Angelis non subdi, nisi quoad motum localem.

Nostra in hac re sententia media incedit via, iuxta quam dux extrema re-

latæ verū habere, & in concordiam redigi possunt. Quæ duplici assertionione explicanda est, quarum prima sit: Intelligentia sufficienter coniuncta, & approximata mobili, non imprimi illi necessario impulsus, sed proximè motus, hoc assertum congruit secundæ sententiæ, & alijs fundamentis roboratur. Et confirmari potest, quia motrix facultas immediate, & per se est productiua motus, sed in Angelis est vis motiua secundum locum, ergo ab illa poterit immediate, & sine medio impulsu motus procedere. Illustratur maior. Primo, quia in animalibus ex communi sensu à virtute motrice præcise sæpe prouenit motus, & in omnibus corporibus sublunarijs grauitas, & leuitas, quæ sunt virtutes loco motiue, sufficiunt vero corpora sine impulsu, etsi illum per accidens producant, iuxta aliquorum sententiam. Deinde potentia motrix ex propria ratione generica, & specifica proximè, & essentialiter respicit motum, & ubi, tanquam propriam causalitatem, & effectum, à quibus speciem desumit, sicut calefactiua facultas calefactionem & calorem, & reliquæ similiter. Igitur sicut à cæteris virtutibus immediate procedit actio, & effectus, tribuentes speciem, ita à facultate motrice intelligentiæ, quam esse necessario adituendam ostendimus quæstione præcedenti, ex quo liquet consequentia prioris syllogismi, videlicet, à facultate motiua Angeli posse immediate, & proximè oriri motum localem, ac proinde quoties mobile debite approximatum est, sine interiacente impulsu, motus eueniet. Quod videtur convincere saltem de motu ipsiusmet intelligentiæ, contra Patrem Molinam, cum ibi nil omnino ob stare possit, & adsit sufficiens virtus, & applicatio, sed minus efficaciter procedit ratio,

de motu cælestis sphaeræ, aut alterius rei spiritualis, vel corporeæ, Angelo immediate coniunctæ, licet enim non sit tam stricta coniunctio, & proportio, ac in priori casu, sufficiens proculdubio existit ad hunc effectum, quia cum motus localis non sit actio immanens, sed transiens, sicut calefactio, effectrix illius viz sola subiecti contiguitate, nimis contenta est. Quemadmodum non plures exigit calor, & aliæ facultates, actione transenti, operatrices, non igitur est necessarius impulsus, cum approximatum est mobile sufficienter intelligentiæ motrici, ac proinde nec ponendus, tum quia superuacaneus, tum quia ex communi sensu nil Angelus corporibus imprimi præter lationem, vel vt plurimum, id, quod ad motum necessario exigitur. Diximus inclusiue intelligentiam sufficienter coniunctam, quia si desit sufficiens, & debita applicatio, aut ratione separationis, aut magnitudinis corporis, alia est ratio, vt iam aperiemus.

Secunda conclusio: quoties intelligentia à mobili diuisa illud agit, id præstat per impulsus impressionem. Quæ assertio contra Patrem Suarez supra, in fine, congruit primæ sententiæ, illiusque fundamentis fulcitur, & vterius corroboratur. Quia motor corporum per impulsu agit corpus à se distans, vt cum communi scholæ sensu diximus, 8. Physicorum, ergo sine fundamento id intelligentiæ detrahemus, cum altioris, & efficacioris virtutis sit, præsertim ad mouendum localiter. Denique implicat aliquid moueri, quin omnibus partibus, secundum quas mouetur, motus inhereat, sicut repugnat, constitui album sine albedine: sed intelligentia ad tam magnam distantiam localiter mouet, ad quam non possit motus ab ipsa immediate fluens pertingere: igitur

In illis partibus remotioribus alia virtus ponenda est, à qua motus illarū proveniat. Minor, in qua difficultas sita est, illustratur, quia intelligentia motrix primi mobilis, v.g. ex aliqua illius parte, cui tantum adhæret, v. statim dicemus, integrum illud mobile circumvoluit, immo & eodem motu inferiores sphæras rapit, sed nequit intelligi eadem actio procedens à potentia, existente in illo loco, per se ipsam attingere extremas partes valde inter se, & à potentia dissidentes; & saltem implicat illa eadem actio, & motu ceteri inferiores orbes, quia nec potest motus transilire de subiecto in subiectum, nec reproducere aliam actionem, vel motum in alio subiecto, siquidem actionis non.

Et hæc, & terminus eidem semper inhærent subiecto, igitur in his partibus, seu mobilibus extra sphæram immediate processivis motus à potentia Angeli existentibus, necessario ab ipso producitur impulsus, quo ut instrumento utatur ad lationem peragendam. Quanta vero sit sphæra facultatis motricis intelligentiæ, in qua per se ipsam immediate sine consortio instrumenti motum eliciat, nequit à nobis certo definiri. Illud tamen nobis statutum videtur, scilicet, intra illam sphæram integrum cœlestem orbem non claudi, esset enim limitatæ virtutis nimia perfectio: in reliquis vero partibus, impulsus intelligentiæ imprimit, media facultate motrice, tanquam ratione producendi in ordine ad motum, ad quem ordinatur mediate, vel immediate, aut tanquam conditione prærequisita, qui impulsus producitur, medio alio producto, in proximioribus partibus, licet in his non esset omnino necessarius, ut probauimus: ille tamen & virtus motiua, cum adiuvata Angeli subdantur, ita producun-

tur, & attemperantur mobili, ut ex eis constans, ut æquabilis oriatur motus cæli iuxta ipsius voluntatis imperium.

Eciuxta dicta intelligitur ex proprio, & germano sensu Divus Thomas citatus pro prima sententia, vere enim erigit impulsus intelligentiæ pro motu sphære cælestis, sed quatenus deest debita mobilis approximatio, non secus, & idem contingit in motu inferiorum, ut patet. Ad rationem respondeo, Angelū ita esse motorem extrinsecum, ut debite sit applicatus per suam virtutem motricem, & sibi ipsi, dum movetur, & sphære cælesti secundum aliquas partes, & ideo sine impulsu motū in eis eliciet, pro distantioribus vero, defectu applicationis indiget impulsu, cuius fatemur esse capax cælum, inficiamur tamen non posse aliter moveri.

Ad fundamenta secundæ sententiæ, quatenus nostræ aduersantur, facile est respondere. Et primo D. Thomas solum negat intelligentiæ unionem, quæ non sit per motum, aut in ordine ad motum, sine informatione propria, quod duplici modo relato contingere potest. Ad rationem dicimus, impulsus requiri ad motum mobilis separati, aut non debito modo applicati, quia ratione exigitur in cælo, ut explicuimus. Doctores autem communiter negant, corpora subdi intelligentiis quoad aliquam formam, quæ non sit motus, aut principium, seu terminus motus, quibus non libenter subscribimus.

In calce huius questionis advertendum est; nonnullos carpere Aristotelem teste Diuo Thoma, questione 16. articulo 10. quasi dixerit intelligentiam rotare suam sphæram, non secundum intellectus regulā, sed necessitate naturæ impetum impertiendo; cuius fundamentū potuit

esse, quia 12. Metaphysicæ capite 8. asseruit Philosophus, intelligentiam quoad virtutem motuam ita suo orbi commensuratum esse, ut alium priorem mouere non possit. Quod confirmari posset ex nostra doctrina, iuxta quam cum intelligentia distinctam, & etiam per impulsu, mirum non est, si naturali impetu & determinatione impellatur, ac proinde quantum potest, ita ut intelligentia motrix inferioris orbis non possit superiorem agitare. Verum etiam fundamentum Aristotelis nobis non probetur, inde tamen non necessaria infertur, intelligentias necessario mouere, aut id Philosophum exultimasse. Fundamentum autem falsum est, quia sine fundamento, & contra communem sensum: licet enim Deus ita efficere potuerit, ut scilicet vnaquæque intelligentia tantum valeat propriam sphaeram impellere, nulla prorsus extaret ratio, ut factum putemus, immo oppositum naturis rerum magis congruit. Verum cum id contingere potuerit, etiam si intelligentiæ liberè mouerent cælos, ut patet, non bene infertur ex eo, quod Aristoteles dixerit, intelligentiæ virtutem ita suo orbi commensurari, ut nil ultra possit agitare, eum sensisse, intelligentias necessario impellere, sed cuiusvis fuerit hoc placitum, falsitatis conuincitur. Quia ut quæstione 10. retinimus, Diuus Thomas cum omnibus scholasticis perspicue docent, Angelum mouere corpora imperio voluntatis, seu per intellectum & voluntatem, quod intelligendum est, aut de potentia proxima motiua, ut plures ibi citati volunt, vel saltem de facultate dirigente, & imperante, ut nos stabilimus. Neque aliud potest cum fundamento dici, neque apparet à quo talis determinatio oriatur, si substantia omnino intellectuali, cum

etiam in nobis, immo & in brutis applicatio virtutis motricis, & impressio impulsus imperio appetitus subdantur, & hoc ad perfectionem spectat, ac proinde naturæ Angelicæ perfectiori iniuste detrahetur. Neque ideo verendum est, Angelos à motu cælorum cessaturos pro sua libertate ante diem iudicii, vrget enim lex illis à Deo imposita de permanentia & æquabilitate motus, id rerum naturæ & ordine enixe exigente.

Vltimo scire oportet id, quod in superioribus obiter attigimus, intelligentiam circumuoluentem orbem; non toti orbi, sed determinatæ tantum illius parti assidere, non quia eidem parti continuo adhærens cum ipsa in gyrum feratur, sed ita ut ex eadē determinatā parte spatij impellatur partes illac successiue transeunt, & quasi fluentes, & his medijs orbem integrum modo supra explicato. Hic videtur communis sensus, & utramque partem expressit sanctus Thomas de spiritualibus creaturis articulo 6. ad 6. ex mente Aristotelis, his verbis: *Ad sextum dicendum, quod secundum Philosophum in 4. Physicorum, motor calidus est in aliqua parte eius, & non in toto, & si non circuit gyrum calid.* Quæ lectoris indigent, non expolito. Ratio prioris est, quia intelligentiæ sicut est determinatæ naturæ, ita etiam virtutis limitatæ, in ordine ad præsentiam localem, quam virtutem plane excedit ubi in toto orbe, ut per se patet, & alias posset simul Angelus naturæ viribus cælo, & terræ adesse, cum plus inter se dissideant partes eiusdem orbis, quam earum aliquæ & terra. Sequelam vero & falsam esse, & contra sanctos Patres, & Scholasticos, supra ostendimus. Secunda autem pars ex eo constat, quia nec decet naturā intelligentiæ beatæ, ut tam celerè & rapido motu, cum sua sphaera cōtinuo

agitur, nec id est vlla ratione necessarium, siquidem eo modo quo diximus potest impellere, & indefinenter orbem mouere, cum nulli parti sit physice unita, sed non propterea infirmamur, posse intelligentiam motricem mutare spatium, sed tantum id esse necessarium ad exequendum motum.

Quantum vero ad spatium, & presentiam motoris Angeli, nihil potest certo definiri. communiter dici solet esse in aliqua parte superficiei conuexæ sui orbis, quia inde optime videtur posse impellere, & ideo nuncupatur forma assistens, quasi exterius coniuncta. Posset etiam non incongruè affirmari intelligentiam existere, in aliqua parte profunditatis propriæ sphaeræ, quia ex illa facilius in omnes sphaeræ partes, utpote sibi propinquiores impetum transliceret, maxime cum intelligentia spiritalis omnes cœli partes sine impedimento possit transmeare. Forma vero assistens dicitur, non quia extra cælum sit, sed quia illud non informat tanquam proprium subiectum, & materia finito autem rotationis tempore ad communem beatorum sedem motrices in eam, sicut & custodes, hominum perfectio munere se recipiunt.

CAPVT VI.

Textus Aristotelis.

Post hac motum ipsius uniformem, & non difformem esse, demonstramus oportet, &c.

Brevis expositio textus.

Intentum Aristotelis est in presentia capite probare motum primi mobilis, & aliarum sphaerarum quatenus ab ipso rapiuntur (de hoc enim loquitur) esse uniformem, & æquabilis semper velocitatis. Quod probat aliquibus argumentis. Et hæc est summa totius capitis, quod id eo diuisione non indiget. Prima ratio Aristotelis est motus inæqualis habet intensionem velocitatis, statum & decrementum eiusdem, qui status est, aut in principio motus, aut in medio, vel fine, ut in diuersis motibus videre est. At motus cœli, utpote circularis, & æternus, principio, fine, ac medio caret: ergo & inæqualitate. Præterea inæqualitas motus prouenit à mouente, vel à mobili, à neutro tamen potest prouenire in cœlo, cum hoc incorruptibile sit: ac proinde semper eodem modo, & motor eadem semper virtute moueat. Tertiò, non est motus cœli inæqualis secundum totam sphaeram, quia talis remissio ab imbecillitate proueniret, nec quoad partes, alias stellæ ostendunt sphaeræ non semper eandem inter se distantiam seruarent. Tandem, motus celestis non posset in finito tempore augeri, & infinito diminui, alioqui esset infinitus & indeterminatus, & nec haberet certos terminos, nec tempus præfixum, sed nec augeri, & remitti potest quidam vicissitudo, quia nulla huius vicissitudinis ratio afferri potest, & sensu ab omnibus perciperetur.

Doctrina huius capitis satis perspicua est, solum est animaduertendum, motum cœli esse uniformem, & æquabilem, secundum omnes partes non æqualitate spatii, quod decurritur, quandoquidem tempore æquali partes polis viciniore minus spatium peragunt, maius vero distantes, sed æqualitate temporis, quod consumitur in tali spatii peragando. In

quo sensu Aristoteles, & reliqui Philosophi loquuntur, id quod experimento constat, aliqui non possent Astrologi certo prænunciare, quo die, & hora futura essent Solis, & Lunæ eclipses, & syderum coniunctiones, quod vim sensibus assert. Id autem ex eo euenit, quod Angelus pro sua libertate ita suam virtutem moricem, & impetum attemperat per continuam impressionem, ut rerum natura, & indefectibilis æquabilitas motus cælestis exigit, quorū autem insoliti planetarum coitus, & aspectus stellarum, stationesque cœlorum depicte henz sunt, id præter statutam rerum legem, & supernaturali creatoris vi contingit.

C A P V T VII.

Textus Aristotelis.

De his autem, quæ stellæ vocantur, deinceps dicendum esse videtur, &c.

Brevis expositio textus.

Aggreditur iam Philosophus disputationem de partibus cœli, nempe de stellis. Et diuiditur caput in duas partes: in prima explicat naturam, figuram, & motum astrorum; in secunda quandam dubitationem mouet, & soluit. Et quod ad primam attinet, breuiter dicit, rationi consentaneum esse, ut stellæ eandem cum cœlo naturam fortiantur, & idem intelligit de figura, & motu earum. Quod veterum Philosophorum testimonio comprobatur. Qui licet falso existimauerint, stellæ esse igneæ naturæ, consequenter tamen, cum cœlum ipsum igneum posuerint. In secunda parte cæ-

pitis obijcit hac ratione, nullum corpus emittit, quod in se non habet, at stellæ ignem emittunt, sunt igitur igneæ. Respondet, stellæ non emittere à se ignem: sed earum motu excitari, sicut contingit in corporibus sublunaribus. Licet hæc calefiant, non stellæ, quia distantes, & ignis incapaces. Nec ex hoc sequitur, inquit, quod sicut cælestium sphaerarum motus æquabilis semper est, ita aer equaliter semper incalcescat, quia caloris incrementum prouenit etiam ex maiori solis accessu, & radiorum reflexione, quæ non semper eadem contingit. Vnde non intendit Aristoteles, ut adnotat D. Thomas hic lectione 10. Vnicam causam caloris cælestis interioris esse aeris motum, & attritionem ortam à motu cælestium sphaerarum, sed etiam ad id cōcurrere radiorum luminis reflexionem.

QVÆSTIO I.

An Astrorum natura sint eiusdem rationis cum suis orbibus, & inter se.

Questio hæc procedit tam de stellis fixis, seu incerrantibus, quam de errantibus, & planetis. Et missa opinione (cuius meminit Aristoteles hoc cap. 7.) Philosophorum ipso antiquiorum, asserentium cœlos & astra eiusdem substantiæ cum sublunari mundo esse, quos, & ipsorum inter se dissensiones, referunt Patres Conimbricenses 2. de cœlo cap. 7. qu. 1. art. 1. hanc tamen opinionem satis refutauimus 1. lib. cap. 2. qu. 6. & 7. inter eos qui asserunt, tam astra, quam cælestes sphaeræ, ex quinta Peripatetica substantia constare disidium est. Num stellæ in eadem infima specie cum suis orbibus conueniant. Et affirmatiuam partem in vniuersum tenent Massalachus, lib. de sphae-

et mota, Auerroes commentario 79. huius libri. Albertus Magnus tract. 3. cap. 4. Maior quæst. 8. & idem videtur existimare Richard. in 2. dist. 11. artic. 3. quæst. 6. cum aliis nonnullis. Quæ sententia probari potest primo ex Aristotele in hoc capit. 7. dicente, stellas eandem cum suis orbibus naturam sortiri, quod de identitate specifica videtur intelligendum; identitatem enim genericam etiam habent cum sublunariis, siquidem in genere corporis cum illis conueniunt. Ratio præcipua, immo, & unica huius sententiae esse videtur, quia nullum est sufficiens fundamentum eiusmodi distinctionis specificæ inter stellas, & proprios orbis, igitur non est id bruëda, cum sint partēs eorumdem corporum simplicium, sicut aqua est pars aquæ, & aer aeris. Antecedens probatur, quia si aliquod esset diuersitatis principium, seu signum à posteriori, maxime maior aliorum densitas, intensior lux, & perspicua esset, tum diuersitas, adde diuersum planetarum motum: sed horum nihil ad hoc cogit, ac proinde non est, cur hanc specificam distinctionem admitteremus. Elucidatur minor; nam in primis illa omnia accidentia duntaxat sunt, & ideo non valent essentialem diuersitatem per se inducere. Deinde neque illam distinctionem constitutæ præmittunt, quia in diuersis partibus homogeneis aquæ, v. g. contingere solet, eadem accidentium dissensio, cum possit vna rarefieri, illuminari, aut localiter cieri, & per has qualitates diuersos edere effectus; altera existente densa, tenebrosa, immota, & similes effectus non producente. Igitur, hæc omnia in astris, & eorum orbibus, cum specificæ unitate stare possunt.

Secunda sententia asserit, Planetas (Sole excepto) siue discōtinuentur à suo epicyclo, vt Luna, siue non, vt reliqui,

specie nequaquam distingui ab illo, nec à differente, bene tamen à cæteris orbibus; stellas vero fixas ab octana Sphæra non differere. Ita docent Patres Conimbricenses 2. de cælo cap. 7. quæst. 1. art. 2. de Sole vero dixerant cap. 5. quæst. 1. æque probabile esse a suo orbe discerni, & specie distingui. Primum probant, quia cæli, sicuti elementa, specie distinguuntur pro ratione situum, & locorum. At planeta, epicycli, ac sphæræ differentes, eundem situm inter se habent, idemque percurrunt spatium, secus inferiores, aut superiores orbis, igitur illa inter se eandem habent speciem, ab his vero diuersam. Secundum, & eadem ratione, & argumentis primæ sententiæ fulcitur; quod tamen facient hi Doctores esse contra Diuum Thomam.

Verior tamen nobis semper visa sententia Diui Thomæ, 2. de cælo, lectione 13. dubio 2. Soncipit 1. Metaphysicæ, quæst. 10. Fonseca, tom. 2. Metaphysicæ, quæst. 1. ad 1. Patris Molinæ, 1. parte, tractatu de operibus dierum, disputatione 15. & aliorum, adstruens specificam distinctionem inter quodlibet astrum, seu planetam, & suum orbem totalem; aut partialem. Quæ sententia inferitur, & probatur efficaciter ex his, quæ diximus cum pluribus Doctoribus, lib. 1. cap. 2. quæst. 3. videlicet, materias cælorum inter se specie differre ex diuersa ratione formali respiciendi proprias formas, & aliàs cælos fore corruptioni obnoxiosos, quod eodem prorsus modo sequitur, si aliquæ sphæræ discōtinuæ, seu astraeiusdem specie constituerentur, vt legenti ibi dicta cōstabit: effect enim materia huius sphæræ capax formæ alterius incompossibilis cum priori in eadem materia, ac proinde ex natura sua hæc sphæra esset corruptibilis. Quod si materię quorumlibet orbium cælestium & astro-

astrorum specie differunt, potiori iure dissidebunt formæ, & compositæ, quæ à formis speciem desumunt. Hic etiam vim habent, quæ quæst. 4. præcedentis tractatus adduximus, ad probandum sphaeras cælestes specie inter se differre. Et confirmatur primo, de sphaerulis, & planetis discontinuis, quia ideo hæc corpora inter se, & à suis orbibus realiter discernuntur, quia diuersis motibus ciuntur, quibus diuersas exhibent apparitiones: sed inde etiam infertur, diuersitas specifica corporum mobilium: ergo hæc adstruenda est inter illa. Minor probatur, quia eidem corpori simplici secundum speciem solum potest naturaliter conuenire vna acquisitio termini, & vnus modus acquirendi, & exstendi in illo, vt constat in elementis, & eorum partibus, quarum quælibet separata, sicut, & coniuncta, ad idem vbi, & per eandem lineam, ac eodem modo semper nata est tendere. At sphaeræ cælestes, orbiculi, & planetæ, per diuersam lineam ex natura sua agitari exigunt, & diuersam termini acquisitionem, sed diuersum acquirendi modum perpetuo habent, ac alia corpora cælestia, à quib⁹ realiter distinguuntur: igitur ab eisdem differunt specie, siue enim motus ipsi specie inter se dissideant, vt fatentur Patres Conimbricenses, siue secus, sufficienter indicant specificam mobilium corporum maximè simplicium, distinctionem. Et certe potior distinctionis ratio petitur à diuersitate motus quàm à situum, & locorum discrimine, vnde eam inter orbes decerpunt Conimbricenses ipsi.

Secundo in vniuersum confirmatur, quia vnicum principium discernendi à posteriori diuersas rerum naturas, & essentias semper extitit priorum accidentium, & effectuum diuersitas, quod

maxime vim habet in corporib⁹ simplicibus: sed quilibet planeta, & astrum habet accidentia propria, & inseparabilia densitatis, & luminis, ac orbis, cui insidet, & diuersus effectus, & proprius illi attribuitur, necessario ergo infertur astra quælibet à propriis orbibus essentialiter differre, & consequenter realiter discontinuari, & idem infertur de astris ipsis inter se, maxime de planetis, quibus diuersi effectus, & situs conueniunt: & idem dicendum est de stellis fixis, ob priores præsertim rationes, licet præter Molina super hoc non iudicauerit in vniuersum necessariam, quod amplius constabit ex solutione argumentorum aliarum opinionum.

Ad testimonium Aristotelis in fauorem prioris sententiæ adductum respondetur, ipsum plane loqui de identitate generica stellarum cum suis orbibus, solum enim contendit, eas non esse sublunaris naturæ, sed æthereis quintæ substantiæ, sicut cælum ipsum, cui sunt affixæ. Ad rationem pro eadem sententia negamus antecedens primi enthymematis, & minorem syllogismi in antecedentis confirmationem adducti. Ad illius vero minoris elucidationem non defuerunt aliqui relati à D. Thoma, quæst. 67. artic. 3. qui inutilibus quibusdam argumentis ducti, existimarunt, lucem esse formam substantialem, substantialemve corpus, apud quos facile distingueretur astra ab sphaeris cælestibus per lucē, verum hac via non est soluendū argumentum, verissime enim Peripatetica schola cū Aristotele 2. de anima cap. 7. contra Academicam tenet, lucem esse accidentariam formam, & qualitatem, cum sub aspectum cadat, remissionem, & intensiōē patiatur, & cum alia forma substantiali aeris, v.g. in eadem materia existat, quorum nullum substantiali formæ

conuenire potest: lux præterea transine-
at perspicua corpora, & in instanti per
totum spatium porrigitur, quæ corpori
plane repugnant. Alij vero fatentur argu-
mento ex diuersitate luminis non posse
colligi diuinctionem astrorum. (Sole ex-
cepto) a propriis orbibus. existimant e-
nim, quidquid luminis singulæ stellæ ha-
bent, id totum à Sole haurire, quod ali-
j ad Lunam restringunt. Horum tamen
sententia falsa est. Quamuis enim contra
Aucenam, & Macrobiū verum iudice-
mus, omnes stellas tam fixas, quam pla-
netas lumen à Sole mutuari, id quod de
Luna fatentur omnes, & luce clarius est,
cum pro vario ad Solem aspectu varie
illustretur, diuersasque induat figuras,
vnde idem infertur de reliquis astris. Et
confirmatur, quia planetæ, quo magis So-
li propinquiōres sunt, eo cæteris paribus
magis lucent, vt in Marte, & Venere
compertum est. Quapropter in medio
planetarum Sol videtur collocatus, vt
inde tam illis, quam fixis astris lumen
commodè diffundant. Quamuis, inquam
hoc verum sit, non minus verum puto,
cum D. Thoma hic sectione 6. post medi-
um, tam stellas fixas, quam planetas ali-
quid ex se lucis possidere. Si enim alicui
astro ignoto lux esset deneganda, maxi-
me Lunæ, & ideo illi præsertim eam de-
traxerunt auctores citati, Anaximander,
Antiphon, & Cleomedes, at Lunæ ne-
quit denegari, ergo multo minus reli-
quis astris. Minor ex eo liquet, quod dum
Eclypsim Luna patitur, non nihil in ea
lucis deprehenditur, cum tunc etiam ru-
beat, & tamen à Sole tunc temporis non
illuminatur. Interdum vero pars Lunæ
à Sole non illuminata nobis non appa-
ret, quia licet aliquid habeat lucis, ni-
mio Solis splendore obscuratur, sicuti
interdum obscurantur reliquæ stellæ, in
quibus non deprehenditur defectus

lucis, quia illustrationi Solis nec terra,
nec aliquid aliud impedito esse potest,
& ideo omnino semper ab ipso irradian-
ti: & si in Venere, & Mercurio aliquis
discessus lucis Solis, contingit, non de-
prehenditur, & quia valde exiguis, & quia
eorum natura lux vberior est, quam Lu-
næ: in qua etiam, maxime in plenilunio,
secundum partes aliquas lucis defectus
seu macula deprehenditur, quia scilicet
illius partes inæqualis sunt densitatis,
& densiores plus luminis reflectunt, mi-
nus autem rariiores, cum faciliorem tra-
iectum radiis solaris præbeant.

Nos igitur ad prædictam minorem fa-
temur, densitatem, & propriam astrorum
lucem accidentia esse, ac proinde non
constituere diuersitatem specificam il-
lorum inter se, & à propriis orbibus, nec
illam effectuum dissimilitudo causat,
contendimus tamen eam distinctionem
supponi, & ex his à posteriori deduci,
non quia lux, & densitas vnus astri non
sit eiusdem speciei cum densitate, & luce
alterius, aut ipsius orbis, immo, & cum
sublunaribus, vt bene D. Thom. cum ali-
is, in 4. distinct. 44. quæst. 2. artic. 4. nullum
enim extat speciei discriminis fun-
damentum, cum eiusdem prorsus ratio-
nis in se formaliter omnia lumina appa-
reant. Immo contrarium conuincitur ex
eo, quod lumen reliquorum astrorum, &
inferiorum etiam corporum intenditur
à lumine Solis, quæ vero se intendunt,
in eandem coeunt entitatem, & ratio-
nem, vt per se patet. Illam ergo distin-
ctionem astrorum inter se, & cum orbi-
bus colligimus ex eo, quod astra singu-
la ex natura sua specialia exigunt acci-
dentia, seu specialem accidentium inten-
sionem, & modum, & speciales effectus
diuersæ etiam speciei, quæ illorum or-
bibus non conueniunt ex natura sua,
quod sufficientissimum signum distin-

tionis est (etsi alia supradicta non extarent) præsertim in corporibus simplicibus, quale est cælum. Hoc enim solo fundamento diuersitatis accidentium, aut intensiõis illorum naturalis, ab omnibus distinguuntur specie elementa, licet aliter forte contingat, in partibus corporis mixti. Quod vero additur de diuersis accidentibus, & effectibus aquæ, friuolum est, quia illa diuersitas non prouenit aquæ à natura, & propria forma, sed ab extrinseco, secus quam in præsentia. Ex quibus constat: ad secundam partem secundæ opinionis. Ad fundamentum primæ responderetur, diuersitatem illam situm esse signum distinctionis, præcipuam tamen esse à nobis assignatam, de sumptam ex accidentibus, & effectibus proprijs.

QVÆSTIO II.

Utrum calor à luce, vel motu ortum ducat.

AD enodandam mentem Aristotelis in hoc capite hanc difficultatem vertant illius interpretes hoc loco. Ex cuius solutione constabit ad argumentum pro prioris sententia factum quæst. 3. prioris tractatus in caput 3. libri secundi. Et circa priorem quæstionis partem, Durandus in 2. distin. 14. quæst. 2. singulariter existimauit, lucem sua vi non posse calorem producere. Cuius placitum hoc modo firmari potest, quia calor est prima qualitas, igitur ortum non ducit ab alia qualitate, maxime cum non appareat, quomodo in virtute lucis contineatur; & alias omnia corpora lucida calefacient; cuius oppositum constat in aliquibus astris, quibus virtus infrigidandi tribuitur, & in aliquibus corporibus sublunariis, ut Geminis, & similibus.

Opposita tamen sententia in schola recepta communi calculo Doctorum cum Arist. 1. Meteororum cap. 3. & sæpe alibi, & D. Thoma hic, & alijs locis, & quotidianis experimentis euidenter suadet. Nullus enim non est expertus, inferiora corpora Solis luce calefieri, & inde illius accessu, & recessu, æstatem, & hyemem contingere. Reflexione item radiorum Solarium magis incalcescit hæc infima aeris regio, & alia corpora opaca, quæ vt impediunt radiorum transiectionem, sic eos supra se ipsos retorquendo, occasionem intensioris caloris præbent, vsque adeo, vt aliquando ex radiorum coitu ignis euadat, quod tunc præsertim euenit, cum per lineas magis rectas radij retorquentur, magisque vniuntur. Et eadem caloris productio in alijs luminosis experimentu constat, vt videre est in lumine iaculato à Luna. Propter quod Aristoteles 4. de partibus animalium, cap. 5. asseruit, noctes plenilunij tepidiores esse, eo quod Luna tunc vberiorẽ ex se lucem refundit. Et 4. de generatione cap. 2. dixit, sicut Sol per annum accessu, & discessu, æstatem, hyememque facit, ita Luna per mensem incremento, & decremento luminis, inde scilicet intensiori, & minus intenso calore producto. Quod equidem naturæ valde consentaneum fuit vt præstantissima qualitas primi corporis, hoc est cœli, vim haberet producendi qualitatem nobilissimam inter sensibiles corporibus alterabilibus propriam. Nullum enim est inconueniens, quod prima qualitas corruptibilium corporum, à qua aliæ secundæ oriuntur, ab alia qualitate propria corporis perfectissimi, & incorruptibilis ortum ducat, & in eius virtute eminenter contineatur, & per hoc constat ad argumentum pro Durando factum, Ad illud vero, quod tanquam absurdum inferitur, fate-

mur ingenuè, omnia, quæ lucem obtinent, habere, quantum ex se est, vim aliquid caloris imprimendi in ea corpora, ad quæ lumen transiunt: verum id sæpe non deprehenditur, aut præ sua tenuitate, quia lumen etiam per exiguum est, aut quia simul per alias viuentes frigus seu humorem in eisdem corporibus collectibus asserit per p. cue D. Thom. hic lectio. 1. versijs sine n. his verbis. *Dicendum est ergo, quod omnia corpora calefacta secundum communem virtutem luminis habent calefacere, sed secundum alias proprias virtutes singulis corporibus attributas, habent non solum calefacere, & infrigidare, sed etiam omnes alios effectus corporales efficere in istis inferioribus.*

Maior difficultas est in secunda quæstionis parte definienda, quamvis enim constitutum sit, & sensu exploratum, corpora motu locali incalescere, huius tamen nodum enodare, & rationem reddere adeo est difficile, vt in duodecim sententias Philosophorum agmen distraxerit. Itaque rem ipsam tradit Academica schola cum Platone, in theæteto, peripatetica cum Aristotele hoc cap. 7. textu 41. l. Meteororum cap. 3. Sectione 5. p. oblectatum quæst. 13. & Diuo Thoma, lectione 10. cum communium scholasticorum assensu, id quod quotidianis experimentis notum est. Videmus enim tritum duorum lapidum, & ferri, ac silicis conficti, ignem elici. Item globos plumbeos & tormentis explosos per aerem incalescere, & interdum liquefieri, agitari, molas furinarias, currum axes, equorum soleas, & aerem celeri raptu percussum, calefieri, splendere & igniri. Denique ipsa aqua maris suapte natura frigida crebro ventorum flatu agitata intepescit, & animalium membra latione mota, calorem concipiunt. Si quando vero per motum localem frigus conciliamus, id ex

accidenti eueniet, aut quia calidi extingui feci præsentiam, seu reflectionem radiorum hac via vitamus, aut quia aer ambiens à nobis calefactus discentitur, alio frigidiore succedenti, vt in respiracione, v. g. aut denique, quia motione vapor calidus exhalatus & dissipatur, & nat. ua frigidiore, aut ambientis corporis inualefcit. Semper igitur ex se motus localis est aliquo modo causa caloris, licet formaliter non sit calefactio, cum formaliter tendat ad præsentiam, & inde speciem suam; ac proinde specie distinguuntur, sicut termini ipsi calor, & præsentia. Quod constat ex Aristotele in Antepredicamentis, & s. Physicorum capite. 1. & 2. & ex omnibus alijs ibidem, qui omnes statuunt, lationem non esse perse causam caloris, quia vapore entitas imperfectissima, nequit continere illum formaliter, aut eminenter in se, neque in proprio termino, qui etiam est entitas modalis imperfecta, & nullius rei efficienter actiua.

Circa rationem vero assignandam huius manifesti experimenti, missis pluribus sententijs, quæ longe ab scopo veritatis aberrant, & eas percurrere operosum nimis, & inutile esset, prima earum, quæ magis ad veritatem accedunt, asserit, calorem motu editum oriri à calore virtuali, infiziente corporibus, quæ fricantur. Ita philosophatur Durandus in 2. distinctione 15. quæstione 3. cum alijs quibusdam maximè recentioribus. Verum hæc sententia non est vniuersim vera. Quamvis enim aliqua sublunaria corpora huiusmodi calorem virtutalem contineant, quæ motu quasi excitata calefiant, in omnibus tamen corporibus sub Lunæ orbe contentis, illum calorem constituere, fundamento rationis caret, immo rationi aduersatur, cum aliqua sint corpora solida, aquea,

vel terras, ac proinde eximie frigida, ex quorum attritu calor oritur. Oportebat etiam ostendere, quomodo calor ille latens, & virtualis per lationem excitetur, vel angeatur, quod Durandus non explicat, & ideo quaesiti rationem non assequutus. Quam ut inueniat Thomas Garbius 2. libro lux summæ, tractatu 2. quæst. 6. in quolibet mixto partes dissimiles agnoscit, alias quidem subtiliores, & calidiores, igneas scilicet, & aereas, & alias vero magis densas, ac frigidas, plus terræ, & aquæ retinentes. Hoc autem posito existimat, mutua corporum collisione partes illas igneas, & aereas, à centro ad circumferentiam corporis euocari, & per distractionem, & rarefactionem quasi diuelli à partibus frigidis, & sic ipsas calidiores apparere, & ad alia corpora contigua calorem fundere. Sed nec hæc positio placere omnino potest, quia insufficienter rem explicat, & falsa quædam assumit. Nam in primis nequit cum fundamento assignari in quibuslibet mixtis, ut in crystallo, & similibus, ea partium dissimilitudo, quæ ad hoc sufficiat. Libere enim omnino, & contra rationem supponitur, omnia mixta plus caloris habere in partibus additioribus, quam in extimis. Et quidem Garbius videtur sentire, formas elementorum actu latere in mixto contra Aristotelem, & communem sententiam à nobis corroboratam in libris de generatione. Denique licet admitteremus in qualibet re mixta partes illas dissimiles ab hac sententia excogitatas, & ex eis additiores esse calidiores, nequit intelligi, quæ ratione inter partes solidiorum corporum non vincentium (de fluidis namque, & viuentibus alia est ratio) exteriorum attritu, è centro ad circumferentiam euoluantur, cum aliis extimis continuæ sint, & eas non possint penetrare; neque sicut flu-

ida propriam in corpore positionem cum alijs mutare: adhuc ergo suere, & aliquam huius effectus causam assignare.

Albertus Magnus 1. Meteororū tractatu 1. capite 15. & Zimara in suis Theorematis propositione 45. eiusdem rei causam inuestigantes, eam reddidere, quia scilicet partes corporum, quæ colliduntur, rarefiunt, & media rarefactione excitatur calor, ad quem præuia dispositio est raritas. Verum neque hi Doctores quaesiti causam attigerunt, non enim apparet quæ ratione inducatur raritas per motum localem in corporibus solidis, nec minori hoc indiget explicatione, quam id, quod inuestigamus, & saltem non introducit tanta raritas, quæ ad hoc sufficiat, cum sensu non deprehendatur in his corporibus statim post collisionem. Et ideo Patres Conimbricenses in hoc cap. 7. quæst. 6. artic. 2. cum alijs, quos ipsi citant, quibus sententia Alberti arridet, addiderunt, per motum non solum raritatem induci in corporibus solidis se percutientibus, sed etiam, & maxime, in aere intercepto, & alio, quam raritatem calor consequitur. Sed tamen hoc modo, licet assignetur maior raritas, nondum ostenditur sufficiens causa illius, nedum caloris excitari per lationem, quam quærimus, quia adhuc difficile, & inexplicatum relinquitur, quænam sit causa raritatis. Præterea, licet raritas asseda sit caloris, tamen non ipsam calor, sed calorem ipsa consequitur iuxta communem sensum, vt pote qualitas secunda ex permutatione caloris, & aliarum primarum qualitarum oritur dicens, quæ vt pote qualitas secunda specie distincta à calore, ex eo longe imperfectionior, nequit illum producere, nec formaliter, aut eminenter continere, vt constat ex Arist. 4. Physic. tex. 87. Et si dica-

tur cum Patribus Coniunctis non sequi calorem ex raritate, ut ex causa, sed ut ex comite: igitur adhuc est superaffignanda causa caloris, quæ tamen ab his non assignatur. Et ulterius calor non solum est comitis raritatis, sed illius causa, vel potius habens se ex parte causæ, ut dispositio prævia, igitur non potest esse effectus raritatis, aut comes præuius, alia ergo causa inuestiganda superest.

Denique D. Thomas hoc loco lect. 10. asserit, ideo motum localem eam habere prerogativam, ut calorem efficiat, quia est omnium motuum primus, & auctore Arist. 10. Metaphy. capit. 4. primum in unoquoque genere est causa reliquorum. Hæc tamen Angelici Doctoris coniectura, seu congruentia verissima est, etsi Theorema illud Aristotelis, ut alibi diximus, intelligi debeat de primo in aliquo genere causalitatis, superest tamen explicandum, quæ ratio ad contingat, & ideo alia verba in inferius subiunxit Divus Thomas, quæ in veriori huius rei explicatione expendemus. In qua facilius sane est, quid alij dixerint impugnare, & quæ non sit adæquata ratio ostendere, quam proprium sensum, & perspicuam huius rei rationem demonstrare. Ut autem utrumque, quantum fieri potest, dilucide assequamur, aliquot sunt conclusiones subiiciendæ.

Prima conclusio: motus localis in animalibus, peculiari ratione, est causa caloris, quatenus occasione lationis, maior spirituum vitalium, & animalium copia, ad externas animantium partes adveniat. Id quod duplici de causa videtur contingere: primo, quia facultas motrix huiusmodi spirituum ministerio vitur ad motionem exequendam, & ideo ubiorem spirituum copiam tunc temporis attrahit. Secundo mediante motu locali, animantium pora protrahuntur, & libe-

riorem spiritibus aditum relinquunt: ex quo fit, ut prolixiori motu animalia defatigentur, ob spirituum scilicet dispendium. Cum igitur huiusmodi spiritus calidissimi sint, hinc profertur, ut eorum interventu partes animalis incallescant. Accedit, quod etiam ad has partes, dum moventur, plus sanguinis, & spirituum vitalium in se recepit, quæ ut in se multum caloris habent, in partes sibi proximas transmittunt.

Secunda conclusio: ex mutua corporum sublunarium collisione, tanquam ex conditione, raritas ortum ducit. Hanc conclusionem supponunt communiter Doctores, ut vidimus, referentes varias sententias, & probat experimentum ipsum. Constat enim corporum partes aeris præsertim, mutua attritione, non nihil inter se distrahi, & maius occupare locum, quod aliter, quam per rarefactionem contingere nequit, cum id eveniat sine additione quantitatis: id quod ex sequenti æstimatione amplius intelligitur, & roborabitur: Dixi, tanquam ex conditione, quia sicut non potest latio esse causa, seu causatio propria caloris, sic neque raritatis, cum per se solum tendat ad ubi, tanquam ad proprium terminum qui specie, vel genere à raritate dissidet. Quia igitur motu locali varie agitantur partes mobilis, & maxime corporis medij, ratione cuius agitationis diversimode disponuntur in ordine ad primas qualitates, ex quibus raritas pullulat, hinc fit, ut medio motu locali, tanquam conditione consurgat, raritas ex quo, fit prior effectus productionem caloris, quam raritatis, ut diximus, tantum abest, ut raritas sit causa, aut prævia conditio ad effectum caloris.

Tertia conclusio: motus localis dicitur causa caloris, eo quod medio motu partes minus calidæ, & siccæ distrahuntur, relictis calidioribus, & siccioribus, in quibus

bus proinde intensior calor deprehenditur, & producitur, & per quas in corpus contiguum transmittitur. Quæ conclusio prius explicanda est, deinde probanda. Pro cuius elucidatione in memoriam reuocandum est id, quod 2. libro de generatione, diximus aerem elementarem esse calidum, sere in summo gradu, & valde rarum, quamvis continua vaporum, exhalationumque terrestrium permixtione, frigiditatis & densitatis multum imbibat. Præterea, cum ex occurſu duorum corporum calor, seu ignis consurgit, aer ingercipitur, & attenuatur, quod verum est, siue corpora sint distincta ab aere, siue sint partes eiusdem aeris solidiores, quæ mediis tenuioribus se per motum offendunt. In corporibus item solidis communiter sunt duo genera partium, alix crassiores, in quibus viget frigiditas terrea, alix minus crassæ, & magis disseccæ, in quibus calor, & siccitas, illius affecla polent. Licet hoc non eodem modo in omnibus corporibus mixtis reperiatur, & ideo aliqua corpora dicuntur terrea, vel aquea, alia ignea, vel aerea: non quia in illis elementorum formæ maneat, ut aliqui decepti putarunt; sed quia alicuius elementi qualitates propriæ in aliquibus mixtis, aut in quibusdam eorum partibus magis reſcunt, in alijs vero proprietates elementi alterius.

Hic igitur prælibatis nostræ conclusio probatur hac ratione: motus localis est causa caloris; at hoc non potest haberi villo ex his modis, quo id explicant reſat sententiæ, benetamen in sensu nostræ conclusionis: igitur iuxta illam solum verum habere potest propositio illa ab omnibus recepta. Minor quo ad priorum partem liquido constat, ex refutatione aliorum modorum explicandi prædictum axioma. Quoad posteriorem

vero probatur primo, quia nulla alia probabilis via superest, hoc explicandi, deinde roboratur, ex ipsa rei natura, quia quoties duo corpora solida sibi inuicem occurrunt media latione, quo magis approximantur, magis atteritur aer interceptus (in hoc enim contingit, motum esse causam caloris, vel in hoc maxime) hoc est, magis segregantur, & expelluntur partes illius crassiores, & aduentitix, terrea scilicet, & aqueæ, & peregrinæ impressiones, quæ omnes vix te magis densæ, magis impediunt occurſum illorum corporum, & fortius ab illis impelluntur, & detruduntur, reſcitis interim prioribus & desecationibus partibus aeris, sed in his partibus aeris viget calor prope summus, natura sua, & si aliquid caloris ab extrinsecis impressionibus sublatum fuerit, illis remotis in statum pristinum à propria forma per naturalem emanationem se reducunt: igitur ablaris impedimenti, intense percipitur calor in his partibus purioribus, ac in corporibus ipsis localiter motis similis calor in paulo minori intensione ab aere producit, & idem est de siccitate calori congenæ, & affecla raritate: quibus medijs accedente contrariorū remotione forma ignis nonnunquam introducit in ipsa præſentim materia aeris, qui frequenti exhalationum siccitatem appulſu, & commixtione, ab ingenita summa humiditate, qua igni posset reſistere, detruditur, & sic in flammam nonnunquam conuertitur, quæ si frequentius verus ignis non est, sed pars calis aeris nimis rara & sicca. Quæ quasi segregatio, & euolutio partium optime potest in aere contingere, cum fluidus sit fluxui, & refluxui obnoxius, cuius aliquæ partes præſentim extraneis insectis, habitibus facile reſilunt, & à corporibus solidis discedunt. In alijs autem corpori-

bus non ita facile id euenit, vt cuique videre est: contingit autem facilius caloris immo & flammæ generatio ex persecutione aliquorum corporum, vt chalybis, & silicis v.g. quia ea aptiora sunt ob ingentiam duritiem, & angulorum distinctionem, ad prædictâ aeris persecutionem, & attritionem, seu attenuationem in puriores, & minores partes. Accedit, quod aliquando ipsa corpora non parum caloris habent in partibus minus coactis, licet inmixtum cum nimia densitate, & frigidityte in partibus crassioribus: attritu autem alterius corporis hæ partes hebetiores ex parte diuidantur, cum in illas vt quæ magis illi contrariantur, fortius agat corpus durum, occurrens, manentibus alijs, quæ in se sunt calidiores, & ad calorem facilius endum magis aptæ: quæ distractio, & diuisio prout laxior, & in propria significatione videtur appellari nonnunquam à Doctoribus raritas, seu rarefactio. In quo sensu posuit benignè interpretari aliqui ex Doctoribus relatis supra, hanc viam exponend. commune illud axioma manifeste videntur ingressi Aristoteles, & Diuus Thomas, ille in hoc capite 7. illis verbis: *Caliditas ab ipsis id est, Stellarum lumenque adeo fit, quia aer ab illarum motione fricatur, seu attrito ære ab eorum latione*. Diuus vero Thomas ibidem dicit, hoc contingere per contritionem, compressionem, sine confractionem aeris, non ita vt calefactio sagittarum v.g. sit causa calefactionis aeris, sed è contrario, vt Alexander exposuit Aristotelem, cuius rationem reddit sanctus Doctor, quia scilicet aer est propinquior naturæ ignis: igitur ex eo aperte putant motum esse causam caloris in ære, quia per illum magis relinquitur aer suæ naturæ viciniori igni, quod non potest aliter euenire, nisi modo à nobis explicato, & satis indicato à D. Thoma

& Aristotele. Et quod non proueniat calor ex præcedenti aliqua raritate, tradit sanctus Thom. eadem lectione his verbis: *Alteratio autem secundum omnes alias qualitates causatur ex alteratione primarium quatuor qualitarum, inter quas dua actiua scilicet, calidum, & frigidum, sunt priores*. Motus igitur localis est causa caloris vniuersaliter, per accidens, & vt applicans causam per se, quoties per ipsum partes aeris medijs attenuantur, & magis ab extraneis, & crassioribus purgantur intimius applicatis, vt explicuimus, & medio calore in causa est raritatis: in animalibus vero alia præterea est via concipiendi calorem, vt explicuimus; & hanc rationem explicandi communem doctrinam de calore orto ex motu locali subodorati sunt aliqui Doctores ex relatis, etsi nullus id, quod mente concepit, plane expresserit.

CAPVT VIII.

Textus Aristotelis.

*Cum autem & stella transferre videantur,
& totum calum, &c.*

Breuis expositio textus.

IN hoc capite agit Aristoteles alteram questionem ad stellas pertinentem, & statuit, eas non moueri per se, sed motu suorum orbium circumscripti, id quod tribus rationibus concludit. Et hæc est totius capituli summa. Prima ratio est, stella, & cælum circumuoluntur perpetua conuersione, sed hoc nequit contingere, stella, & orbe quiescentibus, cum id aduersetur manifestæ experientię; neque utroque motum subeunte, qui alias stella, æqua velocitate moue-

ueretur cum orbe cui coniuncta est, quod probat esse absurdum, quia in naturalibus, quod vniuinquodque maius est, eo velocius motu proprio mouetur, vt in pergrandi saxo comparatione lapilli constat. Deinde hæc æqualitas neque prouenire necessitate naturæ, quia si stella minoris orbis in maiori ponatur, velocior erit, & e contrario: neque euenire potest fortuito, quia sic non in omnibus circulis eodem modo se res haberet, & quæ casu eueniant, sunt præter naturæ ordinem. Neque denique rationi congruit, vt omnes quiescant, & moveantur stellæ, quod ex eisdem absurdis probat, & quia cælum dissecarent: consequens ergo sit, stellæ non cieri proprio motu, sed in fixas suis orbibus ab eis circumduci.

Secunda ratio sic procedit: si stellæ proprio motu cierentur, cum sint rotundæ, & globosæ figuræ, vt aspectu ipso apparet, & omnes concedunt, aut is motus esset conuersio, hoc est, in eadem parte, in eodemque loco; seu volutatio, id est, in orbem cum mutatione situs totius mobilis, & alternata facie, at neuter est, quia per conuersionem nunquam alio transferrentur contra experientiam, per volutationem non semper eadem facies appareret, cum tamen aliter contingat. Quæ ratio solum contendit, non moueri stellæ orbibus totalibus immotis, non tamen obstat, quo minus in suis epicyclis motu distincto à totali orbe deferantur. Denique non mouentur astra motu progressiuo, cum eis ad eum motum organa necessaria non tribuerit natura, cum tamen in necessariis non deficiat, & ad eundem inuitalis sit figura globosa, quæ prædixit sunt stellæ. Superest ergo, vt stellæ suo orbi sint continuæ, & motu illius ferantur.

CAPVT IX

Textus Aristotelis.

Ex his autem patet id, quod dictum est à quibusdam, &c.

Breuis expositio textus.

Ostendit Aristoteles in hoc capite astrorum latione concentum aliquem non effici. Diuiditur caput in duas partes: in priori Pythagoræ dogma cum suis fundamentis refertur: posteriori illud confutat. Placuit itaque Pythagoreis astrorum motu sonum temperatum, & concentum quandam effici: quia apud nos is sonus euenit ex corporibus motis, & eò maior, quo plura sunt corpora grandiora, & celerius mota: igitur id eueniet in orbibus cælestibus, licet huiusmodi concentus à nobis non percipiatur, ob assuetudinem, illi enim ab ipso ortu assueti sumus: sicuti accidit artificibus æris sonum malleorum non distinguenribus. Verum inquit Aristoteles, hoc concinnè & musicè dictum est, non tamen verè & Philosophicè, quia præterquam quod absurdum est asserere, non eiusmodi sonum non percepturos, non posset non hæc inferiora vehementer lædere: siquidem minor sonus contritui non solum animantia, sed & durissima saxa interdum frangit. Secundo id ipsum coarguit, quia quod in alio fertur & per se non mouetur, sonum non facit, vt patet in partibus nauigij, firmiter coherentibus: at astra feruntur in sphaeris cælestibus illis affixa, vt superius ostensum est, nō ergo efficiunt sonum, quem certè efficerent, si aerem, vel ignem suo motu rumpe-

rumperent. Ad naturæ tamen providentiam spectat, ne detur talis strepitus, qui non posset non omnia apud nos turbare.

CAPVT X.

Textus Aristotelis.

De ordine verò ipsarum, quomodo quæque disposita est, &c.

Brevis expositio textus.

Acturus Aristoteles de stellarum, planetarum præsertim, ordine, situ, & distantia, ad Astrologos horum considerationem remittit, quorum partes sunt, non Philosophi, magnitudines, portiones & distantiam scrutari. Subiungit breuiter id, quod ad Astrologum spectat, scilicet, quanto Planeta altior est, & primæ sphaeræ propinquior, tanto propriū ipsius motum tardiores esse, minus verò, quo magis distat, inuerso tamen ordine contingit in motu, quo à prima sphaera rapiuntur.

CAPVT XI.

Textus Aristotelis.

At, qui figuram vniuscuiusq; stellarum rotundam, &c.

Brevis expositio textus.

Intendit Aristoteles hoc capite probare, singulorum syderum figuram esse

rotundam, id quod ex dictis satis liquet, cum eadem syderum, & sphaerarū sit natura, ac proinde eadem affectio, & figura. Id vero probatur duplici ratione. Prima, natura nihil frustra facit; igitur cum stellæ haud aptæ sint moneri per se, eam illis figuram tribuit, quæ minus apta sit ad motum progressuum, hæc autem est rotunda cum nulla organa admittat, in quo non committit circulum vitiosum Aristotelis, quia ut aduertit Diuus Thomas hic, antea non probauit Aristoteles, stellas non moneri præcise, ex eo, quod habeant rotundam figuram, sed alijs etiam rationibus. Secunda ratio: eadem est figuræ ratio in Luna, & in reliquis astris, atqui Luna est rotunda, quia cum crescit, & decrescit arcus similitudinem refert, & cum Sol Lunæ interpositione obscuratur, concauus apparet, igitur omnia astra rotunda sunt.

CAPVT XII.

Textus Aristotelis.

Cum autem duæ sint dubitationes, de quibus quibus, &c.

Expositio textus.

In præsentī capite duas proponit Aristoteles quæstiones discutiendas, quod in duas præcipuas partes diuiditur. In priori temeritatis, & arrogantiae deprecata suspicione proponit dubitationes, difficilesque reddit, in posteriori eadem dissoluit. Ad primam igitur accedendo partem, quærit Aristoteles, quare errantes stellæ non eo pluribus motibus cientur, quo magis à primo orbe distant, cum hoc videatur rationi consonum,

Ut cum prima sphaera una tantum motione feratur, proxima inferior rapiatur duplici motu, & alia triplici, ac ita reliquæ deinceps: & non potius aliqui inferiores orbes paucioribus agitentur motionibus, quàm superiores nonnulli, ut Sol v. g. tribus tantum motibus fertur, & tamen alij situ superiores planetæ quatuor cientur motibus. Deinde rursus quæritat philosophus, cur supremo orbi tam insignis, & à nobis incomprehensibilis astrorum multitudo infideat, inferiorum vero singulis singula tantum, non seruata in hoc proportionem debita, in secunda parte capitæ, quæstionibus iam satisfaciit, & prius priori, cuius responso, multis obscure satis prælibatis sic breuiter formari potest. Corpora cælestia, utpote vniuersales rerum omnium causas, in eum finem agitantur, ut sublunaris mundi effectus in lucem edant, & eueantur: igitur ex hoc fine & non ex sitis ordine, plures, paucioresve motus tortiri debent: ac proinde loci dignitate non obstante vnusquisque globus ijs motibus exigit circumagi, quos influendi efflagitat ratio, qui pro singulis sphaeris ab astronomis numerantur. Posterioris quæstioni triplicem rationem assignat Aristoteles: prima desumitur ab excellentia primi orbis proveniente à perfectiori intelligentia motrice, & à causalitate in inferiora vniuersaliori; secunda est, quia voluit natura stellarum multitudine compensare motuum multiplici- tatem, quam interioribus sphaeris præ omnium prima contulit. Tertia denique, quia si in orbibus inferioribus essent plures stellæ, non esset proportionata virtus, & impulsus primi motoris comuni lege primo mobili impressus, pro tam perfectis orbibus secum rapiendis.

QVÆSTIO I.

Quomodo astra moueantur.

EX ijs, quæ Aristoteles, his quinque proximis capitibus tractat, aliqua adeo perspicua sunt, ut alteri discussione non indigeant: alia ex superius dictis liquido constat, non pauca ad Astronomos spectant, ipso Aristotele testante. Reliqua autem vnica hac quæstione quantum satis fuerit, perstringemus, prius examinantes, an stellæ moueantur, deinde de ijs, quæ motui astrorum accidunt, differemus.

Et circa priorem partem, non defuerunt, qui existimauerint, omnia astra in orbem peragi imminore cælo. Constat enim vel ipsis oculis astra moueri, secus de orbe ipso, quod contingere potest, siue immota aqua euenit motus piscium in mari. Dicendum tamen est primo, orbes cælestes simul cum astris moueri. Hic est communis sensus Doctorum vtriusque scholæ, Philosophicæ, & Astronomicæ, & ideo nullum in speciali referre oportet. Cuius asserti efficacissimum fundamentum est, quia si stellæ immoto orbe illum per lationem peragrarent, plane sequeretur, cælum esse corruptioni obnoxium aduersus supra dicta ex communi sensu: ergo non ita contingit. Illustratur sequela, quia stellæ nequeunt orbem permeare per penetrationem, cum verumque sit corpus quantum, cuius naturalis affectio est impenetrabilitas: igitur facta ipsius orbis diuisione, & defecatione, ut insert Aristoteles, cap. 8. quæ plane incorruptibilitati repugnat, cui non minus aduersatur, nunc orbem cælestem rarefcere, nunc densari: vtrumque enim

in sola corpora corruptioni obnoxia cōuenit, & quantumuis rarefiat, non potest astro aditus, seu transitus patere, sine penetrarione, aut scissione partium, vt per se constat. At confinget non nemo, in cœlo quosdam quasi canales, quibus illabatur astra. Verum hoc figmentum facile falsitatis conuincitur, nam & sine vilo fundamento hanc cœli peregrinam cōstructionem mente architectaretur, cum altiori alia cælum constet, & contra rationem: nam vel canales illi essent oppleri aliquo corpore, vel secus: si hoc datur, dabitur & vacuum naturaliter contra naturæ ordinem, & communem sensum: si aliud; aut illud corpus esset sublimariæ naturæ, aut cœlestis, non primum, quia iam esset in cœlo corruptibile aliquid, & violentum, quod proinde non posset ibi perpetuo cōseruari, spatium relinqueret: non posterius, quia cum illud corpus esset eiusdem naturæ cœlestis, cum orbibus, qui solidi sunt, vt supra probauimus, solidæ etiam naturæ erit, ac proinde inuile ad spatium per fluxum replendum. Accedit, quod cum astra non semper eadem incedant via, sed diuersa valde, vt astrologi admonent, totum orbem infinitis pene riuiis intercidi necesse foret, quod soliditatem, ac per consequens incorruptibilitatem cœli de medio tollit. Ex quibus fundamentum partem oppositæ solo manet æquatum.

Dicendum est secundo, astra firmamenti non alio, quàm motu proprii orbis moueri, & idem est de planetis, respectu orbium partialium, quibus insident. Hoc assertum quoad primam partem probauit Aristoteles ex instituto capite 8. præcedenti. Et confirmant Astronomi ex eo, quod stellæ firmamenti eundem omnino inter se seruant situm, quod certe non contingeret, si proprijs

motibus agitarentur, & non essent orbibus infixæ, vt nodi tabulæ. Et certe huius rei argumentum efficacissimum est, quod nullum extet priuati motus fundamentum, siquidem nihil in stellis apparet, quod in motum propriæ sphæræ reduci non posset, aut etiam in conditionem, seu diuersitatem medijs, per quod visuntur, quæ etiam probant de motu errantium syderum, relato ad peculiare orbis ea differentes, qui eccentrici nuncupantur, vt consideranti patebit. Nec vltimum est argumentum distinctionis motuum, cum eo præcisè hæc spherulæ eccentricæ distinctæ constituentur, vt diuersæ, aspectus planetarum, & distantia inter se, & à terra, cum motu suorum orbium stare possint; (loquor de motibus circularibus planetarum, an vero eorum aliqui vltius ciantur cum suo epicyclo, Astronomis discutiendum relinquimus) Hoc tamen discriminis versatur, inter astra firmamenti, & errantia sydera, quod illa eodem, quo totalis orbis circumagiuntur motu. Planeta vero, licet latione partialis spheræ circumferantur, diuersa tamen à latione orbis totalis: propter quam nunc magis, nunc minus à fixis stellis, & terra distant, & errantia nuncupantur.

Hic tamen animaduertendum est, cū Aristoteles capite 8. citato, etsi vnquam alibi asseruit, stellæ esse orbibus proprijs continuas, non loqui de continuitate strictè sumptæ, quæ reperitur inter ea, quorum vltima sunt vnus, sed laxè pro coniunctione, & similitudine inseparabili, etiam sine vnione. Colligit enim illam ex eo, quod non mouentur stellæ motu distincto à suis orbibus, ad quod proculdubio sufficit inseparabilis coniunctio sine vnione propria, nec alia inde inferitur, & supra probauimus

mus omnia astra à suis sphaeris distingui specie, ac proinde non continuari.

Ex dictis constat Pythagoræ, & ipsius auditorum dogma, de sono, seu concentu astrorum, figmentum esse, & ut ait Basiliius homilia 1. Hexameron, imposturâ, veteratoriam, & ruinosa carie perflaccidam: nam præterquam quod incredibile prorsus est, tam aerem astrorum sonum à nobis non audiri, ut argumentatur Aristoteles, cap. 9. corpus, quod non per se, sed omnino infixum alteri mouetur, qualiter astra moueri probauimus, implicat edere sonum, ut ipse prosequitur Aristoteles, cuius doctrina verissima est, non solum de motu astrorum, sed etiam ipsorum orbium, quæ præter primâ ratione probatur à priori, quia ut ex Arist. diximus, 2. de anima in cap. 8. quæst. 3. productio soni exigit tria corpora realiter distincta, & si non semper discontinua, quorum duos percutiant, resiliens altero, sit enim tantummodo sonus vel violenta percussione, vel diuisione violenta, ut omnes fatentur, & inter cælestes sphaeras, non est tertium corpus, quod resiliat. Nec contingere potest diuisio, seu percussio violenta, cum in se sint omnino contigua, leues, & bene coherentes: igitur fictitius omnino est huiusmodi concentus cælestis, licet alium concentum cælo non inficiemur. De quo Iob capite 38. dixit: *Concentum cæli, quis dormi faciet*: hoc est, ut Hieronymus ibi interpretatur, harmoniam, & pulchritudinem cælorum, qua Angeli, hominesque inuiuantur, & alliciuntur ad Dei factoris laudē, nemo obscurare, impedire ve potest, qui concentus nuncupatur à Boetio, lib. 1. musicæ capite 3. musica mundana, quæ scilicet, in nexu, cōsensu, ordine, ac proportionem rerum inter se sita est.

Circa posteriorem quæsti partem plu-

ra tradunt astrologi, quorum hæc proueniat, nonnihil tamen, pro ut instituti nostri ratio postulat, quàm maxima breuitate ex ipsis trademus. Et primo perspicue ostendunt, primum mobile suam explere circuitiōnem ab ortu ad occasum spatio viginti quatuor horarum, quo motu incredibilis celeritatis secum rapit omnes inferiores globos, etsi non pari celeritate cum ipso, & inter se. Saturnus vero (& quod de planetis dicim⁹, de suis differentibus sphaeris dictum pura) proprium perficit motum ab occasu in ortum retrocedendo eo modo, quo supra explicuimus, annis fere triginta. Iupiter ite annis fere duodecim. Mars annis fere duobus, Sol diebus tercetis sexaginta quinque, horis quinque, minutis circiter quadraginta nouem, quod spatium annus solaris nuncupatur: Venus, & Mercurius eodem fere tempore, quo Sol suum circulum peragunt. Luna denique suum conficit motum diebus viginti septem, horis fere octo. Vbi animaduertendum duxi prædictum celestium orbium ordinem, & situm, manifestis Astrologorum obseruationibus ratum esse, ita ut in dubium vocari nequeat: quamuis Aristoteles, ut ex capite 12. liquet, Solem & Lunam infimo planetarum loco collocauerit, sicuti alia etiam nonnulla eodem capite asseruntur ab Aristotele, quæ longa Astrologorum seruatione aliter se habere reperta sunt. Præterea, ex sententiâ Aristotelis, ut vidimus, capite 10. quo propinquiōres sunt orbes planetarum primo mobili, eo velocius diurno motu rapiuntur, propriam vero circuitiōnem rariorem habent, quod iuxta nuper dicta accipiendum est, ut verum habeat. Cuius rationem reddit D. Thomas hic lectione 15. quia scilicet motus ab Oriente in Occi-

den-

dentem est causa sempiternæ durationis rerum, & ideo perfectius competere debet cælestibus sphaeris, quo magis accedunt ad substantias spirituales compositas immortalitatis: alius vero motus recessus ab occasu in ortum generationis, & corruptionis patens est, teste Aristoteli. libr. 2. de ortu, & interitu, c. 10. text. 56. & ideo naturæ rerum consonat, ut velocior reperiat in eis sphaeris, quæ ad res corruptioni obnoxias magis approximantur. Et de inæqualitate motus rapti confirmari potest, quia cum inferiores sphaeræ à prima diurno motu rapiantur, mirum non est, quinimmo valde congruum, ut minus magis distantes impellat: minus, inquam, quo ad consummationem circulationis, spatio viginti quatuor horarum, non quoad agitationem partium; nam cum superiores vastioris molis sint, longe maius spatium eodem tempore percurrunt. De inæqualitate etiam motus proprii ea potest esse congruens ratio, quia cum sphaeræ, quo inferiores sunt situ, eo sunt minores magnitudinis, facilius possunt æquali impetu velocius agitari, quam maioris infra primum mobile, de hoc enim alia est ratio, propter constantem, & raram diurnam astrorum reuolutionem.

De numero vero stellarum incurrentium non fuit eadem sententia. Alij enim plures, & pene innumerabiles, alij pauciores agnouerunt. Astrologi tamen nostri temporis pugnacissimè tradunt, & se perspicue obseruasse testantur in firmamento duas de viginti supra mille duntaxat stellas, quod verum ego existimo, si intelligatur, ut illorum aliqui intelligunt, de stellis, quæ facile, & quouis anni tempore notari possunt: de alijs enim, quæ haud facile designari queunt, vere docent cum alijs Patres Conimbricenses 2. de cælo cap. 12. quæst. 1.

art. 1. muto plures inueniri. Dixit enim Arist. hoc capit. 12. esse penè innumerabiles, quod de numero illo stellarum ab astronomis assignato verificari non potest, & libro 1. Meteororum cap. 8. asserit, aliqua esse astra, quæ certo situ deprehendi non possint. Et idem tradit Augustinus 16. de Ciuitate Dei, cap. 23. hisce verbis: *Quanto quisque acutius stellas intuetur, tanto plures videt: Unde & acerrime cernentibus aliquas occultas esse merito estimatur, exceptis iis sphaeris, quæ in alia parte orbis à nobis remotissima, ori, & occidere prohibentur.* Denique vrgentius ex sacris litteris inferri videtur innumerabilis stellarum multitudo. Genes. 15. dixit Deus Abrahamo: *Suspice calum, & numera stellas, si potes.* Et c. 22. *Benedicam tibi, & multiplicabo semen tuum, sicut stellas celi, & velut arenam, quæ est in litore maris,* Et Psalmo 146. tanquam ingens Dei præconium, & specialis excellentia dicitur, qui numerat multitudinem stellarum: Quæ quidem omnia maiorem proculdubio astrorum numerum conuincunt. Et astronomiorum in hac re autoritatem exhibent contemnendam, ut testatur Augustinus statim post verba supra relata hac ratione: *Postremo quicumque vniversum stellarum numerum comprehendisse, & conscripsisse incitantur, sicut Aratus, vel Eudoxus, vel si qui alij sunt, eos libri huius, id est Genesios, contemnit auctoritas.* Quæ Augustin. verba refert, & approbat S. Tho. in cap. 15. Genesios, si eius est illud opus. Astronomi autem stellas firmamenti à se perspectas diuidunt in quadraginta octo constellationes, seu imagines, ut sic facilius stellæ per partes distinctæ possint designari, in quibus præcipua sunt duodecim signa cælestia splendentia in Zodiaco: est vero constellatio certus stellarum numerus, effigiem animalis, alteriusve rei representans, de quibus imaginibus quamplura Astronomi, & iudicarij sicut de stellarum magnitudine plura plures

būs. Xenophanes causam quietis terræ esse dixit, infinitam eius profunditatem, radicibus in inferius spatium immensum diffusis; quam sententiam derisit Empedocles. Thales Milesius fertur sensisse, terram quiescere, quia ab aqua sustinetur, sicut lignum aquæ innatans. Quæ sententia confutatur primo, quia aqua eleuata descendit sicut terra: ergo oportet, assignari aliud, quod aquam sustineat, deinde grauiora naturaliter subsident leuioribus, terra vero grauior est quam aqua. Tertio eadem est natura totius, ac partis: terræ autem pars, vt experimento constat, subsidet aquis: ergo & tota. Alij referente Anaximene, quietem terræ in eius latitudinem contulerunt, propter quam nequit aerem subiectum difficere, sed eum premit, qui loco fugæ non reperto, impositam terram sustinet. Quod refutat Aristoteles, primo, quia supponitur terræ figuræ non rotundæ: item quia prædictæ sustentationis non tam videtur causa latitudo terræ, quam magnitudo, quod idem eneniret, si terra esset globosa: tertio, si qua in medio mundi est terræ violentia, motus ad medium non erit ei naturalis; sed violentus, quod est absurdum.

Empedocles asseruit, ideo terram quiescere, quia cælum rapidissima sua conuersione eius motum non patitur. Quod ex eo refellitur, quia si hoc ita esset, cæli motu cessante, terra aliquo itura foret: quo igitur? Non sursum, nec deorsum, vt patet, & ipso Empedocle consentiente, terræ quiescebat, antequam cæli mouerentur. Et contra rationem est, terræ propriam quietem non concedere, sicut igni in propria sphaera, & hoc probat motus partium terræ deorsum, sicut motus partis ignis sursum. Denique alij ideo terram immotam consistere aiunt, quod æqualiter distet ab extre-

mis, & ad neutrum magis inclinet. Sed neque hæc ratio satisfacit, quia idem posset dici de igne, si in medio constitueretur. Præterea, partes terræ ad medium tendunt, cum tamen sit eadem naturæ totius, & partis, ac proinde non tantum quiescit in medio ob illam perplexitatem. Tandem illud locum non habet in aliis elementis, & tamen similis deberet esse in omnibus quiescendi ratio: Videturque sophistica ratio, quæ in aliis perplexitatibus fieri solet, & sufficiens, cum non ostendat, quomodo corpora moueantur ad diuersa loca, & idem de igne in medio posito dici posset, qui tamen absque dubio mouebitur, perplexitate contempta.

CAPVT XIV.

Textus Aristotelis.

Nos autem primo dicamus, vitrum habeat motum an maneat, &c.

Expositio textus.

IN præsentī capite iam ex propria sententia definit Aristoteles quæstiones in præcedenti positas de quiete, situ, & figura terræ. Quod caput in tres partitur partes, in quarum prima statuunt terram non moueri circulariter, sed in proprio loco quiescere, in secunda docet, proprium terræ locum esse centrum mundi: & in tertia, figuram illius esse globosam. In priori igitur parte primum probat, quia nihil violentum perpetuum esse potest. At motus ille circularis violentus foret terræ, alias

alias terræ partibus naturaliter conueniret, quod falsum esse constat. Fieret præterea, ut terra non vno, sed pluribus ciceretur motibus; quidquid enim in orbem fertur, prima sphaera excepta, plures subijt motus. Fieret deinde contra experientiam, ut non semper in eisdem terræ locis, iisdemque punctis Orizontis stellæ inerrantes nobis orirentur, & occiderent. Tertiò, pars terræ medium mundi, quoad fieri potest, sortita, quiescit, igitur tota in medio consistens, quietem habet, mouentur autem grauias ad medium mundi per se, & per accidens ad medium terræ, quia hoc cum illo coniungitur. Vnde si terra alio in loco esset, adhuc grauias ad medium mundi tenderent. Quod vero grauias ad medium tendant, ex eo constat, quod inde violenter extracta non lineis, parallelis, seu æquæ ab se distantibus, sed ad pares angulos, ita ut ablato impedimento, sibi in centro occurrerent, moueantur. Quiescit igitur terra in medio mundi, cum nihil moueatur in loco, ad quem naturaliter tendit.

Ex quibus pro secunda parte capitis colligit, locum terræ esse centrum mundi, siquidem in illud suapte natura fertur, & quiescit terra, & ab illo per violentiam auellitur, & alias non ita se haberent, quæ ab Astrologis circa ortus, occasus magnitudinem, & distantiam stellarum obseruata sunt.

In tertiâ denique capitis parte probat Aristoteles, terram esse globosæ figuræ, primò, quia quælibet terræ pars suo pondere in medium nititur, & conglobatur, & omnes vndecumque motæ vergunt ad angulos rectos, & sibi paulatim appropinquant. Omnibus igitur partibus compressis vndique versus centrum globosa figura euadet, quod si ex aliqua parte ingentis magnitudinis pondera accres-

cant, adhuc terra in globosam ibi figuram, quia maius pondus versus aliam partem impellit, donec ad æqualitatem omnes partes circa medium coeant. Affecit enim terra, ut ipsius medium, vniuersi medium sit. Confirmatur Astro-nomicis rationibus, quia Luna, cum deficit, per circularem sectionem secatur, ex eo scilicet, quod terra, cuius interiectu obsecratur, rotunda est, cum hoc semper eueniat, & nunquam alias. Præterea, si terra globosa non esset, Australibus incolis, & Aquilonaribus idem omnino esset Orizon, earundemque stellarum aspectus, quod experimento manifesto repugnat. Ex quibus euidenter colligitur, non solum terram esse figuræ sphaericæ, sed etiam non eximie magnitudinis, alioqui in tam parua distantia locorum, non tam diuersus accideret stellarum aspectus, ambitus autem terræ, iuxta Mathematicos temporis Aristotelis, continere dicebatur quadraginta stadiorum millia, quæ moles ad quantitatem stellarum relata nequaquam magna est.

Multa Aristoteles in his duobus capitibus, quæ longam hic videbantur discussionem suo iure exigere, verum quia in tertio, & quarto huius operis libro non pauca de elementis cum ipso Aristotele nobis sunt agitando, placuit disputationem de elemento terræ in eum locum remittere, ut doctrinam de elementis eadem disputationis serie complectamur, ne forte iterum de elementis ex instituto acturi, eadem referre ad fastidium cogamur, & indeo hæc pro secundo libro dicta sufficiant.

ARISTOTELIS

STAGIRITÆ, DE CÆLO
ET MVNDO.

LIBER TERTIVS.

Postquam Aristoteles, i. li. de vniuerso, & eius attributis differunt; & in secundo de cæli, & syderum figura, motibus, aliisq; affectionibus egit, aggreditur iam his duobus libris disputationem de reliquis corporibus simplicibus, quatuor scilicet elementis, quatenus graua & leuia sunt, motusque habent ad loca sibi iuxta vniuersi ordinem congruentia, nec non de aliis simplicium corporum affectionibus, est enim huius operis scopus, vt initio diximus, vniuersum, vt ex simplicibus coagmentatum corporibus, & hæc simplicia, quatenus partes vniuersi sunt: horum igitur disputationem nos quoque aggrediamur oportet. Verum, quia mens Aristotelis in his libris perspicua satis est, textum expositionem pressius, & illorum doctrinam breuius deinceps perstringemus, nisi ad amussim expendere velimus, plus æquo opus excrescat.

CAPVT I.

Textus Aristotelis.

*De primo igitur calo, ac partibus,
& de stellis, quæ in ipso
sunt, &c.*

Per breuis expositio textus.

Præmissa quadam præfatiuncula reuertit Aristoteles præsertim capite opinionem aliquorum Philosophorum negantium, generationem, nec non alias sententias aliorum, variè de rerum ortu, & interitu sentientium. Præsertim recenset Platonis placitum, existimantis, omnia corpora ex figuris planis componi, & iterum in easdem dissolui, & interire, in cuius refutatione, aliis interim omisis, totus est Aristoteles, probans non posse corpus ex superficiebus fieri, sicut nec superficies ex lineis, nec ista ex punctis: & quia partes componentes corpus graue, aut leue, prædictæ esse debent grauitate, & leuitate; superficies vero, lineæ, & puncta his vacante, hæc enim elementorum affectiones sunt, quibus corpora recta mouentur, quæ fusius persequitur Aristoteles.

CAPVT II.

Textus Aristotelis.

Esse autem necessarium corporibus simplicibus naturæ motum aliquem vniuersis competere, &c.

Expositio textus.

Intentum Aristotelis in hoc capite est, probare omne corpus physicum vendicare sibi aliquem motum naturalem. Quod probat ex eo, quod sensu constat, corpora simplicia moueri; mouentur ergo naturaliter; vel si violentus est motus,

tus ideo est, quia est cōtrarius motui naturali, qui vnus erit specie ab vna natura. quæ principium est motus, & quietis. Deinde probatur ex quiete, nā vel corpus quiescit naturaliter, vel per vim: si naturaliter, motus ad eum locum naturalis erit, si violenter, naturalis erit motus ad locum, in quem conatur. Deinde aliorum placita inter se comparat, & carpit, ex probatoque asserto colligit, omnia corpora, quæ recto motu feruntur, gaudere grauitate, aut leuitate, vt principiis motus naturalis, cum ad medium, vel à medio moueantur, & quibus motui violento resistunt; ad vtrumque autem aer conducit. Denique infert Aristoteles ex dictis, motum esse, & generationem, licet aliqua sint, quæ generari non possunt, ex quibus est mundus; quod inefficaciter probatur ex eo, quod alias antequam mundus generaretur, existeret in natura vacuum.

C A P V T III.

Textus Aristotelis.

Restat autem dicere, quorum est corporum generatio, & quum ob causam est, &c.

Expositio textus.

In hoc capite, vt generationis principiam inuestiget Aristot. explicat naturam elementi, & quotuplex sit, ac in rem naturā dari ostendit. Elementum, inquit, est id, in quod cætera corpora diuiduntur, in quibus potentia, aut actū inest, ipsum vero in specie diuersa est indiuisibile. Dicitur: *Potentia aut actū*, quia neutrum horum determinatur, & non diuidi in specie diuersa, sicut heteroge-

nea, quia homogeneum est. Ex quā diffinitione infert Aristot. dari quatuor elementa, ignem, aerem, aquam, & terram, cum illis conueniat definitio. Denique opinioni Thalidis, dicentis, vnum tantum dari elementum, & Anaxagoræ admittentis alia, vt carnem, & ossa; præfert sententiam Empedoclis statuentis, quatuor vulgata elementa esse principia cæterorum, quod confirmat ex motibus simplicibus a medio, vel ad medium, qui proprii sunt elementorum: hæc igitur ponenda sunt in rerum natura.

C A P V T IV.

Textus Aristotelis.

Consequens autem est vtrum sint finita, an infinita, &c.

Expositio textus.

Intentum Aristotelis in præsentī capitulo est, probare elementa non esse infinita; quod primo probat contra Anaxagoram, deinde contra alios Philosophos: nam partes similes mixtorum sunt compositæ, cum resoluantur in terram, aerem, aquam & ignem, elementum vero compositum non est, sed simplex. Præterea licet partes eiusdem rationis elementa essent, non ideo hæc infinita forent, cum non omnia, ex similibus partibus consistant. Vterius elementorum differentia certo numero continentur, sunt enim calidum, & frigidum, siccum, & humidum, ergo finita sunt elementa ex illis constituta. Reprehendit deinde Leucippum, & Democritum, coningentes principia, seu simplicia corpora infinita, quorum concursu omnia

omnia procrearentur, quia omnia ex numeris componebant, & finita principia sufficiunt: determinatque sunt principiorum differentia, ut diximus. Coniunguntur præterea negare multa, quæ sensibus conspicua sunt, & alia admittere experientia contraria, ut quod detur corpus, quod diuidi nequeat. Et ulterius, quod illa corpora magnitudine, & paruitate inter se differant, nec non infinita esse, & tamen figuris distingui. Denique motus simplicis, qui proprii sunt elementorum, certo numero comprehenduntur, nempe à medio, vel ad medium, loca etiam, quæ his motibus comparantur, igitur & elementa.

CAPVT V.

Textus Aristotelis.

Quoniam autem finita esse necesse est, considerare restat, &c.

Expositio textus,

Discutit iam Aristoteles in hoc capite, utrum elementum vnum sit, vel plura, & refert prius aliorum placita: deinde ea refellendo, quid res habeat exponit. Plures Philosophi ex antiquis vnum tantum esse elementum arbitrati sunt, alij medium quid inter aerem, & aquam sufficiens generationis principium per raritatem, & densitatem, quos tripliciratione refutat Aristoteles. Alij vnicum elementum posuerunt, ignem, diuersimode tamen, quos etiam multipliciter refellit philosophus. Omnes vero vnius elementi assertores, hac vniuersali ratione redarguit: quia si omnia naturalia corpora ex eodem principio conalescerent, eiusdem essent naturæ, eo-

demque naturali motu cicerentur, ad eundemque locum: quod palam à veritate abhorret: plura igitur sunt elementa supra enumerata.

CAPVT VI.

Textus Aristotelis.

Considerandum est autem primo, utrum sempiterna sint, an generentur, & corrumpantur.

Breuis expositio textus.

VT Elementorum numerus, & vnius cuiusque affectiones certo consent, inquit Aristoteles, hoc capite, num elementa generationem, & interitum subeant, & respondet non esse æterna, sed reciprocis mutationibus secundum partes dissolui, quæ dissolutio infinita esse nequit, quia alias infinita esset duratio elementi constructio, nec finem habere potest, id est, vsque ad ultimam partem, quia hæc non est indiuidua secundum elementum constatum ex indiuisibilibus, indiuiduum esset. Generantur autem elementa, non ex non corpore, neque ex alio corpore antiquiore, neutrum enim stare potest, sed mutuo ex se ipsos, id est, vnum ex materia alterius, & e contrario.

CAPVT VII.

Textus Aristotelis.

Rursus igitur considerandum est, qui nam sit mutua generationis ipsorum modus, &c.

Breuis expositio textus.

I i :

Pergit

Pergit Aristoteles ad inuestigandum generationis elementaris modum, & prius aliorum placita recenset, & notat, expositurus deinde, quid verius sit. Empedocles, & Democritus putarunt, elementa, etsi sempiterna, alterum ex altero persecutionem ab alio generari. Hi tamen fucata tantum generationem agnoscere, cum non educant formas ex materia præuiis alterationibus disposita, sed maiorem duntaxat raritatem. Restat igitur, ut vnū elementum per transmutationem ex alio fiat. Verum in hoc duplex est sententia falsa, altera asserentium, transmutationem fieri secundum figuras, altera constituentium in diuisione per plana: priores enim coguntur asserere, prima corpora non esse diuisibilia, neque partes sortiri naturam totius, cum figuræ hoc non habeant, posteriores sensibus repugnant, & aliqua absurda concedere tenentur.

CAPVT VIII.

Textus Aristotelis.

*Ommino autem enti simplicibus corporibus
figuras tribuere, metas egreditur ra-
tionis, &c.*

Breuis expositio textus.

Totus est Aristoteles præsentī capite in refellenda Platoniorum opinione, varias elementis figuras attribuentes: id quod varijs rationibus exequitur. Prima prolixa satis sumitur ex figuris mathematicis, quæ si iuxta Platonicum placitum elementis accommodentur, plane sequeretur inter elementa vacuū dari, cum illis nequeant vndequeque esse contigua. Et quod elementa nullam

præfixam vendicent figuram, ex eo constat, quod eorum quodlibet vndique cōtingit extremitatem rei, cui iungitur, sese ad illius figuram accommodans: quod maximè elementis congruit, cum sint quasi materia mixtorum, & receptaculum, & alias non possent elementa venire in compositionem mixtorum, neque in vnum continuum coalescere, si indelebiles ex se figuras haberent. Præterea non recte Platonici figuras elementis aptant, ad earum potestates, & motus exprimendos, quia igni tribuunt sphericam, vel pyramidalem, quæ motui recto ignis non congruit: terræ cubicam, quæ etiam motui terræ non deservit, etsi quidditas elementi in ea consistat figura, cum generet sibi simile, . figura figuram generabit, quod absurdum est, & si vna figura est propria vnus elementi, alterius contrarij contraria erit figura, cum tamen figuræ nihil possit esse contrarium. Denique contradictionis Platonicos arguit Aristoteles.

*Tractatus de natura, numero, situ, &
motu elementorum.*

Pura in hoc tertio libro de elementis edisserit Aristoteles, de quibus per otium diximus, cum eodem libro 2. de ortu & interitu, qualia sunt quæ ad generationem & corruptionem, & ad qualitates eorum actiuas spectant. Et ideo illuc spectantibus omisis, solum in hoc tractatu agitabimur, quæ huius loci sunt propria, quæ videlicet spectant ad elementa, ut sūt partes vniuersi, quod, ut non semel monuimus, huius operis scopus, & adæquatum obiectum est.

QVAESTIO I.

An sint elementa, & quot, & qualia.

VT ea, quæ titulus quæst. inquit, dilucidè enodemus, operæ pretium erit omnium firmitum fundamentum iacere, quo firmitus esse nequit, quasi ipsiusmet elementi definitio. Hæc igitur prius elucidanda est, ut inde cætera ad elementa spectantia facilius enucleemus.

Aristoteles tertio capite huius libri, sic definit; *Elementum corporum mixtorum est id, in quod cætera corpora diuiduntur, in quibus potentia inest, ipsum vero in specie diuersa est indiuisibile*. Allert Aristoteles se definire elementum corporum, quia elementum multipliciter sumitur, & ideo laxiori significatione illud definiuit 5. Metaphysicæ, capite 3. prout etiam conuenit elementis scientiarum demonstrationum, elementis literarum, & similibus. Dicitur verò elemētum, in quod cætera corpora diuiduntur, quia corpora mixta resoluntur in elementa, si quidem ex illis componuntur, & vnumquodque in ea diuidi, & resolui potest, ex quibus componitur. Dicuntur præterea elementa manere potentia in mixtis, id est, virtualiter, ut explicauimus libro 2. de generatione, ubi animaduertendum est Aristotelem dixisse, in potentia, vel actui, quia nondum stabilierat, elementa solum manere virtualiter in mixtis, quod præstuit postea in libris de generatione. Additur denique in definitione, indiuisibile in specie diuersa, quia licet elemētum diuidi possit, non tamen in alias partes specie diuersas, sicut animal diuiditur in caput, pedes, &c. quia o-

mnes elementi partes eiusdem sunt speciei.

Ex iactō tamen fundamento posset inferri, nullum esse in rerum natura elementum, quia nullum est sublunare corpus, quod non sit diuisibile in specie diuersa; nullum igitur erit elementum, quod in specie diuersa indiuisibile diximus. Antecedens probatur, quia quodlibet ex quatuor corporibus simplicibus sublunaribus, quibus si cuiuspiam elementi ratio congrueret, diuidi potest in materiam & formam; quæ inter se specie dissident; insuper etiam in alia corpora completa, ut aer v.g. in ignem & aquam, siquidem ex aliqua illius parte ignis, ex altera verò aqua produci potest.

Ex eodem etiam fundamento videtur elici, non esse elementa quatuor, sed plura, vel pauciora, ut plures antiqui relati ab Aristot. præcedentibus capitibus 3. 4. & 5. arbitrati sunt. Plura quidem, quia partes homogeneæ, ut caro, & os, plures, quam quatuor sunt, & tamen elementi rationem fortiuntur, cum in eas heterogeneæ partes diuidantur, & ipsæ in specie diuersa indiuisibiles sint. Præterea arguere possent, Eleuçippus, & Democritus, hoc modo, corpora mixta coalescunt ex infinitorum simplicium concursu, & in ea diuiduntur: cum tamen simplicia ipsa, seu atomi indiuisibiles sint: igitur infinita erunt elementa. Ratione non dissimili posset arguere Plato, pro sua figurarum multitudine, ex quibus, ut elementis, corpora confari existimant. Quod pauciora sint elemēta, quàm quatuor, probare possunt, qui vnum tantum agnouerunt ex eo, quod vni primo tantum definitio allata competere possit, & sufficit nec plura simpliciter prima concedere oportet, id, quod quilibet suo elemēto pro libito accommodauit. Alij vero medio cuidam inter aerem, aquam, &

saltem quod non deur elementum ignis ad lunę concavum: vt nonnullis placuit, ac proinde nullibi, hac via probare possumus: quia ex eo probat Aristoteles, 1. Metaphysicę capit. 3. cælestia corpora non esse ignea, quia iam pridem reliqua contenta corpora incendio conflagrassent, Ast idem sequeretur, si ignis prope Lunę globum resideret, cum inferiora omnia suo ambitu comprehēderet, quæ, maximè propinquior aer valde calidus, paruum admodum summæ ignis voracitati resisterent.

Præterea, ignis nequit sine combustibili conservari, vt expe imento constat, at supra aeris sphæræ hoc pabulum non extat, igitur nec ignis: maximè, quia si sphæra ignis esset prope Lunam, omnes inferiores ignes eo tenderent, cū vnumquodque elementum in propriam sedem feratur, quod tamen aliter contingit. Denique hæc videtur mens Aristotelis 1. Meteororum capit. 4. dicentis, supra aquam esse aerem, & id, quod quamvis ignem consuevimus appellare, ignis tamen non est, quod quidem consonat sacris literis, quæ dem initio Genesis primam rerum molitionem accurate tradant, nullam ignis mentionem faciunt. Ex quibus inferri videtur, nullum prorsus esse elementarem ignem, siquidem is, qui apud nos extat elementaris esse non potest, nec minus contineri vallet in terræ centro, vt existimarunt Pythagorici, teste Aristot. 2. de cælo cap. 13. propter ignis leuitatem.

Histanc non obstantibus, dicendum est primo, cum Aristotele capitul. 3. citato, & communi iam Philosophorum omnium consensu, esse aliqua elementa in rerum natura, id quod ex ipsa elementi definitione manifeste infertur, quia aliqua sunt in vniuerso corpora, quibus omnes conditiones in definitione ele-

menti positæ apprime quadrant. Igitur aliqua necessario concedenda sunt elementa. Roboratur antecedens, nam in carne, aliove mixto, insunt in potentia terra, aqua, & alia, cum ibi horum qualitates reluceant, & in ea prædicta mixta diuiduntur abesse enim, dum intereunt, in puluerem, humorem, spiritum, & in partes igneas, quæ quidem elementis respondent, cum tamē hæc in corpora specie diuersa nequeant diuidi, siquidem partes elementorum eiusdem sunt rationis, & in nullo naturaliter continentur qualitates, & dispositiones alterius corporis mixti, aut etiam elementaris, ratione quarum dici possit in eo aliud potentia contineri, & hoc in illud resolui posse. Confirmatur, quia elementum in vniuersum ex Aristotele 5. Metaphysicę capit. 3. est id, ex quo primo infit, & in aliam speciem indiuisibili, aliquid componitur. Sed mixtum componitur ex terra, aqua, aere, & igne; tanquam ex primis corporibus, quatenus actu continet quatuor primas qualitates illorū proprias: illa vero ex alijs corporibus non componuntur, cum nullius propriæ qualitates illis insideant; igitur sunt proprie elementa, id quod ex solutione argumentorum clarius elucebit.

Dicendum est secundo cum eodem Aristotele ibidem, & sequentibus quem omnes iam comitantur Philosophi, elementa corporū quatuor esse, nec plura, nec pauciora. Quæ etiam conclusio infertur ex definitione elementi, & ex dictis in priori conclusione: corpora enim simplicia, quæ potentia in mixtis corporibus insunt, & in quæ mixta resoluiuntur, cum tamen ipsa in alia corpora diuersa specie non diuidantur, tantum sunt, ignis, aer, aqua, & terra; nec aliud est excogitabile, cui prædicta conueniant. His vero quatuor appri-

apprime quadrant, ut patet. Probatur secundo, quia negari non potest, terram esse cum experimento constet, ipsam quiescere in medio mundi, & idem experientia conuincit de aqua, aere, & igne. Et ex eo, quod ponatur terra, quam ponendam esse infert Aristoteles libro secundo capite tertio, ex eo, quod cum celum circulariter agitur, eget centro immobili, quod nequit esse nisi terra; ex hoc, inquam, alia tria admittenda esse elicit ipse hac ratione, quia dato altero contrario in rerum natura, necessarium est dari & alterum (quod saltem verum est, & necessarium secundum naturam, & perfectionem vniuersi) sed ignis ratione sui caloris naturalis, & leuitatis, contrariatur terræ valde frigidæ, & grauitigetur posita terræ, astringendus necessario est ignis: igni autem & terræ contrariantur aqua, & aer, per frigiditatem, & hi militarem, & media loca inter illa exeregia vendicant; alia igitur duo simplicia corpora ponenda sunt, quæ omnia elementa naturam sortiuntur. Tertio arguit Aristoteles supra 2. libro, capite 5. quia motus localis rectus proprius est simplicium corporum sublunarium; sed quatuor tantum sunt motus recti simplices, bini ad locum superum, & bini ad inferum; ergo quatuor tantummodo sunt elementa. Quamuis enim non omnes isti motus locales sint essentialiter diuersi inter se, sicut nec summa leuitas, & leuitas ex parte, aut maior grauitas, indicant tamen diuersitatem essentialem corporum, quibus ex se conueniunt; cum consequantur speciale in rationem formæ substantialis. Et aliàs, si corpus, quod sursum tendit, non esset essentialiter diuersum ab eo, quod mouetur deorsum, illud etiam naturaliter deorsum properaret: quaterna igitur differentia motus recti, facultatis

motiui, & loci naturalis, quaternarium elementorum numerum plane adstruit. Idem probatur quarto, ex quaternario numero primarum qualitatum, & quadripartita illarum inter se cōmixtione, quæ propriæ sunt primorum, & simplicium corporum sublunarium; ex quarum interse cōmixtione emergunt alia corpora mixta. Id ipsum confirmat quaternariis humorum, & temperamentorum numerus, quæ omnia quatuor elementis iuxta diuersam attemperationem respondent, id quod 2. de generatione fusius elucidatur.

Ex dictis manifestum relinquitur, dari elementum ignis ad Lunæ concuum, & in specie configmatur, quia summus calor alicui corpori simplici debetur: prima enim qualitas corruptibilis primo corruptibilium corporum conueniat necesse est: at non conuenit aeri, qui humiditatem summam cum aliquo calore vendicat, nec aquæ summæ frigidæ, & aliquidantum humidæ, nec denique terræ cum aliqua frigiditate summa siccitate prædita, ergo igni. Cum igitur ex summo calore, & siccitate, summa pullet leuitas, quæ est principium motus sursum, sit, elementum ignis supernum locum in sublunari mundo sibi vendicare. Quod confirmatur ex conatu flammæ ignis apud nos excitati supra aerem confestim ascendentis, qui nequaquam constaret, nisi proprius elementaris ignis locus supra aerem esset.

Infertur etiam ex superioribus, ignem præ cæteris elementis altiore naturæ gradum habere, id quod cum Diuo Thoma 1. parte, quæstione 69. articulo 2. ad primum reliqui docent Philosophi. Quamuis enim terram multum commendet illius erga nos beneficentia, mira cum animalibus similitudo, & quæcūque

co possessio: aquam etiam prædicet per-
utilis, & valde necessarius illius usus;
& in animalibus procreandis incredibi-
lis fecunditas: aerem deniq; plurimum
extollat indispensabilis eius ad vitam
tuendam cōtinua reciprocatione neces-
sitas: & quod ipse solus, vel ipse maxime
fere omnium animalium domiciliū, vo-
latilis naturæ luminis, & vocis vehicu-
lum sit. Quamvis, inquam, hæc ita sint, ex
his tamen maior horum elementorum
præ igne intrinseca dignitas nequaquam
concluditur, ea enim oratorium dunta-
taxat calorē maiori ex parte præ se ferunt,
cum tamen ignis in ipsamet intrinseca,
& substantiali perfectione cæteris ele-
mentis absque dubio præcellat: quia ca-
lor inter primas corruptibilium corpo-
rum qualitates præcipuum obrinet lo-
cum, cum actuosior sit, & ad res efficien-
das vniuersalior; sed is debetur natura
sua igni in summo gradu, singulis autem
alijs elementis singulæ ex primis quali-
tätibus calore imperfectiores: igitur
forma substantialis ignis, à qua exigitur
calor, perfectior est, ac per consequens
ignis ipse. Confirmatur, quia rectus na-
turæ ordo exigit, vt quo mobilia sunt
corpora, maxime simplicia, & quæ præ-
cipue vniuersi partes sunt, eo altiorē
locum obineant, præstatioremq; facul-
tatem motuam ad illum obtinendum; at
ignis eminentiorem habet locum inter
cætera elementa, nobilissimamq; quali-
tatum motuum lenitatem: igitur digni-
tate superat cætera elementa. Id quod
etiam probare videtur de cæteris elemē-
tis, in quib⁹ etiā vim habere potest prior
ratio, si assumatur nō vna tantū qualitas,
sed coniunctio duarum vniuersiusque e-
lementi propria. Et confirmatur ex con-
tinentia inferioris elementi à superiori,
quæ quidem plane denotat maiorem
perfectionem continentis, vt diximus

libro secundo, capite quinto, quæstione
quarta de orbibus cælestibus. Absolute
igitur inter elementa idem assignari
debet ordo, sit⁹, & dignitas Vbi animadu-
uertendum est, licet quodlibet elemen-
tum contineat, & quasi comprehendat
inferius sibi cohzrens, non tamen sem-
per illud magnitudine profunditatis
vincere, vt nonnulli putarunt. Nam iux-
ta probabiliorē Mathematicorum sen-
tentiā, teste Patre Clauo ad cap. 1. sphæ-
ræ, terræ profunditas amplius 1070. mil-
liaria continet, & tamen diameter aquæ
(quæ loco superior est, vt in sequentibus
dicemus) vix ad duo, vel tria milliaria
pertingit, vt à nautis compertum est: à
nemine tamen est certo exploratum, an
maior, vel minor terræ pars sub aquis la-
teat, detectæve sit aeris etiam profundi-
tas, eisdem Mathematicis testatibus, cir-
citer quinquaginta duo miliaribus con-
tinetur, vt ex ascensu exhalationum mā-
gna cum probabilitate ab ipsis colligitur.
Qui tandem igni attribunt profundita-
tem milliariam circiter centum viginti
mille quingentarum septuaginta octo.

Tandem in fine huius quæstionis non-
nihil dicendum est de figura elementor-
um, quam varijs modis sibi finxerunt
Plato, & alij antiqui Philosophi. Nostri
tamen Philosophi, & Mathematici vno
ore elementis globosam tribuunt figu-
ram, aliqua scilicet ex parte, non omni-
no perfectè, & simpliciter, hoc est, nō ad
normam Mathematici globi. Primū vni-
uersaliter probatur, quia totum vniuersum
globosum est, & æthereus mundus:
ergo idem de partibus illius primarijs
sub cœlis contentis, cuiusmodi sunt ele-
mēta, fateri necesse est. Et de igne ex par-
te conuexa constat, cum proxime cohæ-
reat superficiæ concavæ lunaris sphæræ
quæ speciem globi habet, ex parte tamen
concauæ superficiæ bene aliqui existi-
mant,

ant, non esse ignem perfectè sphericum: quia in partibus Soli propinqui-
bus, & quæ velocius rapiuntur cœlesti
motu, vt sub æquinoctiali, plus aeris
in ignem conuertitur, & è contrario in
remotioribus, & tardius circumactis,
plus ignis in aerem commutatur, ac pro-
inde profundior est ignis regio sub æqui-
noctiali, quàm sub polis, è conuerso ve-
ro aer, vnde neutrum ex hac parte, si per-
ficiet scilicet concanæ ignis, & conuexæ
aeris, sphericam habet figuram, sed oua-
lem potius. De terra vero, & aqua proba-
tur esse figuræ circularis, ex eo, quod o-
rientales prius surgunt sidera vident,
quam qui ad occiduum habitant, & illis
prius dies illucescit, & nox ingruit, quàm
his: si vero terra, & aqua plana essent,
omnibus simul proculdubio astra orire-
tur: & similis successio reperitur in Lu-
næ, & Solis, ecclipsibus; & similiter ob e-
andem causam aliquæ ac parent stellæ ha-
bitantibus ad septentrionem, quæ ad Au-
strum incolentibus non sunt conspicuæ,
& e contrario, & euntibus ad Austrum
celstudo Australium stellarum continuè
excrefcit, septentrionalium decrefcit;
cuius oppositum experiuntur, qui con-
tra petgunt. Præterea, vmbra horum
corporum circularis est, ast vmbra imita-
tur figuram corporis, à quo editur, ergo
& ipsa globosam habent figuram. Ante-
cedens probatur euidenter ex Ecclipsi
Lunæ accidenti interiectu terræ inter So-
lem, & Lunam, quæ proculdubio accidit
in specie circuli. Denique corpora gra-
uia, ita mouentur ad centrum, vt quo
magis descendunt, eo inter se magis con-
iungantur, & conglobentur; ergo natura
sua exigunt, pertingere centrum, vel sal-
tem centro vndique æqualiter appropin-
quare. Sed nulla alia figura possunt fieri
centro viciniora, quàm spherica: ea igi-
tur præditum est elementum graue.

Quæ omnia argumenta pariter probant
de elemento aquæ, & terræ, immo clari-
us de aqua, quatenus experimeto com-
pertum est, aquam semper ad humiliora
loca defluere, nequit igitur habere partes
aliquas à centro remotiores, atque adeo
semper in orbè componitur, & perfectius
lôge, quàm terra, propterea quod terræ par-
tes ob siccitatē, non semper ad inferiora
dilabuntur, vt in montibus videre est.

Nonnulla possent aduersus supradicta
obici, quæ quidem facilia sunt, & cuius-
libet non oscitanti peruia, & ideo breuita-
ti studens omitto. Oportet tamen argu-
menta in quæstionis lumine adducta sol-
uere, & ad illud, quod contendebat,
nullum in rebus dari elementum, nega-
mus antecedens: & ad illius confirmati-
onem respondemus elementum in eo
tantum genere esse indiuisibile, in quo
est elementum; cum igitur sit elemen-
tum corporum, debet esse indiuisibile in
alia corpora specie diuersa, cui nihil ob-
est diuisibilitas secundum partes essenti-
ales: in alia vera corpora diuidi nequit al-
iquid ex elemētis, quia licet ex materia
vnius aeris v.g. educatur forma ignis, &
aquæ, non dicitur aer diuidi in illa, sicut
mixtum in elementa: nam aer non ha-
bet in sua materia dispositiones aquæ,
& ignis temperatas, sicut illas habet mix-
tum. Et ideo, hæc non dicuntur esse in ae-
re virtute, sed in sola radicali, & remota
potentia materiæ, ac proinde neque aer
dicitur in illa resolui, sicut mixtum in e-
lementa, quorum virtutes temperatas
habet; in quo propterea dicuntur virtute
potentia manere.

Ex quibus constat ad primum eorum,
quæ quaternarium elementorum nume-
rum euertere conabantur. Est enim hic
sermo de elementis corporum, quæ in ip-
sis virtute manent, & in quæ externa cor-
pora diuiduntur, quæ partibus conue-

nire nequit. Quæ vero pro Leucippo, & Platone adduximus, inania sunt, & solum indigent assumpti negatione, eaque per otium confutauit Aristoteles, hoc tertio libro: nec maioris momenti sunt conficta ab vnius elementi assertoribus. Ad primum autem eorum, quæ ignem à Lunæ globo detrudere nitebantur, neganda est minor propositio, cum enim ætuitas ignis tanta non est in materia valde rara, qualem purus habet, tum etiam, quia illa continuo astrorum, Lunæ præsertim, & Saturni influxu compescitur, nec non humoris æreique repugnancia obtunditur, quæ in cælo, si ignem esset, locum non haberet, ut patet.

Ad secundum dico, ignem egere combustibili ad sui conseruationem extra propriam spheram, secus in illa, quia illic, non hic contrariorum patet incuriis, & in materia pabuli densiori, & ampliori se melius tæctur: non tamen ascendit terrestri ignis ad Lunæ concanum, & si accendere conetur ob contrariorum interiacentium resistantiam. Aristoteles autem teste Diuo Thomâ ibidem, solum contendit ignem elementarem non propriè significari eo nomine, quo inferior ignis appellatur, quia scilicet eo nomine aliqua accidentia specialia terrestri ignis denotantur.

Ad vltimum tandem dicendum est, in prima rerum conditione omnia quatuor elementa simul fuisse in lucem edita, ut tradunt Diuus Damascenus secundo libro fidei Orthodoxæ capite quinto, Diuus Basiliius Homilia secunda de mundi opificio. Et Beda in libro Hexameron, sacrum tamen scriptorem duo tantummodo elementa inferiora expresse enumerasse, quia hæc præ aliis rudî populo, ad cuius captum sese effingebat, conspicua sunt.

QVAESTIO II.

Anterra in medio mundi sita sit. habeatque idem centrum magnitudinis, & grauitatis cum ipso.

Quamuis Aristoteles de hac re lib. 2. cap. 13. & 14. ex instituto differuerit, nos tamen illius discussionem in hunc locum reseruauimus, propter rationem in calce illius libri allatam. Et ideo postquam præcedenti quæstione de elementis in communi, ac inter se comparatis, non dauca dixerimus, opere præteritum duxi, ad explicandam mentem Aristotelis, de terra instituere disputationem; de terra scilicet, quatenus situm in vniuerso habet, de quiete enim, & motu illius agentis quæstione quarta. Vbi missa facio plura, quæ de terræ magnitudine secundum se, & comparatione cælestium spherarum, nec non de illius diuisione per otium differunt Geographi, & Topographi, apud quos, utpote quæ instituti nostri metas excedunt, quærantur.

Circa priorem igitur quæstionis partem, prætermisiss antiquorum Philosophorum placitis, quæ citatis locis refert, & reliquit Aristoteles, concurs Peripateticæ scholæ sententia est, terram in medio mundi esse constitutam. Probatur primo ratione Aristotelis capite illo 14. quia omnia corpora grauius vnde cumque dimissa efficiunt in terra angulos rectos æquales sibi paulatim appropinquando, & non per lineas parallelas, ita ut nullo existente obice sibi in centro occurrerent, siquidē quo magis cientur, magis sibi appropinquant. Hoc vero nullatenus eueniret, nisi locus naturalis terræ esset centrum mundi, ut omnibus est

mani-

manifestum: in eo igitur proculdubio, vt in naturali loco terra sita est.

Secundo idem probat, quia vt Astronomicis obseruationibus compertum est, Ecclipses Lunares accidunt, quoties Sol, & Luna per diametrum opponuntur, hoc est illis in punctis sibi aduersis existentibus: ast hoc contingere non posset, nisi terra medium vniuersi obtineret, hoc ergo necessario fatendum est. Minor euidenter demonstratur, quia Ecclipsis Lunaris accidit ex interiectu terræ inter Lunam, & Solem, sed impossibile est terram semper intercipi inter hæc astra in punctis directe oppositis existentia, nisi ipsa existat in spatio æque distanti ab omnibus partibus cælestis spheræ, in hoc ergo iacere dicenda est, id quod naturalis ipsa rerum dispositio suo iure exigebat, vt scilicet elementum infimæ sortis infimum sibi vindicaret locum, & maxime à cælo distans, huiusmodi autem est centrum mundi Cuius ratio à priori est, quia grauitas est principium motus deorsum, & quietis in loco inferioris: igitur summa grauitas erit principium motus ad locum omnium infimum, & quietis in iso: at terra est summe grauis natura sua, ergo ad infimum locum, qualis est centrum mundi, naturali pondere fertur, & in eo quiescit. Vt enim docet Diuus Thomas 2. 2. quæst. 23. art. quarto, eadem est causa, vt corpus moueatur in locum, & in eo quiescat. Quæ veritas exprimitur in Scriptura dum dicitur Psalmos 103. Terra fundata super stabilitatem suam, & à Deo firmari dicuntur columnæ eius, Psalmos 74. Et terra super nihilum appendi, It. b. 16. Hoc est, naturalis pondere terra in medio mundi constituitur, sine alterius corporis adminiculo. Hoc autem intelligi debet de globo ex terra, & aqua conflato, vt rationes priores probant.

Secunda assertio: idem est centrum vniuersi cum centro grauitatis terræ, non tamen cum centro magnitudinis eiusdem. Probatur conclusio quoad priorem partem, quæ communis est Mathematicorum præsertim, quia centrum vniuersi est locus omnium infimus, & à superis maximè distans. Est enim punctus à quo lineæ omnes ductæ ad circumferentiam primi mobilis sunt æquales: ergo illud ex natura rei occupare exigit corpus graue, & quo grauius est, perfectius, & ideo grauissimum corpus, perfectissimè. Si enim grauitas principium est ferendi deorsum, & quiescendi in loco inferiori, maior grauitas perfectius principium erit, & maxima perfectissimum. Ast tertia & corpus summa præditū grauitate, vt omnes fatentur, igitur natura sua exigit centrū vniuersi perfectissimo modo, quatenus grauis est, obtinere, & id re ipsa consequitur, siquidem nihil naturaliter obest, sed perfectissimus obtinendi modus est, vt centrum vniuersi intime penetretur, seu identificetur cum centro grauitatis terræ. Hoc ergo necessario fatendum est. Minor hæc vltima probatur: quia perfectissimè corpus graue, & grauitas illius quiescet, si æquè secundū omnes partes grauitatis, ad centrum accedat, alias si versus aliquam partem circumferentiæ sit excessus grauitatis, secundū hanc partem, vt pote grauiorem conabitur descendere: sed cætrum grauitatis est punctus medius Lunæ rectæ diuidentis corpus in partes graues æquæ: igitur tunc terra, vt pote corpus summe graue, propriam sedem perfectissime obtinebit, cum centrum granitatis illius idem sit cum centro totius vniuersi. Cū ergo nulum sit corpus, quod huic tendentiæ obesse possit, terram re ipsa hoc situ sibi debito gaudere necesse est. Quæ ratio plane conuincit, non solum de vulgari quadam,

gnitudinis cum ipso. Deinde in hoc globo, ut quæstione sequenti probabimus, excelsior est terra discoperata, depressior aqua: ergo non æquè distat superfices conuexa utriusque à centro vniuersi, atque adeo non est idem centrum magnitudinis globi ex utraque coalescentis, & vniuersi.

Addendum tamen, est prædictas globi inæqualitates præ illius magnitudine parum momenti habere, atque adeo communiter non censeri impedire illius rotunditatem, & ideo vulgari quadam æqualitate dicuntur omnes circumferentiæ partes ad centrum vniuersi comparari: licet enim Oceani cauitas amplissima sit quoad longitudinem, quoad profunditatem vero comparatione totius globi per exigua est, ut diximus quæstione. & idem est de montium altitudine, & hac forte de causa communiter Mathematici asseruerunt, idem esse centrum magnitudinis & gravitatis, huius sphaeræ inter se, & cum centro vniuersi: maximè, quia frequentius loquuntur de hoc globo, relati ad stellatos orbis, quorum comparatione instar puncti se habere de nonstant. Si igitur globus integer in hac consideratione, insensibilem habet magnitudinem, illius depressiones, & prominentiæ non poterunt alicuius momenti esse. Obiter tamen admonitos velim Philosophos nostros, ne facile moneantur quous Mathematicorum assensu. Cum dicitur globus terræ, & aqua instar puncti se habere comparatione cæli, non esse id accipiendum absolute, sed quoad nostrum aspectum: absolute enim verum habere nequit, cum diuisibilis sit, & tot regionum spatij longe, lateque diffusus, & proportionem cum celo habeat, siquidem aliquoties repetitus cæli magnitudinem adæquabit, quæ puncto conuenire repugnat: intelli-

gitur ergo quoad nostrum aspectum, & adhuc non relatè ad inferiores orbis: comparatione enim orbis Veneris, Mercurij, & Lunæ fatentur Mathematici habere hunc globum notabilem magnitudinem, & ratio id demonstrat, quia terra, ut ex Geographorum disciplina constat, multo maior est quàm Luna. Ast Luna comparatione sui orbis nobis non appareret instar puncti, sed sensibilem exhibet quantitatem: igitur id potiori iure de sphaera terræ, & aquæ asserendum est. Quæ ratio accommodari potest orbibus Veneris, & Mercurij, & idem suo modo admittunt Mathematici de sphaeris Martis, & Solis, licet comparatione horum parum admodum magnitudinis globus noster videatur. Comparatus igitur ad complexum firmamenti Iouis etiam, & Saturni instar puncti se habet, nobis non ostentans sensibilem magnitudinem, quod vno consensu tradunt Mathematici cum Aristotele. Meteororum capite 24. ut testatur Pater Clavius ad caput primum sphaeræ, pagina 149. & Patres Conimbricenses lib. 2. de cælo ad caput 14. quæstione 2. articulo 2. Probatur, quia quælibet stellarum, quæ in firmamento micant, se habet ad nostrum aspectum instar puncti indiuisibilis, sed quælibet stella firmamenti, quæ visu percipi potest, magnitudine vincit terram, & aquam simul sumptas. Astrologis testantibus: sphaera igitur terræ, & aquæ non plus momenti habebit comparatione firmamenti, quàm punctum. Præterea ex quauis terræ parte eodem tempore eadem magnitudo, & distantia eiusdem stellæprehenditur à diuersis Astronomis, sed hoc non posset euenire, si nostri globi magnitudo alicuius momenti esset, comparatione cæli quoad nostrum aspectum, ut per se liquet: igitur quauis terræ partes inter se distat sicut, nullam

eam superficiem terræ, quæ aquis disco-
 operata est. Ita Burgenfis a l. caput 1. Gene-
 sis, Ibidem Catherinus, addens non puta-
 re se quenquam sapientem vnquam de
 hoc dubitasse. Accedit Tullius libro 2.
 de natura deorum. Et fauet D. Thom. 1.
 part. quæst. 69. art. 1. ad 3. necnon Diuus
 Basilus homil. 4. Hexameron, quamuis
 non eodem modo id explicent. Probari
 potest primo hæc sententia, ex sacra pa-
 gina, in qua sæpe significare videtur, a-
 quas esse terra altiores, & non sine mi-
 raculo, & Dei imperio cohiberi, ne ite-
 rum operiant terram. Prius habetur Psal.
 103. *Abyssus sicut vestimentum amittit aqua, id est*
terre. Super montes stabunt aque: hoc est, emi-
 nentiores erunt montibus, & eos regent,
 idem significatur Psal. 68. *Veni in altitudinem*
maris, & Ecclel 39. In verbo eius stetit aqua, sicut
congeries: quæ plane indicant mare eminentius
 esse litore. Et posterius traditur in-
 fra: *Terminum posuisti, quem non transgredien-*
tur: neque conuerterentur operire terram Id ipsum
 sumitur ex Prover 8. *Legem ponebat aquis, ne*
transirent fines suos Denique Ieremix 1. dicit
 Deus: *Me non timetis, qui posui arenam termi-*
nos mari, præceptum sempiternum, quod non præteribit.
 Si autem terra esset eleuatiore mari, quid
 mirum si aquis non operiretur? aut in
 quo potentia Dei commendaretur? cum
 terræ altitudo naturaliter aquæ ne id fa-
 ceret, impediret. Secundo probatur, quia
 flumina è mari ducunt originem, iuxta
 illud Ecclesiastes *Ad locum unde exeunt, flumi-*
na reuertuntur, ut iterum fluant. Igitur altius
 est mare quam terra. Probatur conse-
 quentia, quia flumina è montium fastigi-
 is frequentius effluunt, aut aquæ natura
 sua ascendere nequeunt, vt pote graues,
 & quæ non plus per meatus, & venas al-
 cendant, quàm prius descenderint, vt
 testatur experientia. Igitur mare, vnde
 exire dicuntur, eleuatiore est montibus, ac
 per consequens vniuerso terræ globo, id

quod experientia confirmat, constat e-
 nim sensuum iudicio, teste Basilio supra,
 mare rubrum terra altius esse, & in vni-
 uersum id nauigantes affirmant, quibus
 ad littus properantibus terra infra mare
 videtur iacere, & quo magis accedunt, eo
 montium vertices v. g. magis attolli vi-
 dentur, quod neutiquam eneniret, nisi
 terra mari esset depresso.

Tertio à priori probare videtur, quia
 iuxta naturas rerum, corpus minus gra-
 ue constitui debet supra illud, quod gra-
 uius est: sed aqua minus grauis est, quàm
 terra, teste Aristotele primo de cælo ca-
 pite octauo, & Diuo Thoma ibidem, cõ-
 munique sensu: igitur natura sua supra
 terram quiescere exigit. Sic ergo à natu-
 ra, naturæ auctore constitutum est,
 cum fieri potuerit: & alias neutrum ele-
 mentum in naturali sede resideret, sed
 perpetuo essent violentia, cum neces-
 sario ad hoc fuerit, terræ partes attolle-
 re, vt aquæ in earum cauitatibus excipe-
 rentur, ac proinde frustra esset aquæ in-
 clinatio concessa, vt supra terram siste-
 ret, & terræ, vt supponeretur aquis.
 Quarto deniq; hæc setetia corroboratur,
 quia, vt quæstione præcedenti diximus,
 centrum grauitatis huius globi ex terra
 & aqua cõpacti, debet esse simul cum cẽ-
 tro vniuersi, sed hoc fieri nequit, nisi a-
 qua elatior sit terra, hoc igitur facẽdum
 est. Minor, in quo tota est difficultas elu-
 cidatur, quia cum globus constet parti-
 bus inæqualis granitatis, ita vt versus ali-
 quam partem circumferentiæ partes gra-
 uiores existant, versus aliam minus gra-
 ues, implicat, idem esse centrum magni-
 tudinis illius globi, & grauitatis eius-
 dem, vt ex dictis supra constat. At partes
 aquæ minus graues sunt, quàm partes ter-
 ræ, igitur secundum illam partem circumferen-
 tiæ, quæ est aqua, eleuatiore est globus iste,
 vt sic partium multitudiue compensetur
 defectus.

Maxime cum non moueantur flumina, per cacumina montium, sed frequentius per inferiores valles.

Vltimo tãdem à priori probatur, quia aquæ postquam relictæ sunt in vnum locum eiusdem prorsus naturæ, & inclinationis naturalis sunt, ac in triduo, antequam congregarentur, cum eadem semper perfluerit substantialis forma, eadem semper motrix facultas. Sed ante collectionem earum inclinabant ad cœtrum vniuersi, ad existendum videlicet, quo viciniore possent, centro, salua consistentia terræ circa illud ad decliuora semper fluentes, alioqui tunc temporis violenter detentæ essent aquæ tegentes terram; igitur ad ideim modo etiam propendit. Quod etiam confirmat euidenter aquæ motus naturalis, quò sublaris impedimentis per eandem omnino lineam, qua terræ, quam breuissimè in centrum vniuersi tendit: igitur fieri nequit naturæ viribus vt aqua super terrâ in tumorem eleuetur, sed inferior semper exister. Probatur hæc vltima consequentia, quia nullum habet impedimentum, quominus deorsum prosuauet ruet igitur & terram operiet, vel saltem semper aqua niteretur terram obnere, & ab eo conatu inhibita perpetuam vim pateretur, Deo indefinenter miraculum parante.

Nec satis facit Cuietanus, respondens, ideo aquas non descendere ad operiendam terrâ, etsi eleuatiores sint, nec violenter detineri, quia in figuram circula-rem natura sua effinguntur, nam in primis inde fieret, aquas in prima conditione violenter terram vniuersam operuisse, & ideo productas non fuisse in statu naturali, quod absurdum est, & contra Augustinum lib. 7. de ciuitate Dei cap. 30. & idem dicendum esset de tempore di-
 iuuij, vnde tunc duplex contigisset mi-

raculum; immo superflueret ruptio cataractarum cœli, cum ad id sufficeret, mare terra eminentius supra ipsâ descenderet, & operiret terram, non admitteret circularem figuram, sed eam haberet, sicut habuit in prima conditione; denique licet modica aqua figuram efficiat circularem, vt à contrarijs tuetur, eam tamen nequit retinere in magna quantitate accessu grauitatis appetitum illud longe superante, vt experimento liquet, & alias flumina in mare non laberentur nec defluerent aquæ ad terram depressiorem operiendam, sed in circula-rem figuram super terram extollerentur. Et contra responsum, & doctrinam Cuietani manifeste reuincitur ex motu aquæ ad centrum vniuersi per lineam rectam.

Et aquam non extolli supra terram in figuram globosam demonstrant etiam duæ rationes initio allatæ ad ostendendum ex terra, & aqua vnum effici globum. Quamuis igitur initio temporum aquæ vt natura elementorum postulabat, vndique operirent superficiem terræ omni ex parte rotundæ, teste Damasceno supra tertio iam creationis die vnum locum segregatæ sunt, terra disco-
 operata maxima ex parte relicta, id naturali fine in què cõdita est exigente, vt sc. apta redderetur, ad hominû, terrestriuq; animaliu, ac volatiliu habitationem, & procreationem, nec nõ ad frugû, plataruq; generationem. Id quod in hunc modum rerum conditor Deus effecit, extulit quibusdam ex partibus terram, ita vt super aquas emineret, manerentque cauitates maximæ inter terram hinc inde varijs in locis eleuatam, & tunc naturali motu aquæ defluerunt ad cauitates interceptas, quibus vt alueis contineretur, & per varios anfractus terram ferme to-

ram permearet, quo etiam ipsi elementis prouisus est, ut sic terræ partes magis inter se humore aqueo cohererent & fructus inferiores redderentur. Aquæ etiā continua aeris inclusi in terrestribus cauenis conuersione iacturam ex Solis, & astrorum virtute prouenientem indefinenter resarcirēt. Quomodo omnia quidem recte constant, iuxta ipsarum rerum naturas, & indicam exigentiam, quod amplius ex argumentorum solutione constabit.

Ad quorum primum desumptum ex varijs Scripturæ locis respondetur, ex doctrina Caietani ibidem, Psalmi illo 103. vsque ad illa verba, *ab increpatione sua fugiens*; loqui Vatem Regium de terra, & aquis, ut erant à principio, antequam tertia die separarentur in vnum locum; vt pendenti Psalmum illud fiet manifestum, in sequentibus vero, de ipsarum congregatione, & de termino illis posito. Sumitur autem futurum, stabunt, & fugient, pro præterito imperfecto, teste Eugubino, ibidē, quia illo carent Hebræi, dicitur, super montes, hoc est super terram, quæ nunc in montes extollitur. Præterea dicitur aluendo maris profunditas illius, non quia sit terra eminentius: cū vero aqua sterisse dicitur, vt cōgeries: intelligitur bene à Lyrao de aqua Iordanis, & maris Rubri, in transitu filiorum Israël, vnde nihil contra nos colligitur. Et licet intelligeretur de prima illa congregatione aquarum in vnum locū, pro nobis locus staret, statim enim additur: *sicut exceptoria aquarum*, id est, cavitates exciterunt, in quibus aquæ congregatæ sunt. Posteriora Scripturæ loca nostram confirmant sententiam, siquidem in illis dicitur; Deus terram, vt terminum aquis posuisse, ad quod eleuatur esse debuit: commendatur tamen diuina potentia, in eo, quod cum natura elementorū

exigat, vt aqua terram operiat, Deus suæ potentia in terræ cavitatibus aquam incluserit, terram super aquas eleuando, quam fluctus maris intumescens non transgrediantur.

Ad secundum argumentum multi multipliciter respondent: aliqui fatentur flumina proxima, & per se ex mari oriri, & ideo altius esse mare his terræ partibus, in quibus fontes, & flumina nascuntur. Absoluit tam esse depressius, quia non effluent ex partibus terræ: quæ prope mare discooperatæ sunt, verum hæc solutio ab omnibus fere refellitur, & merito quidem: cum enim ex terra, & aqua vnicus conficiatur globus, vt diximus si terra secundum partes discooperatas prope ipsum mare, & flumina altior est aqua, reliquæ omnes partes terræ, eadem cum illis superficie contentæ, propinquiores erunt cælo & à centro mundi distantiores, quàm aqua, ac proinde nō poterit in illas aqua maioris erumpere, nisi ascendendo. Et ideo respondet D. Thomas in secundo, distinctione 14. questione prima, articulo primo ad quartum cum alijs, aquam fluuiorum cælestium sursum trahi virtute corporum cælestium; communis boni gratia, quæ responsio difficilis apparet ex eo, quòd ad virtutē occultam, vt ad asylum confugit, non apparet, cur cælorum influxu in hoc potius, quam in alio loco continuo erumpant aquæ, sursumque euocentur, maxime cum influendi ratio pro diuersitate cælestis motus, accessus, & recessus stellarum, respectu eiusdem loci passim diuersificetur. Quapropter recentiores nonnulli doctissimi in huius solutionis explicationem addiderunt, licet verum sit, aquam non plus natura sua posse ascendere, quàm descenderit partibus, ratione tamen extrinseci impellentis optime id posse contingere & hac de causa
fontes,

fontes, & flumina à mari oriuntur in partibus terræ eminentioribus, quia scilicet dum aqua maris per terræ creptas, & cauernas descendit, & quasi transcolatur, subtilior fit, & minus grauis, deposita terrestrium concretionum admixtione, vnde ex amara, & salsa redditur dulcis: cum agitur pars aquæ præcedens defecatur, & leuior sit posteriore, illi cedit, & locum relinquit, & quoties aliunde non patet aditus, sursum ascendit per terræ cauitates, impellente posteriori ratione suæ grauitatis, & densitatis, id quod in fontibus arte factis non semel vidimus, & quia in montibus maiores esse solent terræ anfractus, & foramina, hinc prouenit, vt ex illis facilius flumina prærumpan. Quæ solutio mihi valde arridet, & non videtur aprior alia excogitari posse, in doctrina sancti Thomæ, existimantis flumina, & perennes fontes copiosos è mari proxime oriri, quæ quidem multum consonat, & sacris litteris, & rationi: incredibile enim videtur, tam ingentem & perennem aquæ copiam è mari non egredi, sed aliunde perpetuo generari.

Si autem amplectamur sententiam Arist. Meteororum c. 13. quam proficitur schola Parisiensium, & cum alijs pluribus Pater Molina supra, asserentem, flumina non immediate à mari ortum ducere, nullius momenti esset argumentum factum. Quæ quidem sententia congruenter satis, & magna comprobabilitate defendi potest hac ratione: terra, vt pote sicca, vim habet attrahendi ad se humorem, eum quasi sugendo, vt in alijs rebus ficcis, spongia v.g. videre est, quæ virtus in aliquibus terræ partibus magis vigere potest, ratione cuius humiditatis, & vaporum, qui virtute Solis in aliquibus terræ cauernis, excitantur & aggregantur, ær, ibidè inclusus in aquâ continuo

conuertitur, & foras erumpit, ad quod plurimum iuuat pluuiæ aqua, tum quia in eisdem cauernis recipitur, vnde paulatim illabitur, & ad orificium fontis accurrit, & etiam per terræ superficiem vndique ad fluuiorum alueos profluit. Tum quia inde maior vaporum copia, quæ in aquâ cõuertatur, extat: denique, quia terra pluuiæ aquis madefacta, minus consumit aquæ pluuiæ, & ex vaporibus, & aeris cõdensati intra ipsam genitæ, potentiorque euadit, ad maiore aeris copiam cõdensandam, & in aquâ conuertendam: quoniam verò tam aqua pluuiæ, quam subterranea ex vaporibus, & humore, ac frigiditate aqueæ ortum ducit, ideo merito dicuntur fontes & flumina ex mari exire, ad quod iterum reuertuntur. Vno igitur, aut alio philosophemur modo, nihil probat argumentum. Ad experimenta vero in illius confirmationem adducta respondeo, neganda prius, & pari ratione negari posset posterius, verum vtroque dato respondendum est, plane decipi sensum, cuius deceptionis causa ea est, quia terra comparatione maris, æra fere videtur, cui calor iuxta cãdidiorem positus profundior, & depressior apparet, ob quod pictiores putei, aut alterius rei, profunditatem colore atro depingunt, circumpositò candido, seu ad candorem magis accedenti.

Ad tertium respondetur, integrum syllogismum probare de elementis, iuxta propriæ naturæ exigentiam, & de tri-duo creationis, non deinceps: licet enim aqua natura sua terram tegere postulet, in eum finem, quem diximus, in vnum locum terræ terminis inclusa redacta est, & ideo vtrumque elementum non remansit ex toto in sua natia sede, neutrum tamen violentiæ patitur, quia terra non nititur aquæ, nec hæc habet su-

pra se, nisi aerem, sicut in puteis, neque aqua inferior, neque superior terra circumdans concavum putei violenta est, quia scilicet hæc non aquæ, sed terræ inferiori existenti perpendiculariter versus centrum innititur, & aqua solum supra se aerem habet: neque ideo frustra est inclinatio aquæ, ut terræ tegat, cum initio, & diluvij tēpore eam ambierit, maxime, quia aqua non exigit per se primo terram circumdare, sed versus centrum moveri, & prope illud quam proxime possit, quiescere, nullo corpore min⁹ levi interiecto, & ideo si terra subtraheretur, & via aquæ ad centrum pateret, illuc vsque naturaliter moveretur, in eoque naturaliter quiesceret, solum igitur contra naturam utriusque elementi esset, si gravior, nempe terra, ab aqua minus gravi sustentaretur, quod nullatenus hic accidit: ideoque argumentum non vrget.

Ad quartum respondetur, maiori admissa, negando minorem, & ad illius confirmationem dicendum est, maiorem illam veram esse, si aliunde illa maior gravitas non compenletur, ut in præsentī contingit, partes enim terræ, quæ aquis subiacent, ratione humoris aquei, absente, etiam ventorum afflatu, & Solis ardore plus habent densitatis, & gravitatis, quā sicciores alix, quæ super eminent, ut per se cōstat, & ideo licet minoris sint profunditatis, & aqua regens minus gravis, quam terra, utraq; simul æqualis gravitatis est, cum alia circūferentia in terræ aquis discooperta, ideoq; optimè potest esse idem centrum gravitatis huius globi, & universi, quāvis terra elevatior sit aqua.

Si verò aliquis nobis obiiciat, quòd præter morem nostrum amplexi cōmus opinionem contrariam S. Tho. & D. Basilio, huic faciliè respondemus, quāvis S. Doctor oppositam insinuat, non ta-

men ex instituto docuisse, sed ad solvendum quoddā argumentum, ad quod eligi sæpè solet. Et sufficit opinio tantum probabilis, & ideo ipsius commentator Caietanus supra nostram tradidit sententiam, existimans sine dubio, in hoc S. Th. non contrariari. Basilius autem nō de re ipsa, sed de eo, quod sensibus apparet, loquutus videtur. Cum tamen plures supra citati nostram sententiam perspicuè tradiderint.

Q V AESTIO IV.

Utrum terra in medio mundi quiescat, vel aliquo modo moueatur.

QUAMVIS ex superioribus dictis breui posset hæc cōtrouersia desinire: tamen ut clarior eius sensus innotescat, operæ pretium est, diuersa auctorum placita circa ipsam referre, quæ quidē tot ferè extiterent, quot capita. Fuit enim de hac re magnum apud auctores antiquiores præsertim dissidium, ut apertè constat ex Aristotele supra libr. 2. cap. 13. & 14. Nichitas enim Syracenus existimauit, terram summa velocitate volui, cui addidit Philolaus in gyrū verti instar Solis & Lunæ, circū ignē tamen. Pōticus Heraclides & Lephantus iudicauit, terrā velut rotam agi circa ipsius centrū ab oriente in occidentē. Aliqui vero ex Mathematicis recentioribus nō dubitarunt pronunciare, terrā circulariter cieri ab occasu in ortū corporibus cælestibus omnino immotis. Democritus ipsam à prima origine aberrantē posuit ob exiguitatē, leuitatemq;. Thales denique credidit, terrā aquis more nauigij vehi. Quorum omnium fundamentum ex aliquibus obseruationibus desumptum videtur.

Alij vero ex opposito asseruerunt, terram

ram omnino immotam semper perſiſtere, ex diuerſo tamen principio, vt ex Ariſtotele li. 2. c. 13. retulimus, vbi diuerſæ huiuſce rei explicationes, & earum refutationes videri poſſunt, neque enim hoc loco repetere fas eſt. Hanc ſententiam multi hoc tempore indifcriminatim amplectuntur, amplexique ſunt à tempore Ariſtotelis omnes fere Philoſophi, & Mathematici; quæ probari ſolet multis argumentis. Et quod non moueatur motu circulari demonſtratur primo ex Scriptura Eccleſiaſt. cap. 1. *Terra autem in æternum ſtat, oritur ſol, & occidit, & ad locum ſuum reuertitur, ibique renaſcens gyraſ per meridiem* Et de eodem ſole dicitur Pſal. 12. *Exultauit vt Gigas ad currendam viam, &c.* Quod verum nullatenus eſſet, ſi ſole qui eſt in terra in orbem circumuolueretur, quo certè ad rem præſentem confirmandum nil clariuſ dici noceat. Ratione id ipſum probatur primo, quia nequit terra circulariter moueri naturaliter, nec mouetur vi ab extrinſeco impreſſa; nullo ergo modo. Antecedens oſtenditur, Terra enim natura, virtute, & pondere deorſum fertur, vt conſtat ex partibus terræ à loco ſuperiori demifſis, & tamen eadem eſt inclinatio totius ſimplicis, & elementaris, ac partiũ illius: ergo natura ſua & à virtute propria nequit terra circulariter volui; cum nequeat eidem corpori ſimplici duplex motus naturalis à principio intrinſeco conuenire; ſed neque terra mouetur in gyru ab extrinſeco, cum quia nullum eſt mouens, à quo hoc motu moueatur tota terra, tum quia talis motus eſſet violentus, cum eueniret ab extrinſeco reluſtante propria grauitate, & nullum violentum perpetuitatem patitur. Præterea probatur, quia ſi terra circulariter moueretur, à Septentrione ad Meridiem, aut econuerſo, fieret inde contra id, quod experimur; vr-

bes motus ſingulis mutare diſtantiã ad polos, & nunc nos Arcticum intueri, poſtmodum Antarcticum: ſi verò ab occaſu in ortum, vel è contrario, ſequeretur ſingulis noctibus eaſdem ſtellas nobis diuerſo tempore occidere, & naſci: nec certo poſſe ab aſtronomis obſervari ſolis, & lunæ eclypſis, ſiquidè pro hemiſphæriorum diuerſitate, planetarũ, & ſyderum aſpectus quo ad nos variari neceſſe eſt, quibus fanè maniſeſtum experimentum aduerſatur. Denique nullum corpus inanimatum à propria virtute mouetur circulariter in proprio loco, nec à motore extrinſeco in ordine ad propriam perfectionem; cū hæc potius ſita ſit in perſeuerantia in loco naturali, ſed neque eſt ſinis extrinſecus, in quem motus circularis terræ ordinari poſſit, ſicut cõtingit in motu cæleſti, igitur terreſtris globus nulla ratione in orbem ciẽtur, id quod ex dicendis amplius conſtabit. In vniuerſum tamen, quod terra in medio mundi nulla ratione moueatur, probari poteſt primo ex ſacris literis, quæ omnimodam terræ immobilitatem videntur planè commendare. De ea enim dicitur Pſal. 74. *Ego confirmaui columbas eius, Iob 26. Qui appendit terram ſuper nihilum* Sed expreſſius Pl. 92. *Firmauit orbẽ terræ, qui non commouebitur* Idem habetur Pl. 103. *Fundaſti terram ſuper ſtabilitatem ſuam, non inclinabitur in ſaculum ſaculi* Et Paralyp. cap. 16. *Deus fundauit orbem immobilem.* Quid expreſſius pro præſenti inſtituto? Ratione probatur de motu recto: nã aut terra mouerẽtur in medio mundi motu recto per propriam virtutẽ, vel ab extrinſeco motore: neutrum dici, oſteſt, quicſcit igitur omnino. Antecedens probatur, quia virtus motiua naturalis terræ eſt ſola grauitas, ſed hæc ſolũ poteſt eſſe principũ motus deorſũ, ergo per eam nequit terra ſurſũ aſcendere. Alit ſi terra in cẽtro mundi

da moueretur per lineā rectā, plane ascenderet, siquidem à centro mūdi omniū locorū infimo recederet, accederetq; ad locū cælo propinquorem ac eleuatorē: proinde igitur repugnat naturæ viribus in centro terrā motu recto moueri à proprio pōdere, & tamē illi non cōuenit alia vis motrix, cū vni corpori simplici vna motiua facultas, vniūsq; naturalis motus tantū competere possit, sicut cōstat, partibus ipsius terræ cōuenire. Quod autē ab extrinseco terra in cætro nō cietur, ex eo liquet primo, quia talis motus esset violentus, vt pōte ab extrinseco impressus, terra ipsa proprio pōdere reluctantē, ac per consequēs nequiret esset diuturnus. Deinde nō apparet, quā terra extrinsece impelleretur, cum nō sit aliud corpus grauius, quod eā cogat, locū infimū descendere, nec à cælo is motus prouenire potest; si enim cæli raperet terrā nō lineā rectā, sed in orbē secū ferret. Denique hāc partem efficacissimē suadet experimēta illa Mathematicorū in secūlo argumēto adducto ad motū circūlarē terræ relegātā.

Hæc secūda sententiā cōmunis Philosophorū verissima est, terrā siquidem immobilitatē, & natiua eius grauitas, & inclinatio persuadēt, & experientiā indicāt, & relata Scripturæ testimoniā ita cōfirmant, vt prædictū à terrā motū excludere necesse videatur, vnde, quæ de motu trepidationis ab aliquibus Philosophis dicta magis ostendunt, disputantium acumen, & argumentum exercent ingenia, quam fidem mereantur, & terræ trepidationem stabiliant.

Et probatur primo, si enim terra cuiusuis ponderis accessu aliquo modo trepidaret, quo maior fieret additio, maior resularet motus, qui nullo modo sensibus posset occultari, & cū tam multiplex sit indequaque in variis terræ partibus ponderis additio, vt dum copiosissimi

exercitus inter se præliantur, aut magnis ventorum flatibus, turres, aut cacumina montium concutiuntur, aut terra paulo ante sicca pluuiā lib⁹ aquis madida se ipsa grauior existit, tam multiplex, variæque esset terræ trepidatio, vt non minus illa trepidationis motu, quā ventorū flatribus vnda maris hinc inde agitaretur: at terra nec trepidare, nec contremiscere sētitur: quis enim ex his, qui hoc astruūt huiusmodi trepidationem expertus est, quo solum argumento Pythagoricū illū cælestium orbū concentū reiecit Arist.

Probatur secundo ex solitis terræ motibus, qui per vim terræ solent accedere ex ingenti copia exhalationū terræ cauernis inclusa, siue ibi genita, siue aliūde delata, quæ Solis ardore, & maxime ratione antiperistasis introrsus collecta nimis rarefit: quapropter sursum ascendere conatur, oculo suo ralen exitu, nec patentibus meatibus superpositam terræ partem magno impetu, nec sine ingenti strepitu interdum cōcutit, agit, sursumque ascendere cogit, de quibus ex instituto differit Arist. 2. Meteororum, c. 7. & experientia patet cū aer terræ inclusus conatur eripere sæpe concussis montiū fundamentis, & euulsa magna terræ parte, etiā vrbibus excidio est, soli illam partē terræ, quā sua commotione cōcutit, & eruptione labefactat, contremiscere; reliquas vero etiā si propinquæ sint, omnino quietescere, nullusque est huiusmodi violentus motus, qui non percipiatur. Quis ergo dicat minutissimi ponderis additionē, hanc terræ bilancem in alteram partem vergere: tanta vero erumpentis aeris concussionē eiusdem terræ motum non posse sentiri.

Probatur tertio, ex doctrina Aristotelis qui l. 2. de cælo in fine docet, cōturbationem esse, terræ propriam quietem nō concedere, sicut igni in propria sphaera,

& c. eiusdem li. docet, ex eo quod cælū circulariter mouetur, egere centro immobili, & l. 4. c. 5. docet, terrā in superum locū non tendere. Testimoniis autem eiusdem Aristotelis, quæ in contrariū citari solent facillime potest satisfieri, de impulsu enim virtuali, & de propensione naturæ terræ ad suum cent. ū accipienda sunt, vt legēti aperte cōstabit. Illis enim Philosophus terræ propriā quietē potius probat, quā aliquē ipsius motū stabilitat.

Probatur quarto, quia globus ex terra, marique compactus (vt altitudines montiū, valliū que depressiones manifestāt) non mathematicè, sed physicè cōsiderā- dus est, quāuis ergo addito, aut detracto quolibet pondere centriū terræ mathematicè sumptum variari concedamus, & ita censeatur terra ponderibus librata suis, ex mathematica cōsideratione mo-

tus physicus eliciendus non est, sicut ex non dissimili argumentatione malè inferebat Zenon. 3. Phys. impossibilitatem motus per continuū ob infinitatem partium & punctorum, quæ redderet spatiū impertransibile, quem Arist. confutauit, & nos, nostra, ipsiusque experientia facillime confutamus, qua experimur nos moueri, & spatium quodcumque pertrāsire, ita adstruentes, talē trepidationem nostrā & ipsorum quiete conuincemus.

Naturæ ergo grauitas terræ (cum maxima sit) efficit, vt ea locū maxime à cælo remotum, hoc est, medium mundi appetat, & naturali nutu eo feratur, ibique fixa conquiescat, ne aliorum, nisi per vim educi possit: siquidem oporteret illam, quocūque motu vel trepidatione cætero vergeret, contra naturam ascendere.

ARISTOTELIS STAGIRITÆ, DE CÆLO ET MVNDO.

LIBER QVARTVS.

Prosequitur Philosophus in hoc li. 4. eandem simpliciū corporū disputationem, de eorum præsertim facultatibus motiuis, grauitate scilicet, & leuitate accurate tractās, nec nō de locis, ad quæ his virtutibus ferūtur, & hic est præsentis libri scopus, qui proinde longiori non indiget præfationcula.

CAPVT I.

Textus Aristotelis,

De graui autem atque leui, quid est vtrumque, & quenam est natura ipsorum, consideremus oportet, &c.

Breuis expositio textus.

Postquam Philosophus in capitis limine demonstrauit disputationem de elementis quatenus grauiā, & leuiā sunt, ad naturalem Philosophum propria pertinere, cum ad motum ordinentur, cuius consideratio, ad illum spectat, docet graue, & leue non comparatè solum accipi debere, vt antiqui vsurparunt, sed etiam absolute, pro eo scilicet, quod naturaliter tendit in medium, & quod à medio sursum fertur. Sine fundamento enim antiquiores aliqui inficiati sunt, dari locum sursum, & deorsum: extremitas namque, quæ est ad concauum cælestis

lestis

lestis sphæræ, plane sursum existit, deorsum vero, quod illi respondet in medio vniuersi.

CAPVT II.

Textus Aristotelis.

Eorum igitur, qui prius ad horum considerationem venerunt, &c.

Expositio textus.

Refert Aristoteles in hoc capite aliorum Philosophorum placita circa corpora graua, & leuia, qui quidem non exposuerunt, quid graue, aut leue sit absolute, sed comparate ad alia. Plato in Timæo asseruit, grauius id esse, quod ex pluribus partibus eiusdem generis constat; leuius, quod ex paucioribus: quod ex eo coarguit Arist. quia nullam facit mentionem de corpore simpliciter graui, & leui; cum tamen ista alterius natura priora sint: deinde, quia ex eo sequeretur, quod maior ignis plus grauitatis haberet, minor plus leuitatis: immo & maior portio aeris grauior esset, quam minor aquæ, quod patet esse falsum. & ideo Democritus, & Leucippus propius ad veritatem accedentes, arbitrati sunt; causam grauitatis, & leuitatis esse solida in aliorum compositionem venientia, ita tamen ut grauitas à pleno corporum proueniat, lenitas vero à vacuo corporibus intercepro. Quod ut insufficiens refutat Arist. Potest enim esse maius solidum cum maiori vacui copia, & in magno igne tot possunt esse partes solidæ, quot in exigua terræ portione: cum tamen hæc grauior sit, vel ipso testante experimento, nonnulli, qui vacuum negarunt, aut grauitatis, & leuitatis non meminerunt, aut illorum causas non attingere.

CAPVT III.

Textus Aristotelis.

Nos autem primum id definiamus oportet, &c.

Expositio textus.

Acceedit iam Aristoteles ad propriam sententiam explanandam, & prius supponit lationem, sicut alij motus versari inter contraria, & non è quouis in quoduis tendere, & lationis sursum, & deorsum, non omnia corpora capacia naturaliter esse, sed graua dumtaxat, & leuia, quæ ad hos motus, & illorum terminos, dicuntur esse in potentia, & ideo per illos perfici, dum à generante mouentur, quia proprius locus propria corporis perfectio est, continens enim habet rationem actus, & perfectionis: graua igitur & leuia deorsum feruntur, & sursum, quia ad talem motum facultatem naturalem grauitatis, & leuitatis sortita sunt, & quidem valde perfectam, & ideo latius absolutissimus motus est, utpote ortus à re suam perfectionem, absolutionemque obtinente. Ratione ergo harum facultatum corpora in loco inferiori, vel supero, consistunt, aut ad illa tendunt, nullo existente impedimento; & quia hæc virtutes cum substantialibus formis à progenitoribus concessæ sunt, ideo motus grauis & leuis à generanti prouenire dicuntur.

CAPVT IV.

Textus Aristotelis.

Differenzias autem, & in qua accidunt circa ipsa, nunc dicamus oportet, &c.

Explanatio textus.

Assignat Aristoteles discrimen simplicium corporum inter se, prout graua, & leuia sunt, quorum aliqua, terra scilicet, & ignis, simpliciter graua, & leuia existunt: alia vero, ut aer, & ignis talia sunt comparate, leuia scilicet, collata ad terram, & graua comparatione ignis, quas affectiones mixta participant pro diuersitate simplicium, ex quibus constant. Quod autem ignis sit leuis

fin.

simpliciter, & terra simpliciter grauis, ex eo probat Arist. quia ille super omnia corpora naturæ impetu fertur: hæc vero ad medium vniversi omnium infimum, vnde nec ignis aliquid grauitatis, nec terra leuitatis quidpiam continet: sed hæc summe grauis, summe leuis ille cēseri debet, siquidem ad extrema loca opposita pergunt, quæ determinatæ existere compertum est; tum quia nequit corpus in infinitum, & in indeterminatū tendere, tum quia quo magis leuia ascendant, & descendant grauia, minus inter se distant, per æquales angulos sibi appropinquando, ac proinde coniungi in aliquo puncto remoto obice necesse est. Inter extrema autem pugnantiæ medium dari oportet, quod vtriusque naturam sapiat, huiusmodi est graue, & leue comparatē, aer scilicet, & aqua: inter quæ simplicia corpora is seruatur ordo, vt superius, & perfectius rationem fortiatur formæ, vt pote continens, ac terminans, quod eorum materiis suo modo conuenit, pro vt diuersas elementorum formas in potentia habent, etsi secundum se eiusdem naturæ sint.

ue est simpliciter, omnibusque substat. Oportet autem duo alia intermedia esse, quæ medio modo se habeant, & extremorum naturam participant, ac proinde grauia & leuia sint comparate: & totidē sunt materiæ affectæ quadruplici dispositione, non solum primarum qualitatū, sed grauitatis etiam & leuitatis. Ex elementis media, inquit Arist. in propriis locis grauantur, si enim inferiora elementa subtrahantur, tendunt deorsum, vt aqua in locum terræ, & in locū aquæ aer: cum tamen sursum non ascendant, nisi ad supplendum vacuum, habent enim materiam in hoc similem terræ: terra vero in superum locum non tendit, neque ignis in inferiorem, quia nec illa in proprio loco leuitat, vt pote summē grauis, nec hic grauitat, quippe summē leuis; quatuor igitur sunt differentię qualitatum motricium, & totidem materiæ, secundæ videlicet quadruplici vi motiua affectæ.

CAPVT VI.

Textus Aristotelis.

Figura autem causa non sunt, vt aut sursum, aut deorsum absolute ferantur, &c.

Expositio textus.

CAPVT V.

Textus Aristotelis.

Id igitur, quod talem materiam habet leue est, semperque sursum fertur, &c.

Breuis expositio textus.

EX Superius dictis infert Philosophus, quaternarium elementorum numerum, quia corpus habens materiam perfecte dispositam ad leuitatem est simpliciter leue, & omnia supereminet, quod vero contrariam habet affectionem gra-

Aliquorum sententia reiecta, duplicem dubitationem Aristotelis proponit, & soluit in hoc capite. Falso itaque existimarunt nonnulli, figuras in causa esse, cur alia sursum, deorsum alia ferantur. Licet enim figuræ multum cōferant ad motuum celeritatem, & tarditatem, ipsos tamē motus per se haudquam efficiunt. In dubium deinde vocat Philosophus cur graue corpus latæ figuræ aquis innatet, cum tamen aliud minus

M m

graue

grauē rotunda, seu oblonga figura præditum submergitur? Cur item particulæ grauium corporum in aere suspensæ volitent? Quibus dubiis respondet Aristoteles reiecta solutione Democriti, id reducentis ad atomos calidas ab aqua emissas vtriusque rationem esse, inquit, quia vt corpus per aerem, vel aquam descendat, ea diuidit, & rumpit, sed corpus latæ figuræ difficilior diuidit elementum subiectum, quam alia aliis figuris prædita, cum sua latitudine multum de subiecto corpore comprehendat, quod proinde magis sectioni resistit: minutissimum etiam corpus in aere suspensum minoris virtutis est ad distrumpendum aerem, vel aquam, quam hæc, vt diuisioni repugnent. Mirum ergo non est, si suspensa sustineantur.

QVÆSTIO I.

De natura grauitatis, & leuitatis simplicium corporum.

OMnia, quæ his sex præcedentibus capitibus tradit Aristoteles, duplici quæstione examinanda sunt, ita vt nihil eorum, quæ ad naturam facultatum motricium elementorum enodandam spectent, missum faciamus; & in hac quæstione breuiter explananda est natura grauitatis, & leuitatis. Quid scilicet grauitas, & leuitas sint, & quomodo inter se, & ab aliis differant, circa quod communis sententia est, grauitatem, & leuitatem esse qualitates secundæ speciei realiter, & specie distinctas inter se, & à substantia. Primum probatur, quia istæ virtutes sunt principia immediata lationis à medio, & ad medium. Ast omnis facultas, quæ est principium proximum

operationis, spectat ad secundam qualitatis speciem, cum potentia sit, vel in potentia, ad eam igitur pertinet grauitas, & leuitas. Quod vero realiter distinguantur à substantia, & inter se, demonstrat mutua separatio experimento comperta. Est enim leuitas in vno subiecto, & grauitas in altero, & vtraque deperditur, aut remittitur, eadem persistente substantia aquæ, verbi gratia, vel aeris: immo è contrario etiam euenit, vt videre est in speciebus consecratis, in quibus grauitas, & leuitas percipitur, cum tamen substantia panis, & vini iam euauerit. Cuius ratio à priori est, quia grauitas, & leuitas teste Aristotele secundo de partibus animalium, cap. 1. totaque annuente schola Philosophorum, consequuntur qualitates actiua elementorum. At hæc separari optimè queunt à illorum substantiis, & inter se naturæ viribus, & separatæ existere absoluta factoris leges: igitur, & facultates istæ motiua vtrunque habere possunt, ac proinde realiter à substantia, & inter se distinguuntur, vt res à re: hoc enim euidenter conuincit mutua extremorum separatio. Denique quod grauitas, & leuitas specie inter se differant, probatur (à substantia enim non modo specie, sed & prædicamento dissidere nullus iam ambigit) primo ex Aristotele qui id expressè docuit 5. Physicorum cap. 6. lib. 8. c. 8. & lib. 1. de cælo, cap. 2. & 3. vbi D. Thom. & cum illis omnes alij Doctores. Deinde ratione, quia hæc facultates consequuntur per se corpora essentialiter diuersa, & diuersam semper exigunt primarum qualitatum temperiem in ordine ad diuersum motum locumque diuersum, & oppositum occupandum: essentialiter ergo inter se differunt. Ex principiis enim adeo diuersis in ordine ad fines, & effectus etiam diuersos, nequit per se eadem

628

vis ortum ducere. Idque confirmatur ex diuersitate motuum sursum, & deorsum, quorum sunt principia: vel enim, vt s. Physicorum quaest. 1. probauimus, hi motus differunt specie, vel saltem modus adeo diuersus causandi illos sufficiens est ad distinctionem specificam principiorum inter se inducendam, aut inferendam.

Rogauit fortasse quispiam, an grauitas terræ, & aquæ specie inter se differant, & similiter lenitas ignis & aeris: & affirmantem partem multis probant recentiores aliqui, quorum præcipuum fundamentum est, quia grauitas terræ, & aquæ (& idem est de leuitate ignis, & aeris) à diuersis principiis essentialibus, & à diuersa primarum qualitatum temperie, per se dimanant, ac in diuersa loca natura sua inclinant, nempe grauitas terræ ad centrum vniuersi, grauitas vero aquæ ad superficiem connexam terræ: igitur specie inter se differunt, ob hanc enim rationem specie distinguitur grauitas à leuitate. Cõfirmatur, quia grauitas aquæ, & lenitas aeris non sunt simplices facultates, sed mixtæ; grauitas verò terræ, & lenitas ignis simplices sũt. At facultas simplex, & mixta nequeunt esse eiusdem speciei, vt in aliis omnibus per se patet, igitur nec grauitas terræ, & aquæ, aut lenitas ignis, & aeris eiusdem sunt speciei. Maior videtur expressa ab Arist. cap. 4. & s. proximè præcedentibus, asserente aerem, & aquam partim esse grauiam, partim leuiam, & extremorum naturam participare, quæ quidem elementa extrema simpliciter talia sunt; id quod ex eo etiam constat, quod aqua à loco terræ ascendit, & aer à loco ignis descendit: facultas ergo motrix cuiuslibet elementi medijs principium est motus sursum, & deorsum, ac proinde mixta, & specie distincta à facultate cognominata elementi extremi.

Mihi tamen probabilior semper est visa opposita sententia, quam tradit Philip. vt refert Simplicius 2. huius operis commentario 11. & communiter recipiunt recentiores. Ratio verò, quæ me ad hoc asserendum impellit, sic efformatur. Nefus est multiplicare entitates, perfectionesve essentielles, nulla urgente necessitate; at necessitas nulla cogit constituere duas grauitandi, aut leuitandi potentias specie distinctas, fas igitur nõ est, eas distinguere. Minor in qua tota posita est difficultas elucidatur, quia grauitas, teste Arist. cap. 1. huius libri, & sequentibus, cui omnes consentiunt, est principium motus deorsum, seu ad medium, & lenitas principium motus sursum, seu à medio: grauitas terræ, & aquæ sunt principia motus deorsum eodem modo, & lenitas aeris & ignis, motus sursum: ergo non sunt ponenda principia specie diuersa. Minor proxime præcedens demonstratur, quia pars aquæ è superiori loco dilapsa innato pondere seorsum fertur per eandem omnino lineam, qua descenderet terra indidem emissã, solo intercedente discrimine maioris, vel minoris velocitatis, quod certum est non sufficere ad distinctionem specificam principiorum inferendam. Confirmatur, quia grauitas aquæ non solum est principium naturale motus deorsum, sed etiam motus ad centrum vniuersi, quantum est ex se, si grauius aliud corpus non supponatur: igitur natura sua est causa motus deorsum in eundem locum, & eodem modo, ac grauitas terræ, ac proinde eiusdem speciei cum illa. Illustratur antecedens, nã si terra superna vi à loco inferiori extraheretur, vel corrumpeteretur, aut in ea foramen aliquod ad centrum vsque mundi constitueretur proculdubio aqua lux relicta naturæ, ea, qua pollet grauitate, ad cetera

occupandum descenderet; ex quo euidēter inferri videtur, grauitatem aquę, & terrę eiusdem esse speciei, & solum accidentaliter differre penes maiorem vel minorem intensionē, & idem prorsus est de leuitate ignis, & aeris, id quod ex solutione fundamenti oppositę sententię constabit clarius: cuius prior antecedentis pars distinguenda est: principium enim grauitatis terrę, & aquę tam remotum quàm proximum diuersum essentialiter est secundū se, & quasi materialiter, non tamen formaliter, & in ratione principij illius: est enim substantia aquę, & propria primarum qualitatum coniunctio grauitatis principij in ordine ad motum deorsum eiusdem omnino rationis cū motu naturali terrę, ac proinde in ratione formali principij vtręq; conuenit. Quod autem additur de locorum diuersitate, ex dictis constat, esse intelligendum ex suppositione, quod terra grauior in centro vniuersi constituitur, secus verò si inde extrahatur aut locus detur aquę descendenti, tunc enim ad centrū vique aqua pertingeret, quod aliter accidit in corpore leui, & graui, vt per se constat, & ideo grauitas, & leuitas specie inter se dissident, vt diximus. Ad confirmationem verò negāda est prior pars maioris propositionis, quod scilicet grauitas, & leuitas aquę, & aeris mixtę sint, quoniam potius sunt omnino simplices, vt contra Niphiū, & alios docet Marsil. 2. de generatione qu. 7. Albert. de Saxon. lib. 3. de celo qu. 1. & supponit D. Tho. lib. 1. huius operis lectione 4. & amplectuntur recentiores. Probarique potest, tum quia qualitas mixta secunda est propria corporis mixti, supponens mixturem primarum qualitatum contrariarum, tum, quia Auctore Arist. 1. de celo c. 2. corpori simplici, quale est quodlibet elementum, conuenit motus sim-

plex: de huius autem ratione est, ab vni simplici potentia provenire. Aristotel. verò in confirmationem maioris adductus solum contendit, aquam non esse simpliciter grauem, & aerem simpliciter leuem comparisonē extremorum, hoc est aquam non esse maximē grauem, sed comparisonē terrę leuem reputari, non quia in se aliquid leuitatis habeat, sed quia minori grauitate quàm terra prædita est. Eo modo, quo in prædicamento qualitatū potentiam debilem comparisonē potentię perfectioris impotentiam appellauit. Cum igitur aqua à loco terrę ascendit, & descendit aer ab ignis loco, non à propriis virtutibus motiuis id enenit, sed ab extrinseco impellente, terra scilicet, aut igne, ratione maioris grauitatis, vel leuitatis: neque aliud principium confingere necessarium est, cum assignatum sufficiat, maximē cum grauitas non sit principium contrariorum motuum, & idem est de leuitate. Ascensus tamen aquę v.g. à loco terrę verò contrariatur descensui eiusdem ad eundem locum, immo ab eo differt specie, vt s. Physicorum probauimus, igitur nequeant provenire ab eadem grauitate, vel ab eadem leuitate, in quo nobis non probatur sententia Patrum Conimbriensium hic quęst. 2. art. 2.

Quinimo in vniuersum mihi verū videtur, nullā grauitatem, aut leuitatē, etiam mixtorum corporū propriē mixtam esse, sed simplicem, ac proinde omnes grauitates inter se esse eiusdem speciei, & omnes inter se leuitates. Probatum assumptum, quia licet grauitas, & leuitas possint simul eodem mixto corpori secundum diuersas partes, aut etiā secundū eandem in gradibus remissis, conuenire, & ex mixture quatuor primarū qualitatum ortum ducere; nunquam tamen grauitas secundum se dicitur propriē

MIXTA

mixta leuitati, neq; leuitas grauitati, neque hoc fieri potest, sicut, neq; quod calor secundū se misceatur frigori, utpote, quæ diuersæ qualitates sint, & ad effectus contrarios inclinantes. Quod autē subiectū mixtum sit, ac mixtione primarum qualitatum affectum extrinsecum est grauitati, & leuitati, & quod earum naturas, & entitates intrinsece non immutat: atque adeo grauitas, & leuitas secundum se semper sunt qualitates simplices, sicut calor, & frigus; ac proinde grauitas quælibet quantumuis remissa, & simul existens in subiecto cum leuitate, semper est eiusdem speciei, & leuitas similiter. Quamuis verum sit, has facultates extrinsece dici posse aliquomodo mixtas, scilicet ratione subiecti mixti, & mixtionis primarum qualitatum, etsi in se maneant eiusdem rationis semper, subiectum tamen utranque participans, aut virtus motiua illius, quatenus grauitatem, & leuitatem complectitur, proprius rationem mixti sortiuntur. Ex quibus constat, ea quæ diximus de grauitate, & leuitate simplicium corporū optimè adaptari posse grauitati, & leuitati mixtorum secundum se, quæ ex illis coalescunt.

QVAESTIO II.

Quomodo elementis facultas motrix conueniat, & an in naturalibus sedibus grauius sit, vel leuius.

Circa priorem propositæ quæstionis partem, paucis statuamus oportet id, quod communi Doctorum calculo cum Arist. cap. 4. proxime præcedentis recipitur, videlicet ex elementis duo esse leuia, duo graua, alterum summe & simpliciter leue, alterum summe & simpliciter graue, id quod hac ratione demonstrari potest. Nam illud corpus dicitur graue, ut etiam tradit Aristoteles 1. huius operis capitul. 3. quod ad medium mouetur;

& alijs naturaliter subest; leue vero, quod mouetur à medio, & alijs supereminet sed terra, & aqua ad medium feruntur, aerique, & igni subesse exigunt, aer, & ignis ciuntur à medio, & alijs naturæ lege præeminent: illa igitur graua, leuia hæc asseramus oportet. Præterea ex eodem Aristotele supra, grauisimum corpus, seu quod idem est, graue simpliciter, est quod alijs omnibus substat, leuissimū vero, aut leue simpliciter, quod supereminet omnibus, quæ sursum feruntur: at illud tantum conuenit terræ, hoc igni, ut per se constat, cum illa ad centrum vniuersi, hic ad Lunæ concauum sponte propria feratur: igitur elementum terræ summe graue, ignis vero summe leue necessario existit: hoc autem intelligendum est de elementis suæ naturæ relictis, aut in suā puritate, sic enim nihil terra grauius, aut igne leuius reperietur, cum eorum beneficio mixta graua, & leuia existant. Secus est, si viciniorum elementorum cōcretionem permixta sint, & ideo plumbum, aurum, argentum, & quædam alia grauiora sunt terra, quæ apud nos est, non tamen terra prope centrum oblescente: terrestri etiam ignis, ad concauum Lunæ non ascendit, & propter contrariorum obfistentiam, & ob exhalationem terrestriam per mixtionem.

Præterea animaduertendum est, duo elementa media non excludi à ratione summe grauitatis, & summe leuitatis, ex eo quod aqua aliquid habeat leuitatis, & aer aliquid grauitatis: hoc enim plane falsum est, alioqui non conueniret illis motus simplex, cum hic à virtute motrici simplici effici debeat, supra ex Aristotele tradidimus, & hæc elementa non simplicia corpora, sed mixta potius essent appellanda: nec ad vnum tantum locum per vnā simplicem lineam nata essent moueri, quæ plane absurda sunt,

& naturæ corporis simplici manifeste contraria. Dicuntur igitur elementa media, & nō summe, aut simpliciter grauiā, nec leuiā, quia medium sua natura exigunt locum, & non subesse omnibus, aut præminere: ob quam tantum rationem appellantur ab Aristotele cap. 4. leuiā, vel grauiā comparatē, quia sedes elemētū mediij respectu inferioris superior, respectu superioris inferior merito dicitur, vnde virtus motiua aquæ comparatione terræ quodammodo leuitas appareret, quia ad locū supra terram inclinat, relate tamen ad ignem, vel aerem grauitas nuncupatur, quia ad inferiorem locum ducit, & idem est de facultate motrice aeris, si conferatur ad extrema elementa, vt pater: secundum se tamen, ac simpliciter terra grauis est, leuis aer, vt diximus.

Ex dictis inferre licet, quinam motus naturalis sint elementis, qui violenti, qui præter naturam; in vniuersum enim quoties elemētum graue descendit proprio pondere naturaliter mouetur, vt-pote innata facultate, idem est, quoties leue ascendit: cum tamen graue sursum, deorsum leue tendit, per vim id accedit, nisi forte ad supplendum vacuum id cōtingat, si quidem in eo casu motus euenit à principio extrinseco passō proprio pōdere actiue renitente, quod verum habet de quolibet ascensu grauis, & descensu leuis, etiam si aquā à loco terræ ascendat, descendat aer ab ignis sphaera, semper enim eiusmodi motus erunt contra internum impetum propriæ grauitatis, vel leuitatis, quæ determinate sursum inclinat, aut deorsum, vt diximus qu. 1. si vero motus eueniat circa propriam elemētū locum, ita vt nec sit ascensus, nec descēsus, sed partes cum eadem prorsus distātia inter se, & ad centrum, qua reliquæ quiescerent omnino, in orbem moueā-

tur, vt contingit in motu, quo ignis rapitur ab orbe lunæ, eiusmodi motus, nec naturalis, nec violentus dicendus est, sed præter naturam, quia nec à principio intrinseco actiue, nec passiuo, cum ad id elementum nullatenus inclinetur, nec ab extrinseco cum reluctancia passi, cum nec sit contra virtutem motricem elemēti propriam, neque alia virtus obfistēs appareat. Superest igitur, illum motum futurum præter naturam, elemēti, hoc est nec natura ipsa exigente, neq; renitente. Ex quibus principijs haud difficile erit, indicium ferre in specie de singulis elementorum motibus, quos sigillatim recensere, & operosum & inutile censeo.

Circa posteriorem quæstionis partem videtur fuisse sententia Aristotelis hic cap. quarto & quinto asserentis, aerem, & aquam in proprijs locis grauitare, deorsumque propendere, id quod hisce probat argumentis: Quia vtres aere pleni grauiores sunt, magisque deorsum propendent, quā ipsi sine aere, quod quidem aliunde præuenire nequit nisi ex eo, quod aer grauitet in proprio loco. Præterea lignum centum librarum velocius per aerem descendit, quā plumbi libra, cum tamen plumbum vnius libræ celerius per aquam descēdat, quā lignum eiusdem ponderis. Ast hoc nequit euenire, nisi quia lignum plus aeris in poris continet, quam plumbū, qui quidē in propria regione deorsū tēdat, & ideo plus aeris velocius corpus vehit, minus autē impellit in aquā, & ideo per eam plumbum celerius descendit, quia minus aeris cōtinet, & melius à grauitate aquæ deorsū conantis impellitur: igitur aer, & aquā in proprijs locis grauitat. Hæc adduxit Aristot. ca. 4. confirmat id ipsum cap. 5. ex eo quod, vt experimento com-

compertum est, aer substracta aqua naturaliter descendit, & similiter aqua, si terra ei extrahatur: fateamur ergo necesse est, elemēta media in suis locis sepe grauitare, atque deorsum niti.

Communis tamen, & vera sententia tenet, nullum elementum in naturali sede grauitare, leuitareve. Ita sentiunt Mathematici fere omnes cum Archimede, & Ptolomæo, & fere omnes Philosophi Peripatetici cum Simplicio, Themistio, Syriano, & Alexandro hic, ita ut iam ut commune circumferatur axioma, elementa in propriis locis nec grauitant, nec leuitant. Vnum legi Villalpandum, qui oppositam tueri sententiam tentauerit 4. de coelo c. 5. sed adeo rationis momēto, & robore tam destitutam competit, ut coactus fuerit, liberam cuique facultatem concedere tutandi quam maluerit. Probat ut ergo hæc communis sententia experimento, & ratione: experimento quidem, quia nullus non expertus est aerem non degrauare nostra capita, & qui sub aquis natant, aquæ pondus non experiuntur: si vero aer; & aqua in regione propria grauitarent, & deorsum niterentur, non possent non subiecti homines onus magnum sentire, sicut sentiunt, qui terram, vel aquam à proprio loco extractam sustinent. Probat ut ratione, & primo de elementis extremis certa apud omnes videtur conclusio, quia neque ignis habet quo ulterius ascendat, neque terra quo plus descendat. Igitur neutrum eorum in propria sede ascendere vel descendere conatur, esset enim frustra talis conatus, & ad terminum naturaliter impossibilem. In vniuersum tamen probatur, quia singula elementa mouentur ad propria loca tanquam ad propriam perfectionem, ut illis optata fruantur quiete, & illis adeptis quiescunt: igitur virtus motiua naturalis illo-

rum ad hunc solum terminum propendet, & inclinatur: hoc ergo adeptum non erit principium ultra tendendi, atque adeo repugnat, quod si elementa in propria sede perfecte constituta sint, ulterius cieri naturaliter nitantur grauitando, aut leuitando, alias aut illa non esset propria elementi sedes, ut supponimus, aut elementum haberet naturalem virtutē descendendi à proprio loco, & tendendi in extraneum: quod planè est absurdum, cum elementis solum sit concessa motrix facultas ad proprium locum, quæ est grauitas, vel leuitas. Dixi si in propria sede perfecte collocentur, si enim aliqua ex parte à proprio loco extrahantur, ita ut aliqua pars ponderis, aut leuitatis non æquè distat à proprio centro, propriæ sphaera, grauitabunt proculdubio, aut leuitabunt. Experimur namque grauia ubi-
cunque sint superiorem locum leuius, aut minus grauius concedere, & è contrario, ut constat in terra supra aquam, aut aerem, ignemve posita, & in aqua, aere, & igne terræ meatibus compressis: quod quidem non aliter euenit, quam mutuo grauium descendentiū, leuiūque ascendentiū conatu, & motu, id quod etiam in mixtis videre est, ut in liquoribus, quorum aliqui, quia leniores grauioribus innatant, grauiores vero alijs subsidunt. Cuius experimenti ratio est, quia natura grauitatis iure suo exigit ad centrum, quo proximius possit, accedere, usque quiescere naturaliter potest, donec id assequitur perfectè, ita ut centrum grauitatis simul, cum centro vniuersi existat, & grauitatis partes æque ab ipso distent, proportionē seruata grauioris cum minus graui, & idem prorsus est de leuitate in ordine ad locum sursum: ita tamen, ut si subtraheretur grauior pars, aut leuior,

dior, minus grauis, & minus leuis à propria virtute moueretur, donec illa centrum vniuersi, hæc Lunæ concauum pertingeret, vt supra monuimus.

Superest, satis faciamus argumentis in contrarium adductis, quæ quidem parum negotij facessunt. Ad primum enim dicimus, idcirco vtres aere plenos grauioribus existere, quia aer circa terram degens impurus est, terrestribus scætes halitibus, & corpusculis, vt in Solis radio videre est, secus vero contingeret, si puro ac elemētari aere adimpleretur. Ad secundum verumq; fatemur experimentum, in se sciamur tamen, causam illius esse rationem, quæ in argumento assignatur, quin potius ideo huiusmodi lignum velocius per aerē descendit, quam plūbi libra, quia grauitas ligni excedit grauitatem plumbi multitudine materię, atque pluralitate partium extensionis, quæ ad perfectiorem operationem, conducunt. Leuitas item aerea ligno existens nō retardat descensum grauitatis, quia aer in propria sphaera non leuitat, per aquam tamē velocius descendit plūbū, tum quia minus aeris leuitatis continet, quæ ipsum detinere possit, ne deorsum labatur: tum quia pauciores aquæ partes comprehendit, & diuidit, quæ proinde minus diuisioni resistunt. Ad vltimum Patres Conimbricenses hic quæstione secunda articulo secundo cum aliquibus recentiorib; negāt, aquā substracta terra, ne aerē extracta aqua descensurum proprio pondere, nisi vacui periculū imminuat. Mihi tamē, vt supra dixi, verius apparet, aquā in sita grauitate descensuram ad centrum vsque vniuersi, si terra inde

extraheretur, saltem em ex parte, ita vt foramen aliquod vsque ad centrum constitueretur, grauitas enim quælibet est naturale principium motus deorsum, donec vniuersi centrum perfecte obtineat, aut per se ipsum, aut per centrum grauitatis corporis, in quo est, ita vt sub se leue aliquid, aut minus graue non pariat: fatemur ergo argumento, in eo casu, aquam descensuram naturaliter à propria virtute, aerem vero, solum ad supplendum vacuum vniuersali virtute, ex se enim vt pote leue solum ferri potest sursum, inde tamen nequaquam infertur, aliquid ex his elementis in propria sede, quando grauius supponitur, & eminet leuius, grauitate, aut leuitate, cum graue descendere non nitatur, nisi cum infimum locum non occupat, aut grauius non subiicitur, nec leue ascendere, nisi distans à loco supero, aut leuiori non supra posito. Quoad mentem Arist. attinet, plane in hac re illi aduersari proficentur vniuersi fere eius expositores cum Mathematicis. Mihi tamen satis probabiliter intelligi posse videtur, de elementis medijs non in sua puritate, sed vt apud nos sunt, cum ea, corporum, & halituum permixtione, qua ratione plane grauitate videntur. Et hoc probāt argumenta Aristotelis, vt expendenti constabit: & ideo hæc censenda est mens Aristotelis.

Et hæc de cælo & mundo dixisse sufficiat: vtinam Deo accepta, & studiosis nostris vtilia: cedantque in Dei gloriam, Virginis Dei patris, Angelicęque Doctoris S. Thomæ.



F I N I S.